

10805/B/1

E. LIBRIS
L. S. v. Praag.

442 **Alpino** (Prosp.) De Plantis Ægypti

Naturalis, 2 vols., sm. 4to, *numerous copperplates of Egyptian Animals and Plants, some folding, old vellum, backs trifle broken, 17/6*

Lugd. Bat., 1735

THE BEST EDITION, with the observations and notes of Vesling.

14 C. 15.

24749

Sample
11/15/52



Digitized by the Internet Archive
in 2018 with funding from
Wellcome Library

https://archive.org/details/b30524143_0001

PROSPERI ALPINI,

Marosticensis Philosophi, Medici &c.

DE

PLANTIS ÆGYPTI

LIBER

Auctus & emendatus.

Accedunt Tabellæ Æneæ LXXVII. Plantis summo artificio
incisæ; ut & Dissertatio ejusdem de LASERP-
TIO, & LOTO ÆGYPTIA.

Cum Observationibus & Notis

JOANNIS VESLINGII,

Equitis,

In Patavino Gymnasio Anatomiae & Pharmaciae Professoris
Primarii.

Accedunt Ejusdem

JOANNIS VESLINGII

Paræneses ad Rem Herbariam & Vindiciæ Opobalsami cum
Indicibus Necessariis.



LUGDUNI BATAVORUM,

Apud GERARDUM POTVLIIET,

MDCCLXXXV.

BRITISH MUSEUM

PLANTAE AEGYPTI

PLANTAE AEGYPTI

PLANTAE AEGYPTI



PLANTAE AEGYPTI

PROSPERI ALPINI
ÆGYPTI
HISTORIÆ NATURALIS

TOMUS POSTERIOR.

J O A N N I
M A U R O C E N O ,

ANTONII FILIO,

Patritio Veneto Clarissimo,

PROSPER ALPINUS S. D.

Plantarum cognitionem, Joanne Maurocene Clarissime, à magno illo Chirone Centauro, Saturni filio, vel ab Apolline, vel denique ab Æsculapio (quos pro Diis aliquando cæca mortalitas coluit) inventam, cum Pythagoras, Sapientia clarus tum alii prodiderunt. Posteaque perspectis ad corporum sanitatem ipsarum apud omnes admirandis viribus, multi non

D E D I C A T I O.

solum sapientissimi Philosophi, inter quos Democritus, clari nominis vir, istius scientiæ amore multas regiones peragravit, verum etiam maximi Reges (quorum nomina id significantia hucusque in aliquibus plantis conservantur) in earum studio plurimum insudarunt. Non est itaque, cur cuiuspiam miram videatur, si & ipse de Plantis, quas olim in locis Ægypti inspexi ac observavi, Librum a me conscriptum, nunc in lucem editurus, Tibi, Viro Generis Nobilitate, ac singularium virtutum claritate Illustri, dicare voluerim; cum præsertim omnium etiam disciplinarum studiis Te maxime delectari sciam. Speravi enim ex hac nova Stirpium Historia Te non parum voluptatis suscepturum. Accedit etiam, quod cum hic Plantarum Liber, quem una cum aliis Libris, de Medicina Ægyptiorum vocatis, Tuoque Illustrissimo Patri dicatis, nuper conjunxeram, nunc Studioforum commodò separatim sit edendus, Tibi, tanquam Patri, cui in primis una cum aliis fuerat destinatus, propriori offerendus erat. Quod eo libentius feci, ut plurimam in Te
quo-

DEDICATIO.

quoque ac reliquos Fratres, quibus semper
fui addictissimus, meam observantiam per-
spectam redderem. Accipe itaque, Vir
Clarissime, hoc Munusculum a me hilari
vultu (etenim, si majus quid, vel præ-
stantius, quo Te dignum scio, nunc ha-
buisssem, Tibi libentius adhuc obtulisssem)
atque ipsum ut a detractorum linguis de-
fendas, Te etiam atque etiam rogo, Vale
diu felix meique memor. Venetiis, Anno
Salutis humanæ MDXCII.

LECTORI OPTIMO.



Post Libros de Medicina Ægyptiorum, en Tibi, Optime Lector, Libellum exhibemus, qui est De Plantis Ægypti, quem primo cum illis Libris conjunxeramus, nunc vero tuis commodis consulentes, separatim inprimendum curavimus. Accipe igitur hilari animo Munusculum hoc meum, in quo id saltem assequuti videmur, ut, ob rerum varietatem & Peregrinarum Stirpium Historiam, atque earundem Effigies, egregie, ut opinor, delineatas, non indigna penitus elegantioribus auribus scripsisse arbitremur. Vale.

INCLITÆ NATIONI GERMANÆ

Theologorum, Philosophorum, ac Medicorum
in Lyceo Patavino.



Quod boni viri semper habitum fuit, pluribus prodesse, si me pro viribus conatum fatear, nihil vel à meo munere, vel à modestia alienum fecero. Quum enim curæ in primis mihi esset, ut quam adieram studio Spartam, si non locupletassem, aliquâ saltem ratione exornarem: meum de re literaria benè merendi studium non minus probatum iri censui, si eorum Monumenta in lucem revocarem, qui eruditorum consensu posteritatis famâ digni, quàm qui recens aliquam sibi laudis opinionem pepererunt. Utrumque dum adnitor, operâ sanè mihi digna sunt visa, quorum utilitatem etiam commendaret amœnitas. Instituto meo Icones Stirpium divitis Ægypti commodè obtigerunt, quarum Historiam Prosper Alpinus ingens sui ordinis nostrique Gymnasii ornamentum olim in publicum dederat. Quo ingenio testatur satis Libri genius,
† 4 *qui*

qui eâ aviditate exceptus; ut plurimis nunc annis ab eruditis, maximeque quos à nobis dividerunt Alpes, quovis pretio expetitus fuerit. Horum itaque commodis ac voluntati ut porrò satisfieret, desideratum diu Clarissimi Viri Opus longè quàm antea emendatius, novisque celeberrimi Doctoris & civis vestri Joannis Vestlingii Observationibus auctius profero. Quod verò inter cæteras potissimum Inclitæ Nationis Germanæ nomen præscripserim, summum ita suasit ejus in Auctorem studium, quod, nî fallor, earundem literarum similitudo conciliavit. Quis enim orbis angulus ita remotus, quem gens illa magnis cæptis nata non perlustrat? cui uberrimus improbi laboris fructus, quòd juxta divinam humanamque Sapientiam rei Medicæ, maximeque Herbariæ spatia cumulatissimè ampliaverit. Vos igitur, Generosa pectora, quorum laudatissima indoles majorum exemplis lætè succrescit, certum hoc mei in vestram virtutem obsequii & affectus argumentum habete. Deus nobilem confessum vestrum in Patriæ & Athenæi nostri decus perennem conservet. Patavii Cal. Januar. clcxxxxx.

D. D. V V.

Devotissimus

PAULUS FRAMBOTTUS.



PROSPERI ALPINI
DE
PLANTIS ÆGYPTI
LIBER.

CAPUT I.

*Cur de Plantis in Ægypti locis provenien-
tibus sit agendum.*

ALPINUS, GUILANDINUS.



QUINTA nunc agitur dies, ex qua in virida-
rium nos colloquendi causa convenimus,
in quo ubi medicinæ ejus, quæ penes Æ-
gyptios habetur, historiam ad finem per-
duxerimus, nihil aliud de illorum medicina
dicendum nobis superfuisse, arbitror. Quare
aliis nos sermonibus hac die in solito hujus
amœnissimi viridarii recessu, sub harum ar-
borum umbra sedentes, animum recreabimus. GUILAND.
Quid? an non etiam illorum locorum plantæ agnoscendæ sunt? de
quibus quidem te sermonem quoque facturum aliàs es pollicitus:
cum ipsarum historia, ob varias in medendo utilitates, ad ser-
mones hætenus de Ægyptiorum medicina inter nos habitos

A

maxi-

maximè pertinere videatur? nec enim minus ex his utilitatis, atque voluptatis, quàm ex illis nos esse suscepturos speramus; cum à nullo hæcenus illæ rectè observatæ, ac traditæ sint, maximeque quoad ipsarum veras icones, quas nemo profectò hucusque rectè & accuratè cognovit. Quod quidem ex Cassia Ægyptiaca, quam vulgus medicorum, fistulam, aut solutivam vocat, Paliuro Athenæi, quam ii Napca appellant, ex alcanna Avicennæ scilicet ligustro Ægyptio, Cypro à nonnullis dicto: ex balsamo, Acacia, Lycio, Tamarisco, Faba Ægyptia, Stratiote, atque aliis quamplurimis nostri temporis plantarum studiosis prorsus ignotis, plane est manifestum. Itaque Ægyptiarum plantarum sic ab omnibus desiderata Historia, non est à te nunc silentio prætereunda. ALPIN. Posteaquam te has plantas, quas loca Ægyptia producant, tantopere ex me audire delectat, cur ego tui observantissimus, tibi plane morem gerere non debeo? Illas igitur hac die, quoad potero, diligentius tibi omnes aperire tentabo, ac præterea quos hæc ad medendum usus apud eas gentes habeant. GUI- LAND. Nunquam equidem de plurima tua erga me humanitate, & benevolentia dubitare potui. Quare nihil optatius, ac gratius mihi contingere poterat. Pluresque ideo nunc tibi gratias habeo: tuaque erga me hæc animi promptitudo esset nunc multis laudibus efferenda, quod minime faciam, ne summam tuam modestiam offendam. At hæc nunc omittamus, neque in his hodiernum tempus conteramus. Ubi itaque in viridarii hujus amico recessu, quo Solis radii pertinere nequeunt, sub istac umbra confedimus, ut plantarum illarum historiæ principium facias tempus suadet; ac primum ab arborum narratione exordiens, de cassia fistula agito.

C A P U T II.

De Cassia fistula, Chaiarxambar vocata.


ALPIN. **C**assia fistula, quam Ægyptii Chaiarxambar appellant, est, arbor nuci, trunco, ramis, foliisque pro-



proxima, truncus corticem habet planum, mollem, atque cineritium, qualis omnino in crescenti nuce spectatur. Folia multo plura quam in nuce, alæ adligata pendent, in alis folia decem spectantur: totque ex qualibet ferè ala pendere observantur, utrinque ordinatim quinque posita; sunt etiam hujusce arboris folia nucis foliis duplo longiora, & in extremo aculeata. Flores fert aureos, multos, leucoiis proximos, sed multo majores, numerosioresque, florum anagyridis instar, alæ adligatos, ac pendentes: alæ siquidem omnes innumeris fermè floribus onustæ ac graves deorsum vergere cernuntur, sunt etiam hi valde odorati, præsertimque oriente Sole. Ægyptii diluculo per Cassiarum loca deambulare sæpius odoris causa consueverunt: quippe aura à cassiis, eximium ac gratissimum odorem spirantibus, ad ipsos delata, oblectantur. Apud illos enim florentes arbores aer matutinus perpetuò eximium, ac suaviorem odorem redolet. Flos quilibet in medium multa capillamenta, tenuissima, rosarum flosculis similia habet, quæ paulatim crescentia, in crassiores fistulas postea mutantur. Spectantur primo ipsa tenuissima, obliqua, ac obtorta, deincepsque magis perauicta, crassiora evadunt, ac magis recta, tandemque justam magnitudinem adepta, rectissima, ut Calami fiunt. Fistulæ majores cannæ crassioris magnitudine spectantur, atque duorum ferè cubitorum longitudine. Arbor florere incipit mense Junio, floret toto etiam mense Julio Alexandriæ & Cairi. Pelusii verò, nunc Damiatæ, cassias mense etiam Septembri florere vidi. Cannæ vel fistulæ toto anni spacio maturantur, totoque anno semper hæ in arbore manent, quas Ægyptii Junio tantum mense Cairi colligunt, quo tempore multæ, parvæ, recenter ex primis floribus productæ virides spectantur, phaseolorum filiquis valde similes: quæ paulo post crescentes, paulatim viridem colorem in nigrum commutant. Has recentes & parvas, virides aqua in primis ebullitas saccharo illi condiant. Quarum sic conditarum ingens copia in varias regiones asportatur. Quæ Pelusii in arboribus leguntur, corticem habent crassorem, & parum intus substantiæ obtinent. Cairinæ verò, & Alexandrinæ cortice constant tenuiori, mul-

taque substantia intus plenæ, ex quo hæ cæteris omnibus bonitate præferuntur. Quæ, ut aliàs quoque dictum est, duplicis sunt differentiæ: etenim aliquæ albæ subrubræ, quas Abes vocant, à colore illusce gentis, cernuntur: quæ sunt omnium optimæ, & aliæ nigræ. Quod de cassiis aliqui dixere, optimas cannas manibus concussas sonum non edere, ibi planè falsum observatur, quandòquidem omnes recentes motæ sonum edant, atque etiam in arboribus cannas à ventis motas, feminibus intus motis, multum sonum edere quotidie propè eas habitantes, audiant. Quod etiam dulces siliquæ faciunt. Quæ verò ex cassiis non sonant, ab Ægyptiis vituperantur, opinantibus id ob aqueam humiditatem intus collectam, vitiata pulpa accidere. Neque immaturæ colliguntur, ut aliqui referunt. Emuntur verò sæpessèpiùs ab advenis mercatoribus senio confectæ, cum ingens copia sæpè in ædibus ad eam rem paratis, annos ad usque quadraginta adservetur. Collectas enim ex arbore continuo in opportuna loca sic ii claudunt, ut nullus aër ingrediatur, cum ex minimo aëris contactu cassiæ corrumpantur. Hincque sæpissimè ad nos vetustate vitiatæ ac etiam acidæ mitti solent; quam ob rem rogatos esse velim omnes pharmacopolas, ac medicos, ne post hac se decipi sinant, & semper ex illis seligant recentes, quarum substantia subdulcis est, antiquasque acidum, ponticumque saporem sapientes effugiant. Ægyptii cassiis non utuntur recentibus, sed saltem post quartum mensem: quandoquidem juniores, recentioresque inutiles neque à noxa immunes observantur. Utuntur vero, atque nostri quoque faciunt, fistularum pulpa vel in bolis, vel in potione, parata. Est hæc pulpa quoad calorem temperata, atque humida supra primum gradum, bilemque, ac etiam pituitam à stomacho, atque venis mesenterii educit, & sanguinem calidiorem contemperat, atque puriorem reddit. Abissina vocata cæteris in urbe Cairi præfertur ad morbos biliosos, ac melancholicos, præcipueque in affectibus pectoris, à distillatione acutorum humorum concitatis, quibus mire subvenit. Pulpa hac cum saccharo candido, & liquiritia pro secreto uti solent ad renum, vesicæque vitia: renum enim extin-

Siliqua dulcis.
CARUB et CARNUB vocata.



tinguit immodicum calorem, humoresque ab his partibus abstergit, atque per urinam expellit: proinde ipsius frequenti usu homines se à calculis præcavent. Ea etiam utuntur ad tussim antiquam, dispnæam, althma, & orthopnæam cum agarico. Pro calidis articulorum doloribus, maximeque in podagra, dolentibus partibus, emplastri modo ipsam adhibent, nec non ad calidas inflammationes eodem modo ejus usum sequuntur. Siliquas verò cassiarum, proinde ac phaseoli parvas virides in aqua prius parum ebullitas, & mox in umbra ab humiditate siccatas, saccharo, vel melle condiunt, atque ad usum servant puerorum delicatarumque mulierum; exhibent verò ad summum eas usque ad uncias quatuor, & ad unciam in pueris, hisque utuntur ad eosdem nuper dictos affectus. GUI-
LAND. Placuit mihi hæc cassiarum historia, sed cupio ut tu mihi & cassiæ, & aliarum, quas observasti, plantarum figuram ostendas, quandoquidem te probe omnes delineasse, ac pinxisse certò sciam, quod nemo antea recte id nobis præstiterit. Quamobrem prius visa cassiæ arboris icone, alias plantas narrare mihi pergito.

CAPUT III.

De siliquis dulcibus, Carub, ab Ægyptiis vocatis.

ALPIN. **C**assiæ proxima est arbor, Carub vel Carnub ab Ægyptiis dicta, quæ cum in Ægypto nascatur, dicenda quoque à me erat. Arbor est nobis notissima, cum harum arborum in multis etiam Italiæ locis multa sit copia, quales sunt, quæ in Neapolitano agro, & Apulia cernuntur: in iis locis etenim copiosissimi aluntur. Ex hac arbore Ægyptii siliquarum tantum usum cognoscunt; Mel quidem ex ipsis extrahunt dulcissimum, quo Arabes sacchari loco, cassias solutivas recentes ac parvas, zinzibere, mirabolanos, Tamarindos, atque alios multos fructus condiunt. Hujus quoque mellis usus est frequentissimus vice veri mellis ad Clysteres, & aliqui etiam per os fumendum concedunt ad subducendum alvum: ipso etenim alvus non minus quàm pulpa cassiæ ibi ad excretio-

nem movetur. Utuntur etiam in renum inflammationibus eo, intus extraque apposito. Ad tussientes, asthmaticos ipsum non secus quam cassiam exhibent, valdeque ipsos juvat; non minus decoctum ex filiquis paratum eadem hæc præstat. At modo de spina Ægyptia, acacia vocata, multis hætenus ignota loquāmur. **GUILAND.** Nihil mihi carius esse nunc poterit, quàm te de hac planta dicentem audire, quem planè in illis locis ejus veritatem cognovisse scio.

CAPUT IV.

De Acacia.

ALPIN. **A** cacia, quam Sant Ægyptii appellant, in Ægypti locis à mare remotis nascitur: hujusque arbores copiosissimæ in montibus Synai, penes Rubrum mare positæ proveniunt. Crescuntque ad mori magnitudinem, ramosque sursum latius expandentes; quod etiam Dioscorides admonuit, dicens: arborem non in rectum se attollere. Caudex quanta est pruni magnitudo cernitur corticemque habet nigrum, asperum, multis acutissimis spinis munitum. Arbores, quæ in prædictis montibus spectantur, spinis albis horridissimæ existunt, asperrimoque cortice truncus cernitur: Folia oblonga, parva minutissimè incisa habet, tanaceti proxima, & Flores parvos, pallidos subflavos, atque etiam albos rotundos, parvos lanæ floccos imitantes, platani fructibus forma plane similes, his tamen longe minores, & nihil aliud flos hujusce arboris videtur, quàm mollis lanugo parvum rotundumque globulum efformans, non ingrati est odoris. Quæ Cayri aluntur, flores habent flavos vel pallidos, & quæ sunt in montibus Arabiæ, albos. Ex floribus filiquæ lupinorum æmulæ proferuntur, ipsis veruntamen minores, inprimis virides, & mox nigrae apparent; quæ semina dulcium filiquarum seminibus sunt similia, & in filiquarum folliculis sunt conclusa. Folia, flores, ac fructus gustum asperitate multa ac stipticitate feriunt. Ex immaturis filiquis, viridibus succum exprimunt, quem coquunt,
ut



ut indurent. Nonnulli etiam ex foliis, floribus imperfectis succum parant, sed eo est hic bonitate inferior. Cairi Coriarii ad denigrandas pelles multam copiam illiusce succi adsument. Hujus arboris mas atque fœmina reperitur, Mas quidem spinis est horridus, fructus non edit. Fœmina spinis paucioribus, mollioribusque referta est, eaque intra ramos non habet, sed tantum extra. Quæ arbor est fœcundissima, florereque orientibus Pleiadibus, Novembri scilicet Mense incipit, & rursus iisdem occidentibus: scilicet mense Martio, bisque in anno fructus fert, atque maturat. Sine dubio hanc arborem esse veram antiquorum Acaciam, vel spinam Ægyptiam, ex notis affirmandum est: præcipueque quia nulla alia arbor spinosa in Ægypto reperitur, quæ magis notis acaciæ tributis respondeat, atque multo magis quod illi Kachiam quoque nominant.

GVILAND. Hinc ego multos non possum non vehementer admirari, qui nesciant acaciæ verum succum huc ex Ægypto quotidie comportari. Nunc enim pauci pharmacopolæ existunt Patavii, ac Venetiis, qui eum succum ignorent, quem Orientalem acaciam appellant, ad illiusce succi, quem multi pro acacia substituunt, differentiam, qui ex sylvestribus prunis à quibusdam paratur. Neque minus etiam miror nonnullos, quod hanc plantam non à Clarissimorum Venetorum Consulibus medicis, vel pharmacopolis in Ægypto multos annos versatis acceperint potius, quam ex Græcia, quam acaciæ feracem fuisse nemo antiquorum dixit, veluti multi, quod in Ægypto hæc planta vivat, spinam Ægyptiam ipsam nominarunt. Hujusmodi itaque plantæ genus non ex Græcia, ut Andreas Mattheolus Byzantio se habuisse ait, in quo tamen non parum deceptus fuit, sed ab Ægypto foret petendum, in qua omnes scriptores acaciam copiosissime provenire affirmarunt. Tibique acaciæ illam imaginem, quam Mattheolus pinxit, planè falsam esse notissimum ex dictis puto.

ALPIN. Aliud de acacia erit animadvertendum, quippè multos sic etiam errasse, ut putarint gummam, quam arborem hanc ferre multi meminerunt, apud nos utique non reperi, neque ex Ægypto veram comportari, quod ipsam forma vermiculari constare Dioscorides

des prodiderit. Gummamque hanc, quam falso Arabicam appellant, ajunt, esse similem potius aliarum arborum quippè cerasorum, prunorum, persicorum, pomorum, pyrorumque gummis. Quare veram Arabicam, vel Ægyptiam, quæ in Caudice acaciæ arboris, ut scriptores herbarum prodiderunt, gignitur, nequaquam reperiri. GVILAND. Quid tu ea de re sentis? ego vero horum esse nugas puto. ALPIN. Hoc cerrè scio, me sæpissime hisce manibus Cairi in Viridariis multis acaciæ arboribus refertis, ex ipsorum truncis multam collegisse: ac præsertim in Viridario propè ædem Veneti Consulis posito, in quo sunt multæ arbores acaciæ; ex quibus Gumma manat, pæce Dioscoridis dixerim, non tota, sed paucissima, quæ vermiculari forma spectetur, neque tota alba, ac clara. Uno etenim colore, ac una figura neutiquam omnes acaciæ arboris gummae spectantur, talemque formam vel figuram accipit gumma, qualem motus succi è cortice manantis fit. Nam, interim ubi admodum est crassus, non multum deorsum movetur, sed statim ferè excretus coalescit, granosaque gumma tunc fit, tenuiore vero succo exeunte, multumque fluxili, aliquando oblongam gummam reddit, atque uno verbo dico, me vidisse gummas acaciarum, figura atque colore plerasque cerasorum prunorumve gummis haud dissimiles. Præterea scies quoque, totam gummarum quantitatem, quæ ad nos ex Ægypto convehitur, esse acaciæ arborem: quandò nulla ibi arbor fit, hac excepta, quæ gummas educat. Ægyptus siquidem ac Arabia, prunis, cerasis, pomis, atque aliis gummosis arboribus omninò caret. Ex quo non ex alia, quàm ex acacia gummas Arabes ac Ægyptii colligunt. GVILAND. Vera loqueris, sed dic quæso etiam ejus medicos usus, quos tu apud eam gentem probè observasti. ALPIN. Ægyptii acaciæ arboris utuntur succo ex siliquis immaturis expresso, vel etiam ex floribus, foliis, vel ex fructibus etiam. Succus hujus usus apud eos frequentissimus est ad oculos roborandos, atque ab inflammationibus, quæ ibi sunt frequentissimæ, tuendos: ad oris, auriumque omnia ulcera, nec non ad labiorum fissuras, ad dentes collabentes roborandos, atque firmandos, succo in pul-

verem redacto, post ablutionem ex decocto ejusdem succi, vel foliorum, vel florum, parato, factam, utuntur supra gingivas asperfo, ac eo dentibus confricatis. Sanguinem spuentibus dragmam singulo mane aliquo liquore dissolutam, potandam offerunt, mirasque ad quamcumque sanguinis fluxionem firmandam semper vires habuisse apud eos cognitum est. Ego sæpissimè hoc solo auxilio multas mulieres ab immodico uteri profluvio penè mortuas revixisse, atque sanatas fuisse certo scio. In iis quidem, quæ has immodicas patiuntur vacationes, clysteribus ex acaciæ foliorum florumque decocto paratis, in uterum injectis utuntur, atque etiam succo pulverisato, prædicto cum decocto dissoluto, atque immisso. In alvi fluxionibus eodem modo tum clysteres frequentant, tum per os succum feliciter exhibent. Ad anum, uterumque foras procidentem succo dissoluto cum foliorum, florumque decocto, nihil habent præstantius ac frequentius quo utantur. Ad eos, qui ex quacumque causa articulos debiles habent, fomentum, ex iisdem omnibus paratum pro præsentaneo auxilio habent; neque immerito; cum acacia prævalidissima adstringendi vi prædita sit. Omnes ejus fomento utuntur ad defendendos articulos ab humorum decursu. atque non minus in iisdem tumefactis; atque inflammatis, præsertim in principio dum humores adhuc in cursu existunt. Hincque usus ad podagricos dolores frequentissimus est, maximamque vim habet acacia, ut à podagricis incurfibus homines præservet. Non desunt, qui ad ea mala non modo foris fomenti, vel balnei modo acacia utuntur, verum etiam succi modicum per os fumere ante fluxionis tempus per aliquot dies consuefcunt, ut ipsæ internæ viæ angustiores factæ minùs cursui humorum pateant. Aliqui, etiam ex succo acaciæ, atque aceto linimentum parant, ad liniendos articulos debilitatos, quo sanè mirifice eos roborant, ac firmant. Multos novi recenter à podagra tentatos, usu assiduo acaciæ planè convaluiffe; qui singulis diebus per horam ad minus, pedes in decoctum acaciæ calidum detinebant; eoque fomentabantur, pedesque abstersos linimento ex succo acaciæ opobalsamo, acetoque parato etiam inungebant. Ad pudendorum, aliarumque

que debilium partium ulcera difficilia, succi aqua pluries loti pulverizati usus est illis familiarissimus, decocto etiam utuntur, ad exsiccandas pustulas omnes, præsertimque Gallicas, sed decoctum parant etiam cum modico ligni Guajaci. In pueris etiam ad achores in capite orientes, & decocto, & pulvere utuntur. Hicque acaciæ est usus apud eam gentem nunc frequentatus.

CAPUT V.


De Paliuro Athenæi, Nabca appellato.

ALPIN. **A**rbor in Ægypto, quam illi Nabca dicunt, loti magnitudine spectatur, instar acaciæ spinosa, folia ferens jujubæ proxima, veruntamen latiora, & flores jujubæ floribus quoque planè similes, albos ac parvos, à quibus erumpunt pomula rotunda, odorata, dulcia, gustuique valdè suavia, cerasorum majorum Marosticensium appellatorum æmula, quæ apud primates Ægyptios, ac Turcas sunt in magno pretio. Arbor bis in anno, scilicet vere, ac auctumno flores, fructusque maturat, sæcundissimaque existit, veruntamen vere fructus non perfectè maturant, nec ut in auctumno perficiuntur, plerique enim ipsorum prius putrescunt, quàm maturescant. Auctumno perfectissima ac optima evadunt. GUILAND. Sine dubio nanc arborem esse paliurum & connorum olim ab Alexandrinis appellatum, Athenæi scriptis constat. De qua arbore sic in lib. 14. scripsit: „ Meminit de „ iis Agathocles Cyzicenus his verbis libro Historiarum Patriæ „ tertio: „ Cum in sepulchrum fulmen irruisset, arbor ex tu- „ mulo pullulavit, quam illi connorum nominant. Est autem „ planta ulmi piceæque magnitudine, nihilque minor. Trun- „ cos habet frequentes, & oblongos, spinasque paulum pro- „ minentes: Folium est tenerum ac viride, phyæque similli- „ mum. Fructum bis quotannis producit, vere scilicet, ac „ auctumno, qui dulcis est omninò, & olivæ, oleastrique fru- „ ctui

N A B C A,
Paliurus Athenaei credita.

p. 10.





„ Etui similis. Carnem osque illi simile habet : at differt , suc-
 „ ci voluptate , cujus fructus etiam viridis comeditur.” AL-
 PIN. Sine dubio puto prædictam arborem esse cannorum ,
 five paliurum eandem , quam Athenæus prodidit , etsi fru-
 ctus osque non videatur omnino similis Nabca fructui , ac ossi ,
 quando ii similes pomis sint , ossaque rotunda , & non oblon-
 ga , qualia in olivis cernuntur existant. Nusquam tamen in Æ-
 gypto ex siccatis illis fructibus farinam fieri apud eos animad-
 verti. Sed præcipuus usus ipsorum est recentium , ac viridum
 pro cibo ; eis siquidem omnibus , atque nostris , cerasa mande-
 re , consuetudo est. Sed nunc ad ejus usum in medicina ex-
 plicandum transeamus. GUILAND. Fructuum usus esse vi-
 detur , Arabibusque notissimus , de quo Serapio sic scripsit :
 „ Sadar duæ sunt species : una est Affri , & alia est Adhal :
 „ sed Affri non habet spinas acutas : & folia ambarum spe-
 „ cierum sunt lata , & rotunda : & Nabuch ex Adhal sunt par-
 „ vi ; & meliores ex eis sunt illi , qui sunt ex ea regione , &
 „ offeruntur Regibus : & sunt dulciores omnibus aliis : & me-
 „ lioris odoris , & aromatizant os comedentis , & indumenta ,
 „ sicut alia aromata.” Horum fructuum facultas est frigida &
 sicca in primo gradu , perfectè maturi aliqualem habent hu-
 miditatem , sunt omnes adstringentes ante maturationem ,
 quorum usus frequens est ad stomachi alvique relaxatio-
 nem firmandam : ad quæ mala succum etiam ex ipsis im-
 maturis expressum , familiariter tum per os sumptum , tum Cly-
 steribus injectum sequuntur. Utuntur etiam iisdem fructi-
 bus siccatis , atque in aqua infusis ; aqua enim infusionis
 ipsorum utuntur , ut dictum est , ad relaxationem intesti-
 norum , atque etiam ad ulcera intestinorum. Sed maturo-
 rum siccatorum decoctum , vel infusio familiarissima est ad
 omnes pestíferas febres : ajunt enim hos fructus miram ad-
 versus venenosas qualitates , & putredinem efficaciam habere ,
 corque strenuè roborare. Succus perfectè maturorum opti-
 mus est ad purgandam bilem à stomacho , atque à primis du-
 ctibus venarum. In omnibus putridis febribus infusione ex
 ipsis parata libenter ad sedandum calorem utuntur. Esui sum-

mè jucundi existunt hi fructus, præcipueque maturi, tamen parùm nutriunt, facileque, ut cerasa, in stomacho corrumpuntur, si immoderatè ipforum esui indulgeatur, stomachusque offenditur. **GUILAND.** Non desunt multi, qui (neque immeritò) inter jujubas hanc arborem recensent, quo factum est, ut mirum non sit, aliquos etiam viros doctissimos jujubam paliurum esse voluisse. Sed arboris hujus nunc detegas figuram.

CAPUT VI.

De Sycomoro Gjumez vocata.

ALPIN. **A**Rbor vastissima ab Ægyptiis Gjumez vocata, in Ægypto provenit, quam nostri Sycomorum, ac ficum Ægyptiam appellant. Hanc proceram arborem in arenosis, sterilibusque Ægypti locis Natura sagacissima produxit, sub qua possent homines ab injuria radiorum ardentium Solis aliquandò se tueri. Maxima siquidem arbor est ramosque sic latissimè spargit, ut magnam umbram viatoribus præbeat, quæ in hujusmodi calidis locis, arenosis, ac ferè Solis calore inflammatis, libenter expeti ab omnibus soleat. **GUILAND.** In lib. II. de Alim Facul. Galenus scripsit, se Alexandriæ Sycomorum vidisse parvæ ficui similem: quamobrem crescentis adhuc, juvenisque Sycomori, & non adulti magnitudinem spectasse, arbitror: quòd tam grandem arborem, omnibus communem, ipse non animadverterit. Dioscorides melius ipsam describens, dixit. „ Sycomorum aliqui etiam fycami, „ nam, id est morum vocant, cujus fructus Sycomorum, „ propter inefficacem gustum appellant. Arbor est magna, „ ficui similis; frondosa, multo lacte abundans, foliis mori, „ pomum ter aut quater anno fert, non ramis, ut ficus, sed „ caudice ipso caprifico non dissimile, dulcius grossis, sine „ granis interioribus: quod non maturescit, nisi ungue, aut „ ferro sculpatur.” **ALPIN.** Hæc descriptio veram utique Sycomori figuram exprimit, sed ubi ait, foliis mori, adderem

cra-



crassioribus, candidioribus, atque asperioribus, quod hæc folia non nisi magnitudine ac forma, à ficus foliis differant.

GUILAND. Unde Ægyptii dicunt tantam hanc arborem habere cum fico & moro similitudinem, in qua utriusque figura spectatur? **ALPIN.** Insitionem fici supra morum plures illorum affirmant, veluti Musam insitam quoque fuisse cannæ saccharum ferentis supra radicem colocassæ aliquibus est suum: quod tamen nondum experientia verum esse didici. Sine dubio in hac arbore, truncus, rami, cortexque ipsorum, fructus, lac, foliorum asperitas, colorque fici apparet; & foliorum figura, magnitudo moro respondet. Fructusque tardè, neque perfectè maturescere, atque saporem aqueum & injucundum habere: hinc ajunt mori frigiditatem impedire, quominus fructus perfectam maturationem consequantur. Hæc arbor, ut multi etiam meminerunt, sic est fecunda, ut nunquam multis fructibus careat, qui caudici adnascuntur, minimeque ramos, neque fructum hæc arbor producit, nisi prius multis verberibus sæpè laceretur, sic ut caudicis quoque cortex vulneretur, ex quibus vulneribus lac continuò exit, undè ramus parvus, ficus ferens interim ternos, interim quinos, interim septenos, & plures etiam. Hæc arbor ex feminibus non nascitur, cum ficus semimibus careant, sed ramis insertis propagatur, estque ex iis, quæ citò crescunt diutissimeque, quod mirum videtur, vivunt. Quæpiam Sycomorus in Mattherea visitur, quæ sic ab habitatoribus credita est antiqua, ut omnes pro certo habeant in illius trunci cavitate quadam olim Virginem beatissimam, iram Herodis Hierosolyma fugientem, illuc se recepisse, & Christum puerulum Servatorem nostrum per multos dies occultasse: ex quo ea arbor apud multos in multa est veneratione, maximèque ejus trunci meatus, qui Christum occultavit, quem ipsi Dei magni Spiritum fuisse fatentur. Fabulosum est quod dicit Matthæolus, truncos ramosque hujusce arboris nunquam ficcari, ni prius in aqua projiciantur, & morentur aliquantulum. Usus ficuum in cibo est stomacho nocuus, ipsumque laxat, labefactat atque subvertit. Eas verò ficus utiliter comedunt, qui vel itinere, vel Sole

incaluerint, refrigerationeque opus habent, & humectatione: fructus siquidem hi frigidi temperatè existunt, multumque humidi, alvum faciliè lubricant, atque relaxant, tumores omnes calidos, atque duros ficibus, emplastri modo usi, sanant. Pauci sunt, qui succum, ut meminit Dioscorides, ex trunco vulnerato colligant: affirmant tamen præsentaneum esse auxilium ad emolliendos scirrhusos tumores, atque ad pestem non ignobilem usum habere.

CAPUT VII.

De Palma Dachel.

ALPIN. **P**alma notissima est arbor non modo Ægyptiis, Arabibus, Syris, aliisque Orientalibus populis, sed Italiæ quoque multis populis, de qua ob id paucis mihi agendum puto. Arbor est simplici caudice in rectum se attollens, viginti passuum & amplius altitudine. Folia ensibus similia habet, deorsum cannarum modo decidentia. Vere floret. Ramus enim quodam involucro oblongo, vesicæ modo, ad verusque clauso, & tunc aperto præditus, flores emittit parvos, albos, odoratos, racematim deorsum ab involucro residentes, ac pendentes. Martio siquidem mense involucra illa suis alis adligata aperiuntur, è quibus globus filorum insitorum profilit, floresque his filis, vel capillamentis appensi cernuntur, a quibus dactili parvi virides, uvarum racemos imitantes producuntur, qui Autumno maturantur. Varii hi fructus inter se observantur magnitudine, figura & colore. Alii etenim oblongi, magni, crassi, perindè ac pruna alba (quæ Julio mense in agro Bassanensi maturantur) spectantur. Alii sunt parvi, longi, glandibus quercuum similes, alii rotundi, crassi. Alii virides, alii albi, alii flavi, alique rubri, immaturi omnes sapore aspero stypticoque feriunt, maturi dulcissimi; qui vero propè sunt, ut perfectè maturentur, gustum Castanearum, dulciorem, suavioremque representant. Hæc arbor alternis tantum annis copiosiores fructus edit, neque (quod dictu valde



de mirabile videtur) fœminæ concipiunt, ac fructificant, ni in ramis maris fœminæ ramos aliquis permiscuerit, ac se quasi osculari permiserit. Plerique fœminas ut fœcundent, non ramos, sed pulverem intra maris involucrum inventam supra fœminarum ramos, atque cor spargunt, vel alii flores maris pulveris loco spargere solent. Ni enim Ægyptii hoc fecerint, sine dubio fœminæ vel nullos fructus ferent, vel quos ferent, non retinebunt, neque hi maturescent. GUILAND. Haud credendam istam palmarum conceptionem, quæ fit arte à te narrata, arguere videntur innumeri dactili, qui in Arabiae desertis feruntur; in quibus sylvestrium palmarum sylvæ reperiuntur, quæ sine hominum cultu optimos fructus ac copiosos producunt, retinent, ac maturant, ex quo judico fœminas ad fœcunditatem moveri non ramis, vel pulveribus, aut floribus marium, ut Plinius, atque alii quoque meminerunt, sed magis non secus quàm aliæ arbores radicum marium, atque fœminarum contactu facere solent, se ad fœcunditatem parare. ALPIN. Arabes palmarum cultus periti respondebunt, palmarum fœcunditatem in Arabiae desertis, licet arte non fiat (quando in his locis hæ arbores, ut dictum est, sine ulla cultura fructus producant) adjuvare ventos, marium è ramis pulveres, floresque ad ramos fœminarum asportantes. Radicum utriusque sexus palmarum mutuam conjunctionem esse conceptionis causam, dicendum non puto, quando sic brevioribus radicibus palmæ omnes donatæ sint, ut etsi ferè simul cohæreant, nullus tamen radicum contactus inter eas esse possit, mirabileque dictu, palmarum altissimos vastissimosque caudices seu truncos posse sic brevibus, tenuioribus, paucioribusque radicibus in aëre subsistere, neque sua multa gravitate, ventisque etiam vehementibus sæpe ipsos quatientibus humi concidere. Accedit, quod caudicis postrema pars humi proxima, pondus totius arboris sustinens multo gracilior, atque debilior reliquo caudice existit. Hinc plures Ægyptiorum hoc miraculo ducti dixere, palmas non terra radicibus attracta, sed aëre ex sublimiori arboris parte ali, ac vivere; quod hac etiam conjectura sibi ipsis persuadent. Quia si palmæ sublimior pars,
quam

quam cor ipsi vocant, excidatur, universam plantam ilicò a-
rescere observarunt: quod non accidit inferiori radicum con-
cisa parte. Non est alia ulla arbor palma humano generi u-
tilior, siquidem ex truncis domorum trabes faciunt, ex ramis,
parietes, multaque alia lignea vasa ad usum, quæ Cuffaz no-
minant; ex foliis flabella & sportas, è caudicis cortice funes
pro navibus. Fructuum verò utilitas satis omnibus nota est. Sed
quem ipsi ad medendum usum habeant, nunc quoque dicam.
Ex fructibus tria sunt præcipuè, quibus sanitatis gratia utun-
tur, quippè spartum, pulvis sparto, vel involucro contenta,
atque dactili. Sparti igitur membrana tum pulvis facta utun-
tur, tum ex ea parato decocto. Pulvis maximum usum ha-
bet per os sumpta ad Diarrheam, lienteriam atque dysente-
riam, non minusque ad omnes alias vel sanguinis, vel alterius
humoris innaturales vacuationes firmandas: præcipuè verò ad
hepaticum fluxum, hæmorrhoidum, atque uteri cruentam va-
cuationem, atque ad sputum sanguinis. Hoc pulvere quoque
utuntur ad firmanda ulcera depascentia, ad uvæ relaxatio-
nem, ad ad dentium commotionem. Decocto ad omnia præ-
dicta quoque utuntur, sed sæpè cum eo misto prædicto
pulvere, articulos debiles aptosque fluxionibus mirum in
modum ipsum juvat, eos firmando & roborando. Pulvere
vero albo in involucro veris tempore inventa, quando scili-
cet palmæ florere incipiunt, utuntur familiarissimè, ad faucium
raucedinem, tussim, & ophthalmias cum saccharo misto, est-
que ipse dulcis subadstringens, mulieres eum habent familia-
rissimum, ad firmandos menses retinendumque fœtum. Eun-
dem utique usum habent dactili immaturi tum in cibum usita-
ti, tum ipforum decoctum, ad sputum sanguinis, & quam-
cumque sanguinis vacuationem cohibendam: & ad lienterias,
diarrhæas, & dysenterias: ad vomitum sanguinis, hæmorrhoi-
das exsiccandas, atque ad ulcera vulneraque simplicia persua-
nanda. In frequentissimo usu ad nuper dictos affectus habent
syrupum ex dactilis immaturis confectum. Iisdem dactilis utun-
tur probè maturis, qui tunc admodum dulces existunt, cum
obscura adstrictione. Idcirco eos frequentant ad faucium rauci-







catem, tussim, dispnæam, pleuritim, ac peripneumoniam; non minusque ipsorum decoctum frequentatur ad adjuvandas variarum in pueris excretiones. Vocant arborem Dachel, & rimum cui appensi sunt dactyli Samarrhich, dactylorumque involucrum, dux, ac dactylum recenter enixum prorsus immaturum talla, & grandiore factum nin, & ramich perfectiorem sive penè maturum, maturumque bellan. Siccos maturos tamar, & qui ferè putridi sunt rotob, foliaque arboris Zaaf.

CAPUT VIII.

De Sebesten.

ALPIN. **S**ebesten arboris in Ægypto nascentis duplex genus reperitur, alterum sylvestre pruno simile, atque domesticum alterum, foliis latioribus, crassioribus a silvestri differens. Utraque arbor flores fert albos, parvos, geranii proximos, à quibus fructus crescunt parvis prunis rotundisque similes, quorum nuclei tricostrati cernuntur. Illa arbor fert fructus minores, tardè maturescentes, imperfectiores iis, quos domestica Sebesten profert, qui sunt majores, melioresque. toto autem anno in arbore fructus cernuntur. Vere florent, Autumnoque fructus maturant, ex pulpa ipsorum optimum viscum conficiunt, quippe Sebesten maturos contundentes, atque lavantes. Sunt aliqui, qui mastigando, pulpam ab osse lingua exspuentes, viscum parant; quantitatem horum fructuum in vase collectam, parum quoad aquea humiditas absumatur, bullientes. Visco utuntur omnes emplastri modo ad omnes scirrhosos tumores. Ipse quidem calidus est in primo gradu, atque humidus in secundo, vimque habet attractoriam, attenuatoriam, & resolventem; resolvit omnes tumores, & emollit omnem duritiem. Aliqui ad tussim ex eo paratos bolos cum saccharo candido, & radicis liquiritiæ pulvere multis diebus fumunt. Fructuum usus familiarissimus est ad tussim, dispnæam, orthopnæam, pleuritim, peripneumoniam;

& ad vocis raucedinem, parato ex ipsis decocto, quo etiam ad multas febres uti consuescunt, præsertim pectore aliquam noxam patiente. Sed nunc de Tamarisco loquamui.

CAPUT IX.

De Tamarisco, atle vocata.

ALPIN. **T**amarici, quem Miricam & Tamaricem Dioscorides nuncupat, sylvestris genus, Italiæ est notissimum, nasciturque propè fluminum ripas, aridaque & saxosa vel arenosa loca, potiusque apud stagnantes aquas, ut docuit Dioscorides. de hoc non loquimur, quandò ipso Ægyptus plane careat. Alterum vero tamarici domesticum genus in Ægypto spectatur, proceritate figuraque admodum à sylvestri diversum, quòd ad magnæ olivæ magnitudinem crescat. audioque etiam supra Ægyptum in loco Sahit ab iis populis vocato, crescere ad magnæ quercus magnitudinem, cujus ex lignis carbones faciunt, quibus tota Ægyptus, & Arabia utitur. ex eoque ligno multa vasa conficiunt, ad multorum ægrotantium usum. Folia fert sylvestris tamarici foliis proxima, tamen longiora, & graciliora, apparentque multa capillamenta viridia, qualia in aliquibus equisetis visuntur, ramo appensa, semper virentia, fructus fert paucos, raros, virides, nucum magnitudine, duros, lignosos, sine nucleo, & videntur ejusdem substantiæ esse cum gallis: omnes verò figura inter se differunt, quamquam in omnibus aspera & inæqualis observeatur, quando alii longi, alii breves, alii rotundi, alii lati, alii crassi, alique graciles existant. Usus Tamarici tùm in Ægypto, tùm magis supra Ægyptum, ubi harum arborum copiosus est proventus, est ad ignem major quando nulla ferè alia ligna ad comburendum habeant. Folia hujusce arboris usum habent ad lienem induratum, obstructum, & refrigeratum. Vasaque ex ligno, ut dictum est, conficiuntur, quo lienosi uti consuescunt: ob ejusque multam, quæ ex hoc ligno habetur, ad id morbi genus utilitatem, mirari non debemus,









venimus, si Plinius (quod tamen fabulosum est) dixerit, suos assuetos cibum capere in vasis è ligno tamarici confectis, liene carere. Mulieres decocto ex Cortice parato utuntur, per os sumpto, ad sistendas menstruas purgationes, ex quo parant etiam infusiones, & clysteribus in uterum injiciunt decoctum. idem quoque fructus facere ajunt. iis siquidem utuntur in spuito sanguinis, in lenteriiis, & in menstribus plus justo fluentibus, atque hæmorrhoidarum immodico fluxu. dentes etiam commotos, atque collabentes ipsorum decocto firmant: atque in iis concitatum dolorem demulcent. Utuntur etiam ad oculorum lippitudines incipientes, in collyriis atque ad oris ulcera. Cinis quoque corticum & fructuum ulcera curat. De ligno vero multi decoctum, non secus quam nostri ex ligno Indo ad curandam luem Gallicam facere soleant, parant, quod exhibent leprosis, scabiosis, atque aliis multis, pustulis & ulceribus affectis, feliciori cum successu. Idemque faciunt in melancholicis, ictericis nigris, & hydropicis ex refrigerato obstructo, ac indurato liene, concitatis. arborem illi vocant Atle.

CAPUT. X.

De Tamarindo Derelside vocata.

ALPIN. **T**amarindus, quem Derelside appellant, arbor est pruni magnitudine, ramis densis: myrti foliis Sesban proximis prædita: flores fert albos mali aurantii floribus perquam similes, è quorum medio exeunt quatuor fila alba, & tenuissima, ex quibus siliquæ crassæ producuntur primo virides, tandem maturæ cineritiæ, quæ intus nonnulla semina crassa inæqualia, duraque, atque pulpam nigram gustui acidam, continent. In Ægypto non sunt admodum hæ arbores copiosæ, neque sunt patriæ: ex fœlici etenim Arabia atque Æthiopia illuc convehuntur, in viridariisque servantur. Miraculi loco habetur, quod dicitur, unam arborem in deserto Divi Macharii, propè monasterium Assiriorum, vivere, in

quo solo nulla alia planta vivit. Hæc planta hoc mirabile habet, quod ejus folia Solem semper sequuntur, Solisque sequia dicuntur: nam ipso occidente omnia in se clauduntur, eodemque oriente, aperiuntur, atque hæc motio tantam vim habere in iis observatur, ut filiquas dum habent, occidente Sole, easdem foliis in se arctissime claudant, & retinere spectentur. eodemque oriente, aperiuntur, filiquasque relinquunt. Hanc foliorum conversionem pluribus Ægyptiis aliis plantis communem animadverti, quippe Acaciæ, Abrus, Abfus, Sesban, atque Tamarindo. Utuntur foliis Tamarindi in pueris ad vermes necandos, atque etiam ipsorum vel infuso, vel decocto ad solvendum alvum. acida sunt folia atque gustui non insuavia. Arabes condiunt filiquas seu cannas hujus arboris parvas ac virides saccharo, vel mel Carub, tum etiam grandiores factas atque maturas, condiunt ipsarum pulpam saccharo, quam per itinera, quæ in desertis Africæ locis conficiunt, secum viatores deferunt. Qua sæpè, calefacti, ac ex calore itinereque inflammati valdè sitientes refrigerantur, atque sitim restinguunt, per alvum plurimum calidorum humorum subducentes atque vacuantes. In febribus verò pestilentibus, atque omnibus aliis ex putridis, exurentibus, aquam, in qua multa copia Tamarindorum infusa fuerit cum saccharo ebibunt: potus siquidem sitientibus ex calore jucundissimus est, maximeque refrigerat, & sitim exstinguit. Ad omnes denique febres putridas à biliosis, exustisque humoribus concitatas, ad hepatisque atque renum calefactiones ac inflammationes, præterea ad gonorrhæam usum Tamarindorum frequentant; vocant *Derelside*.

C A P U T. XI.

De Agibolid.

ARbor cernitur in medio cujusdam Eunuchi Turcæ viridario, quod parum ab æde Veneti Consulis distat ex Æthiopia asportata, magnitudine pyri sylvestris, ramis raris non multis, in rectum inæqualiter delatis, ordinatim acutissimis, multis.



U Z E G,
Lycium Indicum creditum.



multis spinis obsita, folia præseferens buxi proxima, tamen latiora, pauca, rara, singula, bina æqualibus interstitiis adnata. Flores habet parvos, albos, Hyacinthi orientalis floribus similes, sed minores, à quibus prodeunt fructus nigri ebuli similes, gustu subamaros ac adstringentes. Folia gustum acido sapore ferunt, cum aliqua adstrictione. Hujus arboris foliorum usum ad pueros vermibus vexatos, in Æthiopia audivi esse familiarissimum. Quid? an non Lycium hanc arborem esse putandum est, cum Dioscorides de hoc sic scripserit: Lycium, quod aliqui Pixacantham vocant, arbor est spinosa, ramis trium cubitorum, aut longioribus, foliis buxi, densis, fructu piperis, nigro, lævi, amaro, densoque cortice, pallido, non dissimili Lycio madefacto, radicibus multis obliquis lignosis. GUILAND. Agihalid, ut ex tua descriptione, quam vidi, non frutex, sed arbor videtur. Lycium verò fruticem potius esse, quàm arborem, ex Dioscoride didicimus: Præterea hic frutex foliis densis & non raris cernitur, qualia in tuo Agihalid existunt.


CAPUT XII.

De Uzeg; atque an sit Lycium Indum.

ALPIN. **F**ortasse arbor illa Agihalid vocata, pro Lycio aspersionanda non esset. Sed nunc verum Lycium Indum tibi prodam: quem fruticem longe ab Alexandria Civitate supra ripas rami Nili Calig vocati, decem millia passuum inveni: quem incolæ Uzeg appellant. est igitur frutex multis ramis rectissimis, ac radicibus multis, duris, lignosis obliquè incedentibus, longitudine trium cubitorum & plus observatis, fursùm assurgens, ramisque spinæ acutissimæ, & longæ multæque insunt, quorum quædam foliolis vestita spectantur. Folia verò hujusce fruticis sunt olivæ similia, iis tamen candidiora & angustiora, vel minus lata. Flores Agihalid planè similes habet, quippè parvos, albos, Hyacinthi orientalis forma & magnitudine æmulos: à quibus fructus nigri parvi producuntur,

tur, Buli fructibus prorsus similes, leves, gustu amari & adstringentes. **GUILAND.** Cui dubium hanc arborem Lycium Indicum fore judicandum, modo Dioscoridi credendum sit, qui ipsum his profectò verbis descripserat, dicens: „Tradunt Indicum fieri Lycium ex frutice Lonchitide appellato: id spinarum generi ascribitur, ramos rectos habens ternum cubitorum longitudine, majoresve, rubo crassiores, à radice nimmerosos. fractus cortex rubescit folio oleæ similis. ” Ex hujus fruticis radicibus forsitan verum succum à nobis desideratum illi colligunt, ipsumque pro usu illis non deesse puto. **ALPIN.** Quamquam ibi multa copia Lycii circumferatur, tamen nescio an ex hoc illum frutice conficiant, quandò neque hanc plantam copiosè in Ægypto provenire cognoverim, neque scio illis esse notam. Siquidem Lycium ab illis usitatum falsum ac adulteratum esse arbitror. Hic enim succus, qui ex Arabiæ locis asportatur, durus est nigerque exterius, Acaiciæ succo valde similis. fractus intus colorem aloes præferre videtur, odore obscuro, non ingrato, sapore subdulci, adstringente, nullius amaritudinis particeps: viscosusque est, digitisque contrectatus adhæret. ex quibus verus Lycius à me is non creditur, præsertimque cum neque amaritudinem habeat, neque igne succensum, sive ignitum, rubescentem edere spumam, ut multi de vero Lycio tradiderunt, observamus. **GUILAND.** Sed cur tu verum succum ex Uzeg perquirere non studuisti, eaque via certam Lycii succi cognitionem venatus non es? **ALPIN.** Hanc plantam tantum ubi in patriam redirem mihi spectasse contigit, quando ex urbe Cairo Alexandriam per Nilum flumen navigans, propè hanc urbem supra ejusdem fluminis, ut jam dictum est, ripas, nonnullos frutices ferè sæpem facientes, cum floribus, & fructibus jam maturis inspexerim. Ex quibus ramum decerpfi, atque mecum Alexandriam detuli. Quo frutice satis considerato, Lycium esse ipsum cognovi. neque ipso cognito tempus mihi superfuit ad experiendum ejus succum à radicibus expressum, quippe coactus, quamprimum Alexandriam pervenerim, navim nos pro itinere ibi morantem, conscendere, experiri non potui





potui succum, qui pro Lycio circumfertur. inter calidum & frigidum medium constituunt: sed supra primum gradum siccum, stipticum, proinde omnibus ulceribus loto utuntur, præsertimque ad oris, aurium, narium, ani, intestinorumque ulcera. usus maximus est in collyriis ad ophthalmias arcendas, mulieres enim paratum linimentum ex Lycio & Antimonio habent, quo quotidie oculos liniunt, ut oculos defendant ab humorum fluxionibus. eo etiam illi ad ventris fluxum utuntur, non minusque ad dysenteriam. Ad sputum sanguinis eo maxima spe utuntur, non minusque ad uteri profluvium cohibendum, eo pessi modo intromisso: ad ulceraque pudendorum, præsertim ad caries illum frequentant, ad gingivas corrosas & ulceratas, nec non ad dentium commotionem. in lienteriiis, dysenteriiis, atque in fluxu hepatico, clysteribus eo uti consuecunt, atque non minus ipso aliquo liquore dissoluto atque ebibito. Nulli dubium quod illitum quamcumque partem à cursu humorum valenter defendit. ex quo ipsum podagricos dolores retardare, compertum est. Uzeg appellant.

CAP. XIII.

De Ligustro Ægyptio, Elhanne, vel Tamarhendi vocato.

GUILAND. **V**idistine tu ibi ligistrum Ægyptium, quod Ægyptii Elhanne, ac Tamarhendi appellant. Ibi siquidem ipsorum maximum esse proventum audio. ALPIN. Sæpissimè inspexi, ibique ea arbor tum copiosissima est, tum etiam omnibus notissima: etenim ex foliis magna ubi fiunt commercia, etenim iis utuntur ad tingendum aureo colore. Vere hæc arbor Ligustro similis apparet, floribus fructibusque exceptis, in quibus videtur aliqua dissimilitudo inter Elhanne, & ligustrum, nam etsi flores racematim perindè atque ligustra spargant, tamen & colore, & figura, & odore ab his differunt. florum siquidem Elhanne
non

non albus color, sed cineritius est, floresque figura sambuci floribus proximi apparent, illis tamen sunt minores; odor etiam Elhanne est admodum acutus, & Ligustri suavior. Fructibus non minus inter se differunt, quando Ligustri sint baccæ juniperi similes, & Elhanne femina rotunda coriandros imitantia existant. Fert etiam folia Ligustro minus lata, angustioraque & candidiora. Fructus, ut jam dixi, femina nigra, parva, multa folliculo concludunt, qualia in granis uvarum cernuntur.

GUILAN. Quid? dubitas, esse hunc arbutum Ligustrum? certe inter ligustrum & hunc aliquam esse differentiam, negandum non est. quæ soli diversitate etiam accidere posset; quando omnibus constet, quantum eadem plantæ in diversis locis natæ inter se differunt figura, atque etiam sæpe facultate. ut in Rhabarbaro, & Rhapontico videtur, quorum radices, visu, gustu, eadem videntur, nihilominus facultate manifeste differre compertum est. At de Elhanne quanquam aliquo pacto fruticis figura, floribus, & fructibus à ligustro differat, tamen ad eosdem valere morbos cognitum est, quibus Ligustrum subvenire Dioscorides, atque alii prodiderunt; sed quid plura? cum apertissime Dioscorides voluerit hanc arborem esse Ligustrum: ut ex ipsius verbis planè constat, quæ hæc existunt. „ Ligustrum arbor „ est, quæ circum ramos folia fert olivæ proxima, sed latiora, teneriora, & magis viridia & flores albos muscosos, „ atque odoratos, ejus fructus est niger Sambuci fructui similis. Nascitur electissima in Ascalone & Canope. Folia ad- „ strictoriam vim habent, quare commanducata ulceribus oris medentur, illita, fervidis inflammationibus, carbunculisque prosunt; decoctum eorundem igne ambusta capillum ruffant trita folia, quæ in radiculae succo maduerint. „ Flos ex aceto fronti illitus capitis dolorem sedat.” Et de Elhanne, quam Alcanna Avicenna vocat, hæc ferè eadem prodidit, dixit quidem, folia habere adstrictoriam facultatem, in vulneribusque eandem vim cum draconis sanguine habere, conferreque decoctum foliorum calidis inflammationibus, & exustis ab igne particulis, & oris ulceribus: & cum aceto conferre capiti dolenti. **ALPIN.** Verè Elhanne Ægyptiorum Li-
gu-


gustrum esse Dioscoridis, constat, multo magis, quod nunquam in Ægypto Italicum Ligustrum inveniatur, in Canopeque tantum Elhanne reperiatur, quæ ibi est copiosissima, differt verò hic locus ab urbe Alexandriæ decem millibus passuum.

GUILAND. Hinc quoque apparet hanc arborem esse Cyprum Plinii, de quo ipse lib. Naturalis Historiæ **xxiiii.** sic scripsit: „Ligustrum eadem arbor est, quæ in oriente Cyprus.” atque in Ægypto nasci etiam his verbis libro **12.** „Cyprus in „ Ægypto est arbor ziziphi foliis, semine Coriandri, flore „ candido, odorato. Coquitur hoc in oleo, premiturque po- „ stea, quod Cyprus vocatur. pretium ei in libras quinque „ optimum habetur è Canopica in ripis Nili nata, secundum „ Ascalone Judeæ. Tertium Cypro Insula, odoris suavitate. „ Quidam hanc esse arborem dicunt, quæ in Italia Ligu- „ strum vocatur.” **ALPIN.** Flores sunt in usu frequentissi- mo dolenti capiti appositi, non tamen cum aceto, ut Diosco- rides, atque alii meminerunt, quod si fecissent, manife- stius, ut arbitror iis floribus juvarentur, intus medicamenti vi, aceto penetrationem adjuvante, deducta. Ex foliis pulve- rem conficiunt, quem Archenda illi appellant. Hac mulieres utuntur ornatus gratia, manus ac pedes colore aureo tingen- tes; non autem in succo Lanariæ vel Struthii, ut ait Diosco- rides, sed simplici aqua eam miscentes, aquam auream fa- ciunt, quæ aureo colore tingit, quod arcanum nostræ mulie- res si agnovissent pro deaurandis ipsarum capillis, nil habe- rent, quo securius uterentur, neque sub radiis solis se urerent, variisque modis caput læderent. ex hac pulvere, cum aqua mulsa parata utuntur, ad humidos pedes fluxionibus obnoxios, ac multum exudantes foetentesque emplastri modo pedibus ipsis apposita, ac per horam retenta, maxime enim pedes, & quascumque alias partes corporis, apposita exsiccat, ac ad- stringit, Nihil habent, quod exudantes pedes plus exsiccet, quam prædicta istæc massa apposita, & aliquandiù retenta: pulvere etiam hoc ad ulcera oris, gingivarumque, & puden- dorum maximè utuntur.

CAPUT XIV.

De Balsamo, Balassan ab Ægyptiis vocato.

GUIL. **N**unquid Balsami planta ampliùs in Ægypto vivit?
 ALPIN. Nequaquam, sed in Arabia Fœlici, quam Balsami feracem omnes tùm Ægyptii, tùm Arabes prædicant. GUILAND. Igitur Dioscorides, Theophrastus, Plinius, Justinus atque alii ex antiquis Scriptoribus permulti, qui Balsamum tantum in Ægypto & in Judæa olim vixisse prodiderunt, decepti sunt. ALPIN. Sine dubio illos non modo de loco Balsami patrio, sed etiam de arbore quoque, succo, fructibus atque aliis deceptos fuisse arbitror, ex quo etiam dubitandum esset ipsos Balsami arborem viventem nusquam vidisse. GUILAND. Rem valdè admirabilem prædicas, de qua tibi non ita facile medici certam fidem adhibebunt; quæso an non Dioscoridi, Theophrasto, Plinio, Serapioni atque aliis gravissimis Scriptoribus de Balsamo magis quàm tibi credendum putas, qui in docenda herbarum stirpiumque materia, cæteris præferuntur, ac fide digniores habentur? ALPIN. Etsi in Dialogo olim Cairi conscripto Balsami veritatem planè manifestam me reddidisse puto, nihilominus quandò me nunc ut veram Balsami historiam narrem provocasti, ut tecum de ipsa colloquar, atque commententer, effugere nunc non possum, quare iterum eadem, quæ olim scripsi nunc repetere, cum res agatur tanti momenti, non me pigebit, & ne longiùs rem producam, dico: Arabiam Fœlicem Balsami locum patrium perpetuò fuisse; ac nunquam Ægyptum, ac Judæam Balsami terram patriam fuisse, facile hinc conjicitur, quòd omnes, qui de planta Balsami mentionem fecerunt, eam in viridariis solum custoditam, minimeque in aliis incultis locis spontè natam, prodiderunt, ut Theophrastus, Plinius, Solinus & Strabo sigillatim meminerunt. Plinius ait: „Sed omnibus odoribus præfertur Balsamum uni terræ Judææ concessum, quondam in duobus tantum hortis, utroque regio, altero jugerum viginti non amplius, altero pauciorum.” & Strabo de Balsamo Vallis Hierici



rici scribens, dixit: „Ubi & regia est, & Balsami viridarium, quæ arbor aromatica est & fruticosa, cythiso & terebintho, persimilis.” Nulli dubium est plantas peregrinas in viridariis tantum summa cura custodiri, & patrias non solum in viridariis vel hortis, sed multis aliis in incultis locis, sponte natas observari. Sed cur studeo tibi persuadere Balsami plantas in Judæa advenas fuisse, cum Joseph. lib. 5. de Antiquitatibus Judæicis rem planè claram effecerit, qui ibi meminerit, Sabam reginam primam ex Arabia Balsami plantam in Judæam dono Salomoni Regi tulisse: ex qua postea aliæ propagatæ fuerunt. De Balsamo Ægypti eadem dicenda sunt, cum eam plantam ibi in viridario prope locum el Mattharia vocato, summa diligentia perpetuò custoditam vixisse, omnium Ægyptiorum relatione liquidò constet: quod omnes antiqui ac juniores Scriptores fatentur, minimeque in alio Ægypti loco inculto unquam vivere inventam fuisse, non semelque ibi periisse. atque ex Arabia rursus asportatam insertamque ac renovatam fuisse, omnes Cairini affirmant. Anno à partu Virginis Beatissimæ MDLXXV. Ægypti præfectus Eunuchus Messinor nominatus, dum quasdam partes Ægypti viseret, præsertimque el Mattharia, quem locum ob Virginis Beatissimæ honorem ac observantiam singulis hebdomadis die Veneris, quem diem isti, ac nos Dominicum sanctificant, adire ac visere, in ipsoque loco orare consueverat; proximè cum esset in viridario, videns omnes plantas Balsami exaruisse, ac periisse, è Meccha quadraginta plantas afferendas curavit, quæ sane in eodem viridario insertæ fuerunt, paucisque annis rursus curatorum negligentia perierunt. Quamobrem Ægyptii Balsamum semper ex Arabia habuerunt; quæ res scitu ibi non est difficilis, cum sæpius multi è Meccha per Rubrum Mare Cairum veniant. Iter quidem à Cairo in Meccham est facillimum, & frequentatissimum; verum non esset inutile nunc me historiam peregrinorum, qui annis singulis illa loca religionis causa adeunt, atque visitant, subnectere, sic enim certiora de loco, ex quo veniat nunc Balsamum, habere poteris; nec non undè Rex Turcarum multum opobalsami habeat. **GUILAND.** Perplacuit mihi ex te

audivisse Arabiam Fœlicem nunc, perpetuoque fuisse Balsami feracem, ex Ægyptiorum Arabumque testimonio. Quod verissimum existimo, quandò Dioscorides, Theophrastus, Plinius, Solinus, Serapio, Sethus, atque alii scriptum reliquerint, solum Ægypto ac Judææ fuisse olim Balsamum concessum. Quibus Scriptoribus plena fides fortasse haud omninò, me judice, erit adhibenda, cùm permulti alii ex antiquis Arabiam olim quoque Balsami feracem fuisse testatum reliquerint. Diodorus etenim Siculus in 2. libro suarum historiarum, Balsamum in quadam Valle Arabiæ nasci, & non alibi memoriæ prodidit. & Strabo in 10. lib. Geograph. ait: „His proxima est „fœlicissima Sabeorum terra, quæ maxima natio est, apud „hos thus & myrrha, & cinamomum nascitur, in ora etiam „Balsamum, & alia quædam herbula valde odorata” & Pausanias lib. 9. „De Viperis verò iis, quæ in Arabia inter Balsami „arbores versantur, diversum quidem accepi.” Sed cur nos magis Dioscoridi, Theophrasto, atque aliis de Balsamo quam Ægyptiis & Arabibus propè Balsameta natis credere debebimus? præcipuè quia incertus sum illos unquam viventem Balsamum offendisse, ac inspexisse, & hi in Balsami locis nati (quandò omnium cùm priscorum, tum hujus ætatis scriptis firmissime constet, Ægyptum Balsami plantas aluisse) quàm faciliè potuerunt has plantas vidisse, ac verè agnovisse, à quibus cum constet Ægyptum has ex Arabia habuisse, cur amplius dubitabimus Arabiam esse patrium Balsami solum? quæ res apud Ægyptios & Arabes demonstratione nulla opus habet, cum hi omnes certò sciant non modò superiori, sed præsentì quoque ætate Balsami innumeras plantas ex Arabia adductas vivere, atque omnes, quas hætenus Ægyptus habuit, exindè exportatas & sæpesæpius eo modo renovatas fuisse. Apud me itaque amplius dubium non erit, Dioscoridem, atque alios Balsamum solo Ægypto, ac Judææ concessum olim fuisse asserentes, plurimum deceptos, idque ex aliorum relatione magis, quàm ex vera scientia, litteris prodidisse. Sed tu tamen ne obliviscaris jam propositam peregrinorum Ægyptiorum historiam nunc recensere: quæ mihi gratissima erit. ALPIN. In Arabia Fœlici

lici civitas est primaria Meccha dicta, quæ est ad Mare Rubrum sita: ab ipsaque altera, Medina vocata, distat itinere octo dierum, in qua est sepulcrum Mahemetis ipsorum Pseudoprophetæ; ad quod singulis annis ex Ægypto duodecim vel quindecim millia peregrinorum se conferunt, sacrificaturi, & holocaustum oblaturi. His præficitur Dux quidam, qui trecentorum militum præsidio illos omnes peregrinos Meccham, Medinamque conducat, & mox Cairum reducat incolumes ab injuriis Arabum, qui non rarò in his desertis eos invadunt, & occidunt, ac deprædantur. Vivunt enim Arabes hi rapina victum quæritantes, suntque ferocissimi, atque audacissimi, habentque equos velocissimos, quibus utantur, legeque sancitum etiam habent, ut alicubi nunquam consistere queant, sed continuò equitent, degentes sub tentoriis. Peregrini itaque duce illo, quem Hamirag appellant, recta via Meccham pergunt, deinde redeunt proficiscuntur ad sepulchrum Medinæ, quod iter perficiunt diebus quadraginta: Medinæ & Mecchæ per alios viginti morantur. Turcarum Rex Medinam mittit duos præfectos, quorum alter sacris præest, & alter prophanis & militibus. Mecchæ verò, quæ Turcarum imperio non omninò obedit, præest quidam Arabum princeps, quem Seriph appellant, hoc nomine vocant omnes, qui à Mahemet oriundi sunt, & se illius cognatos scripto ostendunt. Habet hic princeps equitum armatorum decem millia, & viginti quoque millia peditum: quibus timens à Turca sibi hac itineris occasione insidias fieri, statim cum audit peregrinos ad sua loca appropinquare, recedit à Meccha & in montes se recipit, ubi usque dùm abierint peregrini, moratur; quibus quotidie minatur, nisi discedant post viginti dies, se aquas intercepturum, quandò aquæ omnes defluunt ex montibus. Mittit Rex Turcarum huic Seriph munera hæc, quippè chlamydem auratam, ejusque filiis & fratribus centum & quinquaginta millia aureorum singulis annis, pro quibus muneribus ipse Regi Turcarum dono mittit quadringentas petias lineas Indicas subtilissimas, cujusmodi esse byssum, de quo meminere sacre litteræ, existimari potest. Amplius cum eo bisso mittit etiam Regi opobalsami tres quatuorve li-

bras, & præfecto Cairi libram, atque Hamirag peregrinorum semilibram. Sunt etiam alii duo duces sive Hamirag cum multis peregrinis, scilicet alter è Damasco, & alter ex Arabiae Fœlicis locis, Meccham & Medinam visitatum venientes, quibus omnibus donat parum opobalsami. Postquam omnes Ægypti, Damasci, Arabiaeque peregrini Meccha discedunt, ad montem quendam proficiscuntur, quem appellant Arafat, ad cujus radicem est locus, quem Maure vocant, ubi sacrificant in memoriam sacrificii, quod fecit Abraham, credentes illum esse locum sacrificii. In medio verò itinere, quod redeundo conficitur, mons est arenosus, in quo multas balsami plantas vivere affirmant, quas miraculo Mahemetis in sterili illo monte natas affirmant. Cæterum ne ex hac historia dubites, tantum opobalsami habere Seriph, scito, ibi à Seriph opobalsamum solere locari, solvuntque, ut audio, aliquot millia aureorum in singulis annis; & qui habent ab ipso conductum, quibus volunt, vendunt opobalsamum, atque hæc est historia de peregrinorum ad eas urbes itinere, ut ex ea etiam scias undè ad Turcas tantum opobalsami accedat, atque ut etiam tuam hac de re retineas sententiam, quippè Arabiam Fœlicem esse proprium balsami solum, Ægyptum verò peregrinum. **GUILAND.** Quàm gratissimum mihi fuit, ex te diligentem peregrinorum Ægyptiorum peregrinationis historiam audivisse, nec non ex Arabia solum Regem Turcarum opobalsamum habere: nunc verò illius planta est à te describenda. **ALPIN.** Balsamum arbusculum est viticosum, quod crescit ad altitudinem Elhane, seu Ligustri vel Cythisi, folia paucissima gerens rutæ proxima, non tamen, ut dicebat Dioscorides, iis candidiora, sed potius lentisci foliis similia cernuntur, scilicet colore viridi, subalbido, perpetuoque virentia. Ejus lignum gummosum, leveque apparet, colore exterius subrubro, cujus ramuli eodem colore conspicui sunt, longi, recti, graciles, paucis foliis inordinatim referti, foliaque simul terna, aut quina, aut septena alæ adnata aliquo pacto lentisci foliorum æmula. Sunt ramuli odorati, gummosi, digitisque contrectati eis tenaciter adhærentes. Flores fert parvos albos Acaciæ floribus proximi-

proximos, ternos singulis alis appensos, quasi in umbellæ formam, summè odoratos, odor paululò temporis resolvitur, à quibus semina promanant flava folliculis nigris subrubefcentibus contenta, valdè odorata, intusque humorem flavum melli per similem habentia, sapore subamaro parumque acri linguam ferientia opobalsamumque redolentia, terebinthi fructuum figuræ & magnitudinis æmula, extrema aculeata & medium crassum obtinentia; opobalsamum æstate à scarificato cortice caudicis distillat, statimque eductum colore albescit, & postea in viridem, tertio in aureum, atque demùm in melleum mutatur. Stillatum etiam est clarum, quod mox turbatur, crassescit, & tertio tenuissimum atque clarissimum fit, tandemque senio confectum, ut terebinthina crassescit; olet in principio recentissimè destillatum acutissimo atque eximio odore, quod multis capitis dolorem concitare solet, & aliquibus etiam sanguinem ex naribus promoveri; odoris verò illa acuties ac vehementia, ac in Zebet fit, tempore obtunditur, & gratior evadit, senio verò confectum vix sentitur in eo aliquis odor, & ob id Dioscorides dixerat inutile esse antiquum. Est etiam in principio levissimum, & dilui facillimum, ita ut si in aqua vel lacte ex alto distillet, in imum vasis residere non patiatur; clarum verò aureumque redditum, ac ab omni fece purgatissimum mediocri lævitate præditum est, ita ut instillatum in aqua, etsi fundum petat, tamen citò rursus in superficiem aquæ feratur, cum eaque citò resolvatur; quæ omnia quò an nosius, eò obscurius habet. Hincque meritò dicebat Dioscorides, optimum Balsami succum esse recentem, validi odoris, sincerum, non ad acorem vergens, dilui facilem, levem, adstringentem, ac modicè mordentem gustum. **GUILAND.** Dubium in colore natum est, cum tu dixeris in primis opobalsamum statim eductum colore albescere, atque hunc colorem brevi tempore in viridem oleosum mutari, & mox in aureum, & tandem in melleum, & Dioscorides, quem tu haud negabis verum opobalsamum inspexisse, dixerit ipsum colore lactescere. **ALPIN.** Succum Balsami in aqua instillatum & liquatum colorem lactis accipere Dioscorides scriptum reliquit; quod

quod verissimum est ; quinimò hoc est signum inseparabile proprium, quod fidelius ostendit verum succum balsami ab aliis vitiatis, pro opobalsamo à multis receptis. Multa de opobalsami sinceri & adulterati notis, essent à nobis dicenda, non minusque de carpobalsamo, & xylobalsamo, de quibus medicamentis dubii sunt ferè omnes recentiores Medici, sed quia aliàs de his omnibus fusissimè à nobis in Dialogo de Balsamo scriptum est, quæ omnia cum te jampridem legisse & considerasse, certò sciam, nolo tempus amplius in iis consumere, sed sermonem nostrum ad alia traducere, proindè qui absolutam ac perfectam plantæ, succi, fructuum, & virgarum rationem audire, ac agnoscere cupiunt, Dialogum illum legere non graventur, ad quem te quoque pro aliis quæ de Balsamo superessent, dicenda, remitto. Balsami plantam apud me viventem verissimam Jacobus Contarenus Senator Clariss. Joannes Vothus nobilis Anglus, Fran. Ferrerius Gallus, Joachimus Jungermannus Germanus, Marcus Fenarius Venetus pharmacopola & plures alii viderunt, verumque etiam opobalsamum ab ejus foliorum alis dissectis instillavisse; quod multis maximè mirum fuit, cum aliàs Italiam hanc plantam habuisse, nusquam appareat; usus tamen in medicina, quos apud Ægyptios habeat opobalsamum carpobalsamum & xylobalsamum, tibi quoque detegere, ac referre nunc conabor; ab opobalsami dotis desumpto principio. GUILAND. Galenum paucos usus Balsami in medicina hinc novisse putandum erit, quod ipse in lib. c. de Simpl. Med. Facult. omnium simplicium medicamentorum usus copiosè docendo, de Balsamo nihil ad hanc rem protulerit, ut ex ejus his verbis constat: „ Balsamum desiccatur & excalefacit „ secundo excessu; est autem tenuium partium adeò, ut odoratum sit. Sed liquor ejus subtiliorum etiam partium est, „ quàm ipsa planta, non tamen adeò calidus, ut quidam existimant, tenuitate partium falsi. Porro fructus ejus persimilis genere facultatis est, cæterum longè in subtilitate partium „ inferior.” Sed age tu dic usus illius apud Ægyptios frequentatos. ALPIN. Nullum certè ibi est medicamentum, quo magis, ac frequentius gens illa medendo utatur, quàm opobal-

balsamum, quod quidem illi ferè ad omnes morbos, ac symptomata adhibent ad eosque maximè, qui vel ex simplici temperie frigida & humida, vel à frigidis humidisque succis, vel à venenis, concitantur. Summa cum laude eo utuntur ad omnia vulnera, quo mirificè curantur; quod ego experientia in Petro Mariano Veneto mercatore, in capite à Turcis nocte quapiam usque ad os pessime lignis vulnerato, didici: Balsamo siquidem inuncta ea vulnera per diem tantum, ferè omnino coaluerunt, & eo quàm paucissimis diebus, ut is testis esse potest, perfectè sanatus est: utuntur etiam ipso ad ulcera fordidà, quæ eo mundantur, atque sanantur. In venenatis, & demorsis à serpentibus, atque ictis à Scorpionibus tum epotum, tum illitum maximè juvat. In peste, ut ab ejus contagio defendantur, nihil majus habent, quo utiliùs & tutiùs utantur, singulis diebus ejus semidragmam deglutientes. Multasque etiam putridas febres eo epoto illi sanant, largiori ab ipso erumpente sudore. In chronicis febribus à crudis frigidisque humoribus, obstructionibusque viscerum, nihil utiliùs ac præstantius experiuntur, quàm opobalsami binos scrupulos, vel dragmam per os quotidie exhibere: liberat enim valenter viscera ab obstructionibus, caloremque naturalem fovendo crude humores concoquit, ac digerit. Hincque ejus usus ad omnes frigidos morbos, ac symptomata, apud eos est frequentissimus. Oculis visum deperditum, atque auribus auditum instillatum restituit, auriumque dolores sanat, præterea ad convulsos ex humiditate ac frigiditate, ad vertiginosos, epilepticos, resolutos, trementes, ad tussimque ex frigido humore, orthopnoeam, & omnem spirandi difficultatem, pulmonum fluxiones, humiditates, & dolores, ad stomachique frigiditatem, cruditates, atque ad omnes flatuum molestias, ad uteri frigidam humidamque intemperiem, ad præfocationes, dolores, sterilitatem, albos fluores, ad interceptam urinam ex frigiditate, flatu, vel lapidibus, ad calculosque in renibus valenter frangendos, ac abstergendos, usus opobalsami est apud omnes illos populos notissimus, & ad hæc omnia mala præstantissimum illi auxilium experiuntur. Mulieres verò Ægyptiæ

E

ste-

steriles eo tùm epoto tùm supposito, tùm suffito feliciori successu sæpè ad removendam sterilitatem utuntur. Non minori in usu etiam habent, ad pulchram faciem efficiendam, quando eo ipsa illita à rugis defendatur; audio etiam aliquas eo ad conservandam faciei pulchritudinem ac juventutem non inutiliter usas fuisse. **GUILAND.** Sed quomodo hæc illo ad conservandam juventutem utuntur? hic enim usus quamquam in ore multorum sit, nihilominus à nullo id discere potui. **ALPIN.** Ut mulieres faciei cutem, dum juvenes sunt, perpetuò conservare possint, opobalsami usum in hunc modum sequuntur. Balsamanda enim mulier (ut sic loquar) in balneum calidum in primis moratur quousque multum incaluerit, quo tempore cutem opobalsamo multoties copiose illinit; à qua linitione per horam & amplius in balneo valdè calido, quousque recte cutis opobalsamo imbibatur & arescat, morata, balneum egreditur, solitaque munia exercet, permanetque sic, facie atque pectore opobalsamo inuncta per tres ad minus dies, in quibus nunquam perunctam cutim abluit, vel mundat: ac tertia die ab inunctione, rursus in balneum eodem jam dicto modo se confert, faciemque ac pectus valdè calefactum copioso opobalsamo multoties perungit: aliquæ sunt, quæ vel decies una die cutem inungunt, observantes commodum intervallum, quo recte cutis peruncta totum opobalsamum imbibat, atque paululum arescat, ut promptius succum intimiùs haurire queat. Quam opobalsami unctionem hoc modo præstitam multoties moliuntur; saltem diebus triginta. In quibus cutem nunquam lavant, vel mundant; à quibus quindecim & etiam amplius, sic cute opobalsamo inuncta quiescunt, quousque nihil liquoris ostendat, probeque ab eo siccata fuerit; quo tempore aqua fabarum stillatitia, prius ad eas partes præmissa modica olei amigdalarum amararum inunctione se lavant, cutemque multis diebus abstergunt; atque hæc de viribus opobalsami sint dicta. Seminum atque virgarum quoque recentium usus apud illos est familiaris. Eis siquidem ad omnia ferè, ad quæ opobalsamo, utuntur; præsertimque ad robur stomacho conciliandum; ejus enim pulverem cum decocto spicæ nardi, ad



ad binas dragmas exhibent; idem præstat decoctum, quo maximè colorem naturalem fovēt, augent, & roborant; utuntur & ipso in spirandi difficultate, tussi frigida, atque aliis morbis à frigidityte nascentibus. Usū frequentissimū habet pulvis, & decoctum ad humiditates uteri exsiccandas, ejusque calorem vivificandum; suffitum ex his frequentant ad morbos omnes uteri à causā frigida concitatos; eodem modo & ligni usus est. Succus enim, femina, ac lignum iisdem facultatibus donata sunt, ad eademque usum habent; veruntamen opobalsamum, efficacius potest, eoque minùs carpobalsamum, omniumque minimè xylobalsamum; at tempus est, ut finito hoc sermone, nos ad alias plantas narrandas transeamus. **GUILAND.** Istorum trium medicamentorum usus omnes etiam Dioscorides, Avicenna, atque alii multi præclarissimi Medici docuerant, ex quo mirum non est, si iis adhibitis ad multa mala, voti compotes Ægyptii fiunt. Sed de Calaf tempus est ut loquaris, priùs tamen Balsami vera visa icone, quàm à Peruis Bei tuo familiari amico Turca Sangiach receptam, aliàs ex te audivi, atque ex tua vivente planta describere potuisti.

CAPUT XV.

De Calaf seu Ban.

ALPIN. **A**rbusculum fruticosum in Ægypto reperitur, quod mea quidem sententia, Salicis genus existit, nasciturque in locis humidis, foliis aliquatenus Salici proximis, sed multo majoribus; quippe longioribus, ac latioribus. Floresque ejus sunt quidam globuli oblongi, albi, lanuginosi, caudici ponè foliorum radices adnascentes, quotque in arbore folia existunt, tot flores emittit; crescit arbusculum hoc ad vitis magnitudinem ramis multis, sive stolonibus rectis: ex floribus, ut audio distillant aquam macahalaf vocatam, quam insignes vires ad exsiccandam putredinem, atque ad venena, & cor recreandum habere, illi prædicant, in Febri-

busque pestilentibus ipsa pro secreto auxilio apud illos habetur. Aquam etiam, in qua multi flores infusi aliquandiu manserint, vel in qua ebullierint, exhibent ad dolores capitis, atque ad virium recreationem, quam & ipsam validè putredini ac venenis obsistere experti sunt. estque ipsorum decoctum, ac infusio in aqua parata, ad quoscumque Febricitantes, apud illos in maximo usu.

CAPUT XVI.

De Bon.

ALPIN. **A**rborem vidi in viridario Halydei Turcæ, cujus tu iconem nunc spectabis, ex qua semina illa ibi vulgatissima Bon, vel Ban appellata, producuntur: ex his omnes tum Ægyptii, tum Arabes parant decoctum vulgatissimum, quod vini loco ipsi potant, venditurque in publicis œnopolis, non secus quàm apud nos vinum: illique ipsum vocant Caova. Hæc semina ex Fœlici Arabia asportantur. Arbor quam me inspexisse dixi, Evonomo similis observata est, sed tamen folia crassiora, durioraque habebat, viridiora, perpetuoque virentia. Usus est illorum seminum omnibus notissimus, ad parandum jam dictum decoctum, quod quo pacto ab illis paretur, aliàs à me dictum est. Utuntur tamen eius decocto ad roborandum ventriculum frigidiorum, adjuvandamque concoctionem, & non minùs ad auferendas a visceribus obstructions; in tumoribusque hepatis lienisque frigidis, & antiquis obstructionibus, feliciori cum successu decoctum multos dies experiuntur. Quod etiam uterum maximè respicere videtur, ipsum enim excalfacit, obstructionsque ab eo aufert, sic enim in familiari usu est apud omnes Ægyptias, Arabasque mulieres, ut semper, dum fluunt menses, ipsorum vacationem, hujus decocti ferventis multum paulatim sorbillantes, adjuvent. ad promovendos etiam, in quibus suppressi sunt, usus hujus decocti, purgato corpore multis diebus, utilissimus est. GUILAND. Avicenna de his feminibus meminit, similesque vel eos-







eosdem unus à te narratos de his feminibus memoriæ prodidit. ipsumque semen calidum in tertio, & siccum in secundo gradu constituit, quod tamen verum non videtur quando semen sapore dulcescat, cum paucò amarore nullamque acrimoniam præferat. Nihilominus ipsum obstructionibus viscerum, frigidisque tumoribus hepatis, vel lienis multum conferre docuit. Sed ait, stomacho nauseam concitare, pituitamque purgare, atque multa alia hæc semina præstare, experientia penes Ægyptios didici. atque hæc est arbor, quam Cairi olim inspexeram.

CAPUT XVII.

De Bahobab.

ALPIN. **B**ahobab est fructus magnitudine mali citri, cucurbitæ similis, intus semina nigra, dura, extremis in unum se miarcum quasi inclinantibus, & substantiam cucurbitarum similem habet, quæ in recentibus est humida, rubra, sapore acido non ingrato; Fructus recenter ab arbore excisus, gustui admodum gratus est, in Æthiopiæ inflammatis locis, acido sapore, quem contemperant divites saccharo, sitim valenter exstinguit, multumque refrigerat. Ibi, ut audio, eo utuntur ad omnes calidos affectus, febresque omnes putridas, præcipueque ad pestilentes, tum ejus pulpam cum saccharo comedentes, tum succum expressum cum saccharo potantes, vel ex eo paratum Syrupum accipientes. Cairi etiam, quo loco recens fructus non habetur, ejus pulpa in pulverem parata utuntur, quæ est terra rubra, adstringenti acidoque sapore gustum feriens qualis in terra Lemnia observatur: estque apud multos familiarissimus illiusce terræ usus ad pestiferas febres, tum ad sputum sanguinis, ad lienterias, dysenteriam, cruentumque hepaticum fluorem, nec non ad uteri menses firmandos; alii ejusce terræ in subtilissimum pulverem redactæ dragmam cum aqua plantaginis dissolutam, ad eadem exhibent, alii decocto, alii infuso utentes. Arborem quæ hos fructus fert, vidi ego in quodam viridario, foliis magnitudine ac figura aurantiis valdè similem.

CAPUT XVIII.

De Gossipio arboreo, Gotnemsegiar appellato.

GUILAND. **M**ultam ne ibi gossipii copiam Ægyptii colligunt? Syria etenim, atque Cyprus hujus plurimam copiam producit. ALPIN. Gossipium Ægyptii ad ipsorum usum aliundè advehunt, neque enim apud ipsos herbacea illa planta, ex qua Syri, vel Cypri Gossipium colligunt, adnascitur, sed tantum quæ arboreus frutex est, quæque in quibusdam tantum viridariis provenit, pluribus annis vivens, dissimilis ab herbacea tantum proceritate, caudicis, ramorum atque foliorum figura. Crescit autem ad decem usque cubitorum altitudinem, stipite, ramisque duris lignosis.

GUIL. Quid audio? arboreum Gossipium ibi spectari? nova certè omnibus herbariis planta, nusquam hætenus, visa, aut cognita. Sed dic quæso multæne ibi illius Gossipii plantæ nascuntur, ex quibus, queant usum illius usitatissimæ lanuginis explere? ALPIN. Paucae, & non nisi in viridariis, Gossipii arbores illæ spectantur, quæ eandem, quam herbaceum, ferunt lanuginem: quæ (ob modicam penes ipsos quantitatem) in usu non est, sed aliundè advecta. Utuntur Ægyptii, linearum petiarum loco, quibus nostri tantum utuntur; ad ulcera, vulneraque omnia sananda: quandò lineis petiis, apud nostros ad vulnera ulceraque frequentata, illi non utantur; adhibent & ipsa, uti nostri faciunt, ad fluentem sanguinem sistendum. Seminum quoque mucilaginis usus est frequentissimus ad omnes Febres exurentes, atque venena erosionem ventriculo, & intestinis inferentia. Ad tussientes ex acrium, salforumque humorum distillationibus, Gossipii plurimus est apud eos usus. In Arabia ex hac xylini lanugine telas illas tenuissimas (quas sessa illi appellant, atque multis byssum antiquorum esse persuasum est) parant, quæ utique ob pulchritudinem ab omnibus commendantur.







C A P U T XIX.

De Sambac Arab. sive Gelsimino Arabico.

ALPIN. **C**airi est frutex sarmentosus, qui sarmentis serpendo altius se extollit, foliis mali aurantii proximis, flores albos, octonis foliis præditos, omninò similes vulgaribus Jesmini floribus, à quibus differunt numerosioribus foliis, magnitudine odoreque prævalidiori, ac suaviori; usus florum est magis ad ornatum corporis, quàm ad sanitatem; nihilominus parant oleum, quo utuntur mulieres in balneis ad uterum calefaciendum & laxandum, ejus enim scirrhusis tumoribus maxime conferre expertæ sunt, ut partum etiam faciliorem reddant, oleum hoc & bibunt calidum, & ipso liniunt extrinsecas uteri partes. Utuntur quoque eò exterius inungentes thoracis regionem, tum per os ipsum calidum bibentes, ad tussim, anhelitusque difficultatem, & ad pleuritim lethalem, in qua sputum maxima cum difficultate educitur, & ad peripneumoniam, atque ad dolores vehementes stomachi, intestinorum, atque uteri. Parant hoc nostri unguentarii ex dulcibus amygdalis atque sesami feminibus, ex quibus odore florum Jesmini imbutis oleum exprimunt valdè odoratum.

C A P U T XX.

De Phaseolo nigro Lablab vocato.

ALPIN. **E**st arbor sarmentosa, quæ crescit ad vitis magnitudinem, sarmentisque vitis modo extenditur, ac expanditur foliis, figuraque similis est omninò vulgari Phaseolo, flores fert bis in anno, vere, ac autumno, Phaseolorum floribus aliquatenus similes, à quibus siliquæ longæ, instarque fabarum latissimæ cernuntur, quæ femina nigra Phaseolis planè similia continent, quorum alia nigra, alia subrubra cernuntur. Hæc arbor vivit annos centum, & amplius perpetuoque viret.

Ægyptii

Ægyptii Phaseolos illos in cibo frequentant, nostrisque non minùs gustui suaves existunt. Mulieres utuntur decocto cum croco ad excitandos menses; præterea utile est ad tussim, & dispnæam, & ad urinam suppressam movendam.

CAPUT XIX.

De Phaseolo rubro, Abrus vocato.

Est etiam arbor fruticosa, sarmentosa, volubilis, atque Lablab modo serpens, ac altius se extollens, latiusque se expandens, foliis Derelside vel Tamirindi, planè similibus, sed longè minoribus: moventurque etiam non secus, quam de Tamarindi foliis dictum est, ad Solem: Occidente quippè Sole clauduntur, totaque clausa manent, quousque Sol denuò oriatur, quo tempore rursus aperiuntur. Flores audio ferre hanc arborem Phaseolis proximos, atque filiquas quæ intus habent semina parva, rotunda, rubra, dura, Phaseolis omninò similia: quæ quidem corallorum uniones, quas collo puellæ gestare solent, omnibus planè videntur. Phaseolorum gustum & ipsa habent, quorum usus est ad cibum, iisque Ægyptii in iure elixis vesci consueverunt. Sunt verò cæteris omnibus difficiliora, ex quo stomacho maximè infesta sunt, flatuque multos concitant, & hypochondriacis valdè noxia observantur, ægerrimeque in stomacho concoquuntur, & pravum succum etiam generant.

CAPUT XXII.

De Mauz seu Musa.

ALPIN. **M**auz arbor apud Ægyptios vocata, crescit in multis locis Ægypti, præsertimque Damiatæ, olim Pelusii, ad mali Punici magnitudinem, sed ramis caret; nam instar cannæ folia sua spargit, quæ sic longissima sunt, & latissima, ut sex, septemque cubitorum in quibusdam visa sit longitu-





gitudo, & latitudo ferè duorum; ajunt multi insitam hanc plantam olim fuisse cannæ saccharinæ supra culcassæ radicem, vereque imago utriusque in ea cernitur, longitudinem cannarum, & latitudinem culcassæ in foliis adepta perpetuò viret, nunquam folia decidunt. Hæc planta fructus fert multos, parvis cucumeribus similes sed racematim multos appensos. Color ipso exterior aureus cernitur, corticesque suavissimum odorem, atque aromaticum spirant; substantiæ ipso cucumerorum persimilis aliquatenus existit, sed est tamen mollis, pinguis, lenta, dulcis, atque adprimè suavis, eam comedere assuetis, feminum, vel nucleorum expers. Stomachum gravat, difficulter concoquitur, multum nutrit, succumque crassum ac lentum generat, quo viscera obstruuntur, præsertimque hepar: est tamen auxilio tussientibus, suspiriosisque ex calore factis ejusque decocto utiliter utuntur, ad tussim ex calidiorum humorum destillatione genitam, atque ad pleuræ & pulmonum inflammationem, atque ad renes inflammatos, & ad eos, qui mingunt difficulter; ajunt etiam fructuum esum, vel decoctum assumptum, venerem augere. Fructuum cortices exsiccatos multam vim habere ad roboranda omnia viscera illi adfirmant, cordique opem ferre ex ipsis paratum decoctum in aqua calaf. Ususque hujus decocti ad febres pestilentes apud eos dicitur valdè utilis: pulverem quoque ipso corticum in cordis passionibus cum aqua calaf dissolutam epotant. **GUI-
LAND.** Planta hæc Theophrasto sub nomine palmæ fuit nota, atque Serapioni, qui de ipsa ea, quæ ad hominum salutem ex te recitantur, eadem ferè dixerunt. Neminem verò novi, qui, quod tu nunc ex Ægyptiorum relatione prodidisti, affirmarit, quippè hanc plantam è canna saccharum gignente, supra radicem culcassæ insitam esse: quamquam folia longitudine atque latitudine, utriusque plantæ, foliorum imaginem referre videantur, de qua hæc sufficiant.

CAPUT XXIII.

De Sesban.

ALPIN. **S**esban ibi frutex est myrrhi magnitudine, foliis securidacæ, sed longioribus & angustioribus, ramos habens herbaceos teneros; flores fert croceos, anagyridis perquam similes, racematim multos ab ala vel ramulo pendent, à quibus siliquæ longæ producuntur, fænugræco proximos, in quibus semina sunt etiam feminibus fænugræci non parùm similia. His fruticibus Ægyptii utuntur ad sepes texendas pro agrorum distinctione. Semina hos in medicina usus habere novi, etenim ajunt, humentem stomachum ficcare, roborare, & ipforum quoque usum tùm in decocto tùm in pulvere affectant ad cohibendum quemcumque alvi fluxum, atque non minùs ad menstruorum immoderata profluvia sistenda, ex ipsis insignem utilitatem experiuntur: & ut uno verbo dicam, in omnibus vacuationibus firmandis illorum feminum usum habent frequentissimum.

CAPUT XXIV.

De Sophera.


ALPIN. **S**ophera est planta fruticosa cubitalis altitudinis, gallegæ proxima, duris ramis, foliis myrti, tenuioribus multis, utrinque ordinatim alæ appensis: flores fert croceos, cassiæ florum æmulos, inodoros; ex quibus siliquæ parvæ promanant, quatuor aut quinque semina habentes, Sesban planè similia. Ajunt semina esse venenum hominibus.













CAPUT XXV.

De Beid el ossar.

ALPIN. **B**eid el ossar nascitur in humidis locis prope Alexandriam in ramo Nili Calig vocato, & Cairi in loco prope el Mattharia ferè perpetuò humido, ac ferè palustri, ex aqua Nili ibi diù manente; est planta herbacea, fruticosa, multis stolonibus ab radice rectis sursum ad duorum ferè cubitorum altitudinem se extollens, foliis latis oblongis, rotundis, ut Aloës folia, crassis, & candidis, ex quibus dissectis lac album manat; totaque planta lacte abundat; flores fert croceos ranunculi floribus proximos, à quibus loco fructuum duo testes invicem adligati pendent, satis hominis testibus persimiles, in quibus alba lanugo & semina parva, lata, lactucæ seminum æmula continentur. Foliis confusis, tum crudis, tum in aqua coctis utuntur emplastri modo in frigidis tumoribus, & doloribus; ex lanugine parant cubilia, quibus utuntur. Utuntur etiam ea ad excipiendum ignem ex filice excussum, tanquam esca, ac pabulo; tota planta lacte calidissimo, ac exurenti scatet, quem plures in quibusdam vasis colligunt ad expilanda coria, ea siquidem in eo lacte si aliquo tempore maneant, pilis nudantur. Lac quoque siccatum præstantius corpora solvit, atque dysentericos fluxus etiam lethales facit. Est etiam præstantissimum remedium ad impetiginem curandam, & ad plures alias cutis infectiones sanandas, eo si inungantur partes.

CAP. XXVI.

De Achaovan abiat, id est Artemisia alba.

ALPIN. **N**ascitur Cairi in locis multis quædam planta fruticosa, ramis densa, quæ trium cubitorum usque ad altitudinem assurgit, foliis artemisiæ intus nigris, atque extra candidis, tota planta lanuginosa, seu hirsuta, floresque fert umbellæ modo, multos, aureos, senecioni proximos; qui

tandem in pappum degenerant; flores, foliaque sunt parum odorata, sapore subdulci cum aliqua stipticitate; hanc volunt multi ipforum esse Achaovam majorem ac albam, quippe Artemisiæ speciem, ex quo ipsi eam appellant Achaovam El chebir abiat. Quam plantam nostri temporis herbarii alii cinerariam, alii Jacobæam marinam, vocant, Ægyptii ea ad multa utuntur, quippe decoctum ex foliis paratum ad renum, vesicæque calculos pollere ajunt, nec non ad sanandas viscerum antiquas obstructions, præsertimque ad uteri obstructions, frigiditatem, strangulationem, sterilitatem, inflationem, atque ad menses interceptos revocandos, proinde paratis ex foliis, floribusque in aqua infussionibus mulieres hystericæ maxime juvantur. GUILAN. Nova quidem est planta. Antiquis incognita, nisi sub Artemisiæ specie quis ipsam reponat.

CAPUT XXVII.

De Bammia.

ALPIN. **B**ammia est planta ad althææ magnitudinem, foliis floribusque malvæ, aureis tamen, à quibus fructus fiunt, similes quibusdam parvulis cucumeribus, qui semina parva, subnigra, rotunda continent; quæ apud illam gentem ad cibos in usu existunt; ex quibus seminibus non secus quàm nostri ex phaseolis, pis, aliisque leguminibus fercula parant. Frequentissimeque his ferculis vescuntur plerumque in jure carniū paratis; folia, fructusque frigidos esse, & humidos in primo gradu ajunt, habereque vim ipsos resolventem, ac emollientem; proinde pectori ac pulmonibus convenire, ventrem emollire, atque lubricum reddere; fomenti vel emplastri modo folia apposita inflammationes resolvunt, dolores mitigant, tumores emolliunt, concoquunt, ac ad suppurandos movent. Mulieres ad uteri duritiem, tum fomentis, tum emplastris, tum infussionibus ex foliis ac fructibus procuratis, multa cum utilitate utuntur; in renum verò inflammatione, & calculis, ex iisdem paratum decoctum per os cum fac-



BAMMIA.



1000



saccharo candido sumptum aliquibus diebus, pro selectissimo auxilio habent; ad opthalmias etiam finita fluxione decoctum collyrii modo frequentant, atque cum eo fomentare latus dolens in pleuriticis solent.

CAPUT XXVIII.

De Melochia.

ALPIN. **M**elochia est herba blito persimilis, folia tamen angustiora, longiora, acutioraque habens, flores ejus sunt parvi, crocei, leucoris minoribus, e quibus semina parva, nigra melanthio proxima, in quædam obliqua cornua conclusa, producuntur; semina sunt in maximo apud eos usu ad omnes affectus, quibus semina Altheæ conducere compertum est; nam melochia facultate planè similis Altheæ videtur: proinde ad suppurandos vel concoquendos, resolvendos, atque emolliendos tumores duros, ejus maximus usus est: habet etiam majorem visciditatem ejus mucilago, quam Althea. In cibis nihil est ipsa Ægyptiis familiarius, vel gratius: decoquunt enim in aqua vel jure carniū, ut nos betam elixare solemus. Convivia carentia melochiæ ferculis ab his parum reputantur; cibus quidem illis populis melochia est familiarissimus, ex quo multi tamen malè se habent, nam parum nutrit, & succum viscidum gignit, ex quo in difficiles obstructions viscerum, qui eam in cibo frequentant, incurrunt, nihilominus melochiam in cibis non omittunt, præcipueque viscosiorem mucilaginem facientem, avidè omnes esitant. Est tamen totius plantæ, vel maximè foliorum decoctum pectori amicum; ipsum enim humectat, ex quo ficcis, asperisque tussibus præsentaneum cum saccharo candido est auxilium; atque ægrè spirantibus; Semina quoque pondere duarum drachmarum sumpta copiosissimè purgant omnes humores.

CAPUT XXIX.

De Zatarhendi.

ALPIN. **V**ocant ii quandam herbam Zatarhendi (quod ex India illuc comportetur) parum crescentem, foliis crassis, rotundis, ac albis, succo plenis, multum odoratis, quæ neque flores, neque fructus edit; quam multi, ut origanum, siccatam pro obsonio comedunt. Audio apud multos ad tussim, spirandique difficultatem, & ad provocandam urinam, ac menstruas purgationes in usu esse.

CAPUT XXX.

De Pipere longo.

ALPIN. **E**st quædam herba in viridariis quibusdam custodita, junci foliis, sed crassioribus, è quibus sectis succus quidam flavus manat, valdè acris, ac exurens, totaque planta est calida in quarto gradu, magis quàm Piper exurens. Ea utuntur emplastri modo apposita, ad coxendicis dolorem, nec non ad frigidos articulorum dolores; corrigunt verò nimium ejus calorem oleo rosaceo, vel myrtino.

CAPUT XXXI.

De Absus.

ALPIN. **E**st etiam quædam herbula crescens palmi magnitudine, vel aliquantò major, foliis trifolii, sed rotundioribus, quaternis singulæ alæ appensis. Flores parvos, albos, & semina pyri seminibus proxima ferens. quam Ægyptii Absus vocant













CAPUT XXXII

De Sesamo seu Sempsen.

ALPIN. **S**empsem, à nostris Sesamum, planta est unius caul-
lis, recti, se ad unius cubiti altitudinem extollens,
foliis densis ordinatis totum caulem vestientibus, folatro pro-
ximis, floribus albis parvis, à quibus siliquæ producuntur qua-
drilocatæ, parvæ; semina flava, lini similia continent quæ
gustui dulcia existunt; ex quibus oleum, quod Zeid taib ap-
pellant illi, quod ad cibos in frequentissimo usu est, majorique
pretio, quam olivarum oleum ibi venditur. Folia, semina,
& oleum ferè ejusdem facultatis esse experiuntur, quippè
calidæ temperatæ, atque humidæ ad secundum gradum acce-
dentis, resolventis, & emollientis. Plantæ decocto utuntur
ad ophthalmias resolvendas, fomenti modo oculis adhibito; at-
que ad tussim, anhelitusque difficultatem, pleuritidem, peri-
pneumoniam, & tumores duros scirrhosos; mulieres pro uteri
duritie insecutiones, ex planta, feminibusque cum modico mel-
lis paratas frequentant: eodem ad cutis vitia utuntur, quippe
ad furfures capitis, livoresque faciei, & nigrores ex sanguine
congelato exortos, calido fomenti modo sæpè apposito; ex
planta & feminibus in aqua concoctis cum modico mellis em-
plastra ad tumores scirrhosos, atque ad exsiccatos nervos pa-
rant, quibus utiliter semper uti solent: quæ etiam ad combu-
stas partes utiliter frequentant, non minus quam ad calidas in-
flammationes resolvendas, vel suppurandas; decoctum etiam
in clysteribus ad colicos dolores, & ad emolliendam alvum af-
fectant. Mulieres ad movendas menstruas purgationes, de-
coctum ac infusum in aqua paratum pro secreto auxilio habent;
neque sua spe hæ, quibus præ crassitie sanguinis, venarumque
uteri obstructione menses non veniunt, frulantur. Seminis
ad cibum usus est antiquatus apud omnes Ægypti accolæ, pau-
ci tamen est nutrimenti, sed alimentum unctuosum ac crassum
præbet; ex quo, quamobrem ipsorum frequenti esu mulieres
impinguescant, facileprehenditur; quæ verò ipsarum cor-
pora

pora pinguefieri cupiant, semina à cortice mundata comedunt, plus pinguefacit oleum ex feminibus expressum, omniumque maxime fæx olei tachine ab illis vocata. Oleum fæcemque ejus bibere, ad hoc ut impinguescant, mulieres in balneis familiarissimum habent. Oleo etiam ad multa alia Ægyptii uti consueverunt, quippè ad cutis pustulas, asperitatem, ac omnem defædationem ex humore melancholico concitatam, tum epoto, tum in cibis frequentato, vel ipso affectis partibus inunctis. Secretum apud quosdam auxilium est, ad cutis pruritus abolendos, ejus quatuor uncias multis diebus bibendam exhiberi; eo etiam illi utuntur, ad anhelitus difficultatem, pleuritim desperatam, in qua nihil exspuunt ægroti, atque ad peripneumoniam, nec non ad movendos menses, atque ad vehementes stomachi, intestinorum, uterique dolorum cruciatus demulcendos, intus, extraque præstito. **GUILAND.** Tibi gratias multas habeo, qui mihi hujusce plantæ tot tantasque utilitates medicas ab ea gente compertas dixeris, quas dignas auribus nostrorum quoque medicorum censeo, quando non solis Ægyptiis hæc manifesta fuerint, sed multi alii præclarissimi Medici eadem ferè in posterum memoriæ prodiderint, ut est Rasis, Avicenna, Haly, Serapio, atque alii. Sed nunc restat, ut plantæ iconem spectemus, & an ea sit, quam aliqui pinxerunt, qui in illa dubii ex Theophrasti lectione decepti videntur; hanc plantam Sempsem appellant.

CAPUT XXXIII.

De Culcas sive colocassia.

ALPIN. **N**ulla planta Ægyptiis colocassia, quam illi Culcas vocant, est magis nota, neque magis in usu, quando omnes radices hujus plantæ in jure coctas, atque aliis multis modis in cibis paratas assiduè esitent. Non secusquàm nostri rapas; agri colocassiiis pleni ibi spectantur, atque quod mirabilius videtur, nemo illorum aliquam ipsarum plantarum floribus, vel fructibus usquam præditam vidit. Ego ex innu-
me-



meris illis viventibus à me sæpè inspectis, nullam unquam florentem videre aut cum aliquo fructu, vel aliquo caule, potui. Ex quo dubitandum videretur, eam plantam esse Græcorum fabam Ægyptiam; planta hæc ibi spectatur foliis nenupharis, longioribus, ari proximis, sine caule, flore, atque fructu: ejus radix magna, crassa, chinæ radicibus similis cernitur, sapore subamaro acri cum aliqua viscositate, quæ cocta dulcescit, quotidie passim toto anni tempore per urbem innumeræ radices venduntur, viliori pretio. Hinc sanè multum semper miratus sum, Dioscoridem, Ægyptiam fabam flores, atque fructus ferre, & eam item colocassiam esse prodidisse. Quam plantam quoque eo nomine Ægyptii nominant, quippè culcas. Quam nusquam floruisse, nullumque fructum dedisse neque vidi, neque aliquem vidisse unquam audiui: cujus litem relinquo aliis libentissimè dirimendam. Eam tùm crudam; tùm coctam libentissimè Veneri indulgentes mandunt, tùm quia putant semen multum gignere, tùm libidinem prævalidè movere.

CAPUT XXXIV.

De Loto Ægyptio Nuphar vocata.

ALPIN. **P**roximo de Colocassia cognito errore, hic alius à nobis de Loto Ægyptio animadvertitur, quando hæc planta planè eadem sit, quam nostri nympheam, atque Arabes Nuphar appellant. In toto quidem flumine Nilo Ægyptia loca lambente nulla alia planta est inventa quæ notas loti præferat, quam nympha ipsa, quæ profectò planta similis est, ut de Loto affirmat Dioscorides, Colocassia, seu Fabæ Ægyptiæ, floremque fert album (loquor de majori nympha) lilio valdè similem, quam clariùs expressit Theophrastus, qui dixit; & flos candidus, liliis foliorum angustia proximus; verè enim hic majoris nymphæ flos est, qui Sole occidente clauditur, atque sub aqua occultatur, atque oriente supra aquam affurgit, & foras exit, aperiturque. Quod

G

non

non modo in Ægypto, verum in multis Italiæ locis in hac planta observatur, maximeque in locis omnibus circum Venetias lacunosis vel palustribus. Valles siquidem Margheræ, ac Mestri plurimas has plantas ferunt, in quibus quisque quod à Theophrasto, Dioscoride, atque aliis multis de Loto dicitur, planè observare potest. Et quid? nonne etiam ex flore caput producit, papaverum capitibus valde simile? in quo semina multa minuta, qualia verè milii existunt, continentur, radixque crassa est? Non possum non vehementer admirari Theophrastum, Dioscoridemque, atque alios, qui omnes à nymphaea, distinctissimis capitibus lotum Ægyptium sejunxerint, quando utraque unum atque idem planè sit, & mirandæ ad Solem conversiones de Loto celebratæ eadem sint, quæ in communi nymphaea ab omnibus animadvertitur. Ipsa enim occidente Sole florem claudit, deindè tota, cum foliis sub aqua occultatur, eoque oriente, florem primò extra aquam demittit, aperit, atque paulò post cum omnibus foliis supra ipsam assurgit. Ægyptii caules crudos cum suis capitibus per æstatis calores mandunt: subdulces enim sunt, atque humidi, admodumque refrigerant & humectant, quos appellant Razelnil.

GUILAND. Miror equidem non parum Plinii diligentiam, qui hæc scripserit L.II. c. 17. & 18. „ Mirum est quod præter hæc traditur. Sole occidente, papavera ea comprimi, & integri foliis. „ Ad ortum autem aperiri donec maturescant, flosque, qui „ est candidus, decidat. Hoc amplius in Euphrate tradunt, „ & scapum ipsum, & florem vespera mergi usque in medias „ noctes, totumque abire in altum, ut ne dimissa quidem manu possit inveniri. Verti deindè, paulatimque subrigi, & „ ad exortum Solis emergere extra aquam ac florem patefacere, atque etiamnum exfurgere ut planè a aqua absit altè. „ Quando in communi, ut tu dixti, nymphaea ponè locum Marghera appellatum, in stagnantibus aquis dulcibus, isthæc omnia plane observentur, atque propè Mestrim civitatem in omnibus illis convallibus. At Nymphaeæ vel Loti Ægyptii medicos usus populis cognitos nunc prodeas. ALPIN. Utuntur floribus & foliis contusis ad omnes calidas inflammationes, atque



que etiam succo, præsertimque ad demulcendos dolores, à calida causa obortos, lacte atque oleo rosaceo misto, eodemque itidem modo oleo, quod ex floribus parant ad calidos dolores, inflammationes, exustiones, ulcera, & dolores capitis in febricitantibus, vigiliis, tum exterius folia contusa applicant, tum ejus succo cum oleo & aceto frontem & tempora, illinunt; ad conciliandum somnum syrupum ex eo paratum frequentant, atque tum seminum, tum radicis pulverem ægrotis cum ejus decocto exhibent. Usus radicis, seminumque secreti loco habetur apud multos, ad Gonorrhæam, & in mulieribus ad album profluvium firmandum, & ad Dysenteriam. Multi verò ab hujus plantæ usu cavent, ejus loco alia sequentes, eò timore ne eis coeundi tum desiderium, tum vires minuantur; apud eos etenim omnes compertum est usum seminum, atque radicis homines reddere ad Venerem valde frigidos, ac tardos. Hinc usum hunc multos ibi sanctos Heremitas sequi audio, ut facilius vitam cælibem ducere queant. Sed jam ad papyrus sermo à nobis convertendus est, quando hæc planta quoque in Nilo flumine nascatur. Verum quoniam omnia de hac planta tum ad cognitionem, tum ad usum pertinentia te in Plinii capitis de papyro commentario (quod Papyrus vocasti) planè profecutum fuisse scio, paucis de ea mihi nunc agendum puto.


CAPUT XXXV.

De Stratiote, Hay alem el maovi vocato.

ALPIN. PELUSIUM nunc Damiata vocata, civitas in Ægypti humiliori solo posita est; quo fit, ut Nilo flumine ad eam perlabente (quod penè ipsam spacio quinque millia passuum in mare mediterraneum evomit) largiùs ejus solum inundetur, & ad libitum irrigetur. Hincque multo lætiora atque amœnissima, quàm in toto Ægypto reperiantur propè hanc urbem, viridaria cassiis, limonibus, musis, vitibus confita, atque inter se more Italico fossis (quæ alibi in tota Æ-

gypto nusquam reperiuntur) aqua fluminis decurrente plenis, distincta spectantur. In illis itaque fossis quæpiam herba copiosè provenit, aquæ lenticulæ palustris modo supernatans, sine caule, foliis Cynoglossi, brevioribus, latioribus, densioribus, durioribus, hirsutioribusque ac albidioribus, à quibus pro radicibus exigua ac rara quædam lanugo pendet. Quæ planta majori sedo, vel sempervivo est similis, Quam appellant Hay alem el maovi, quasi dixerint aquosum sedum. Nullo odore est referta, eo excepto, quem ab aqua accipit; sapore tamen adstringenti, ac sicco linguam ferit, non secus quam acacia faciat. Ad eadem ipsa mala ii utuntur, quibus plantaginem conducere compertum est. Ex quo mulieres rusticæ, quas Bedovi vocant, ad sistendam sanguinis eruptionem ex utero, atque aliis partibus, ejus decoctum, vel succum, vel pulverem per os quotidie ad drachmæ pondus sumunt. Rustici quoque ad vulnera sananda foliis contusis superpositis utuntur, mirificeque ea sanant; eamque frigidam usque ad primum gradum, & siccam supra secundum illi esse arbitrantur. **GUILAND.** Hanc plantam verum esse Stratiotem antiquorum existimo, de qua Dioscorides hæc nobis prodiderat L. iv. c. 103. „Stratiotes in aquis nascens, aliquibus fluviatilis Stratiotes nuncupatur; Ægyptiis Tibus, Magis Æluri sanguis. Aquis supernatat, & sine radice vivit, unde cognomen traxit. Herba sempervivo similis, nisi majora haberet folia, „Ad eademque mala, ad quæ ea Ægyptios nunc uti dixisti, præstare Dioscorides etiam scribit L. xxiv. c. 18. Itaque non erit dubitandum hanc herbam esse Stratiotem. Quod clarius Plinius demonstrasse hisce verbis etiam visus est. „Celebratur autem & à Græcis Stratiotis, sed ea in Ægypto tantum, & inundatione Nili nascitur, aizoo similis, nisi majora haberet folia. „**ALPIN.** Verum loqueris. Sed ad alia transiendum est.

STRATIOTES
aversis foliis.





CAPUT XXXVI.

De Papyro Berd vocata.

ALPIN. **P**apyrus, quam Berd Ægyptii nominant, est planta fluminis Nili, binis aut pluribus caulibus rectissimis supra aquam sex, septemve cubitis assurgens. Cauliumque in fastigiis scapus innumeris capillamentis, longis, rectisque contextus, cernitur. Foliis quoque constat multis rectis, ensiformibus, tiphæ aliquatenus similibus, triangularibus, ac mollibus. Chirurgi illorum medulla utuntur ad ulcerum ora dilatanda. Ex scapique combusto cinere, recentia ulcera curant. Qui etiam maligna augeri (si sæpè aspergatur) non finit. Ex scapis recentibus aquam distillant, ad oculorum suffusiones, caligines, ac obscuritates maximè proficuum.

CAPUT XXXVII.

De Cypero.

ALPIN. **C**yperus rotundus, quem Ægyptii vocant hodveg, in Nilo flumine, atque in pluribus Ægypti lacubus vel locis palustribus, copiosissimus provenit, porraceis foliis, longioribus tamen atque exilioribus, cauleque cubitali, anguloso, in cujus cacumine sunt folia aliqua stellæ modo radiantia, è quibus spicæ aliquæ procedunt herbacei coloris semina continentes: radices nigrae, rotundæ, magnæ, olivæ crassitie spectantur, multæque uni radice capillamento appensæ simul cohærentes, odoratæ, atque acuti saporis. Hæ calefaciunt, exsiccant sine mordacitate, incidunt, attenuant, oraque venarum aperiunt. Apud Ægyptios maximos ad medicinam usus habent, præcipueque ad ulcera oris, & pudendorum sananda familiarissimum ipsarum tum pulvis, tum combustarum cinis, est remedium, ex ipsis paratum decoctum vel pulvis stomachum, cerebrum, pulmones, uterum, nervos, articulos, ali-

quibus diebus sumpta, plurimum calfacit, siccat, roboratque naturalem calorem: ex quo omnibus morbis à cerebri tum frigida humidaque temperie tum frigidorum humorum distillatione concitatis, hæ efficacissimum sunt auxilium: non minusque stomachi cruditatibus, humiditatibus, flatibus, anhelitusque difficultati, orthopnœæ, tussi nec non hysteriis omnibus mulieribus ex frigido humidoque utero affectis, aliisque morbis, ab iisdem uteri causis obortis, & articulorum doloribus. Familiare satis remedium ad suppressos menses eas esse ibi expertum est, nam menses efficacissime revocant. Decocto ac pulvere ad frangendum tum in renibus, tum in vesica lapidem, ac ad provocandam urinam frequentissime illi utuntur, quod etiam non minus in omnibus chronicis febribus, ac aliis diuturnis morbis frequentant.

CAPUT XXXVIII.

De Chaté, Abdellavi, & batecha el mavi.

ALPIN. **I**n usu habent Ægyptii genus quoddam cucumerorum Chatè vocatum; quæ planta à communi cucumere alia quidem re non differt, nisi magnitudine, colore, & mollitie, quando Cucumis Ægyptia folia habeat minora, albiora, molliora, atque rotundiora, fructusque producit admodum à nostratibus differentes, quando his longiores, viridiores sint, ac cortice plano molli, æquali spectentur, gustuique sint dulciores, atque concoctu faciliores. Horum usum corporibus in cibo ipsis tum crudis, tum coctis vescentibus, salubrem esse apud omnes eorum locorum incolas creditur. Medici aliqui ibi nonnullis febricitantibus crudos etiam mandendos concedunt, præsertimque pesti affectis, quibus cucumeres hos crudos esitatos summè conducere omnibus (nescio qua ratione) persuasum sit. Coctos in ardentibus febribus, utiles esse ratione confirmatur, quando refrigerent, atque humectent. In renum & vesicæ calidis morbis, cum lacte coctos cucumeres multis diebus non sine multa utilitate in cibo sequuntur. lac etiam ipsorum seminum pro iisdem malis per os sumere sæpè so-





Page 10 of 10





solent. Ad oculorum verò, aliarumque partium calidas inflammationes pulpa contusa cucumerorum lacti mista utuntur. Et ad sedandos podagricos dolores à causa calida concitatos, succum lacte oleoque rosaceo mistum, partes liniendo, sequuntur. Stillatitiam aquam ad libram ad jecoris caliditatem corrigendam & ad sanandos renes tùm inflammatos, tùm à calculis vexatos multis diebus ægrotos bibere consulunt, quibus ipsam satis iis conferre experientia compertum est. sunt aliqui, qui ad hæc eadem mala aqua stillatitia lacti eorundem cucumerorum seminum mista, uti solent. ex Melonibus etiam quosdam à nostratibus planè diversos Ægyptii habent, quos Abdellavi vocant, ad differentiam aliorum, quos etiam Chajar nominant. quorum usus ad cibum haud multum jucundus percipitur, cæterisque omnibus insipidiores ac molliori pulpa observantur. Habent tamen semina, quæ aliis omnibus longè magis ad refrigerandum præstare putant. Qua de re, omnes ea plus aliis in usu frequentiori habent, aliorum melonum semina parvi facientes. Planta nostratibus non multum differt, sed fructus fert oblongos, acutos, extrema, & medium valdè crassum habentes, Bahobab nuper narratis fructibus proximos. Habent etiam Angurias à nostratibus non nisi magnitudine quoad aspectum differentes: nostris quidem majores, cortice flaviore, quæ intus semina tantum, & aquam dulcissimam continent. Quam ad sitim arcendam, caloremque multum in stomacho, vel hepate vel renibus corrigendum largiùs epotant. Ad febres non minus ardentes, & tertianas, usus illiusce aquæ summo-perè laudatur, atque ab his frequentatur. Sunt qui distillatione aquam tenuiorem ad siticulosos, stomachos biliosos, ad jecur renesque calidos, & à calculis vexatos, eliciunt. quam certè ii multæ utilitatis esse experiuntur. Turcæ Ægyptii, Arabesque lasciviorē vitam agentes, per æstatis summos calores, harum anguriarum aquam in potu frequentant, eique aliqui modicum aquæ rosacæ, moschi, atque ambre miscent. His Advenas honorare consuetudo Ægyptiis est, eas scilicet edendas obferentes. Illas per annum in paleis incorruptas conservant: aliquandoque sic cariori pretio ibi ad ægrotos venduntur, ut

unam

unam argenteo aureo venditam cognoverim. Sic verò ejus aqua diuretica est, ut ipsius usum assidue sequentibus, hernias, ad testes defluxa, incredibili magnitudine facere soleat. Hinc ibi plures herniosos spectare licet.

CAPUT XXXIX.

De Achaovan, seu parthenio inodoro.


ALPIN. **A**chaovan, est planta herbacea camomelo proxima, quæ tamen non adeò alta extollitur, sed parum supra terram latius expanditur, foliis parthenii, minoribus ac densioribus, floribus camomeli æmulis. Herba saporis odorisque expers percipitur, sed flores odorem gravem, perobscurumque spirant. Florum, foliorumque decoctum in usu habent ad tollendas viscerum obstructions, præsertimque ad Ictericos. GUILAND. Si sapor acutus in hac planta sentiretur, cotula Serapionis, sine dubio esset. ALPIN. Hæque plantæ existunt, quas Ægypti patrias esse observare potui.

CAPUT XL.

De Nejem el salib sive gramine Crucis.

ALPIN. **G**ramen quoddam nascitur exile, radicibus serpens albis, geniculatis, dulcibus cum aliquali acrimonia, communi gramine proximis, digiti altitudine, geniculati, ramulis assurgens, foliis communi gramine similibus sed minoribus, ramuli habent quatuor spicas, Ischami, vel graminis sanguinariï similes, perfectam crucem figurantes, quam æquè omnes uno modo formant: ex quo ipsum Ægyptii nejem el salib vocant, quasi dixerint, gramen crucis, in quibus fiunt semina minutissima feminibus communis graminis similia. Maximum usum semina apud omnes habent ad eos scilicet, qui tum renum, tum vesicæ calculis laborant, atque ad frangendos lapides









ALCHIMELLECH, *Melilotus*.



des in vesica concretos. Quod genus morbi ibi est familiarissimum, & quasi endemium, ex causis aliàs narratis. Mulieres radicis decoctum tum ad pueros variolis, atque morbilis correptos maximè sequuntur, tum ad seipsas, ubi cupiunt interceptas menstruas purgationes rursus evocare. Sunt aliqui, qui pro secreto auxilio habent decoctum, ex feminibus modice contusis paratum, ad adjuvanda exanthemata in febribus pestilentibus, quas peticulas nostri appellant. Ad usum quoque vulnerum & ulcerum, non parvum apud eos, tota herba, præcipuè radices, habent usum. Ajunt radicem frigidam atque siccam esse, tenuissimarumque partium. Quamobrem non desunt multi, qui ad movendum sudorem ejus decocto familiarissimè utuntur.

CAPUT XLI.

De Meliloto Ægyptio Alchimelech vocato.


ALPIN. **M**elilotus, quo Ægyptii utuntur, semen minutum est rotundum, subnigrum, declinans ad rubrum, odoris non omninò expers, sapore stiptico cum aliquo amaro-
re. Planta, quæ ipsum producit, est parva herba supra terram expansa, modicè repens, ferè nihil, aut parùm in altum se attollens, foliis trifolii filiquosi, minoribus tamen, floribusque parvis multis, longis, racemi modo ordinatis, croceis, odoratis, à quibus promanant filiquæ, parvæ, obliquæ, semen, quale dictum est, continentes. Hujus plantæ femina tantum apud illos in usu existunt. Quæ putant ii quoad calorem & frigiditatem esse temperata, sed ficcare, resolvere, ac stipticitate roborare, ex quo ad hepatis tumores ipsorum usus apud illos est frequentissimus: quoniam sine aliqua relaxatione digerit, & resolvit. Ad omnes quoque dolores, quascumque corporis partes occupantes, fomentis ex ipsorum decocto utuntur, maximè ad pleuritim, peripneumoniam, & ad hepatis, coli, & ventriculi dolorem; quibus dolore vexatis, ipsorum decoctum ad libram bis in die calidum bibunt. Mulieres quo-
H
que

que uteri strangulationibus, flatibus, ac doloribus eo subveniunt, præsertimque ex eo etiam infessionibus paratis; quæ etiam fœnugræci, linique feminibus, paratæ, & camomeli floribus, efficacius ad illius, & aliarum partium duros tumores administrantur, atque ad evocandos menses retentos. Ad roborandum ventriculum, & aperiendas obstructions venarum decocto summè proficuè utuntur. GUILAN. Nunc ex te verum esse intelligo, apud Arabes Meliloti usum esse feminum, quemadmodum Græci non femina, sed flores in usum admittunt. An verò hæc planta verus sit melilotus, aut potius ea, quam nostri lotum urbanam, atque fertulam campanam (quæ est planta magna fruticosa) appellant, aliàs declaramus, huic enim disputationi hic non videtur esse locus. Ego tamen hoc tantum dico, me libentius Ægyptiorum opinioni declinaturum. Sed Ichonem nunc apponito.

C A P U T XLII.

De Kellù, Psyllio, Melanthio, Cappare, Urtica, Solano somnifero, Coriandro, Ocymo, Hyosciamo albo, Conyza, nucemethela, Secamoné.

ALPIN. **P**ropriis Ægypti à nobis hætenus cognitæ plantis, nonnullæ communes pluribus aliis locis, priusquam hunc sermonem claudamus, prætermittendæ quidem non sunt; maximeque ex his, Kellù ab Ægyptiis vocata planta, à quibusdam Antyllis, Psyllium, Melanthium, Capparis, Urtica, Solanum somniferum, Coriandrum, Ocymus Goriophyllatus albus Hyosciamus, Conyza, Stramonium, Secamoné, de his ipsis igitur aliquid commentemur. GUIL. Aliquid te de his scitu dignum dicturum puto; proinde ut lubet loquere. ALPIN. Kellù, nostri quoque Kalli, plantæ tres utique in Ægypto species aluntur, ex quibus omnibus combustis cineres fiunt, ad vitra, saponem, & alia multa; prima species eadem est plan-



KELLU seu *KALLI* II.





planta cum ea, quam nostri Kalli geniculatum, appellant. Altera est, quam nonnulli album Kalli vocant, Tertiaque Ægyptiis magis propria, foliis constat paucis ajugæ foliis proximis, sed valde longioribus, uno cauleque non omnino recto, à quo tres, quatuorve cauliculi exoriuntur, qui rectè sursum feruntur, quilibetque ipsorum in cacumine scapum quinque aut plus foliis chamepythios proximis, at deorsum in arcum recurvatis, inclinantibus conflatum, à cujus medio flosculi rosarum similes exsurgunt multi.

Hæ omnes plantæ salsæ, atque acri sapore linguam ferunt. **GUILAND.** Sine dubio utræque hæ plantæ à te postremo descriptæ sub Anthyllidis secundæ genere reponendæ sunt. Dioscorides siquidem Ajugam docens sic scripsit: „ Herba in terra „ repens, incurva, foliis sempervivi minoris, multo tenuiori- „ bus, hirsutis & pinguioribus, circum ramos densis. „ In capite verò de Antyllide ipsam Ajugæ foliis proximam esse statuit. Sed sequere reliqua enarrare. **ALPIN.** Ex his fanè tribus Sole in primis exsiccatis, & mox combustis cineres eæ parantur, quæ illinc Venetias convehuntur ad vitra, atque alia conficienda. Ajunt multi illorum folia trium harum plantarum, sed maxime secundæ atque tertiæ kalli in pulverem reducta, per os sumta phlegma atque bilem exustam purgare. Idemque ex foliis expressum succum facere.

Psyllium copiosissimè ibi provenit. Cujus feminum apud eos usus est, præsertimque mucilaginis ab ipsis paratæ cum aqua rosacea, in omnibus febribus biliosis, ardentibus, inflammationibusque pectoris, uti in Pleuritide & Peripneumonia. Sed extrahunt cum aqua hordei, & cum saccharo candido exhibent. In aqua rosacea extracta Psyllii mucilagine ii utuntur in biliosis Diarrhæis, & dysenteriis; ad externasque omnes inflammationes, emplastri ac fomenti modo tum ex viridis plantæ foliis, tum ex feminibus psyllii tota planta utuntur. Quam plantam vocant Chetùn. Nigella ibi etiam provenit, quoad flores pulcherrima, quando floribus majoribus, ac numerosioribus foliis præditis spectetur, ejusque semen in usu est frequentissimo in pueris, ad necandos vermes, contusisque feminibus cum aceto emplastri modo ad plures cutis infectiones utuntur. Mulieres etiam, quæ non purgantur, eo si suffiantur;

maximè juvantur, vocantque hanc plantam Suneg. Cappares Alexandriæ majores quàm alibi inveniantur, proveniunt, quos cappar quoque appellant; ex quibus cortices radicum in usu habent frequentissimo ad vermes necandos, ad movendos menses, atque ad quoscunque tumores duros: præsertimque lienis sanandos, pro quo indurato membro, exhibent decoctum per os multis diebus, exterius ex corticis pulvere, & aceto facto emplastro, cui aliqui modicum mellis miscent, quo præsidio utuntur ad cutis maculas, & infectiones, eas linientes. Alexandriæ Urtica prima, quam ii vocant Angiar, provenit copiosissimè, & proinde ejus semina multos usus ibi quoque habent, maximumque ad venerem excitandam, præsertimque in frigidis corporibus, si cum vino dulci bibantur. Nonnulli ad idem ex feminibus iis, radiceque buzeidam, ac melle componunt electuarium, cujus semunciam quotidie sumunt. Usum non minorem semina habent ad pectoris, pulmonumque vitia, ejus enim decocto cum melle parato in tussi, anhelitus difficultate, orthopnæa, & peripneumonia à crasso frigidoque humore concitatis, familiarissimè utuntur; farina quoque cum melle eclegmatis modo ad eadem mala, cujus usum cum aceto emplastri modo ad omnes difficiles cutis pustulas sequuntur, & ad omnes maculas cutis ejusque infectiones, tumores duros non minus, præsertimque ad parotidas. Mulieres nihil habent, quo valentiùs uterum calefaciant, mudent, atque ab obstructionibus sanent, quam urticam, ex quo ad movendos menses seminum decocti, atque suffiti usus est apud ipsas frequentissimus, maximeque addita myrrha. Cinere ex feminibus parato, ad omnia ulcera maligna & cancerosa utuntur. Solanum somniferum in Alexandriæ rudibus copiosissimè provenit, sicque crescit, ut magnus frutex appareat. Utuntur incolæ radicum corticibus ad drachmà pulverizatis cum aqua lactucæ, vel solatri, fumentes ad somnum conciliandum. Hujus plantæ cortex non secus per os quàm nux methel, sive stramonii semina, apud plures malos homines est in usu, ut aliquid mali faciant clam dum dormiunt, hujus corticis in epulis ponunt. Foliis contusis emplastri modo ad calidas inflammationes utuntur, atque illito ex ipsorum succo fronte, temporibus, ac
aliis

aliis partibus corporis in quibus pulsus sentiuntur, vel iisdem contusis emplastri modo appositis, ad somnum familiarissimè utuntur; non minusque ad exultiones. Nux etiam Methel ibi nascitur, sed non usque adeò copiosa, uti solanum prædictum, estque verum Dioscoridis stramonium; ususque planè eosdem habere ii ajunt, quos de solano somnifero diximus. Adest quoque hyosciamus albus admodum à communi figura differens, nasciturque Cairi propè pyramides, foliis communis longè grandioribus, latioribus, crassioribus, & albidioribus. Quo utuntur non secus quam stramonio. Ubique verò in viridariis coriandrum provenit copiosissimum, quod omnes Cusbarà appellant. Herbæque virentis usus in cibo est apud omnes Ægyptios familiarissimus. Etenim ferculum non parant sine foliis coriandri, quamquam ingrate oleat. GUIL. Quid audio? nonne ii ipsum mandentes maximè læduntur, & ab ejus usu in phrenesim labuntur? quod Dioscorides, Avicenna, tùm multi alii tradidere. ALPIN. Ridiculum, quis unquam vidit aliquem, coriandrorum causa (quæ in usu apud quosque tùm sanos, tùm ægros familiarissimo existunt) læsum fuisse, aut ei aliquos sensus turbatos, nisi immoderatè eis fuerit usus? Quid miraris? quasi ejusdem cum Galeno non sis sententiæ, qui coriandrum calidum, resolvens ac modice adstringens statuit. Non ne demonstrat Dioscorides vel hanc ejus facultatem fateri cum dixerit, chæradas coriandro cum comento sanari? Quod nunquam a frigidis frigidi tumores discutiantur, ac curentur, cum medicamenta aliàs à Dioscoride ad sanandos duos tumores chæradasque præsertim memoriæ prodita, calida facultate fuerint. Neque videtur planè hoc siluisse Avicenna, cum dixerit, chæradas coriandro sanari, vel ex proprietate, quam ad illum sanandum tumorem habet, vel ex partium substantiæ tenuitate, qua permeat profundè tumidam partem. Sed quis ignorat nihil à frigido resolvi, etsi multa fiat permeatio partis tumefactæ, sed omnia solventia calida esse? GUILAND. Veram sententiam rectè defendisti, quam quis modo negabit, sciens ex te Ægyptios virentem coriandri herbam in cibo sequi citra aliquam noxam?

multo minùs feminum ficcatorum usus erit exinde timendus. Hincque errasse non parum Arabes liquidò constabit qui coriandro frigidam facultatem narcoticam, stuporem inducentem atque sensus turbationem concitantem, ac exitium tribuerit. Idemque & de psyllio fuisse apud illos à te compertum est, quando psyllium pro veneno à Dioscoride, atque aliis receptum, innoxie in febricitantibus frequenter non modicam ægrotis feminum mucilaginem exhibeant. Herbam in aqua elixatam illi esitant. Sed ea multo plus femina ad roborandum stomachum valere ii affirmant, debiles etenim ventriculos, usu feminum assiduo maximè roborant, ejusque calorem ipsa foveant, augent, flatusque resolvunt, ac discutiunt proindeque in colico dolore, atque aliis à flatulento spiritu concitatis usum feminum sequuntur: ipsis scilicet, vel in pulverem reductis, vel ex ipsis parato decocto, utentes, quo uteri quoque frigiditatibus, & humiditatibus occurrunt. Præsertimque ad menses immodicè fluentes, & ad gonorrhæam firmandam, quod infit illi quoque facultas adstringendi, ex quo puto apud eos plantam quoque emplastri modo, ad podagricos & alios articulorum dolores in maximo ibi esse usu, quòd eas partes adstrictione, ne humorem partes recipiant, roboret, atque etiam contentos resolvat, discutiat, vel exprimat. Ocymus ibi in viridariis copiosissimus crescit ad altitudinem trium & plus cubitorum, foliis nostratis longioribus, tenuioribus, colore rubro suffusis, odoremque eximium spirantibus. Suavitate enim odoris nostris omnibus præferendus meritò videtur, ob quem illi hanc plantam Rihan appellarunt, quod idem est, ac si dixeris, odorem, ita, ut hic Ocymus præ odoris jucunditate eximia, odor per excellentiam ab iis vocetur. Qua planta odoris causa ii utuntur, medicos verò usus apud eos ipsa paucos habet, qui ab aliis multis perdocti sunt. Nascitur etiam sponte ibi quædam planta repens, altius saliens, seque aliis arboribus convolvens, foliis duris longis, Sefeli Æthiopici proximis, sed majoribus. Flores fert albos styracis similes, à quibus producuntur siliquæ, longæ ac crassæ, quales in rhododendro cernuntur, plenæ lanugine alba, ac feminibus parvis. Ex
hac



hac planta succus manat flavus, urens, quem siccatum Ægyptii valenter tenues humores purgare, ajunt. Hanc illi esse Scammonii speciem affirmant, quam Secamonè appellant cujus tamen nullus usus in medicina, apud eos novi. GUIL. Fortassè hanc plantam esse Apocynum Dioscoridis affirmare poterimus. Cum illiusce notæ, notis à Dioscoride traditis convenire conspiciatur, eaque, fortassè putanda, quam aliquis è Syria venisse, Periplocam vocatam, prodiderunt. At verum Apocynum nunc in Italia cognitum est.

Fænugræci germina mox è feminibus erumpentia; ex ipsisque statim profiliencia plebei comedunt, præsertimque mulieres, pingues fieri cupientes, per urbem multas massas terræ, plenas feminum recenter productis germinibus, vendendas ii ferunt. Plures aliæ sunt plantæ ibi nascentes, quæ cum pluribus aliis locis communes existant, non est de ipsis à nobis ampliùs sermo proferendus. Sed jam de medicina apud illos populos usitata, sermonem, deque plantis illis in locis nascentibus claudere debemus; cum nihil supersit dicendum.

CAPUT XLIII.

De plantis per iter observatis.

GUILAND. **P**lurimas gratias tibi refero, quòd tantum laborem hætenus mea caula sustuleris. Nihilominus ne aliquid omittamus, quod utile ad hanc historiam judicem, cuperem, antequàm nos huic sermoni planè finem imponamus, ut de plantis etiam per iter olim in Ægyptum à te navigando variis in locis observatis, aliquid diceres. ALPIN. Non arbitror te ignorare, nostro olim audito itinere, parum temporis mihi per iter illud concessum fuisse, ad indagandas illorum locorum plantas: veruntamen, quas tunc viderim, quamquam neque tuis doctissimis auribus satis dignas eas existimem, referre etiam nunc non recusabo. Memini me Rhabbari plantam Corcyræ inspexisse, in antiqui illiusce propugnaculi quodam viridario, quam quidam ex Syria illuc navi
ad-

advectam habuerat: quique ipsam à viro Perfa Tripolim olim fuisse adductam etiam affirmabat. Quæ planta plane foliis rumici visa est proxima, quæ tamen erant latiora, crassiora, lanugineque quadam alba obsita. In illa eadem insula inveni Cyperi radices longas admodum odoratas, & Chamedrim arboream, duorum ferè cubitorum altitudine propè Butrinto viventem, quæ folia duplo & triplo Italicis majora habebat. Zacynthi oxalidem, qua ejus insulæ pharmacopæi ad medicinam utebantur, inspexi, admodum à nostris oxalidis omnibus diversam, quippè exilis herba ipsa est, foliis parvis, crassis, oblongis, calthæ foliorum æmulis, gustum non minis quàm nostra acido sapore ferit. Ibi quoque crescit Acacia secunda Mattheoli, quàm ego florentem mense Februario inspexi foliis, floribusque minoris anagyridis proximis, quæ gustata, sapore adstringenti feriunt, paucisque tamen ac mollibus spinis obsita. Neque arbitror esse veram acaciam, quam in Cappadociæ & Ponto nasci Dioscorides prodiderat, quòd minime convenire cum prima Acacia seu spina Ægyptia videatur. Aliud agnovi in illa insula, quippè Smilacem asperam esse veram Salsam parillam, qua medici utuntur ad sanandam luem Gallicam.

GUILAND. Copiosius quoque hanc plantam in quampluribus Italiæ locis nasci scio, quare istud, quod ibi didicisti, novum apud me non est. **ALPIN.** Verùm dicis, etenim ipsam aliàs in multis aliis locis offenderam ac observaveram, verùm perpetuò, an esset falsa parilla, anceps, ac dubius fui. In hac verò insula ea spectata, clarius cognovi verè eam utique esse.

GUILAND. Quamobrem in Italiæ locis cum eandem ipsam spectaveris, ejusdem non fuisti sententiæ, scilicet eam esse Salsam parillam. **ALPIN.** Quoniam omnes Smilaces asperæ, quas hactenus videram, exiles admodum brevesque, ac capillares radices habebant, sed quam in Zacyntho insula videram, longas, crassas, asportatis Hispania radicibus Salsæ parillæ omninò similes. Quo pacto verò has agnoverim, tibi jam explicabo. Ego enim, ut otium diuturnæ moræ effugerem, forte fortuna collem illiusce insulæ perreptans, in valle quadam ad sæpem oculos conjeci, lentiscis ac multis asperis smilacibus contextam, cu-

jus

jus à radicibus omnibus terram impetuosa torrentis aqua sic ab-
 duxerat, ut illarum plantarum sepem texentium omnes radi-
 ces, non secus quàm venæ, arteriæ & nervi humani corporis à
 carne separati, nudæ conspicerentur, Smilacesque asperæ
 longos fanè serpentes imitatae, aliisque radicibus convo-
 lutæ, mira longitudine, ac crassitie mihi se obtulerunt.
 Ita ut quasdam illarum duorum, & amplius cubitorum
 longitudine, & crassitie communium Salsæ parillæ radicem in-
 spexerim, ex quo continuo eas Salsæ parillæ radices esse ju-
 dicavi. Et dùm hæc simul cum aliis, qui unà ibi mecum a-
 derant, confidero, augurium contingit opportunissimum. Nam
 ex transeunte Græco homine ejus loci accola, & agricola,
 peto, quomodo ibi illa planta appellaretur, qui respondit, Smi-
 lachiam nuncupari, ipsamque in usum apud ipsos esse pro cu-
 randa Gallica lue: ex quibus verbis exploratiùs eam conside-
 rans, video radices ejus longissimas & crassas, eadem substan-
 tia præditas, nullumque præferre saporem, uti radices Sal-
 sæ parillæ: ex quibus colligo statim, Smilacem illam asperam
 veram esse Salsam parillam. Pharmacopola ejus loci multum
 lucri se fecisse his radicibus nobis affirmavit, quod sæpè harum
 radicum ibi collectarum multos fascies collegerit, & in alia lo-
 ca miserit, quas pro veris Salsæ parillæ radicibus sæpissimè
 vendiderat. Quam mercaturam clam agebat, ne eam plan-
 tam alii discerent. Addo Cairi me in Salsæ parillæ fascibus
 ex Hispania apportaris vidisse frustra radicem nodosarum,
 vel geniculatarum asperæ smilacis, à quibus procedunt radi-
 ces, quibus medendo nos utimur, cum foliis ejusdem plantæ,
 tum ramulis spinosis, sic manifestè, ut nemo, qui viderit, eos
 fascies Salsæ parillæ, esse ex Smilace aspera selectos, negare
 potuisset hanc plantam eandem esse cum Salsa parilla. GUI-
 LAND. Placuit multum mihi, te veritatem de Smilace
 aspera probè agnovisse, cujus quidem sententiæ non solum me
 sed quamplures alios fuisse tibi persuadeas volo, in primisque
 Gabrielem Faloppium, herbarum materiæ doctissimum, qui
 in libello de morbo Gallico, in capite de Salsa parilla hæc
 prodidit. „ Aliàs credebam esse radicem Ebuli, & perstiti


„ in ea sententia plurimis diebus, donec Hispanus ad Ducem
„ Florentiam integram adportavit plantam, & hinc patuit er-
„ ror meus, & vidi esse radicem Smilacis asperæ, de qua
„ Dioscorides libro quarto, & scriptores antiqui mentionem
„ fecere. Quod magis confirmavi experientia; nam cum in
„ monte Sancti Iuliani Pisis vidissem Smilacem asperam, cura-
„ vi effodiendam, & semper usus sum loco Salsæ parillæ, &
„ per biennium illud, quo ibi fui, semper cum felici successu
„ plurimos à lue Gallica liberavi. „ Quam etiam sententiam
confirmat Amatus Lusitanus medicus, quamvis Hebræus,
non spernendus; in libro quinto suarum centuriarum. Quare
te hac de re eveni non oportet, quando alii ante te multieam
noverint. Sed quomodo asserere possumus ejus insulæ Smi-
lacem, probe Salsam parillam delineatam demonstrare, mini-
meque illam, quam Italiæ loca ferunt atque alunt. Quod tamen
fieri puto terræ, qua ipsa serpit, diversitate, etenim in duro
solo, sicco, & squalido effossam Smilacem videbimus radices
minores, gracilioresque Salsa parilla habere, & in mollissimo
solo, quod in eo facile queant serpere, longiores, crassiores-
que, Salsæ parillæ planè proximas. Ea siquidem Smilacis
planta, quam in ea insula olim cum in illis locis diversarer, in-
spexi, solo mollissimo, pingui ac humido nutriebatur, ex quo
mirum non est, si longis, crassisque radicibus fuit inventa; in
sicco verò, duro, nequeuntibus, terræ duritie obfistente, radi-
cibus liberè serpere ac meare, Smilax aspera radicibus brevi-
oribus, tenuioribusque apparebit. Quales à me observatæ fu-
ere in Zacynthi insulæ, Corcyræ, Cretæque locis saxosis & du-
rioribus. Adde multos decipi in agnoscenda Salsa parilla ex
Smilace aspera, non omnes Smilacis, Salsæque radices ani-
madvertentes, ac observantes. Etenim in aspera Smilace duæ
radicum differentiæ spectantur. Ipsa siquidem in primis ex sti-
pite radices procedentes habet albas, rotundas, nodosas, di-
giti crassitie, cannulis parvis per similes, quæ sanè radices non
admodum longæ existunt, ex quarum geniculis vel nodis aliæ
proficiscuntur atque exsiliunt à primis planè diversæ, in duro-
que solo parvæ, breves, tenuesque, non secus quam capilla-
men-

menta quæpiam cernuntur, atque in molli longæ, crassæ; quales in Salsa parilla, inveniuntur. Ex quo apparet radicum Smilacis differentia, quæ itidem in Salsæ parillæ planta ex Hispania advecta facile observatur ac reperitur, adeò ut quæque harum plantarum habeat primas radices à stipite statim procedentes albas, nodis æqualibus intervallis distinctas, canis proximas, non tamen iutus pervias, sed plenas, digiti minoris crassitie, refertas, & secundas ab harum modis uti capillamenta exsistentes ac exeuntes, longas, primis graciliores, æquales, nodis carentes, sive non geniculatas. Qui itaque negant Smilacem asperam veram esse Salsam parillam, dicunt radices utriusque plantæ esse inter se differentes, forma quippe ac etiam magnitudine, forma quidem, quoniam Smilacis tantum primas radices nodosas albas, breves, crassas spectantes, secundis à primarum nodis nascentibus longis, gracilibus non nodosis, æqualibus comparantes, manifestissimam inter has differentiam faciunt; quam confirmant etiam ex eo, quod primæ crassæ, & breves, hæque graciles, longæ existant. Errant quidem isti non rectè radices invicem, ut par esset, comparantes, quoniam si radices Salsæ parillæ graciles longas, quæ sunt secundæ radices, non primis Smilacis asperæ crassis, nodosis, candidis, brevibus, ac secundis à nodis primarum nascentibus comparassent, sine dubio nullam differentiam invenissent, hac excepta, quòd Smilacis radices secundæ Salsæ parillæ radicibus breviores graciliores loci causa observantur. Quam differentiam soli terræve mollitiei, & duritiei ratione, vel ejusdem diversitate, ac fortassè etiam cælo calidiori fieri nobis persuasum est. In duro enim solo atque in frigidiori cælo radices non ita crescunt, & crassescunt. ALPIN. Veritatem attigisti, atque istæc omnia ad radicem Smilacis attinentia à te prodita, ego oculatim in Zacynthi Insula sedulo observavi, atque cognovi. Quæ veritas ex plantæ e vivo delineata icone planè clara elucescet, in quo utræque tum primæ radices nodosæ, crassæ, breves, tum secundæ aliæ ab harum nodis nascentes, longæ, graciles, æquales sine geniculis manifestissimè spectari possunt. GUILAND. Ex visa Smilacis hujus

Icone, atque ex iis, quæ tu de ipsa hætenus dixisti, facile eam Smilacem, quam tu in Zacynthi Insula nasci prodidisti, esse à Smilace aspera Italiæ in locis inventa multum differentem, cognoscitur, tum ex foliis brevioribus, tum ex diversa foliorum figura, tum multo magis ex radicibus illis nodosis, quæ in aliis Smilacibus asperis non inveniuntur.

Perge modo reliquarum à te conspectarum plantarum narrationem ac historiam absolvere, cum nobis de hac planta nihil dubii relictum sit, quin credamus ipsam veram esse Salsam parillam. ALPIN. In Creta insula inter alias plantas ibi Thymum, Thymbram, Epythimum, Marum, Ladanum, Aspalathum, Styracem offendi. Thymum utrumque vidi, quippe magnum ac parvum, magnus est planta sarmentosa, foliis satyreæ proximis sed aliquatenus asperioribus, latioribus, & viridioribus, sapore valde acri ac odorato: quam plantam falso multi Tragoriganum esse Dioscoridis statuunt. Thymus secundus minoribus foliis, tenuioribus, albioribusque totæ Italiæ est notissimus. Tymbra est planta in Creta Insula nascens copiosissima, similis Thymo majori, ramulis duris lignosis, foliis Thymi latioribus, mollioribus, herbacei coloris, non ordinatim, ut aliqui prodiderunt, nascentibus: neque inter hæc alia foliola nascuntur; ex qua planta communiter pro secunda Thymbra delineata, non vera esse conjicitur, quam ibi vidi cum Epythimo, admodum differentem. Epythimum verò in loco ejus Insulæ Fraschya vocato, Cuscutæ modo, Thymo, Thymbræ, atque aliis plantis convolutum inveni; ex quo falsum esse duas esse Epithymi species, dignovi, quippè unam Thymi florem, atque secundam capillarem hanc herbam Cuscutæ æmulam. Epithimum namque nigram bilem purgare omnes affirmant, Thymi verò flores id præstare nemo dicet. Aliqui ex Cretensibus ajunt Epiphymum, atque Epithymbram purgare sanguinem calore exustum, multosque inter se differentes morbos ex illius capillaris herbæ supra varias plantas inventæ usu sanari; etenim, quæ origano convoluta collecta est, morbis omnibus purgatione conducere adfirmant, quibus origanum per se solum subvenire compertum est. Sicque in aliis plantis re-

per-



pertam & ab ipsis exceptam vel collectam, vim habere purgandi humores, è quibus concitatis morbis hæ plantæ succurrere, atque auxiliari facultate solent. Marum apud aliquos Cretenfes vidi, nostro Amaraco planè simile; etsi tamen gracilioribus, minoribus, asperioribusque foliis amaraco constet, multoque nostro Amaraco sit odorator, & præstantior, quam plantam, sylvestre amaracum, & non Marum nuncupandam iudico. Plantam verò, ex qua Ladanum Cretenfes colligunt, planè differentem ab ea, quam hæcenus ferè omnes prodidere, inspexi, hæc siquidem Cysto fœminæ perfimilis est, foliis tamen cysti longioribus prædita, Salviæque proximis. Floresque fert sylvestribus rosis omninò similes: qui roseo etiam colore, quipè communium rosarum suffusi spectantur. Quæ planta à cysto fœmina florum tantum magnitudine differre videtur. Deceptusque fuit Mattheolus Dioscoride dicente, Ladanum esse cysti genus longioribus foliis nigrioribusque refertum; quæ notæ in cysto, ex quo Cretenfes Ladanum colligunt, utique omnes observantur; quandò hæc planta omninò cysto fœminæ sit similis, cum iisdem foliis floribusque spectetur, etsi maioribus. Aspalathum, etiam ut aliàs quoque dictum est, copiosissimum propè Fraschyæ portum in quodam colle virentem atque florentem sæpè inspexi, odorisque eximia suavitas ex hujusce plantæ floribus ad me delata, fuit in causa, ut ipsum agnoverim. Quæ planta est frutex densis ramis, spinis albis duris horridis, cortice caudicis albo, ad trium cubitorum & plus altitudinem in altum assurgens; floribus multis parvis, croceis Spartii similibus, sed summè odoratis. Hujus arbuti radices duræ, longæ crassæ, colore flavo, atque cortice summè odorato, tunc temporis à me fuere observatæ. Multasque meus Pharmacopæus decerpfit, Cairumque ad usum medicinæ meo jussu detulit. Plures Styracis arbores ibi quoque inspexi propè illius loci rivum virentes, quarum multas mecum in Ægyptum detuli. Quo in loco cœli causa non vixerunt. Sed quid te ampliùs de ejus Insulæ plantis, tibi plusquam mihi notissimis? Quæ enim Græciæ pars nunc est, quam tu plantarum desiderio sæpiùs non peragraveris? Et hæc de plantis Ægypti à nobis dicta sufficiant.

Quibus absolutis ad alia transeundum est, & fortasse ad studium de ambiguis nonnullis simplicibus medicamentis agnoscendi, sæpè à me desideratum. Diù enim summoperè desideravi inter nos absolutissimam de omnibus priscorum medicorum usitatis medicamentis simplicibus, quæ hætenus apud plerosque nostrorum medicorum dubia habentur, haberi disputationem.

GUIL. Iam historiam de Ægyptiorum tum usitata medicina, tum plantis illis in locis crescentibus finem habuisse video; qua de re, ac de isto mea causa suscepto labore, tibi ego plurimum dum vivam debebo; maximæque nunc tibi à me agendæ sunt gratiæ, perpetuoque habendæ. Disputatio verò à te de simplicium medicamentorum, dubii aliquid penes nostros medicos habentium, ratione proposita, dignissima sanè videtur, quæ à nobis perpendatur. Hoc tamen in præsentia faciendum non puto: Sole enim jam ad Antipodes descendente, parum hujus diei nobis superest. Quamobrem sermo hic in aliud tempus nobis accommodatius, remittendus est. Interim nosmetipsos paululum à labore laxabimus quietis ac otii aliquantulum animis concedentes. Quamprimum tamen tempus opportunum ad eum sermonem tibi videbitur, ad me redibis, ut hac de re aliquid dignum commentemur.

ALPIN. Ita faciam, sed antequam nox ingruat, me domum redire consultius est. Vale atque me, ut soles, amato. **GUIL.**

Ubi mecum manere non est animus, ut lubet, hinc discede. Interim mei semper esto memor, tibi que me esse addictissimum, atque tui observantissimum, scias velim; i felix.



PROSPERI ALPINI
DISSERTATIO
DE
LASERPITIO,
ET DE
LOTO ÆGYPTIA

LASERPITIUM.



Rantam in Horto Medico alimus, quam primo vidimus Patavii, in Horto, Bembo vocato, quo tempore illiusce Horti curam habebat Horatius Bembus, civis Patavinus, in Herbarum studio adprime versatus, & postea in Horto Perillustrium Mussatorum, stirpibus rari-
rioribus maxime conspicuo. In quo horto, quum mense Julio eam plantam conspexerimus, caule procero, longitudine trium cubitorum, recto, cavo, brachii crassitie, magnitudineque longitudineque ferulæ cauli simile, quin etiam & eodem colore infecto, ita ut videretur in omnibus ei quam similimus, & foliosus ab radice, foliaque felinis foliis similia ferre, etiam foliis ylvestris Angelicæ æmulantia, licet majora essent, atque ipsius radicem brachiali crassitie, & longitudine præditam observaverimus. Istiusque plantæ caulis antequam in ipso umbella eruperit, brachialis crassiti-

ei esset, atque in cacumine veluti conum habere viderimus, & tunc temporis magnitudine & figura caulem *LasERPitii*, qui in antiquis Jovis Ammonis Numismatibus impressus cernitur, prorsus æmulari videretur; ferreque hunc caulem in umbella semen latum, foliaceum, & particulatim, ut de *LasERPitio* expressit Theophrastus, quale est *Atriplicis Hortensis*, postea viderimus, atque etiam quod *LasERPitii* proprium esse videbatur per æstatem, quo tempore casu eam plantam offendi, & caulis & radix copiosius lacteum succum odoratum fundere vidissemus, sponteque ex caule, ramis & radice copiosum emanaret; quod lac primum colore verè lacteo cernebatur, posteaque collectum & aliquamdiu servatum colore fulvescebat, & est odoratum, aliqujus excalefactionis non expers. Tunc quippe ex iis signis observatis, eam plantam *LasERPitium* esse Theophrasti, Dioscoridis & Plinii facile animadvertimus; quod certe si Theophrasto, Dioscoridi atque Plinio (qui soli ex Veteribus *LasERPitii* plantam descripserunt) credendum sit, a ratione non abhorrebit, ut omnibus persuadeatur, verum eam plantam esse *LasERPitium*, neque immerito ita nos istam plantam nominasse; cum præsertim eorum Veterum testimonio constet, olim *LasERPitium* fuisse plantam ferulaceam caulemque habuisse longitudine & crassitie, ut ferula; in cujus cacumine producebatur semen latum & foliaceum, qualis in *Hortensi Atriplice* (auctore Theophrasto visitur) foliaque habuisse itidem apii foliis similia, & radicem crassam, ex qua & ex caule erumperet succus lacteus, odoratus. Quæ singula cum in nostra planta recte animadvertantur, mirum haud erit, si nos ipsam plantam *LasERPitium* vocaverimus. An vero Cyrenaicum sit, non au-
de-





demus affirmare, ut fortasse, quod vel in Syria, vel Armenia, vel in Media olim nascebatur. Nos in apertione Horti Medici annis præteritis de hac planta discursum accuratissimum habuimus. Tota planta calida est, ut ex odore grato, & ex acrisapore conjicitur; sed tamen non hætenus experientia cognovimus, quos usus ad medicinam habeat. Singulis tribus annis caulescit & semina producit, quibus maturefactis planta emarcescit. Hanc plantam primo ex seminibus ex Thracia delatis nobis natam fuisse, quæ in solo Patavino libenter vivit, & in sole & in umbra, scias.

LOTUS ÆGYPTIA.

Tametsi in nostra Historia Ægyptiaca satis superque & de Loto Ægyptia seu Nilotica, & de Colocassia egerimus, nihilominus placuit nobis, ut denuo de eadem planta ea occasione ageretur, quod Mattheus Carbonus (multos abhinc annos in Ægypto moratus, medicus Venetæ nationis percelebris, quique in ea provincia medicinam apud Turcas proceres, & apud alias gentes faciendo, præsertimque ad persanandam nationem Venetam, magnam & laudem & famam assecutus est) a me rogatus, magna inibi usus diligentia, nullis laboribus periculisque parcens, tandem Niloticam Lotum haud procul a civitate Cairi, in quibusdam lacis, aqua Nili fluminis æstate de more solito aucti, inundatis, ac veluti lacunis effectis (quos lacus Birchas Ægyptii vocant) offendit, ac nactus est, usque adeo copiosam, ut folia aquæ supernatantia illiusce plantæ undique aquam lacuum occultarint, audivitque prope Rossetum (Ægyptii Rassit adpellant) in similibus lacunis aquæ copiose Lotum

provenire. Hujus plantæ florem cum suo caule vocant *Arais el Nil*, folium cum itidem caule sive pediculo *Bis el Nil*, atque radicem *Biarum*; quo nomine etiam magnus Abimbetar suo ævo radicem ab indigenis vocatam fuisse, in Libro de Plantis Ægyptiis scriptum reliquit. Hac, inquam, occasione (quod ad me Medicus hic illustris, & plantas Loti cum floribus, fructibus, caulibus, foliis atque radicibus miserit, & accuratam descriptionem totius hujus stirpis, & singulorum omnium partium accuratissime inibi, cum aliis, quos secum duxerat, Mauris, factam, mihi per literas significaverit) iterum hic de eadem planta, summa voluptate agendum, non immerito institui, ut ipsius veritas mortalibus tandem certa claraque eluceat; atque etiam non minus, ut studiosi rei Botanicæ cessent amplius de Nilotica Loto quidquam dubitare. Id proprii hæc planta habere videtur, quod pertinet ad ipsius magnitudinem, ut Carbonus oculata fide vidit, quippe ipsam crescere in aqua lacustri, usque ad aquæ superficiem, adeo ut, quanta sit in lacuna altitudo aquæ, tanta itidem istiusce plantæ esse videatur. Namque si aqua (exempli gratia) sit hominis altitudinis, eadem magnitudine Lotus itidem deprehendatur. Unde constat hanc stirpem ubique locorum æqualem altitudinem non habere, proprietasque est, ut in aqua solummodo vivat, ad ejus solummodo superficiem adscendens, floresque nunquam intra aquam aperiens, sed supra superficiem aquæ. Neque deprehensum est ab ipso atque ab iis, quos secum habuit, Mauris, ut flos & caput supra aquæ superficiem multum ascendat, ut Theophrastus & Plinius, locuti de mirabili istiusce plantæ ad solem conversione, affirmarunt. At de hac Loti propri-



proprietate paulo post aliquid dicemus , sed ad plantæ descriptionem redeo. Primum diximus tantam esse istius Plantæ altitudinem , quanta est aquæ a fundo usque in superficiem , at necesse est tamen plantæ flores & capita supra aquæ superficiem aliquantum emergere , si vera est ejus solaris conversio , magnopere ab antiquis concelebrata. Foliis vero hæc planta constat multis, numerosis, colore atque figura albæ Nymphææ floribus proximis, unde nos, cum Ægypti loca perlustrarem, hanc plantam in lacubus sæpius visam pro Nymphæa mirum haud est, si ea similitudine decepti, acceperimus, negligerque, ut nunc fatemur, eam neglexerimus. Habent singula hæc folia suos caules aut pediculos ab radice exeuntes, ut in Nymphæa alba. At nedum folia Nymphææ similia habet , sed quin etiam capita & radicem , eique Nymphææ habenti radicem rotundam, quam radicem Loti *Corsiam* in nostra Historia Ægyptiaca vocavimus , quam abhinc plures annos in Margheræ lacunis prope Venetias positus invenimus, & eruimus , erutamque dipinximus. Itaque Loti flores similes sunt albis Nymphææ floribus, & magnitudine & figura & foliorum colore, atque etiam, quod singuli singulos caules virides rotundos habeant, in quorum cacumine positi sunt flores quam similimi albis Nymphææ floribus, magni, candidi, aliquantulum odoris levissimi, ad violæ odorem inclinantis, respirantes.

*Flos Loti Ægyptiæ, seu quatuor prima folia,
Florem totum claudentia.*

Flos vero, ut particularia attingam, quatuor primum

foliis oblongis, magnitudine florum lilii & figura, exterius circumclauditur, quæ exterius viridi colore, in nigrum inclinante, spectantur, habentque exterius signa sive lineas quinque vel sex, vel septem ad plus, per longum discurrentes. Intus vero hæc folia lenia sunt, candidaque ut lac, absque ullo signo vel macula. Quæ quatuor folia hac quidem & magnitudine & figura extrinsecus cernuntur.

*Flos Loti Ægyptiæ mediis foliis arcuum
modo inflexis.*

His quatuor foliis apertis, alia folia, numero fere duodecim sed paulo minora succedunt, quæ ut in Nymphææ flore excluduntur exterius intusque ex toto candida, absque ullo signo vel macula, atque hic est secundus foliorum ordo. Tertio succedunt alia folia numero fere viginti quinque ad quadragena, quæ longa & acuta in trianguli modum, scilicet quæ a principio usque ad medietatem candicant, & a medietate in extremitatem usque luteo colore cernuntur, per longum linea tenui recta discurrente. Sunt & alia in flore folia oblonga tenuia, in obtusum angulum desinentia, colore luteo, quorum quædam majora quartum ordinem, & quædam minora, quintum in flore ordinem facientia observantur, atque in medio quædam alia folia, parvissima ac veluti capillamenta crassa, sursum quodam tempore intorta, veluti intro arcus modo inflexa & incurvata, cumque flores prope sunt, ut folia abjicere incipiant, quippe flore declinare incipiente, in medio, tanquam centrum positum, adnascitur parvus globulus durus, piperis nigri magnitudine & colore, ex quo





augescente fit magnum caput semina continens. Huiusmodique est Loti flos, in quo post aliquod temporis intervallum folia primo lutea defluunt, reliquis flaccescentibus, atque paulo post itidem decidentibus. Inter folia vero omnia sola quatuor externa persistunt, usque ad fructus seu capitis perfectionem. Flos vero, quando habet interna foliola sursum arcuum modo incurvata, inflexa, est istiusmodi figuræ.

Flos Loti Ægyptiæ foliis expansis ad naturalem fere magnitudinem.

Flos vero, & magnitudine & figura naturalem imitatus, cum omnibus foliis cuiusque ordinis, apertis expansisque, erit cuiusmodi hic picturam damus.

Loti Ægyptiæ Caput, in quo semina continentur.

Floribus succedunt capita rotunda, mespilo magno, magnoque fustui albæ Nymphææ similia, cortice viridi contexta, intus veluti longos parvosque folliculos habentia, quæ semen continent minutum, brassicæ semini simile. Caules, seu pediculi, tum florum tum foliorum, sunt longi, crassi ut minimus digitus, rotundi, cavi, ut in alba Nymphæa cernuntur. Pediculi florum fere decem numero ab radice exeunt, totidemque & foliorum.

Loti Ægyptiæ folium integrum.

Folia vero magnitudine & figura Nymphææ albæ folia æmulari videntur, undique crenata sunt, atque etiam Loti folia pluribus lineis vario modo per superficiem

ficiem veluti nervulis discurrentibus infecta observantur. Colore virescunt, in obscurum inclinante, non dissimili a Nymphaeae foliorum colore, ita enim abundant lacus quidam (sed potius loca quaedam campestria, quæ ut lacunæ per æstatem ab aqua Nili fluminis aucti inundata aliquamdiu manent) Loti plantis, ut tota aquæ superficies foliis contacta occultetur, viroreque eo amænissimo undique oculi gaudeant. Plantaque hæc vivens supra terram cernitur quoad tota aqua terra fuerit absorpta atque siccata, quod fieri solet Novembri mense, quo tempore Loti plantæ sub terra occultantur, marcescentibus tum foliis tum floribus tum fructibus, cum totis suis plantis; quo constat, Lotum esse annuam plantam. Hic damus folium ex majoribus adfabre ex vivo delineatum.

Loti Ægyptiæ radix.

Radix vero, cui tota hæc planta nititur, rotunda in oblongum, magnitudine atque figura ut pyrus parva, exterius nigra intus flavescens, pulpa sane carnosæ & dura, gustu adstringens & subdulcis. Prorsus vero aucta non superat magnitudinem magni ovi gallinacei, Indigenæ ex jure coctam libenter comedunt, videtur cocta intus colore ovi rubrum imitari. Ab hac radice crassa & carnosæ, innumeræ fere fibrosæ, tenues, colore albicantes procedunt. Atque hæc est *Arais el Nil*, a Mattheo Carbone descripta. Quam plantam esse Lotum Dioscoridis & Theophrasti non videtur dubitandum, cum omnes notas hæc stirps habere videatur quas Theophrastus Loto Niloticæ tribuisse visus est, cum de ea ita scripserit Lib. IV. de Hist. Plant. cap. 10. *Lotus Ægypt-*



gyptia in planis parte maxima provenit, cum rura inundantur. Huic plantæ caulis similis fabæ, & fructus eodem modo, verum minores, gracilioresque. Nascitur fructus in capite modo quo in faba. Flores candidis liliis foliorum angustia proximi, multi ac densi promiscue exeunt. Sole occidente se comprimunt caputque integunt. Ad ortum aperiuntur & super aquam assurgunt; idque faciunt dum caput perficiatur, floresque defluant. Capitis magnitudo quanta papaveris maximi, & præcingitur incisuris, non alio modo quam papaver, nisi quod in his fructus frequentior habetur, qui milio non absimilis est. In Euphrate caput floresque mergi referunt, atque descendere usque in medias noctes, tantumque abire in altum, ut ne demissa quidem manu capere sit; diluculo deinde redire, & ad diem magis. Sole oriente jam extra undas emergere, floremque patefacere. Quo patefacto amplius insurgere, ut plane ab aqua absit alte. Ægyptii capita ipsa acervis putrefaciunt, cumque tegumenta putruerunt in flumine lavando separant fructum & siccantes pinsentesque panem faciunt, eoque cibo utuntur. Radix Loti Corsium appellata, rotunda est cotonei mali amplitudine; cortice nigro, quali nux castanea tegitur, corpus internum candidum. Elixum assumque in specimen albuminis vertitur, gratum cibis. Manditur etiam crudum, sed gratius decoctum, seu aqua, seu pruna. Atque hæc Theophrastus de Loto Ægyptia. Quibus constat Lotum plantam nasci in planis Ægypti, aqua per æstatem inundatis. Hujusmodique plantam flores ferre albos liliis proximos, a quibus fiunt capita ut papaveris capita magna, plena seminibus, milio haud absimilibus,

L

bus, & radix est rotunda, exterius nigra, intus candida, cotonei mali amplitudine. Quod hæc planta sit illa, quam hac nostra ætate vocant *Arais el Nil* omnes Ægyptii, quo nomine, proprie magis loquendo, intelligunt florem cum suo pediculo, veluti folium, vocant itidem *Bis el Nil* & *Ab el Nil* caput, & radicem *Biarum*; nulli profecto dubium debebit, cum flores ferat candidos, liliis similes, a quibus capita producuntur quanta sunt papaveris magna, quæ semen continent milio simile, cum hæc planta habeat radicem rotundam, cortice nigro, & intus colore flavescat, sitque & cruda & cocta edulis; & præsertim cum Abimbetar, medicus Ægyptius, in capite de Loto (quam plantam vocat *Bisnil*) dixerit radicem esculentam *Biarum* ab Ægyptiis fuisse nominatam, quo nomine hujus temporis Ægyptii itidem hanc radicem intelligunt. Unum est, quod notatu dignum esse videtur, apud Theophrastum legi de radice, *amplitudine mali Cotonei* eam fuisse. Dioscorides ex Theophrasto dixit, *similitudine mali Cotonei*, neutrum verum esse deprehensum est, siquidem radix potius est pyriformis, & magnitudine ovum gallinaceum magnum non excedit. Libenter crediderim Theophrastum, pro Loti *Corsia* radice, *Colocassia* rotundæ radicem cognovisse; quæ verè amplitudine & figura rotunda malum Cotoneum æmulatur. Accedit etiam quod addidit, intus esse candidam, cum Loti radix exterius sit nigra, & intus flavi coloris; unde merito decocta colore ovi luteum æmulari, vel etiam Dioscorides expressit. Quibus quidem colligo, *Arais el Nil* Ægyptiorum esse legitimum Lotum *Nilia* cam Theophrasti & Dioscoridis. Nos vero, priusquam hanc plantam vidissemus, suspicati fuimus esse *Nymphaeæ*
spe-

speciem, ex ea etiam famosa illiusce plantæ conversione ad solem (de qua abunde scripsimus in nostra Historia Ægyptiaca) cum in Margheræ lacunis in Nymphaea alba eam conversionem fieri sedulo observaverimus, & etiam inibi invenimus Nympheam albam radice rotunda, quam ejusdem esse deprehendimus, cujus est *Arais el Nil*, quæ est Lotus Nilotica. Mirum certe est, cur veteres Lotum Nymphææ similem non fecerint, & foliis, & caulibus, & floribus, & capitibus, ac veletiam radice rotundæ Nymphææ, cum folia similia & figura & magnitudine sint, licet ailquantum minora sint, & undique ferrata, & habentia longe plures nervos parvos per longum & latum folii discurrentes. Quid de floribus? an non ex toto similes sunt? an non habent etiam in medio foliola, longa, tenuia, sursum oblique inversa? quæ Dioscorides, de Nymphaea locutus, Crocum appellavit, an non iidem prorsus longi, rotundi, cavi, & colore viridi in nigrum inclinante? Quid de capitibus? an non & figura, & magnitudine, & colore, ea, quæ in Nymphaea sunt, æmulantur? In semine aliquantum differunt, quoniam Nymphææ capita habent semina longe majora, non tamen nigra, ut Dioscorides meminit. Radix vero Nymphææ albæ, a nobis in Margheræ lacunis effossa, rotunda, haud absimili a Loti Corsia nobis visa est. Cujus imaginem, & totius plantæ dedimus in Historia Ægyptiaca. Addo radicem Nymphææ Loti Corsiæ habere eundem gustum, quem *Arais el Nil* habere me observavisse scio. Unde mirum non est, si Theophrastus in libro nono de Hist. Plant. cap. 13. scripserit, *Nymphææ radix dulcis est, quæ nasci in lacustribus solet; ut Orchomeniensi agro, & Marathone, & in Creta insula. Bæoti Madoni-*

am hanc appellant, fructumque mandunt. Gerit folia super aquam ampla, trita imposita plagæ sanguinem sistere traditur, utilis & ad difficultates intestinorum pota Non dissimile traditum fuit a Plinio Hist. Nat. lib. XXII. cap. 21. de Lotometra, quæ fit ex Loto fata, ex cujus semine, simili milio, fiunt panes in Ægypto, a pastoribus maxime, aqua vel lacte subacto. Negatur quidquam illo pane salubrius esse, aut levius dum caleat, refrigeratus difficilior coquitur fitque ponderosius. Hunc panem usu ad medicinam cum Nymphaea convenire vel etiam hisce verbis nobis tradidit; dicens: *Constat eos, qui illo vivant, nec dysenteria, nec tenesmo, neque aliis morbis ventris infestari.* Quare ex iis nos haud male fecisse putamus, cum *Arais el Nil* esse Lotum Niloticam Theophrasti & Dioscoridis affirmaverimus, atque non minus hanc plantam inter Nympheas albas esse comprehendendam, & hic & alibi demonstraverimus.

JO. VESLINGII
MINDANI,
EQUITIS,

Et in Patavino Gymnasio Anatomiae, & Pharmaciae Professoris primarii,

P A R A E N E S E S
Ad Rem Herbariam

Publicis plantarum ostensionibus praemissa.

JO. VESTINGII

MINDANI.

QUIS

Et in Palatio Gyrogoni Anatomie, & Phys.

medic. thesauri primum.

PARA R A N E S E

Ad Rem Herbarum

Quod in Palatio Gyrogoni Anatomie, & Phys.

ILLUSTRISSIMO DOMINO
JULIO JUSTINIANO
JOANNIS FILIO
JOANNIS VESLINGIUS F. P.



*D*issertationes istas, quibus deditam
medendi scientiæ juventutem, ad rei
herbariæ studium incitare, tardanti-
busque calcar addere debui, eas dare
Tibi & dedicare; non abs re, tum à
conditione tua alienum, tum ab insti-
tuto meo diversum quispiam judica-
verit, Illustrissime JULI. Deducere enim videbor
a nobilissimi stemmatis fastigio, ad agrestia quædam,
& humi repentia: devotumque summis honoribus pe-
ctus, murice purpuraque velandum, non utilibus Se-
renissimæ Reipublicæ curis implere; sed privatis oc-
cupare levibusque oblectamentis. Ego verò in parte
quadam felicitatis meæ pono, quod eum Te cognoscam,
quem hic non ut exhortandum proponere debeo; sed
ut exemplum, ad quod alii se componant, longè cla-
rissimum. Vix enim pubertatis annos attigeras, cum
in amænissimo Burgofori consepito, non obvias tantum
Italiæ plantas, vel partium elegantia, vel præstantia
virium insignes, sed petitas ex Creta, Syria, Ægyp-
to, Indiis, exquisitissimas Floræ delicias, tot pul-
villis alveolisque fætulum digestas, præsentimibi, pa-
riterque miranti, singulari dexteritate recenseres.
Ma-

DEDICATIO.

Magistrum hic ducemque nactus, Illustrissimum NICOLAUM CONTARENUM, avum maternum, ingens celsissimi Senatus ornamentum, & Botanicorum quotquot hoc seculo claruerunt, tum natalium splendore, tum stirpium omnigenarum peritia longè principem. Neque in his tamen excellenti ingenio metam figis: imò pergis inoffenso cursu, ad ipsa

Edita doctrina sapientum templa

Non in apicibus aliquot physices detentus, ut nunc plerique adolescentes solent, titulos suos, nescio adepti magis, an meriti; sed animo studioque universum hoc complexus; inquiris corporum naturalium principia, & causas: quænam vis solida terrarum agitet, convellat: mare quid certis fluendi, refluendique vicibus impellat: in aëre unde tumultus, fragores tonitruum, fulminum jactus, ventorum prælia. Rectrix corporis anima quæ nutriendi, generandique officium consummet, quæ sensus, ac motus conjugata munera, tum principes illas intelligendi, volendique facultates. Quamvis post cognitæ Geometriæ apodixes, potissimum in cælo verferis, & circa perennes lucidosque siderum ignes. Vel hoc argumento plebeis, & humilibus animis superior, quod delectant te divina, quodque rebus cælestibus non ut alienis intersis; sed ut Tuis. Observas, ubi quæque stella primum lumen ostendat, ubi culmen attingat summum, ubi descensum,

Frigida Saturni quo sese stella receptet,

Quosque ignis cœli Cyllenius errat in orbes.

Maximè terris finitimi sideris desiderio teneris, cui majestatem suam tueris, confirmato diligenti speculatione

D E D I C A T I O.

tionem propriæ lucis decoro. Jamque eò progressus es, ut vir magnus, Fortunius Licetus, quum hæc eadem meditaretur, non dubitarit te dogmatum suorum assertorem, scriptis orbi publicare: non contemnendo in hoc adolescentiæ Tuæ flore, industriæ, & ingenii fructu. Adde porrò sanctiorem sapientiæ partem, quæ fontes humanarum perturbationum investigat; quæ valla & arces extruit, quibus arceat, defendatque cupidinum insultus, quibus spei, & timori metam, aut modum ponat, animum adeò ipsum Virtutum omnium comitatu, atque ornamentis honestet. His junges quæ vitam civilem, communemque tranquillitatem stabiliunt: Rempublicam benè constitutam servant, augeant, adflictamque redintegrent. Rectorem populorum, quid sideri benefico simile reddat,

— quod tumida æquora placet,

Collectasque fuget nubes, solemque reducat.

Quid curam ejus in excubiis pro salute singulorum intendat, benevolentiam civium, fidemque solidet, ut insidiantium mucronibus se pro illo objiciant, cumque per stragem humanam ad incolumitatem iter aperendum est, corpora sua substernere non pertimescant. Quibus bonis succinctum, clarè prospicio non minus ad capeSSenda Serenissimæ Reipublicæ munera, idoneum Te futurum, quàm revocatum ex plantario Cyrum, è Linterni hortulo Scipionem Africanum, è Salonensi rure Diocletianum, & è villis suis tot priscos Quirites, manu consilioque egregium publicum asserentes. Habeas igitur, Illustrissime JULI, hæc ad herbarum studium ὀρμητήρια, affectus in Te mei, & observantiæ qualiacunque monumenta. Quæ non ingrata tibi fo-

DEDICATIO.

*re, tanto magis confido, quanto minus de singulari
erga me affectu, & humanitate tua mihi ambigen-
dum fuit. Vale feliciter, & in antiquam splendidam-
que familiam tuam, præter Virtutes, & laudes qui-
bus Europa universa personat, magnanimitatis, con-
stantiæ, pietatis, ipse novum atque augustum illud
decus inferas doctrinæ, & literarum.*

Patavii Idibus Januarii Anno salutis clc. lcc. XLIV.



PLANTARUM. ETHUMANÆ

NATURÆ, AFFINITAS.



Nnfolitum vobis Auditores, & ab officii mei instituto forsan alienum videtur, quod, incultus alioquin Orator, nec rerum majestate, nec verborum ornatu satis instructus, ex umbris Anatomici theatri in apricum prodeo, & amœnum hunc Floræ circum; ex brumæ rigore medio, in suavem hanc anni vernantis temperiem. Equidem corporis humani perita dissectio, arti Medicæ stabiliendæ necessaria; res tamen est, cum ob partium varietatem laboris plena, tum propter actionum obscuritatem difficultatibus circumsepta quàm plurimis. Ipsumque facto suo jam functum hominis corpus, suborto putredinis tædio, curiosas manus abareet; nec jam Minervæ se deberi clamat; sed Libitinæ, non Theatro; sed sepulchro. At mollia hæc, & circumfusa plantarum agmina, quamvis incredibili specierum varietate nomenclatoris memoriam fatigant; qualitatum tamen, quas in Scholis Manifestas appellamus, facili perceptione, promptiorem sui notitiam sensibus pandunt: & post obitum quoque gratissima cadavera, inter gestantium amplexus, inter odorantium oscula, si quam possident, odori halitus suavitatem, largiter mortalibus inspirant.

Fateor, optimi Auditores, diversitatem hic aliquam intercedere, contrarietatem autem ob stare nullam, quæ vel Anatomici officium, vel Medici contemplationem excludat. Quod mihi probare proclive fuerit, si quam in Theatro differentiæ patientiam commodastis, in hoc jucundo herbarum compendio, pari cum benignitate junctam concesseritis. Nam expendenti mihi quid cum homine rectius in comparisonem

veniat, opportunè suggerit Homerus, humanæ sapientiæ præ-
mus condusque vetustissimus,

Οἷον ἂν φύλων γενεὴν, τοῖον δὲ καὶ ἀνδρῶν.

Quale foliorum genus est, tale quoque virorum.

Vocem egregiam, & quam natam arbitror, in istis areolis hortorum, & pulvillis! Homini quidem cælestem originem assignat, maximus philosophorum consensus, partemque divini spiritus corpore demersam. Mirum nullum est, inquit Romani porticus Zeno, hominem ad Deos ire: Deus ad homines venit, imò quod proprius est, in hominem venit, & bona mens sine Deo nulla est. Hinc illa ex Arato divi legati vox,

Τὸ καὶ γένεσθαι ἑσμεν —

Numinis illius genus homines sumus. Quid verò plantæ? quas cælesti quodam vigore plenas existere, tam facilè sibi persuasere selectissimæ gentes, ut flores plerosque natos crederent, ex succo & sanguine immortalium Deorum. Nec dubium est, è stirpium materie, tam numinum templa, quam simulacra fuisse constructa, priscoque ritu simplicia rura, cæteris excellentem arborem Deo dicasse, cum non magis auro atque ebore fulgentia signa, quàm lucos, & grata in iisdem silentia adorarent. Mitto hæc profana. Ille ipse rerum æternus conditor, qui, (ut pie loquitur Damascus)

— dignatus iniquas

Aetatis perferre vices, hominemque subire,

non dedignatus, inquam, plantas est. Nam triumphata morte ab inferis redux, non palmato victoris indumento; sed sub vili & agresti habitu, in hortis primùm spectandum se præbuit. Titulum ipsum, ac nomen haud sprexit, unicum humilitatis exemplar, cum in sacris Odis, flosculum se campestem, convalliumque lilium appellaret, & ad florum, utpote rerum caducarum providam conservationem rimandam, oculos mortalium invitaret, lento sollicitudinum vinculo animos ipsorum expediturus.

Homo femine sæcundo generis perennitatem consequitur, & delitescit in eo peritissimus plastes, quem Medendi præcep-

tor

tor admiratus, τέχνην σοφίαν τε μέγιστην, artem sapientiamque summam vocat, qui ex rudi illa feminum congerie corpusculum efformat, partium decenti magnitudine, figuræ concinnitate, nexu item, posituque singularum partium ad amissim exactissimum: non ut Phidias aliquis circa superficiem tantum occupatus; sed internis pariter atque externis, minimis maximisque solerter efformandis sufficientissimus. Idem in plantis obtinet, quorum femina generis diuturnitatem spectantia, vim possident elaborandæ sobolis peritia penitus admirandam, quæ radicum multiplicem plexum, & oscula terrenum uber avidè siccantia, tum caulium thyrsos, ramosisque brachiis validam stirpem, foliorum ornamenta, floremque totius operis coronidem speciosissimam, immota quadam, licet ignota nobis lege, quàm accuratissimè consummat. Instrumentorum quoque ratio par est. Nam ut humani, sic vegetabilis quoque fœtus productionem calor adjuvat, quem non in scitè cum philosopho siderum elemento analogum pronunciaverim: cujus adminiculo natura, per humidi terreique variam misturam, partium singularum temperamenta, raritatem, crassitiem, asperitatem, lenitudinemque molitur. Sed hominem reconditum intra parentis viscera, & illa nascentis rudimenta quisquis indagaverit, non in admirationem; sed stuporem dabitur, cum observaverit, suscitatum à vitali calore secundinarum vesiculam, & fluitantis in ea corpusculi tenuem, rudemque contextum, vix apiculæ magnitudinem mole membrorum superantem, tum bullis aliquot pellucidis distinctum caput, enormes oculorum orbes, & ab umbilico surgentia venularum tenuissima capillamenta, adeoque homuncionis

Omnia, tunc verè tenui pendentia filo.

Imò si non piget leves cognoscere curas, admove te tenellis lactucæ rudimentis fideles oculos, & observabis in iis oleris universi elegantissimum exemplar, manifesto quidem cum dispendio magnitudinis; nullo tamen habitus, externæque formæ. Videte sub germinis emissionem fœcunda leguminum semina, & in illis artifice veluti penicillo expressam totius plantæ spem. Dividite Lilionarcissi vernantem bulbum, & agnosces intra

collecta etiamnum foliola, velut intra secundinas, minutum flosculi vestigium, & hærentem cauliculo surgenti novi bulbi globulum; confessuri cum rerum Naturæ gravissimo scriptore, nupiam eam magis quam in minimis totam esse. Homo vitalibus auris jam maturus, ruptis quibus induebatur secundinis, non sine matris tormento, claustris uteri erumpit. Initio rerum omnium egenus; sed adaucta sensim ætate provectus, tum sibi, tum parenti abundè sufficiens, &, ut verè conqueritur Plinius, fortunæ munera homo complexus non alumuum sese ejus, sed partum existimat. Nec vegetabilia fanè, quamvis de ipsorum sensu nullus sit homini sensus, citra seminalium involucrorum divisionem genetricis corpore dirimuntur. Quin vel hoc ipso felicius auspicari vitam videntur, quod in eorum discrimine nullum ferè matri discrimen est: non alia vel Nixia, vel Levana, quàm cœlesti Lucina nascentibus plantis opem ferente. Formatae verò, profundisque radicibus terram implicantes, etiam spernere possunt fortuitorum omnem impetum, quamvis eas valido robore,

*Alpestres Boreæ, nunc hinc nunc flatibus illinc,
Eruere inter se certent —*

Iam in corporis humani partes quicunque diligentius inquisiverit, sensuum utique indicio, simplices alias deprehenderit, alias ex simplicium concursu compositas. E simplicibus habentur conjugati nervorum ordines, Venarum quiescentium micantiumque purpurati ductus, ossa partium molliorum valida fulcimenta, & carnes, tam visceribus, glandularumque spongiolis affusæ, quàm toris lacertorum infarctæ, membranarum item, & vinculorum multiplex apparatus, ad tutelam omnium fæderisque societatem conducibilis. Eundem in modum res de plantis habet, in quibus simplicium partium rationem fibræ obtinent, sive nervi, quæque nervis succi pleniores sunt, altrices illæ venæ, quas per foliorum planitiem stabili quadam serie distributas, facili obtutu quilibet deprehendit. Addo carnem, in mori cerasique fructibus molliorem, solidiusculam in pyris, & malis, in amygdalis nucibusque duriorem. Quid ligna interpositis nodis variè articulata? nihil aliud, quàm
osse-

osseum plantis arborescentibus robur. His tamen omnibus tegumenta adjecit providus opifex, corticumque libros, & æmulas epidermidis cuticulas, quibus externorum noxas à penetrabilibus suis excluderent. Nec verò, quod humano corpori constans medicorum suffragium tribuit, plantis deest, calor & humiditas. Imò utrumque adest, ob causam rationemque similitudinem. Etenim ut constituerentur simpliciter, humido opus erat, quo terrena materies stipata, lentorem, partiumque continuitatem nancisceretur; tum calore, quem *ῥῆξιγονον* appellat Aristoteles, cujus ministerio singula jungerentur, miscerentur. Constitutæ plantæ ut porro fervarentur, iterum aliunde accersenda, totque radicum osculis haurienda fuit humiditas, squaloris, marcorisque remedium unicum; tum operis promotor blandus ille, ac cœlestis calor: quorum uno, vel utroque deficiente, amisso jam corpore, vitam penitus exsolvi necessum est. Oportunè verò suppeditatis his præfidiis, videre licet ferè tabe confectas plantas vires sumere, &, ut cum Lucretio loquar,

—— *hilari grandescere adauctu,*

Paulatimque gradus ætatis scandere adultæ.

Diversitatem etiam humorum hic quoque notamus: in tithymallis & soncho lacteus abundat succus, in anchusis fantaloque purpureus, flavus in crocis, & chelidoniis, in pluribus viridis, nonnullisque fuscæ quædam atratus.

Cæterum, compositæ ex simplicibus partes, aliæ per regiones in homines dispositæ sunt, aliæ per extrema seu artus. E regionibus infima, corporis universi promptuaria cella, viscera continet, quæ vel alimentis concoquendis, vel substituendæ soboli Natura comparavit. Intermedia altera, vitæ arcem includit, robustis costarum veluti cratibus obvallata: denique suprema illa, præ cæteris nobilior regio, cranii valido propugnaculo succincta, hominis, ut ait Plinius, cælum: quod in tranquillo affectuum statu serenum, in perturbato nubilum irarumque fluctibus procellosum, mille modis homines hominibus collidit. Similis in plantis compositarum partium ordo est, & regio illa infima qua terræ cohærent, & inhærent, vegetabilium abdo-

domen est, in quo promissis radicibus ac bulborum cirris, alimenti feminisque reparationi incumbunt: altera item in germi-
nis radicumque medio constituta, ἐγκάρδιον complectitur. Ita
enim cum Dioscoride partem nomino, à qua diffusis tam ra-
dicibus, quàm venis origo est, & per omnes plantarum tra-
ctus vitalis vigor distribuitur. Supremam regionem, in arbore-
scentibus ab encardio caudex describit, qui per ramos ramo-
rumque frondes, & furculos, tanquam artus, & extrema fin-
ditur. Hic foliorum amœna congeries, & fructus vegetæ na-
turæ fœtus, fructuumque sive ornamenta sive indicia flores
hospitantur. Suspiciamus autem in homine potissimum vultum, &
expressa in illo providi conditoris nostri argumenta clarissima.
Osculum illud venustate plenum, orationis suavissimæ prom-
ptuarium: odorum cum spiritu biforem viam, diffusamque genis
virtutis purpuram, oculos luce visionis illustres, errantemque
circa lacteam frontem comantis juventæ cæsariem, & quic-
quid apud elegantiarum arbitros amor invenit. Eadem flores
exhibent, non sine sensuum omnium manifesto consensu. In-
spicite istos e calycibus, hos è gemmis, illos è vaginis suis pro-
tuberantes, hiscentibus ad solis conspectum labellis blandè re-
nidentes, quum halitus suavissimi prodiga oblatione rerum pa-
rentem salutant. Videte mihi, vel in uno aliquo genere pul-
chritudinem, hoc aurum, hanc purpuram, has nives, hanc
flammam, & ut cum Plinio loquar, naturæ pingentis varium ama-
bilemque lusum: quem Apelles aliquis coloribus adumbrare for-
san queat, non adæquare: adæquare, non superare. Fragile
tamen bonum est, externum hoc formæ decus, & exigui tem-
poris munus exiit, quodque nulla non dies veluti spoliū for-
moso corpori subducit. Id verò multo magis in flores convenit,
fugacis pulchritudinis languida simulacra, quibus aut inclemen-
tior contactus, aut pluvia gravior, aut immitior aura, protin-
us interitum accelerat. Adeò verè doctissimus Poëta,

Ζεφύρην πνεῖσσαι τοῖ μὲν φύει ἄλλα δὲ πέσσει.

Illa parit Zephyrus, ait, idem celer obruit ista! Quod fit cum
foliorum aureus ille fulgor in lanugines, tenuisque pappos,
ventorum ludibria, faceffit. Et expressum in hoc communi
fra-

fragilitatis typo hominem, si quis intueri non erubescit, orchidis florem videat, eum quem ἀνθρωποφόρον appellant, & in porrectis brachiolis, diductisque cruribus lepidam humani corporis effigiem, & ab involucrorum infirma galeola pendulam, ut floris instar hominem florere, juxtaque cum illis apparere tantisper, atque iterum disparere, non ignoremus. At hominem cum non sibi tantum vacare vellet; sed in consortium aliorum, suppetiasque deducere, sexuum aliquod discrimen effecit sapientissimus rerum omnium parens. Simile de plantis dudum cum Empedocle receperunt peritiores Hortensii. Inter quas ex eadem specie, stirpis habitudine ficciores, foetumque tum ferendo, tum nutriendo minus exhaustas, confidenter masculorum ordini adscribunt, quas aliter affectas notant, sequiori sexui annumerant. Exemplum ejus rei clarum palmæ exhibent, è quibus mares comis erectis hispidos, proprius adfuitas foeminas, afflatu, visu, ipso etiam pulvere foecundare, veteres Naturæ diligentissimi indagatores prodiderunt. Foeminas tanquam intellectu Veneris inclinatas, blandioribus comis in mares nutare, iisdemque excisis sterilesce. Hominum certè promiscuus ille coetus, alios habet cultos, alios agrestes. ingeniique durioris. Ex quo fit, ut quibusdam rapaces Virtutum animi, & ex sese fertiles videantur, sine longo magisterio honesta comprehendentes: nonnulli, ut nativa surgentes pulchritudine, in rectum exeant, tam præceptis adjuvandi, quàm exemplorum adminiculis statuminandi sunt. Multis gravius obstat frigus, quibus absque severiore lege profectus extundi non potest. Inter plantas ea res evidentior est, quarum pars sylvestris, & horridioris indolis, pars mitior, quæque sponte ad cultoris sui vota properat. Sunt, quibus aut natale solum, aut consuetorum usus eripi non potest, quædam non nisi conculcata terra proficiunt: quarundam in tenellis herbis depascenda luxuries, & implexa ramorum congeries amputatione coercenda. Sycomori sine vulnere foecundi non sunt, olerumque plurimis nec vitæ diuturnitas, nec saporis gratia constat, nisi primum germen nutricis gremio subducatur. Itaque divina illa, non rustica Musa, vere cecinit.

— *pater ipse colendi*

*Haud facilem esse viam voluit, primusque per artem
Movit agros, curis acuens mortalia corda.*

Actionum porrò si comparationem instituamus, homini quidem communiores eæ sunt, quas naturales rei medicæ auctores pronunciarunt, nutritio, & generatio. Cum enim insitus partibus calor humidum, tanquam pabulum suum, avidè carpat, ne fluidum hominis casurumque corpus, veluti oleo defecta flammula citò marcesceret, alimento restaurandum erat, quod in ventriculo præparatum, in jecore ulterius elaboratum, in corde perfectum, reliquis deinde membris per venas suppeditatum omnia reficit, & ad vigorem usque ætatis justis incrementis adauget. Ut sobole generata caducam stirpem homo redintegraret, semen producere debuit, fœtus novelli fundamentum, quod præparatum intra pampiniformes vasorum ductus, in varicosis flexibus elaboratum, in capsulis denique spermaticis consummatum, tandem in hortulo conjugis, arvoque Naturæ fereret. Quantò verò manifestiores sunt in plantis hæ naturales functiones, quas porrectis in terram altricem copiosis radicibus, nutritionis officium tam gnaviter exsequi certum est, ut multis huic tantum muneri operam navare perhibeantur. Non idem tamen omnibus alimenti modus, non eadem æquè suavia. Sunt quibus largior nutrimenti portio sufficiens: cappares, & verbascum paucis contenta. Frigida plerisque commodior; ocymum tamen affusa calida magis proficit. Omnes ferè dulcem postulant humorem; ex oleribus nihilominus eruca, & brassica, falsis nitrosisque juvantur. Unde contingit, cum non idem habitus sit, cultusque locorum,

— *quod non omnis fert omnia tellus.*

*Hic segetes, illic veniunt felicius uvæ,
Arborei fœtus alibi, atque injussa virescunt
Gramina —*

Fœcundam verò plantarum vim, quis non obviam undique oculis agnoscit. Aliquæ nullo cogente sponte sua proveniunt: aliæ posito de femine surgunt; quibusdam ab radice pullulat densissima sylva. Atque hos propagationis modos primùm natu-

tura dedit; quid ars deinceps, & cultorum industria non adjecit? dum aut stolonum avulsorum translatione, aut propaginibus in terram depressis, depactisque novis ramis, proventum uberiores vegetabilibus imperat.

*Quin & caudicibus sectis, mirabile visu,
Truditur è sicco radix oleagina ligno.*

Has nutriendi sese, generandique vires, ut in homine, sic in plantis vitalis quoque facultas promovet. Languidam eam quis arbitretur? Imò si rem æqua lance pensitemus, vix humana fragilitate debiliorem. Et stirpibus quidem blandum illud adolescentiæ ver, juventutis vegetum florem, & confirmatæ jam ætatis fructus, longa annorum series reparat. Homini, inquit Catullus,

— cum semel occidit brevis lux,

Nox est perpetuò una dormienda.

Quod si majores illas respicimus stirpes, abundè notum est, annosa tot arborum robora, Statiliam, Nestoremque vivacitate superare. Quæ verò planta par esse queat homini, cum spectamus os ejus sublime, & erectum ad sidera vultum. Fertur enim ad similitudinem sui excellens natura, & simulacrum refert cælestium animorum decerpta quadam ab iis aura. Quis nobiles illas intelligendi atque eligendi dotes herbulæ tribuat? tum sensuum vigorem, & arbitrarii motus agilem expeditionem: affectuum vim, quorum impetu frustra sæpius oblectante ratione, præceps fertur. Nolim tamen, humanissimi Auditores, tantum humano ingenio tribuatis, ut exhaustam ab eo plantarum naturam omnem, perfectamque cognitionem acquisitam arbitremini. Nam quod Bion olim de negotiis humanis assererat, ea initiis suis esse similia: verè hic quoque dixerim, & hanc ipsam rerum naturæ peritiam, ut confiteatur Seneca, non magis absolutam esse, quàm conceptus inchoatos. Negat Aristoteles vegetabilibus sensum inesse; quem tamen iisdem assererat Plato, vir, authore Cicerone, ingenii doctrinæque princeps: fecit idem Anaxagoras, quique præ cæteris herbarum viribus indagandis clarior, Democritus. Is enim & sexum plantis, sensumque tribuebat, & mente pariter cognitioneque non carere credebatur. Observarunt enim vi-

ri sapientissimi, plantas assumpto alimento suaviter refici, & efflorescente nativa pulchritudine partibus singulis in hilaritatem diffundi. Observarunt florum plerisque ad solem, siderum ducem rectoremque converti, tanquam beneficium ejus influxum tacitis votis nunquam non exoptarent. Notarant quercum oleamque sibi commissas, manifesto quodam dissensu in contrarium flecti. Vitem quoque brassicam vicinam fastidire, & aliorum conversis flagellis, ab ejus contactu refugere. Cucumeres aquæ desiderio evidenti affici, & in proximam illam toto se corpore demittere; oleum autem propinquum tam acriter averfari, ut ab eo tanquam inimico se subducturi incurventur. Motus autem in plantis argumenta cur sollicitè conquiram? Notissimum arbitror florum non paucos, Sole oriente, vel ad occasum festinante, sinus foliorum & firmata modò pandere, modò recolligere, totque convolvulorum ordines, mira sublimitatis aviditate, exporrectis quaque versum claviculis veluti manibus adminicula arripere, quibus in altum enitantur, & imminetia omnia superent. Taceo Pudicam nomine arborem, quam veluti modestiæ symbolo, homine accedente, ramos contrahere, eodemque recedente, diducere tradunt rerum Indicarum inspectores. Tum alteram illam, cujus frondes humi prolapsas obrepere, manusque insectantium fugere memorant. Anne penitus admirandum, *Lyfimachiam* collo ferocium animalium suspensam, eadem circurare, & ad mansuetudinem componere? *Scyllam* à foribus ædium pendulam incantamenta averruncare. Dæmones ipsos *Hyperico* fugari veterum diligentia compertum est.

Denique in humano corpore, stabilis naturalium actionum vigor est, si temperamentum saluum est, si conformatio decens, si partium omnium unio & communio non labefactetur. Ita res in plantis habet, quibus, ut ex doctissimo Poëtarum colligimus, temperamentum partium vitiat rapidi potentia Solis.

Aerrior, & Boreæ penetrabile frigus - - -
- - - quoties ruit arduus æther,

Et

Et pluvia ingenti sata diluit - - -

Aut cum exustus ager morientibus aestuat herbis.

Has enim noxas vermiculatio, rubigo, fideratio, sphacelusque comitatur, vitia cum internecone plantarum conjuncta. Conformatione morbosa fiunt vegetabilia, cum impedita Plastes Natura, vel corpusculum ipsorum totum, vel partes aliquot, minutas, asperas, curvas, aliisque modis præter institutum contortas producit. Unio perit, cum quid abscessu prætumidum, vulnere faucium, rimisque fissum fuerit. Cæterum ægri-
tudines humanas, interdum sola suis pollens viribus Natura expellit, quoties onere molestum sanguinem apertis venarum oculis excludit, noxiosque succos alios per ductus corporis & meatus eliminat. Interdum arti corolla debetur, quoties vitæ propemodum à morbo Naturæ suppetias affert: cum per Æsculapios suos reductum ab orco Hippolitum in auras vitales vindicat. Eadem in plantis fiunt, in quibus ægri-
tudinum impetum nonnunquam sola Natura sustinet. Cum gravata humiditatum copia, lacrymas viti, pruno cerafoque, gummi, lentisco & terebintho resinas, salubri penitus eventu exprimit. Frequenter ab arte præsidium plantis venit, utpote quæ nascentibus obstetricis instar opitulatur, externas cœli solique injurias providè avertit, fordescentibus coloris nitelam conciliat, odorum gravitatem insolita fragrantia commutat, & simplicem florum habitum, Protei instar, multiplici formarum varietate distinguit. Quid memorem insitionis prodigiosum artificium? quæ diversas germinum traduces, alienis visceribus inolescere docet, ut, accinente Marone,

Exeat ad cœlum ramis felicibus arbor,

Mireturque novas frondes, & non sua poma.

Et, ô ingenii humani portentum! non defuerunt hoc ipso sæculo Virbii novi, qui destructo jam, combustoque plantæ corpore, è fœcundis cineribus lepidam vegetabilis Phænicis umbram Hermetica opera in lucem revocarunt. Humanum tandem corpus, quod vitæ munere jam perfunctum, melle condivisse veteres, apud Xenophontem legimus. Simile de plantis fit, quarum vel integra corpora, vel partes, saccharo aut melle

recondimus, ut etiam post obitum non ingrata hominibus cadavera, vel tanquam gulæ scitamenta, vel tanquam bonæ Valetudinis fulcimenta placeant.

Ex quibus omnibus constare vobis arbitror, Auditores humanissimi, quàm ex verò profecta sit Homeri vox, genus humanum plantis esse simile, quàmque cognata sint officia, corporis humani contemplatio, & amœnior hæc plantarum potentium inspectio. Conjunxerunt utrumque munus viri per Europæ tractus celeberrimi, qui tam in hoc nobili Patavino Lyceo, quàm in aliis florentissimis Gymnasiis, & Anatomica, & Botanica publicè professi: quibus volupe fuit, exantlatas à cadaverum dissectione molestias, jucundo rerum hortensium exercitio diluere.

Est etenim alternis facilis labor —

Horum vestigia, quamvis longo intervallo, serenissimæ Reipublicæ Venetæ decreto sequenda mihi sunt, & intermissa jam ab aliquot annis grata plantarum contemplatione, rerum Anatomicarum insuavitas mitiganda. Vos quoque lectissimi juvenes, generosa pectora, & ad patriæ decus nata, studium utrumque complectamini, quodque cælo descendisse fertur, γινώσκει σεαυτόν, Nosce te ipsum, tam ex miranda partium corporis humani structura; quam lepido hoc vegetabilium omnigenorum cœtu, exemplis jucundioribus perdiscatis.

PLANTARUM

EXIMII CULTORES.



Receptus à vetustissimis seculis mos fuit, Auditores, legumque sanctione deinceps confirmatus, ut sacris certaminibus victores arborum ramis coronarentur: atque hostibus domitis clarissimi duces, inter bellicos honores, connexum è flosculis fertum, fortitudinis testimonium fumerent. Adeoque princeps olim terrarum populus, haud nobiliorem ob servatos exercitus coronam; quam gramineam imperatoribus à milite dandam concessit. Et placuit simplex hoc institutum, dum intemerata placuit virtus, non aliunde; sed à se ipsa pretium, æstimationemque consecuta. Sensim tamen obrepente priscæ frugalitatis deliquio, contempta fuerunt obvia hæc Naturæ blandientis ornamenta, primusque Crassus ille dives, ex argento auroque folia coronarum imitatus. Non aliò sanè exitu, nisi ut suavem & æthereum honesti spiritum, sordida vulgi aviditate, veluti olenti fæce corrumpere, ipsusque fortunis amplissimis devolutus infamem sese creditoribus decoctorem objiceret. Simile de medendi scientia dixerim, quam pestilenti quodam fidere adflatam judicarunt viri magni, postquam à portentosis ingeniis spreta penitus herbarum potentia, remediorum gratia metalla tantum quæsitæ fuerunt, & tanquam parum benigna fertilisque tellus foret, qua parte calcatur, in viscera ejus penetratum est, & horridam Manium sedem, ut tormenta conquirerentur, quibus in morbos pugnaretur, de quibus incertum, luxata sæpius secunda valetudo, an adversa restituta fuerit. Quorum insaniam, si paucis mihi perstringere dabit, humanitatis vestræ munus agnoscam, Auditores, & eximie benevolentie argumentum certissimum.

Nam

Nam si providus ille rerum auctor humanæ valetudinis præfidia in metallis præcipuè reposuit, quid est, quod oculis illa mortalium subduxit? quod ad inferos usque demersit, ac rebus veluti noxiis damnoque generis humani prodituris in medium, toto pondere terram instravit? Ecquis ad salutem inventa credat, quæ sine certa perniciæ conquiri non potuerunt? valere hominem per illa debuisse, quæ actis per montium spatia cuniculis improbo atque indigno labore vitam ejus attritura? quæ fidentibus infirma cervice fornicum rimis, repentina morte operarium oppressura? spiritum anhelantis tetro lethali-que fumo strangulatura? atque utcunque perditæ cupiditati cætera benè vertant, lucis incertam viam, certis umbris ac tenebris damnatura? Protrahantur è latebris suis tandem metalla, & curiosi artifices judicium pariter ac manus delassent; non habebunt inter salutare notas, quo sensuum fidem provocent. Nam tactui immittè protinus frigus insinuant: odorati & linguæ, aut nihil, aut insuave quid, & nauseabundum: ut cum ad experimentum procedendum est, non ad amissum artis exactum opus; sed temeritate, atque audacia plena periclitatio committenda sit. Claudicet enim necesse est *ἐμπειρία* quæcunque rationis fulcro non subnixa, & in errores impingat, quæ recti judicii Theseio veluti filo non directæ. Nec aliam arbitror causam fuisse, cum jam antiquitùs fatis obvia metalla forent, quod in tanta priscorum diligentia, vix habeant gravissimi scriptores, quo morbis præsentibus internum illorum usum persuadeant: quibus tamen (ut serió fatetur Plinius) nihil intentatum inexpertumque fuit: nihil deinde occultatum, quod prodesse posteris vellent. Abscondisse eos abstrusos naturæ thesauros, vitamque bonis alienis defraudasse, tantum abfuit, ut etiam ingratis eos divulgarent, diuque summum ingeniorum emolumentum duxerint, ne intra unumquemque præclara inventa perirent. Cur imponi mihi patiar ab hodierno chymicorum vulgo, patere nunc metallorum arcana, atque interiore naturæ sacrario concepta horum principia, Vulcani ministerio detecta? Quamvis enim hæc in auro, in stibio, in hydrargyro, non illa laudabili studio quæsiverint plurimi; tamen irritos fuisse

cona-

conatus, tum demum agnovere, cum per tot ignium gradus, aquarumque Stygiarum vires exercitatum materiam, habitum tantum mutasse deprehenderent; non exuisse corpus: nec talaria posuisse unquam volaticum illum divum; sed vel Proteo mutabiliorem, postquam vario sub schemate diutius lusisset, remeasse tandem in pristinam libertatem, vomicam æterni liquoris, & rerum omnium venenum. Aperto satis indicio frustra ab his solis morborum auxilia exspectari, quorum intimæ vires in notitiam hominis haud pervenerunt, nec pervenire forsân debuerunt.

At illa quæ adversus ægritudinum impetum efficacissimè polle-re voluit, rerum optimarum æterna scaturigo Deus, è tellure ipsum produxisse sacris literarum monumentis dudum consignatum est; adeoque tot herbarum fruticumque genera, quemadmodum edita fruge victus necessitatem homini explent; ita sæcundo medicamentorum proventu Valetudinem prosperam conservant, afflictamque morborum sævitia pristino vigori restituunt. Plantarum opera, infestum vitæ penetralibus frigus superamus, ardorem æstuantium viscerum demulcemus, suffusos partibus humiditatum imbres exsiccamus, ariditatem earumdem squaloremque temperamus. His jubente Deo utendum est, imò imperante; ut quamvis necessariò ad fatalem illam metam homini eundum, præsto nihilominus sit, quod externorum præcipitem incursum avertat, corporisque cruciatus subinde propulset, & ad catastrophem vitæ molli magis, ac naturali via, deducat. Nec locus ullus aut regio cælesti munificentia destituitur: non abditæ solitudines, & horridior omnis naturæ facies, non juga montium nubes excedentia, exustique sideribus terrarum tractus. A Mæotidis palude, & ultra Herculis columnas ipsoque rerum naturæ defectu, herbæ petitæ sunt, quas in sanitatis usum industria medendi converteret. Homini utique felicitatis suæ culmen etiamnum obtinenti, domicilium primum, & veluti sedem beatioris ævi, hortum adsignabat, beneficum Numen, ut ambiguum ipsi relinqueret, plura utilitatis ejus gratia condidisset, quàm voluptatis: cum & necessitatibus singulis prospectum esset, & amaretur

O

us-

usque in delicias. Reficiebant utrunque sensum partim scintillantes varieque micantes flores, etiam non suspicienti siderum desideria renovantes: partim ingenuus ab iisdem & gratissimus halitus, & quocunque animum oculosque convertebat homo, ex vegetabilium uberrimo lætissimoque proventu, facile cognoscebat, & ignaro sibi divinitus parata esse hæc beneficia, & suppeditari porrò vel ingrato.

Nec obscurat muneris præstantiam, quod hispidus aliquot plantarum aspectus, quod productis spinis tangentium manibus truces. Munire enim quasdam Natura debuit, & aculeis veluti telis armare ut tuta homini magisque salva remedia forent: quæ vel avida quadrupes depascere, procaces digiti rapere, vel neglecta vestigia facilius obterere poterant. Ita hoc pariter quod in vegetabilibus displicet, hominis causa excogitatum arbitremur. Fateor quidem non omnes plantas æquè gratas esse: multas qualitatum insitarum excessu, morborum atrocium causas debellando, asperitatem aliquam exferre: quasdam sub floridula specie toxica parare. Attamen hæ ipsæ quæ valetudini hominis penitus infestæ videntur, numerosis tot seculorum experimentis, in usum aliquem humanæ salutis conversæ fuerunt. Quamvis autem admirabilem hanc ex plantis remediorum varietatem summus ille dynasta cum genuerit, tum homini largitus fuerit; occasionem tamen inveniendorum, & cognoscendorum effectuum ansam, non rarò bruta dederunt animantia. Nam caligantium oculorum nubileculam chelidoniæ succo discuti hirundinum inventum est, quæ implumibus pullis hujus adminiculo visum, vel acuunt retusum, vel restituunt amissum. Canes gramine manso stomachi fastidium deducunt, rejecta per vomitum cum medicamento pituita. Serpentium morsui Elaphobosci pabulo resistunt cervæ. Dictamni quoque vires, infixæ corpori extrahendi patefecerunt eadem, cum, ut loquitur Maro,

— *tergo volucres hæfere sagittæ.*

Pastis enim dictamno cervis lethales arundines protinus deciderunt. Anguis degustato fœniculi furculo spoliū hybernum exuere, ciconiam agrotantem ex origano medelam excer-

cerpere, aprum ex hederâ, magnis scriptoribus proditum est. Atque hinc natæ porrò observationes, prima salutaris scientiæ fundamenta locarunt: quas ipsas tamen non humile vulgus sibi tribuit; sed Dii, quique æmula potestate Deorum simulacra sunt, reges, principesque tanquam proprias vindicarunt; plantas etiam singulas nominibus suis adoptantes. Laudatissimam herbarum, quamque à Diis Moly appellari cecinit Homerus, Mercurio inventori adsignat: idem & contra summa veneficia remedium prædicat. Panaces ipso nomine morborum omnium auxilium promittit, specie numerosum, & Diis pariter indagatoribus adscriptum: hujus radice tellure evulsa, scrobem replere vario genere frugum religio fuit, & terræ genetricis piammentum. Myriophyllum Achilles invenit, fortissimus heros, quem non ignorare decebat, ut loquitur Statius,

— *quonam staret medicamine sanguis,*

Quid faceret somnos, quid hiantia vulnera claudat.

Plantam ipsam morbis militum sublevandis utilissimam esse, factò ejus in Telepho curando felici experimento comprobavit. Cratævas Mithridati Scordium acceptum refert, potentissimo regi, atque in summa non minus ingenii, quam imperii magnitudine, medicinarum peculiariter curioso, Eupatoria quoque regiam auctoritatem habent, nec viribus suis penitus indignam, quum semen ex vino potum unice dysentericis opituletur. Gentianam Illyriorum quondam principi Gentio debemus, nobilissimam plantam, & alexipharmaca virtute paucissimis inferiorem. Quid memorem Chironem, Lyfimachum, Teverum? cum mulieres quoque constet hanc gloriam affectasse. E quibus Artemisia, Mausoli regis conjunx, adoptata herba, quæ Parthenis seu virginea antea nominabatur. Nec verò frivolam existimemus hanc vitæ juvandæ curam, & ne quid profuturum seculis diutius lateret. Quosdam enim singula inventa Deorum numero addiderunt: vitam omnium sanè, & morborum tyrannidi exemerunt, & clariorem reddiderunt cognominibus herbarum: excitata quoque posteritatis memoria rerum utilium investigatoribus gratiam benigne retulit. Sola

enim hæc Naturæ placuisse remedia censebantur, utpote non difficilia inventu, parata vulgò, citraque vitæ dispendium quærenda. Inculpata magis omnia fuerunt, cum nondum per fraudes hominum, ingeniorumque capturas, venalis valetudo esset: nondum compositiones, atque inexplicabiles misturæ decantarentur, ulcerique parvo ex Indiis, aut Mari Rubro medicina imputaretur, ut serìò conqueritur rerum Naturæ gravissimus scriptor.

Atque inventores quidem herbarum tales tantique fuerunt quid illustres, & ab omni ævo splendidissimos plantarum inventarum cultores silentio involvam? Et, ne Alcinoùm Adonidemque reges è fabulis accerream, in veris historiis Cýrum legimus, imperatorem celebratissimum, plantaria manu sua instituisse, atque hoc ipsum apud Lyfandrum Lacedæmonum legatum in aliqua gloriæ suæ parte collocasse. Attalum fane Pergami dynastam, non pretiosissimæ supellectilis fulgor, non secundantis fortunæ blandimenta detinebant, quin, omiſsa regni administratione, hortorum studio, plantarumque fatu, defessum aut aberrantem animum recolligeret. Semiramidis pensile viridarium, admirata fuit antiquitas, & Africa celebrem novumque Masaniſsæ cultum. Apud Romanos adeò vetus reperitur hæc propensio, ut reges imperii fundatores, positis aliis curis, hac potissimum fuerint in cura. Tarquinius cognomento Superbum palàm est, decussis in horto, papaverum capitibus, sævum illum, ut loquitur Plinius, & sanguinarium nuntium filio remisisse. Scipio Carthaginis terror, Hannibalis, atque Antiochi victor, Linterni, horto subigendo, triumphalem manum exercebat: adeoque suavem experiebatur hortensem operam Diocletianus Cæsar; ut lactucas ad Salomonam, & olera, diademati, imperiis, sceptrisque cunctis præferret.

Quamquam palmam floreï hujus cultus præripuisse omninò videantur priscis, hodierni proceres, industria dicam, an seculi potius felicitate singulari, à quo tempore ad ortum, occasumquè solis patefactis Indiis, Europa universa, non minus pretiosissimis mercibus locupletata, quàm utilissimis plantis venustif-

nustisque floribus exornata fuit. Quis fama non accepit Elysia illa hortensia, quæ Ludovicus Decimus tertius, felicissimus pariter, ac justissimus Gallorum monarcha, regio sumptu non ita pridem excitavit? In quibus non solum amplissimi regni delicias, & avita lilia; sed utriusque Indiæ florea miracula, æmulo terrarum situ peritè disposita, vigere jussit. Atque ut propinqua tantum delibem: Ex Romanis illis, religionis, Sapientiæque purpureo splendore eminentissimis patribus, cognitum habetis Franciscum Cardinalem Barberinum? Igitur & supra Tantalum, Hesperidumque sive pretium, sive operam constitutos, ornatissimos ejusdem hortos, in quos, tanquam divini nectaris fœcundis apibus flosculi honorem impetratura Chloris, prodiga manu congeffit quicquid horum eximium habet, noster, aut alter orbis. Te verò quem memorem,

— ò quæ sol habitabiles

Illustrat oras optime principum,

Ferdinande Secunde, magnorum Hetruriæ ducum, qui, veluti cum imperii folio scientiarum virtutumque sceptrum obtines, sic in cultissimo Pifarum viridario splendide instruendo, tum è quæsitissimis floribus temporaneam; tum in posteritatis memoria coronam consecutus es sempiternam. Efflorescit doctissimi Petri Castelli auspiciis, in Mamertini gymnasii usum, hortus Messanensis Siculus. Non favillis atque ustilagine flammæ eructantis Ætnæ decolor; sed Floræ nitidioris suaveolentibus deliciis eximiè decorus. Lugdunum illud Bravorum, clarissimas Belgii Athenas, haud minus eruditissimorum professorum celebritas commendat; quàm adjunctus splendidæ Academiæ cultissimus hortus: in quo, præside Adolpho Vorstio, altero hujus ævi Theophrasto, præpotentium Ordinum confœderatorum nutu, non ebur, aromata, gemmas; sed flores suos inter Europæas hospitari plantas Indi mirantur. Vigent in Germaniæ sinu Altorfinæ Tempe, industria Ludovici Jungermanni, incomparabilis Botanici, in medicarum virtutum compendium redactæ amœnissimum. Ac ne vegeta magis cœli temperie felices terras, his floriferis hortorum spatiis gaudere tantum credatis, illas ad extremum siderum ambitum, gelida

que Aquilonis conceptacula porrectas regiones, hac parte rerum natura damnatos non esse, ostendit Regius apud Danos Hafniensis Academiæ paradisus, Othonis Sperlingii, viri præstantissimi, studio, Europæis, Americanisque plantis ornatissimus. At quid augustissimæ Reipublicæ Venetæ munificentia dignius erat, quàm ut in hoc nobilissimum bonarum artium Asylum, bonæ valetudinis præsidia reciperentur? ut in Musarum cœtu Phœbus surgeret, Phœboque subiectæ plantæ plantarumque vires agnoscerentur. Immò prima omnium Veneta prudentia, utilissimi instituti metam assecuta fuit. Nam ut rebuspublicis per orbem reliquis, laudatissimi regiminis, civilisque tranquillitatis normam præbuit, ita publicis liberalium disciplinarum Gymnasiis, quid ad rei Medicæ perfectionem conducere, exemplis suis docuit, splendide constructo, non ligneo tantum illo, in quo Valetudinis fundamenta dissectio cadaverum patefaceret; sed etiam lapideo hoc plantarum amphitheatro, in quo tum incolumis Hygiæ munimenta, tum ejusdem afflictæ præsidia locarentur, ac recenserentur validissima.

Quæ nunc obvia vobis, Auditores, & in studiorum vestrorum emolumentum comparata curiosè perlustretis. Quod si enim ad sanitatis amissæ recuperationem necessarium ducitis, mirabilem corporis humani contextum viscerumque singulorum temperamenta rimari: quidni pariter necessarium existimetis, sedula observatione ea præcipere, quibus sacrum illud opificium factum tectumque servandum, quibus labefacta morbo viscera ad temperiem pristinam revocanda sunt? Et observanda quidem eò religiosius, quo calamitosior ex præfidiorum inopia eventus, & ex inexplorato remedii usu damnum gravius redundat. Ducem utique belli non immeritò vituperetis, qui hostem irruentem aggressurus, ignorat, militem sub signis habeat validum, an viribus fractum, armatum, an inermem: Drusiano gladio, an plumbeis telis instructum. Non dissimilis fuerit Medici, imprudentia dicam, an temeritas? si gravissimarum ægritudinum agmen profligaturus, incognitum habeat, quæ medicamenti natura, quis habitus: robore integrum

grum sit, an vetustate obsoletum: blandè opus expetitur ab-
solvat, an concussione quadam valli, partiumve perturbatio-
ne: vix à priscis illis empiricis discrepaturi, qui per capitalem
inscitiam ex periculis agrorum discebant, atque experimenta
agebant per mortes. Veneremini ergo in tanta remèdiorum
ubertate cælestem benignitatem, & plantarum eximios sive in-
ventores, sive cultores pleno gradu sequamini. Vos quoque
dignos exhibitori, si quæ celsissimi Senatus provida cura com-
muni utilitati largiri voluit, iis, qua par est gratitudine, mo-
destiaque perfruamini.

E X

PLANTARUM

CULTU UTILITAS.



Egebant olim in Phaliscorum agris, inclytæ,
& per omnium ora vulgatæ Hirporum fami-
liæ, quæ sacrificium ad montem Soractis
Apollini solemniter facturæ religiosis gesti-
culationibus operabantur, & impune arden-
tium lignorum struibus insultabant, flammis
(ut loquitur Solinus) in honorem rei divi-

næ parcentibus. Mysterium hujus devotionis, munificentia
Senatus Romani, prosecuta fuit, Hirpisque, perpetuo decre-
to, munerum omnium vacationem concessit. Quibus verò
non dignos honoribus arbitremur, Auditores, genuinos Apol-
linis mystas, qui non vanis gesticulationibus, & dolo per-
ignes

ignes saltu; sed inventorum Apollinis sedulo cultu, herbarumque potentia benignè posteris tradita, nominis celebritatem adepti, rerum ipsius Naturæ munificentiam tantum non superasse videntur,

Dii illorum umbris tenuem, & sine pondere terram,

Spirantesque crocos, & in urna perpetuum Ver!

Jurè cum satyrico exclamem. Nullum eloquentiæ flumen, nulla sermonis ubertas suppetit, qua vel extollere fatis beneficii magnitudinem libeat, vel utilitatem digerere, quæ ex fonte hoc in salutem humani generis, & commodum redundat.

Summum antiquitùs Deorum munus homini datum, sylvæ arboresque intelligebantur. Ex his utique templa primùm dicata, & simulacra ante exsculpta fuerunt, quam excogitato beluini cadaveris pretio, probatoque pietatis nomine luxuriæ jure, ex eodem ebore Deorum ora spectarentur, ac mensarum pedes. Imò numen ipsum arboribus inesse, densa mentis caligine circumfusi mortales sibi persuadebant, ad eas victimæ immolari solitæ, atque ex hominis sanguine factæ lustrationes. Hinc illa apud Lucanum nemora,

—— *lucique vetusta*

Religione truces, & robora numinis instar

Barbarici ——

—— *tum humanis lustrata cruoribus arbor.*

Neque id fecisse videntur, quod magnitudinem tantum arborum suspicerent, aut sub frondibus earum, exclusa luce, opacam quietem, & silentia adorarent; sed quod eximium in plebisque usum agnoscerent, sine quo vitam penitus vivere non potuerunt. Herbarum foliis mollior ipsis specus erat: cumque jam è rudi, & solivaga vita societatem inire, domosque struere cæpissent, non montes cedebant in marmora; sed è ramis stirpium tuguriola sua casaque constituebant. Etiamnum gentes ita degunt, & per vastos Indiarum tractus, non operosa lapidum congerie; sed ramis palmarum, cannarumque facili contextu, ædiculæ surgunt. Aliis non desunt ingentis magnitudinis arbores, è quarum integro trunco domicilia excavent, atque è cortice unico lintres, mari fluminibusque trajiciendis,

homi-

hominum quinquaginta capaces. Ut mirari jam desinamus celebratam in Lycia platanum, quæ laxo specu Mucianum consulem cum duodevigesimo comite haud incommodè excepit. Alterum item in Veliterno rure, quæ latis ramorum trabibus, & tabulato amplo, Cajo principi, cum quindecim convivis epulanti, simulque ministerio triclinium præbuit. Nec domus tantum è stirpibus; sed corporum etiam tegumenta, in nuditatis remedium, è plantis quærebant. E sparto calceamenta parabant pastores, & vestem. Herodotus è Phleo herba operimenta Indos gestasse prodit, quàm è flumine demessam, & contusam, atque sportæ in modum contextam, veluti thoracem pectori aptabant. Porro cum usus, & excitatum rebus egenis ingenium, varias artes extunderet, ex Acanthii lanugine demptis spinis vestes effecerunt: potissimum autem ex fruticum & arborum lanis, quas Xylon distinctius, & gossipium veteres appellarunt. Illarum uberrimo apud Indos, Arabesque proventu, non indigenis tantum; sed Europæis quoque populis in vestimentorum apparatus prospicitur. Lanas fanè pecudum, tanquam segnissimi corporis excrementum, rebus divinis operanti minime purum amictum præbere, ex Orphei, & Pythagoræ monitis credebatur. Arborum autem inter optimas terræ fruges exortam lanam, tam sacerdotibus Aegyptiis vestiendis, quàm rebus sacris operiendis singulariter usurpatam fuisse confirmat Apulejus. Quid linum referam? vilem & sine cura passim obrepentem herbam: cujus tamen inter confessa vitæ commoda, vix par est aliarum, quas impenso studio colimus, auctoritas. Eo multipliciter passo contusoque, & in mollitiem lanæ coacto, post tot lucri cupidorum ingeniorum inventa, ne nunc quidem inter indumenta carere possumus. Byssum quoque noverunt veteres, cujus Elæorum agrum feracem fuisse scribit Pausanias, è qua pretiosissimum, & in mulierum potissimum delicias expetitur lini genus colligebant.

Patebat etiam mortalium oculis olim Oceanus, & tanquam vinculum orbis terrarumque simplex custodia foret, diu humanæ experientiæ intentatum fuit: donec è scirpo primum, & compactis arundinibus scaphæ, ex arborum trunco lintres, è

sparto funes invenirentur, tandemque ex alno pinoque navigia
 majora, tum è lino velorum dispares sinus, ventum procellas-
 que recipientes, quo longo maris intervallo sejunctis populis,
 & extra siderum utramque metam positis, salutaris commercii
 viam aperuisset. Memoriam ipsam antiquitatis, & omnes hi-
 storix thesauros perdidissemus, nisi à claris ingeniis, è cortici-
 bus arborum tenuioribus, libri comparati fuissent, quibus in-
 scriberent, atque caudicibus earundem in tabellas æquatis co-
 dices: tum lintea ceris obducta, quæ stylo exarata literas ser-
 varent. Quin & foliis plantarum non oracula tantum manda-
 runt; sed etiam prolixiores doctrinæ tractatus. Illaque de igni-
 bus aëriis suavissimi Poëtæ carmina,

Lævis in aridulo malvæ descripta libello.

Seculis deinde proVectis è Biblo seu Papyro circa ripas Nili
 crescente, chartæ paratæ sunt, quum in prætenues, sed latissi-
 mas philuras acu dividi cæpisset: quibus Pergamorum princi-
 pes membranarum usum adjecerunt.

Et libros tantum loquor, vestimenta, domos, templa: ne
 vivere quidem sine plantarum subsidio prisca mortales potue-
 runt. Ferarum atque animantium cæde, victus necessitatem
 eos explevisse, cur existimem, Auditores, causam habeo nul-
 lam. Etenim inter vetustissimos Syros, Aegyptios, Persas,
 Indos, quotquot aut religioso Deorum cultu, aut continentix
 laude cæteris præstabant, à carnium esu abstinebant: sive ani-
 mantibus tanquam rebus sacris parcerent, animæ nobilioris in-
 dolem venerantes, sive partium nobiscum similitudinem suspi-
 cerent, speciemque sanguinis communem. His igitur, ut Ho-
 merus testis est,

—— καρπὸν ἔφερε ξείδωρ ὃ ἀρεστὸν

ἄυτομότην ——

—— fructum dedit optima tellus

Sponte sua ——

Ex arboribus primò gentibus cibum fuisse refert Plinius, sic in-
 ductas cœlum spectare, sic pasci. Tandem, ut cecinit Maro,

—— cum glandes atque arbuta sacre

Deficerent silvæ, ὃ victum Dodona negaret,

auctis hominum cœtibus, frumentis quoque labor additus fuit, inventique fruge blandiores succi hominem mitigarunt. Ex his membra recreans olei liquor, viresque restaurans vini potus, tot denique sapes annui sponte provenientes, & mentis etiamnum secundæ: quamvis ciborum causa cum feris depugnetur, & pasci naufragorum corporibus pisces expetantur. Imò considerate vel in singulis, quæ retulisse videor de multis. Nascitur in Mexicanis oris Magneii dicta incolis planta, aloës genus, firmo in extremis foliis aculeo spinosum. Hujus truncus ligni usum præbet, folia tegularum, aut imbricum. Ex iisdem lini cannabisque modo variè passis fila, calceamenta, cingula, chlamydes, stoeas, & funes concinnant. Spina subulæ, vel acus vicem sustinet, tum collectus in excavata radice succus, mel, saccharum, & acetum exhibet. Nec palmam huic plantæ concedit Palma, quæ & ipsa lignum ad ædificiorum trabes suppeditat, ramis ejus parietum latera stipantur, & instrumenta parantur ad usus privatos plurima. Foliis palmæ, ut auctor est Plinius, scriptitatum fuit, eadem ad sutilium nexus, & levia capitis umbracula findebantur. Hodie sportulas præbent, & ad æstum aëris temperandum flabella. Cortice caudicis funes plectuntur: medulla ramis subjecta, & dactylorum vel in unica palma proventus insignis, alimentum præbet suavissimum, & ex iis arte elicitus liquor Vinum,

Quod lene tormentum ingeniis admovet

Plerunque duris —

Quod spem reducit mentibus anxiiis

Viresque —

Sed, ô vocem egregiam!

Non est vivere; sed valere vita.

Cur in mortalium numero nos positos gaudeamus, ut cibos portionesque, percolemus, ut corpus hoc fluidum, & infirmum ne cadat subinde farciamus? Verèque natura non materna benignitate, sed novercæ odio genus humanum profecuta diceretur, nisi præter victum, è vegetabilibus ea quoque subministrasset, quibus valetudinem fulcire, morborum impetum retundere, dolorum atrocitatem lenire queamus. Quid enim est,

quod amissa corporis sanitate felicitatem hominis stabiliat? an regiae Persarum Gazæ? an Arabum intacti thesauri? an universum quod signandum aviditas dedit aurum? næ illa præ sano corpore ludibria sunt, ac vitiosæ nuces! Nemo tam demens, qui Indis imperare amet, affectus elephantiasi, diadema gestare capite siderato; manibus sceptrum gestare, chirographa implicitus. Sola valetudine propitia, etiam in tristi felle dulcedinem, adversâ eadem etiam in mero melle summam amaritudinem experimur. Κεῖναιον θάνατον ἢ τὴν ἀργύρεον ἐμ-
μονον, inquit Panaretus, Tolerabilior mors est pertinaci ægri-
tudine.

Tanti autem tamque exoptati boni curam; & tutelam, in plantis istis, herbarumque facultatibus præcipuè collocavit, prodigus utilitatum omnium conditor. Harum quàm plurimis calorem indidit, quo noxium partibus internis frigus expellere-
mus, cruditates, phlegmatumque proventum impediremus. Atque ex illarum ordine, quædam singulari temperamenti blan-
dimento, frigore concreta laxant, & remolliunt, æmuloque na-
turæ ministerio indigesta concoquunt, dolorum cruciatus le-
niunt, ad sobolis generationem semen parentum augent, ad
generatæ sobolis nutritionem, lactis abundantiam matribus sup-
peditant. Quorundam acrior calor est, & altius penetrando,
laxatisque spiramentis obstrueta viscera expediunt, tumores
discutiunt, hærentem in uteri venis sanguinem spissum fluxi-
lem reddunt, aquarum stagnantium copiam imminuunt, par-
tem earum ad ureterum canales deducendo, partem rivulis
sudoris excitatis per tenuissimos meatus eliquando; vermium
item importunos foetus, atque ante obitum corpus humanum
funerantes interimunt. In quibusdam plantis igneus vigor est,
quorum excessus, quamvis usu interno tutus non sit; attamen
dum excitato forinsecus ardore, & dolore, ex alto vitiosos
succos attrahunt, atque inductis ulcusculis revellunt, & deri-
vant: excrescentia supra Naturæ modum absumunt, molestiore
quidem sensu, sed eventu felici, gravissimas ægritudines fre-
quenter domant. Contrario profunt opere plantæ, quæ frigore
suo fervorem æstuantium viscerum temperant, tenues humo-
res


res, & cum periculo ruentes intercipiunt, sistunt, repellunt, dolores maximos immisso partibus stupore sopiunt. Evidens pariter auxilium afferunt illæ, quæ vulnerum hiatus claudunt, & in ulceribus vel carne replendis, vel cicatrice velandis Naturæ adflictæ suppetias ferunt, aliisque morbis superandis strenuè militant. Atque hæc omnia tantum manifesto qualitaturn robore præstare videntur: quid mira deinde, neque explicabili satis formarum proprietate? qua vitiosos corporis succos ut expurgari possint, ad sese pelliciunt: quemadmodum cervum è latebris attrahere serpentes scribunt rerum naturalium investigatores. Addite vim singularem, qua languidis vitæ præfidiis robur aspirant, teterrima venena hostili veluti odio persequuntur, & profligant. O favorem numinis & cœlestis benignitatis fontem limpidissimum! Quid dubitemus an vera sit Plinii sententia, Mithridatis commentaria, quibus vires plantarum, & effectus complexus fuerat, non minus communi vitæ profuisse; quam regna potentissimi illius principis, & provinciæ imperii Romani limitibus à Pompejo Magno adjectæ.

Harum itaque diligens, & curiosa investigatio, non ad alios magis spectat, quam ad vos, ornatissimi Juvenes, quibus humanæ valetudinis commoda fervanda, incommoda salutarī manu, & consilio avertenda fuerint. Utique si bene medendi gratissimum finem sanitatem agnoscitis: hæc autem sive conservanda sit, alimenta: sive à morborum tyrannide vindicanda sit, medicamenta, tanquam media exposcat, quibus proficiat: in confesso planè judicetis, ad vos pertinere cognitionem mediōrum, ad quos acquisitio hujus exoptati finis. Quod si tamen omnibus hic scopus propositus non est; rem tamen indignam arbitremini, animantia bruta, quæ ipsis salutaria sunt nosse; hominem autem ea sine quibus vivere, sine quibus valere non potest, ignorare.

E X .

P L A N T A R U M

CULTU JUCUNDITAS.



Consulebat oraculum Delphicum Gyges, rex olim terrarum amplissimus, ecquis in communi hominum cœtu præ cæteris felix esset. Responsum tulit, Aglaum Psophidium, inter mortales feliciorẽ à Diis judicari. Hic verò ætate jam senex, in angustissimo Arcadiæ angulo prædium colebat, parvum quidem, sed annuis victibus largiter sufficiens, è quo nunquam fuerat egressus. Iniqua fanè splendido regi videbatur sententia, ignobilem pariter, atque ignotum senem, haud imperii majestate formidabilem; sed hortuli privati cultura penè despicendum, feliciorẽ habitum iis, in quos propitia Fortuna bonorum omnium cumulos prodiga manu congefist. Beatam adẽ vitam non esse, ut recenset Poëta,

*Fulgentes manibus videre gemmās,
Aut testudineo jacere lecto,
Aut pluma latus abdidiſſe molli,
Aut auro bibere, aut cubare cocco,
Regales dapibus gravare menſas,
Et quicquid Lybico ſecatur arvo,
Non una poſitum tenere cella,*

Nihil enim horum in hominem conveniebat, qui ad raſtrum, & bipalia relegatus, vitæ mollioris lubentias vix primoribus, ut ajunt, digitis attigerat. Agere tamen Psophidii cauſam princeps voluit Lyricorum Horatius, & beatum aſſeruit eum, qui ceu priſca mortalium gens, procul amotis negotiorum turbis, pater-

paterno in rure, vitæ, victuique necessaria quærit. Nam, inquit,

*Neque excitatur classico miles truci,
Neque horret iratum mare.*

*Forumque vitat, & superba ci vium
Potentiorum limina.*

*Ergo aut adulta vitium propagine,
Altas maritat populos.*

*Inutilesque falce ramos amputans,
Feliciores inserit.*

*Hinc quum decorum mitibus pomis caput,
Autumnus arvis extulit.*

*Ut gaudet! insitiva decerpens pyra,
Certantem & uvam purpuræ.*

Mihi, humanissimi auditores, in re proposita, nec editum divinitus oraculum spernendum est, nec à poetica tamen levitate pondus conquirendum, ut ostendam, non aliam, inter externa & fortuita, ingenuam magis, homineque dignam voluptatem esse, quàm quæ ex stirpium plantarumque cultu in eundem redundat. Quòd mihi quidem ut evincam facilè fuerit, si benevolentia vestra, veluti zephyro blanditer aspirante, vela mentis meæ, conatusque promovebitis.

Nam, ut inde ordiar, haud facilè delectationem aliam repariatis, in quam ab omni ævo tam cupidè consenserit humanum genus: arcanâ quadam, eademque congenita vi, tam civiles; quàm barbaros animos ad hortorum studium suaviter, nec minus efficaciter impellente. Sacras lustretis, ac profanas historias, & liquidè constabit, simul cum orbe nato, natos esse hortos, eorumque sepimentis libenter se clausisse, non illustria tantum capita, atque inter illa philosophos & egregii publici moderatores; sed humile pariter vulgus, & quotquot simplices, nec ambitione mala fascinatæ mentes fuere. Quid enim singulari cura non prosequerentur ea, quæ non in cibos tantum; sed etiam ciborum suave condimentum cedebant. Non recensabo pretiosas Indorum merces, piper, caryophyllos, macem, cinnamomum, sine quibus opiparè vix degitur, aliaque exoti-

ca stirpium munera: cum illa ipsa quæ nobis viliora sunt, cepas, & allia, ex omnibus Europæ radicibus, tanquam suaviora gulæ scitamenta, languidoque ventriculo robur conciliantia, Indiarum incolæ seligant, ut auctor est Josephus à Costa. Mel, quod dulce nectar, & cœleste donum haud vanè cecinit Virgilius, è plantis floribusque delibant sedulæ, operumque suorum studiosæ apiculæ, quotiescunque

*Crura thymo plenæ, pascuntur & arbuta passim,
Et glaucas salices, casiamque, crocumque rubentem,
Et pinguem tiliam, & ferrugineos hyacinthos.*

Non cedit melli dulcissimus succus, quem arundinibus expressum, olim Indi bibebant. Ex eodem artificiosa condensatione concreto, saccharum paratur hodiernum, quo nihil, tum ad edulia condienda, tum ad corrigendam medicamentorum amaritiam, usu receptius habemus. Addite mannam, qua vix aliud inter alvum lenientia suavius existit. Hæc autem ros-cidus humor est, ex vapore, subtilibus pinguibusque plantarum exhalationibus permisto, productus, quem per serenas æstatis noctes moderatum frigus condensat. Jam fructuum illam, è stirpibus tam specie, quam sapore diversis miram varietatem, nulla satis explicet facundia. Verèque apud Plinium Pemonna, plurimum, inquit, homini ex me voluptatis est. Ego succum vini, liquorem olei gigno, ego palmas, & pyra. Tellus omnia labore quærenda concedit. At ex me parata pleraque, nec cura elaboranda; sed porrigentia sese ultro, & si pigeat attingere, etiam cadentia. Certavit in his igitur natura ipsa secum, & ambiguum reliquit, plus utilitatis studio mortales sibi devinctos voluerit, an voluptatis.

Jam odores illos, halitusque suavissimi eximiam in flosculis hisce gratiam, quisquis integro narium sensu percipit, eum fateri necessum est, frustra alibi quæri delinificam hanc vim, & nescio quam ab alto insusam ætheriæ substantiæ partem. Non enim animantium membra ulla, non abstrusæ metallorum copiae, quicquam fragrantia illius possident, quam puriori myrrhæ, olibano, styraci, ladando, electro, balsami lacrymis, cinnamomo; imò passim obviis rosis, caryophyllis, violis, jasmino,

mino, liliis, similibusque naturæ munificentia contulit. Imò tanti æstimati semper fuerunt, suaveolentes plantarum succi, tanquam cœlestem in homine merfamque auræ divinæ particulam exhiberent, ut non nisi Deo placando, & precibus, votisque mortalium, adeoque sacris officiis absumerentur. Hinc receptum usu passim fuit, ut cum Marone loquar,

Verbenas pingues adolere, & mascula thura.

Meritòque reprehendit intemperiem suorum physiologus Romanus, quod acervatim honori cadaverum congererent, quæ Diis per singulas micas dabantur. Neronemque principem tantum odorum concremasse, novissimo Poppææ suæ die, quantum annuo proventu non ferebat Arabia universa. Nec deest huic odoræ suavitati eximius usus, sive bonam Valetudinem, sive adversam spectemus, utpote quæ spiritus hominis recreat, & inspirato purioris conditionis halitu, vitæ flammulam blandè excitat. Atque hæc potissimum causa est, ut tradit Justus Lipsius, quod veteres illi sapientes in hortis habitarent. Eruditi hodiè, doctique viri delectantur hortis, & in iis divina illa pleraque scripta procusa, quæ miramur, quæque nulla temporum series, aut senectus abolebit. Viridi Lyceo tot dissertationes debemus de natura: umbriferæ Academiæ de moribus, & ex hortorum spaciis diffusi uberes illi sapientiæ rivi, quos bibimus, & qui fœcunda diluvie orbem terrarum inundarunt. Ex odorum mistura antiquitas unguentorum compositiones invenit, quarum præcipuis à myrrha, costo, amomo, croco, nardo, amaricoque nomen faciebat, non cute tantum, capillisque delibutis; sed iisdem luxuriæ vitio, in potus etiam additis.

Auget hortensia oblectamenta, colorum quæ in floribus dominatur, gratissima oculis spectantium varietas. Enimverò ut cœlum, ait Lipsius, & æternos illos ignes, nemini aspicere fas est, sine occulto quodam horrore, & religione; non item Floræ sacras opes, & hunc inferioris mundi mundum, sine tacita quadam gaudii titillatione, jucundoque sensu. Mirum adeò, non oculis tantum hic pabulum est, dum in caducis foliolis aurum, ebur, sanguinem, flammæ, nivemque contuentur; sed etiam menti, quam nulla res suavius afficit, quàm artificis na-

turæ, vel in uno florum genere colorando solertiam, five cultum spectaverit partium, five formam, faciemque, mille modis parem, modisque mille disparem. Pictores longa intentione hebetatam luminum aciem, ad specula quædam, & virores recolligunt: ita fessus gravioribus curis animus reperit in his areolis, pulvillisque micantium plantarum, quo se recreet, & iterum excitet. Celebratur priscorum Glycera Stephanoplocos, five coronaria dicta, quæ versicolori florum mistura, Pauliam egregium artificem, ad certamen naturæ ingeniosè provocabat. Hodiernum vulgus compositis florum fasciculis, oculorum pariter ac narium voluptatem accendit, atque à fenestris pensili hortorum imagine, quotidiana suspicientibus rura objicit. Aliorum major industria, qui comminutis, concisisque floribus, clarissimorum hominum, tum insignia, tum facinora, sedula Musivi operis imitatione effingere conantur. Nec verò sensuum tantum oblectamentum in floribus; sed etiam formæ, decorisque studium, ad numerosa ex iisdem experimenta humanum ingenium deduxit. Illinebant herbarum succis faciem barbarorum foeminæ, teste Plinio. Mares olim apud Dacos, & Sarmatas, corpora quoque sua inscripserunt. Britannorum conjuges, murusque toto corpore glasto quibusdam in sacris oblitæ, colorem Æthiopum imitabantur. Quid referam in coccifera ilice Tyrrii conchylii æmula grana, quibus imperatorum paludamenta tingebantur, atque etiamnum procerum indumenta refulgent.

Imò, factum magno gentium omnium consensu, ut ab his quantumvis caducis, vilibusque plantis, summi honoris, & æstimationis immensæ, si non pretia, certè argumenta peterentur. Antiquitus ex herbis obviis corona, non nisi Deo dabatur: ob id Homerum cœlo tantum eam, & prælio universo tribuisse, scribit Plinius, viritim, & in certamine nulli. Feruntque primùm omnium Liberum Patrem imposuisse capiti. Flosculis herbarum manes venerabantur, animasque defunctorum. Inde Anchises apud Maronem, obvia Marcelli umbra,

— manibus, inquit, date lilia plenis.

Purpureos spargam flores, animamque nepotis,

His tantum accumulem donis —

Augustus Cæsar, auctore Strabone, cum in Aegypto Alexandri Magni corpus, cedri liquore, myrrha, balsami lacryma, similibusque plantarum succis, à putredinis injuria præservatum, adeoque ὅλη ἡ σῶμα τοῦ προσώψαι ἀπαράλλακτον, conspiceret, aurea quidem coronâ; sed & sparsis floribus veneratus fuit. Sumperunt ex herbis coronam Deorum honori sacrificantes, victimis simul, & aris, templorumque liminibus, festa fronde exornatis. Romulo imperii amplissimi fundatori, ab Acca Laurentia spicea corona pro religiosissimo insigni data. Novissimè, & in sacris certaminibus, Olympiis, Isthmiis, Pythiis, ex oleastro, apio, lauruque usurpata corona fuit. Inde natum, ut etiam triumphaturis conferretur; sed in templo mox dedicanda. Corona tamen nulla fuit graminea nobilior, quam exercitus totus imperatori, non imperator militibus singulis dedit, adeoque aureis, gemmatisque omnibus dignior. Quod si civicæ honor, uno aliquo humilimo cive servato, præclarus, facerque habebatur: quid existimari debuit, unius virtute servatus exercitus universus. Dabatur hæc ex viridi gramine, decerpto, indè, ubi aliquis obseffos servasset. Summumque diu victoriæ signum fuit, herbam porrigere victos, hoc est, terra, & ipsa altrice humo cedere.

Atque utcunque hæc omnia non sint, quæ parvi sanè facienda non sunt. Quod majus esse potest humani ingenii oblectamentum, quàm in partibus plantarum pro arbitrato mutandis, rerum naturæ leges transcendere, eamque non ut dominam imperantem revereri; sed ut famulam, ad nutus heriles se componentem, variis operibus occupare. Præbent exemplum steriles quædam, aut parum fœcundæ stirpes. Hæ enim è macra tellure, in pinguiolem translata, proprii cineris vegeto fertilique sale conspersæ, tepentibus aquis crebrius irrigatæ, gravidæ fiunt, aut numerofo partu saltem mitiores. Ampliorem quisquis desiderat florem, foliorumque luxu spectabiliorem, is amputato ramorum inutilium onere, in paucos alimenti ubertatem transfêrat, quæ multis suppeditata, tenuiorem victus pensum exhibebat. Displicet in quibusdam moles, & incrementum partium vastius. Igitur & nutrimentum parcior manu sus-

fundatis, & intra vasorum angustias compingatis radices, valida magnarum stirpium fundamenta jacturas. Quod si vel in usum vestrum, vel delicias maturandas tempestivè non apparent flores, proventum eorum accelerabitis, quotiescunque insitum plantis calorem pinguibus, acribusque fomentis excitabitis, externas frigoris injurias abarcebitis, sedula item irrigatione squalorem prohibebitis. Retardare licet, importunè ad vota cultoris properantem florem, fruticis germinantis transpositione, vel germinum in calyculos extuberantium decussione, & solem, omnia ad exortum invitantem, abarcendo. Colorum etiam consueta in flosculis ornamenta, quisquis varietatis avidus mutare volet, colorante succo, aut pulvere, terra & radicibus imbutis, aquas insuper ex petito pigmento infectas irrigando, ingenuum naturæ vultum fucata pulchritudine ludificabit. Sunt in quibus odor elegantiae formæ non respondet, manifesto narium oculorumque dissidio. Itaque, vel odorato pulvere medicatâ terrâ, vel suaveolenti aromate radicibus infixo, vel fragrantibus aquis macerato semine, quodque portento simile, fœtidis plantis juxta adsitis, ingratum halitum, jucundiore anima flores commutabunt. Colores autem odoresque tantum? imò temperamentum ipsum, adeoque facultates plantarum, agendique vires, in beneficium humanæ valetudinis in melius convertimus, artificiosa hac cura.

Vincit tamen oblectamenta reliqua, perita plantarum insitio, qua fœcundum germen alienis vitalibus inolescens, non solum agrestem exuit habitum; sed fructus etiam, cum magnitudine, tum bonitate magis commendatos producit. Et cui non suave sit spectaculum, crescentem in quercu rosam, in olea vitem, in brassicæ caule persicum intueri, atque ut dudum cecinit Poëta Latinus,

Quod steriles platani malos gessere valentes,

Castaneæ fagos, ornusque incanuit albo

Flore pyri, glandemque sues fregere sub ulmis.

Agite ergo, humanissimi auditores, & obviam hanc stirpium plantarumque seriem studiosè cognoscite; quippe quæ non utilitate solum, qua præcipuè pollet, cultores suos juvare potest;

test; sed etiam honesta, quam exhibet, voluptate plurimum recreare.

E X

P L A N T I S

VENENATIS EMOLUMENTUM.



Æpe animos hominum anceps turbavit judi-
cium, temerè ac fortuito impetu contextus
hic universi coiverit, an provido aliquo rerum
parente, & custode. Sæpe, inquit Claudianus,

— *mibi dubiam traxit sententia mentem,
Curarent superi terras, an nullus inesset
Rector, & incerto fluerent mortalia casu.*

Equidem dubitandi causa alia aliis fuit. Illud plurimis rectæ
rationis clavum extorsit, quod plantæ hæ, quas summum Deo-
rum munus intelligi Plinius contendit, & ex quibus vel præci-
pua, vel prima homini alimenta sunt, tot pravis, noxiis, imò
lethiferis permistas deprehendamus, ut minima colligendi, ma-
xima verò seligendi secernendique cura nos exerceat. A pro-
videntia si hæc procederent, adeoque summo & æterno bono,
quidni bona forent singula, & communem ad utilitatem provi-
dè directæ. Nunc homo per tot noxias herbas frequenti peri-
culo involvitur, abripitur, nobilissimus creatorum, & cujus cau-
sa plæclaram hanc mundi naturam parasse Deum credimus:
dum pars ingenti viscerum incendio vitæ nectar absorbet, pars
earum penetrabili frigore flammulam ejusdem extinguit; pars

cæco infesta veneno spiritum anhelantis elidit. Neque cavere eas satis potest humana sagacitas, etiam cum cavet. Latet sub lætissimo virore virus: nec foliis solum; sed etiam floribus venustæ plantæ, sæpius sub blando vere suo, hyemem mortiferum occultant: sub amabili specie, crudele toxicum velant. Atque utinam per Aconis tantum agrum noxia illa Aconita spargerentur, jam abundat omnis regio, interque nitentia culta, ut Maro loquitur,

Infelix lolium, & steriles dominantur avenæ.

Mihi verò propositum non est, Auditores, Numinis æterni causam agere, non apud vos, quibus solidæ pietatis, & religionis lux adfulsit clarissima. Hoc mihi benevolentia vestra indulserit, ut ostendam, nec malas esse ex sese, quæ noxiæ homini sunt plantas, nec eidem omninò inutiles.

Nam providentia divina universum hoc administrari, super vacuum est multis ostendere. Exquis enim adeò contra sensum omnem obbruit, contra vocem ipsius naturæ obscuruit, cui ambiguum videatur, hunc tam certum siderum discursum, & inoffensam clarissimorum luminum velocitatem, ab æternæ providæque mentis imperio procedere: terrarum ingens pondus, sine artificis manu immotum pendere, cœlique circa se properantis fugam spectare; cum ne illa quidem, quæ confusa videntur, & incerta, pluvias dico, nubesque, & elisorum fulminum jactus, & incendia ruptis montium verticibus effusa, tremores labantis soli, & alia quæ tumultuosa rerum pars circa terras movet, quamvis subita sint, absque ratione contingant; sed causas suas habeant, quamvis mira effectuum varietate, certissimas. Nullius rei tam liquida, tam obvia veritas, quam à Deo esse machinam hanc universi, ab eo seriem hanc causarum naturalium conservari. Hic verò cum non summum solummodò bonum ipse sit; sed bonorum omnium fons, caput, auctor, origine utique bona fuerint, illa ipsa, quæ damnosa nobis interno usu, quæque venenata sunt. A Deo autem tantum abest, ut malum aliquod sit, quantum ut malus ipse sit. Beneficus tantum, & salutaris est, qui lædere æque spernit ac lædi, & cui una summaque potentia est, prodesse. Itaque etiam

etiam prisci illi, cum superum illud Numen mente conciperent, rectè a juvando Jovem dixere. Errat quisquis Deum æstuare ira censet, & hæc quæ noxia nobis sunt, tanquam tela spargere, fulminante manu excussa: quoniam ira, vindicta, ultio, humanæ fragilitatis argumenta sunt, & nata ex imbecillitate, cadunt tantum in imbecillos. Optimè Seneca, & verè Christiano sensu. Diis causam benefaciendi esse naturam: falli hominem, si quis putet eos nocere velle, aut posse, nec accipere illas injuriam nec facere. Subjungit idem, primum Deorum cultum esse, eosdem credere, deinde illis majestatem suam reddere, reddere bonitatem, sine qua majestas nulla est. Sciendum illos esse, qui mundo præsident, qui universa veluti sua temperant, qui generis humani tutelam gerunt, curiosos etiam singulorum. Hos verò nec dare mala, nec habere. Ut mihi quidem minus peccasse cum Lucretio videantur antiqui illi, qui numina sua existimabant

Semota à nostris rebus, seiunctaque longè,

Et privata dolore omni, privata periclis,

quàm qui scelerum malorumque auctores somniabant.

Origine itaque bonæ sunt, quæcunque damnum & perniciem homini afferunt plantæ: addo bonas esse etiam fine, qui ab optimo illo rerum parente, non nisi optimus constitui potest. Is verò, quamvis apud Deum certissimus sit; ignotior tamen nobis est, & remotior, quàm ut intellectus humani vestigium firmiter eum premat. Illud confidenter asseverem, quandoquidemque ille opifex rerum sapienter omnia condidit, & disposuit; ita condidit, ut singula certo pondere, augmento, numeroque definiret, nec modum eum, generi cuique excedere, aut minuere fas erat, sine inclinatione omnium aut ruina. Igitur quemadmodum in Musico concentu, vocès acutæ, graves, longæ, breves, τὸ ἀπαρῶν, διάπεντε, ἀγρές-σασον, intra communem revocantur concordiam, & harmoniam; sic in mirabili hoc rerum systemate, dum humidis arida, gelidis flammea, velocibus pigra, directæ obliquis amico fœdere sociavit: dum non temperata solum constituit; sed qualitatum etiam excessu incitata, acria, horrida frigore, calore

lore fervida, ut ex omnigenorum corporum concursu productum hoc universi monumentum, rerum omnium collecta perfectio, perfectaue collectio foret. Imò κόσμος, idest ornatum suum, & mundum non habebat mundus, sine distincta corporum naturalium varietate, & vicissitudine. Solem illum pulcherrimum fatemur: sed gratiorem eum facit roriflua nox & veluti palla tenebrarum abducta terris. Æstatem amœnissimam agnoscimus; eam tamen magis nobis commendat præedens hyems;

Cerulea glacie concreta atque imbribus atris.

Quæ si quis abesse mundo velit, revera sensum, gaudiumque intimum abesse volet, sive caloris, sive lucis. Ne in hac ipsa quidem terra, una nos rerum facies delectat; sed plana videre capimur, & montes, valles & rupes, culta & arenas, sylvas & prata: semperque fastidium & satietas comites sunt paritatis. Itaque & in hoc florido plantarum cœtu, non eadem nobis habitus placeat, & vultus; sed meo quoque iudicio grata illa, & dulcia, acria distinguant, & amara, nec sine valetudinis, & vitæ discrimine usurpanda, nisi cautius adhibeantur; meritoque inter priscos philosophos Empedocles, rerum naturalium præcipuas potestates φιλία τε ἢ νῆκος, amicitiam pariter ac discordiam constituerit: ut frustra quis, ne dicam impiè, cœlestem providentiam culpet, quod plantas produxerit, quæ robur virium nostrarum solvunt, cum eas universi hujus tum perfectio, tum pulchritudo postulaverit. At clarior omnium finis elucescit, si propius singula, & æquius examinemus. Certissimum enim est, plantis homini noxiis, animantia alia suaviter vesci. Surnos, & Capras cicuta pinguescere scribit Lucretius. Sues hyoscyamo pascuntur, coturnices elleboro, totque in pratis, & montibus degentes bestię colchico, ranunculis, similibusque nobis infestis nutriuntur. Horum igitur animantium conservationi si invigilare debuit rerum auctor, etiam alimenta suppeditare debuit eorum naturæ convenientia.

At malignè cum homine, & novercæ magis, quàm matris affectu egisse objiciunt naturam, quod herbis damnum & exitium

tium afferentibus, pulchras quibus induuntur personas haud detraxerit, larvas non apposuerit hominem absterrentes; aut loquendi saltem facultatem non indiderit, ut quales essent, eidem expromerent, ut in fabulis olim vovebat Euripides.

Fateor habuisse hominem de quo conquereretur, si mentis consiliique inopem produxisset divinus Conditor. Nunc rationem ipsi comitem dedit, qua nec majus homini, nec melius quicquam concedi potuit. Quid enim aliud ea est, quam radius primi illius & purissimi ignis, atque ut de Deo loquebantur ipso Stoici antiqui, πῦρ τεχνικὸν ἐδῶ βαδίζον, artifex ignis via certa progrediens. Ratione itaque praeunte, sensuumque ministerio, sapores plantarum, & odores scrutamur, indices temperamentorum fidelissimos: reconditas item, & sensuum sagacitatem fugientes proprietates, variis cautisque experimentis deprehendimus. Atque hæc quidem per aspera illa, & nocentia salutaribus permixta, ad diligentiores selectionem & cultum magis excitatur. Optimè Seneca, Jacet, inquit, sine adversario virtus. Tunc apparet quantum valeat, polleatque, cum quanta sit, & quid possit, patientia ostendit. Nec de plantarum noxiarum à salutaribus selectione aliter sentiendum, excitari magis ingenium, quo plus difficultatum, malorumque objicitur, vincere item adversa pleraque, & noxia vertere in humanæ valetudinis emolumentum. Atque ut concedamus plurimas esse ex obviis herbis insalubres; vix tamen ullæ sunt, quæ summa priscorum diligentia non verterit ad aliquem desideratum usum. Plinius, ut modis omnibus utilitatem rerum conditarum asserat, naturam nostri misertam, venena instituisse, credendum esse scribit, ne in tædio vitæ, vel dira fames lenta morte consumeret, ne lacerum corpus abrupta dispergerent, ne in aquarum profundo sepultura pabulo fieret: adeoque naturam genuisse cujus facillimo haustu, illibato corpore, nullo labore, sitientibus similes, toto cum sanguine extinguemur. Hæc verò tam incauta Plinii sententia, non patrociniū naturæ parat; sed aliena potius crimina eidem impingit. Nuspiam enim compertum est, eam operum suorum interitum intendere, quibus tam vehemens sui conservandi, imò &

perennandi desiderium indidit. Quantò justiore ejusdem auctoris querela, non naturam sed hominem invenisse venenacavere & fugere satis animantibus esse; quæ licet arbore acuant, limentque dentium suorum ficas, atque ad nocendum sese præparare conspiciantur; nullum tamen eorum tela sua veneno tingere. Hominem, & sagittas ungere, & ferro nocentius aliquid dare. Hominem, & flumina inficere, & rerum naturæ elementa. Ipsum quoque, sine quo spiritum non ducit, aërem, in perniciem vertere: hunc solum alieno pugnare veneno, neque abominati spiritus præmium novisse aliud, quàm odisse omnia.

At recta ratio, adeoque rectum judicium & sensus, non abusum rerum naturalium nobis inculcat; sed usum genuinum. Quemadmodum igitur inter simplicia corpora ex igne, aqua, terra, si quidem rectè indigentia nostræ aptentur, maximum homini redundat emolumentum, & versa vice, si pravè, & immodestè adhibeantur, præsens acquiritur nocumentum, & damnum. Sic etiam res habet in corporibus, quæ ex elementis conflata, composita nuncupamus. Atque inter metalla quidem notissima sunt, Stibium, & Hydrargyrum seu argentum vivum, quorum alterum vim infert naturæ maximam, humoresque cum spiritu, sursum, deorsum, violenter & periculose compellit: alterum adversissimum nativo animantium calori, non immeritò Plinio dictum est rerum omnium venenum. Ex utroque tamen, quam efficacia quàmque salutaria medicamenta, & tantum non panaceas nobis suppeditat salutaris Iatrice! cum legitimo Stibii usu, febres diurnæ, melancholiæ, mania, similesque gravissimi affectus, felicissimè superentur: argento vivo ab impura Venere contracta lues, totque externæ corporis fœditates efficaciter profligentur. Similia de plantis venenatis cogitanda sunt, è quibus ut pauca saltem, eaque notiora attingam, illa quæ (ut cum Ovidio loquar)

— quia nascuntur dura vivacia cote.

Agræstes acanita vocant —

Plinius venenorum omnium ocysissima scribit, exque spuma Cerberi

beri ipsius nata: comperta sunt antiquis Scorpionum ictibus adversari: innoxieque homini exhiberi, si invenerint, quæ in homine perimant: ut mirum sit, exitialia per se venena pugna inter se colluctari, & utrumque in homine devinci, ut homo supersit. Torpent Scorpiones aconiti tactu, stupentque pallentes, & superari se confitentur. Oculorum quoque medicamentis aconitum misceri saluberrimè, prodiderunt majores, aperta professione, malum quidem nullum esse sine conjugio aliquo boni. Ranunculi, & quotcunque aliis ab igneo fervore, & exulcerandi facultate flammularum nomen impositum est, si contusa rosaceo infundantur oleo, medicamentum præbent, partibus convulsis, & paralyfi torpentibus utilissimum. In malignis, pestilentibusque febribus admotæ flammulæ seu ranunculi, iisdem locis quibus anthraces, aut bubones sese protulerunt, attracto intra vesiculam diro veneno, plurimis salutem attulerunt. Febres quartanas, si carpo manuum ante paroxysmum admoveantur, frequenter sustulerunt. Siccata ranunculi radix pulverem exhibet, qui attracto spiritu raptus intra nares, excitato pituitæ profluvio, capitis gravissimum dolorem, Hemicraniam dictum, imminuit, imò tollit. Vertici capitis admoto ex contulis ranunculis emplastro acres oculorum defluxiones intercipiuntur: eodem emplastro coxarum articulo imposito, vix aliis præsiidiis expugnabiles Ischiatici dolores, attractis è profundo acribus excrementis, sublati tandem fuerunt. Ut taceam vires, quas delendis scabris unguibus, stigmatis, & verrucis, iisdem tribuit Dioscorides. Ita Capsicum Indorum, quod fervidissimo semine inflammatis faucibus, brevi lethale discrimen accelerat; levi tamen operâ decenter præparatum, & condimentum suppeditat ciborum, piperis vice gratissimum, & medicamentum in frigidis affectibus quàm plurimis certissimum. Nam per os assumpto siccati seminis pulvere, anhelandi gravior difficultas, stomachi cruditates, excitata flatibus coercitis intestinorum tormina, renum calculi, tum diuturnæ uteri obstructions, exoptato successu profligatæ fuerunt. Etiam exterius corpori admota planta, similem cum ranunculis operam præstitit.

Jam contrarium illud venenorum agmen, & cujus non calorem; sed noxium frigus extimescimus. Mandragora, Hyoscyamus, Solanum, & infamis Socratica morte Cicuta, atque ex papavere silvestri collectum Opium, quæ non sublevandis mortalium miseriis commoda attulerunt?

Equidem Mandragoræ radicibus vino incoctis jamdudum veteres usi in diuturnis vigiliis, doloribusque mitigandis; conciliando præcipuè somno, quotiescunque aliquid gangræna corruptis membris,

Ense rescindendum est, ne pars sincera trahatur.

Hyoscyami semine per os exhibito, vix præstantius remedium inventum fuit, in pertinaci sanguinis, per uterum, è pulmonibus, & naribus profluvio: folia ipsa contusa doloribus partium externarum mitigandis accommodatissima sunt. Pollent iisdem viribus Solanum, & Cicuta. Solani radix vim obtinet soporiferam, succus oculorum hebetudinem corrigit: semen vehementer citatis urinis, tum calculosis, tum hydropicis auxilium affert evidentissimum. Cicutæ succus ulcera quæ serpunt, ignesque sacros illitu compescit: idem spissatus, multi in medendo usus est, misceturque collyriis, quæ doloris levandi gratia temperantur. Quid Opium tandem, cujus malignum frigus adeò reformidamus? summum profectò medicamentum, ac verè divina manus, si ritè præparetur, dextrè item adhibeatur. Somnum commendat Tragædus, appellatque laborum domitorem, animi requiem, partem humanæ vitæ nobiliorem; utpote qui foveat, leniatque fessos, &

Pavidum lethi genus humanum,

Cogat longam discere mortem.

Idem rectius huic præstantissimo remedio tribuamus, quod verum legitimumque Nepenthes est, in quo oblivio curarum & dolorum: quod sæpe fugientem cum humoribus spiritum revocat, sæpe fato ipsi moram aliquam blandè nectit. Addo vix superesse ex perniciosis plantis, cujus antidotum experientia non detexerit, cœlesti utique beneficio, quamvis humani operis inventio sit. Nostrium fuerit, humanissimi Auditores, in hac amœna plantarum variaque serie, potentiam

Nu-

Numinis & bonitatem gratis animis agnoscere, quæ salutaria sunt, valetudini conservandæ impendere: quæ noxia prudenter seligere, atque in usum etiam si non internum, saltem externum, afflictæ sanitatis vindicare.

D E
N A T U R Æ
P R O V I D E N T I A
I N C O N S E R V A N D I S P L A N T I S.



Uod antiquitus in Deorum operibus carpendis ausus fuit Momus, idem hac tempestate conantur iniqui rerum naturæ censores, qui cum alia nobis obvia, tum præcipuè plantas, utilia ejusdem, atque amœna pariter munera, tam abjectas censent, ut pro levi, imò vili ipsis sit, quicquid servandis illis excolendisque laboris, & curæ impenditur. Quid enim plantis magis caducum, inquiunt, & ab æternorum consortio magis remotum? quas non singulas tantum perire natura voluit; sed tollere etiam, atque ipsarum abolere species. Ubi enim Latæce, desideratissima omnium planta? quam Plinius scribit Persarum imperatores nationum exterarum legatis dedisse, ut quocunque venissent, rerum desideratarum copia perfruerentur. Ubi Æthiopis herba, veteribus expetita, quæ in aquas conjecta, amnes & stagna

R 3

stagna siccabat, foloque contactu ruptis portarum claustris, aditum homini ad abdita cuncta patefaciebat. Baharas à Josepho auctore gravissimo scriptis prodita planta, vix nomen amplius, famamque retinet, quæ per nocturnas tenebras lumine corusca proprio, manibus tamen insectantium se veloci motu subtrahebat, maris tempestates sedabat, & possessorem suum ad humanæ felicitatis culmen provehebat. Balsamum uni terrarum Palæstinæ concessum, & ipsum mortalium commodis ademptum est, nobilissima stirpium, & lacrymæ suæ virtute pretioque nulli secunda. Sæviisse in eam Judæos tanquam in vitam suam, refert Plinius, contra defendentibus Romanis, diuque dimicatum pro frutice fuisse: hodie ambitiosè in Hierichuntis valle quæritur, nec invenitur. Atque ut penitiùs nobis persuadeant, deleri posse fragilium plantarum species, ipsum objiciunt universi hujus contextum, quem perituum totum asserunt, quia minuitur, & perire videtur per partes. Terram nos intueri jubent, quam immobilem, & quod vi sua stet Vestam appellarunt veteres, illic spiritu intra penetralia coercito concuti, & intremiscere, alibi subitâ maris inundatione minui, aut absorberi. Nec particulas tantum in hanc labem trahi terrarum; sed magnas pariter insulas cum oppidis, & viris. Oceanum, ingentem & arcanam mundi partem, non habere quo consistat, quotiescunque

Incubere mari, totumque à sedibus imis

Una Euruse, Notusque ruunt, creberque procellis

Africus, & vastos volvunt ad littora fluctus.

Atque ut ea non sint; vacillare tamen videri quotidie, dum aquarum accessu, & recessu, nunc lambit aut abradit littora, nunc eadem deserit; verèque dixisse Aristotelem, οὐδὲ τὸν Τάραν οὐδὲ τὸν Νεῖλον αἰεὶ πρῶν, neque Tanain perpetuò fluxisse, neque Nilum. Aërem terris finitimum mutari indies, & in ventos abire, densari nubilo, dissipari iterum frangique turbinibus, & fulminum ictu. Nec persuaderi sibi patiuntur a philosopho cælum illud extra mutationis & senectutis discrimen positum. Sol enim, inquiunt, siderum princeps, non rarò deficit, laborat, tabescitque Luna, amicum tenebrarum, quantumvis debile

bile remedium. Stellas ipsas cadere, & labi, utcunque id excusare, & velare conetur mentis humanæ conjectura. Si-dera hoc seculo exorta esse, quorum incrementum, & decrementum peritissimis viris clarè observatum, docuisse mortales, in cœlo quoque oriri aliquid posse, atque aboriri. Quæ omnia eò tendunt, ut obtineant, cum interitum mutationemque non effugiant eximia illa corpora, & sensu quidem hominis æterna; quanto in hoc dispendio magis versatur caducum illud herbularum genus, nulla specie, nulloque ordine fatis firmum. Hanc tamen sententiam si a vero alienam, si præclaris ingeniis indignam paucis ostendero, humanitati vestræ, & benevolæ attentioni (Auditores) acceptum referam.

Atque ut indè exordiar, perire systema hoc rerum, minuique per partes, rectæ rationi absurdum, & fide sensuum penitus destitutum est. Nam si quid horum unquam certò contigisset, aut principiorum vitio factum, aut ἀδυναμία sive impotentia causæ, hæc omnia conservantis. Non vitio principii, ex quo, & per quod mundus & varietas hæc partium ejus exsurgit. Materia enim veluti non generatur; ita non corrumpitur, commune corporum naturalium subiectum, expers contrarietatis, adeoque propria conditione mutationibus haud obnoxia. Forma perfectio est materiæ, & ab ea tanquam bonum & divinum quid expetita, si nobilis hospitii incola fuerit, perseverat: si pro domicilio carcerem nacta, solutis quibus impeditur vinculis, in libertatem suam se vindicat, alia locum ejus vicesque subeunte. Boëtius,

*— genitum nil emoritur, inquit,
Sed transpositum ultro, citroque,
Formam priorem alterat.*

Non patitur quicquam causæ efficientis defectu mundus, utpote qui non fortuitum ac tumultuarium opus sed supremum illum custodem omnium, atque auctorem Deum habet, quem piè Aristoteles τὸ πρῶτον κινῶν, ἓν, αἰδίον, ἀκίνητον, πάσης ἐκτὸς μεταβολῆς, ἢ ἀπλῶς ἢ κατὰ συμβεβηκός: primum movens, unicum, æternum, immobile, penitus immutabile. Quod sine
prim-

principio principium, absque fine finis, cui præteritum non abit, haud subit futurum: cujus velle potentia, cui opus voluntas. Ab eo itaque si rebus humanis, τὸ εἶναι τε ἢ ζῆν, & esse, & vivere, neminem arbitror in tam spissa caligine versari, qui non clarè perspiciat, sub tam provida mente, sub tam benigno vigilique conditore, ornatum hunc rerum incolumem stare posse, & quam diu visum ipsi fuerit perennare. Optimè libri de mundo aureus scriptor, Phidiam refert statuarium, Minervæ clypeo imaginem suam expressisse, latente quidem oculo/artificio; solertia tamen tanta, ut eximere & delere eam nemo posset, nisi totum penitus simulacrum dissolveret. Ita parentem illum rerum, indidisse singulis indelebilem sui characterem, συνέχοντα τῶν ὅλων ἁρμονίαν τε ἢ σωτηρίαν complexum universorum concentum pariter ac salutem. Non delassat eum, & distinet tantæ molis aut magnitudo, aut ambitus: ἄπον γὰρ οὕτως κινεῖ. sine labore enim ullo & fatione sic movet, inquit philosophus. Spargit æterna illa lux quaquaversum suos radios, & uno eodemque ictu sinus omnes & abyssos penetrat, cœli, terræ, maris. Nec præest solum cunctis à se conditis; sed interest, imò inest. Jam cœlum, divinæ gloriæ templum dicam; an theatrum, quid ni verè ille Sapientiæ humanæ promus, ἀγέεστον, ἀναλλοίωτον, ἢ ἀπαθές, senectutis, mutationis, & passionis expers pronunciaverit? Hoc, veluti generatum non est; ita corruptionis discrimen haud incurrit: cui sicut nihil unquam partium accessit; ita temporum decursu nihil decessit. Quod illo denique motu citatur, qui terminorum oppositione carens, duravit ab omni ævo inconcussus, & si Deo liberrimo motori placitum est, durabit in omne ævum.

Deficit, fateor, Sol, non sibi tamen, non cælo; sed nobis, quos radiorum, & ætheriæ lucis interceptio, horrore protinus ac tenebris involvit. Laborare videtur Luna, & tabescere; sed homini tantum, qui saluari ejusdem influxu privatus, ferriò laborat, & contabescit. Cadunt sub cælo, & labuntur, non stellæ, quibus & locus suus, & magnitudo salva semper existit; sed diffusi per aërem pingues halitus, mutuati luminis
splen-

splendore stellas æmulantes. Observarunt astronomi rara quædam mundi spectacula, siderumque novorum incrementa, & decrements; non tamen aspectus è distantissimo, vel ortus, vel interitus ullum præbet argumentum. Non magis quam navigia, quæ portum ex alto accedentia paulatim majora conspicimus; decedentia verò minora, quantumvis nihil vel addatur adventu, vel discessu subtrahatur. Furor est, in angustum compellere cælestia, & limitem ponere sideribus quorum semitas nunquam pressimus. Aërem illum quod nubes cogunt, venti reciproci aperiunt, nimbi vehementes rumpunt, grandines præcipites verberant; id verò nullo cum detrimento ejus conjunctum est, cui simplicitas, serenitasque sua reddi non potest, nisi heterogeneis quibus oneratur, fortiter subindè excussis, & dejectis depuretur. Agitant Oceanum præliantes venti, & ab ipso subvertunt fundo validæ procellæ, nullo tamen illius vel minimo damno. Quin potius motu isto reciprocante quo littora sua lambit, incolumitatem partium tuetur, quam torpida quies ipsi denegatura. Concutit terram coercitus occultis anfractibus spiritus, & sæpè convellit: nec mirum tamen ullum est, pondera fulcimentis languidis innixa vibrare, ferrique deorsum, & loca specubus magnis concava, luxatis fornicibus derepente concidere, quoniam naturali motu sic ducuntur. Absorpsit alibi insulas mare, alibi rursus evo-muit. Eademque necessitas, quæ ut cecinit Virgilius,

— *Italia Siculum latus abscidit,*

Pharum continenti Aegypti adjunxit. Quæ cursum hic perennibus fluviis interceperunt causæ, alibi aperuere iterum, viamque stravere. Constat itaque mundo & præcipuis ejus partibus inviolata juvenus: constat etiam caducis his, & mollibus plantis specierum suarum integritas, quicquid minetur

— *aut innumerabilis*

Annorum series, aut fuga temporis.

Verissimè philosophus, δὲ ἐν τοῖς φύσι το βέλτιον ὑπάρχειν μάλλον, oportet, inquit, in naturalibus id quod melius est, magis existere. Præstabilius autem sit esse, quàm non esse, &

semper esse, quam aliquando: cùm prius horum assequi natura nequeat in iis, quorum perfectio corporis ὁμοιομερείαν, sive simplicitatem excludebat, si spectentur singula; consequitur tamen, obtinetque perennitate specierum. Modum ipsum disertè ac divinè expressit Aristoteles, quem pauca vulgus arbitratur agnovisse de rebus divinis, συνεπλήρωσε τὸ ὅλον ὁ Θεὸς, ἐντελεχῇ ποιήσας τὴν γένεσιν, Implevit, inquit, universum Deus, perpetuam, continuamve efficiens generationem. Cecinit eadem, utcunque pluribus, Poeta vetus,

*Ipsa venas, inquit, atque mentem permeante spiritu,
Intus occultis gubernat procreatrix viribus,
Perque cœlum, perque terras, perque pontum subditum,
Pervium sui tenorem seminali tramite
Imbuit, jussitque mundum nosse nascendi vias.*

Quid igitur est, quod desit plantis? quo minus insita generandi facultate species suas familiasque propagent. Circumagitur etiamnum irrequieto ambitu cœlum. Fertur intra suos tropicos Sol, temporum vices, annumque semper renascentem ex usu vegetabilium temperans. Excipit ea gremio suo tellus, non hodiè minus, quàm olim benigna, mitis, indulgens, & indigentiae mortalium semper ancilla. Generat adhuc coacta, ait Plinius, quæ sponte fundit, tot sapores, odores, succos, optimaque fide ab agricolis creditum sibi fœnus solvit. Nec deficiunt iisdem educandis tempestivi imbres,

Aurarumque leves animæ, tepidique vapores.

Atque ut certius cognoscatis, nihil a mille aliquot annis stirpium indoli, & vigori quicquam decessisse, exhibent eundem temperamenti modum, easdemque agendi vires, sive secundæ Valetudini mortalium conservandæ, sive adversæ redintegrandæ operam aliquam conferant.

Et de remotis tantum loquor plantarum causis: cum in proximis singularum specierum elementis perpetuandis, incredibile sit, quantum cœlestis Providentia se diffundat! Neque enim ut in animantibus fieri præstabat, semini tantum.

tum producto vim illam genitabilem includere voluit ; sed per varias stirpium partes dispergere. Sunt igitur quæ toto caudice, & materie solidiore facili sobolem extrudant. Hederam videatis, & reptantia gramina, quæque florem suum in nodum colligit verbenam, quamvis attingere tantum alticem terram observentur, per caules suos hinc inde porrectis radicibus, cœtum suum augere. Magna pars, à radicibus ipsis & circum radices stolonem proferunt, stirpium novellarum principia, quæque sponte ad justam parentum magnitudinem excrescunt. Quarundam radices annascentibus denuò radiculis multiplicantur, totidemque fœtibus distinguuntur, quot nodulis, ac veluti spicis extuberant. Ita Narcissorum, Hyacinthorum, similibusque formosa progenies, è modico cœtu, non magno temporis intervallo in centurias, & myriades abit. Non paucis anni vernantis munificentia gemmulæ adnascuntur, novarum stirpium exilia quidem, attamen certa, generique servando sufficientia fundamenta. Sunt quibus in spem sobolis extremi proficiunt rami,

— *summumque putator,*

Haud dubitat, terræ referens, mandare cacumen.

In Opuntiis sive ficubus Indicis, etiam folium decerptum, solo, folique commissum, satis ad excitandam plantam facit, ut taceam, a Theophrasto proditum esse, fœcundis aliquot lacrymis genitabilis humidi ubertate fluentibus, plantas nonnullas ortum suum debere. Nec suspicienda tamen magis hæc in plantis nascendi varietas, quàm robur ipsum generatricis, & adversus temporis & fortuatorum injurias constantia. Oleæ dudum exsiccatae lignum radicem trussisse novam à vetustis scriptoribus notatum accipimus. Ut jam portento simile non sit, quod fide digni retulerunt auctores, clavam Herculis, quæ ex oleastro fuit, sobolem protulisse. Romuli hastam, quæ ex orno mascula erat deprompta, actis iterum radicibus germen excitasse, scripsit in Romuli vita Plutarchus, ut Ovidio accinente, non jam ficcum esset tellus,

— *sed lenti viminis arbor,*

Non expectatas daret admirantibus umbras,

Aristoteles ipse lectum ligneum terra defossū, germinare potuisse, non abnuī: & quidni potuerit, quam diu perseverantem in lenta materie genitalem humorem, insitumque humori calorem & naturam, externa vis penitus haud excuserat.

Imò corruptas penitus sensuque nostro planè destructas plantas, non destituere protinus feminalem vim, sæpè docuit illarum inopinata regerminatio. Sonchum, præ reliquis herbis familiare suis alimentum, ex eorum excrementis per campos sparsis, iterum nasci agricolis innotuit. Neque aliud opinor est, quod vegetabilis naturæ perseverantiam magis asferat, quàm artificium virorum praxi Hermetica celebrium, quo dissoluta rosarum compage, combustisque cum stirpe ramis, dum elicited spiritum, & è cineribus collectum salem, humido terreoque elemento peritè jungunt, non sine spectantium plausu, ejusdem naturæ ac speciei rosas, veluti ex Orco in lucem revocaverunt.

— *caret Phœnice secunda*

Mundus, & haud ullum fovit Cunina renatum, inquit doctissimus Satyricus. In animantia id quidem, & hominem conveniat; non convenit in plantas, quibus veluti multiplicem nascendi viam sternere voluit cœlestis indulgentia; sic internum generationis principium, activum, atque ut cum Aristotele loquar *πρωτοτέρον αἰτίας*, causam principem, arctioribus vinculis subjecto sive materiæ alligare placuit.

Jam semina ipsa plantarum, quamvis rudia vulgo videantur, & contempta naturæ opera: propius tamen & æquis ponderibus examinata, maxima sunt, atque optima ejusdem opificia, quæque, Theophrasto censore, ab eadem nisi viribus omnibus confirmata, produci nequeant. Continent enim semina quæ maturitatem adepta, non tantum quæ ad plantæ novellæ constitutionem necessaria sunt; sed etiam ejusdem constitutæ conservationem. Atque hæc ea sunt, quæ Aristoteles

teles κῆματα, conceptus nominat, quales in animantium serie, edita volucris ova. Igitur ut in illis, sic in plantarum feminibus plantæ novæ systema & fundamentum adest, adeoque pars princeps, Dioscoridi τὸ ἐγκάρδιον dicta, id quod cordis rationem obtinet, tum in ea facultas ipsa vegetabilis, non jam potentiâ, sed ὑπ' ἐνεργείᾳ sive actu præsens. Imò nata ante in fœcundo femine plantula est, quàm conspiciamus natam, falsòque terræ partum existimamus, qui feminis, cum illa nutricis potius, & obstetricis, quàm nomen maternæ venerationis hic mereatur. Produxit autem juxta cum novelli fœtus rudimento, similem eidem humiditatem, sive carnis eam, sive pulpæ nomine in feminibus capiamus. Aristoteles τὸ πρῶτον γαλακτώδες, primum lacteum vocat, & disertius Theophrastus τροφὴ τῇ ἀρχῇ συναπότικτον, nutrimentum principio congenitum, cujus beneficio conceptum suum sustentat. Idque adeò copiosum floriferis quibusdam bulbis est, ut extra terram non fovere tantum embryonem suum queant; sed educare etiam, foliisque, & flosculis ornare: sicut in scylla, similibusque vulgo conspicuum est. Vix credibile scio, videri minutissima tot stirpium semina, & oculorum aciem exilitate sua fugientia, plantulam continere, & necessarium eidem tuendæ nutrimentum. Cogitandum hic tamen cum Plinio, non minus hæc consideratione digna esse, quàm turrigeros Elephantium humeros, taurorum valida colla, & truces in sublime jactus, tigrium rapinas leonumque jubas, cum natura nusquam magis quàm in minimis tota sit. Ut inclusa feminibus plantarum principia, ab injuriis fortuitorum defenderet, spectabili rursus artificio, tot velamentorum sinibus omnia circumdedit. E quibus nonnulla mollia esse placuit, & membranæ cuticulæque leni ambitu mitia: solidiora quædam, & lignea duritie rigentia. Quid spinæ porrò & horridum acculeorum agmen? quod non paucis feminum additum observamus involucris. Non aliud hercules, quàm externum servandis iisdem præsidium, quibus vel animantium aviditas, vel hominis procacitas, & negligentia damnum inferre poterat. Adjecit natura quibusdam humani vultus effigiem, canum, leonum, & serpentium ora; thecas

aliorum, & capsulas varie contorsit, flexus cochlearum, & labyrinthi gyros imitata. Non aliam arbitror ob causam, quam ut impedimenta quædam, & remoras objiceret, quibus vim inferre parantes occuparet. Instruxit quædam floccis, & laneis papporum veluti plumis, ut tunc maximè de feminum tutela sollicitam eam existimemus, cum id minimè videtur, cum alas iis addit, quibus ex oculis nostris faceffant, &, ut cum Marone loquar,

— *volitent ludibria ventis.*

Utique perdurationem & incolumitatem feminum insignem, in plurimis plantarum dudum peritissimi cultores notarunt; iis præcipuè quorum operimenta validiora, insitumque fœtui alimentum solidum magis, stipatumque deprehenditur. Nec tamen etiam in languidioribus stirpium feminibus, per externas injurias facile expugnabilis vivacitas. Laserpitium spontaneo ortu natum referunt auctores Græciæ clarissimi, imbre piceo repente madefacta tellure: eamque vim per quatuor mille Africæ stadia valuisse confirmat Plinius. Ita pluviis & aquarum inundationibus silvas, ubi prius non erant, surrexisse, Theophrasto credimus. Nec dubium est, utrumque contigisse, quod corpuscula feminalia, vento imbribusque abrepta, quia insitam facultatem haud perdiderunt, alieno quidem, sed benè præparato in solo, feliciter hospitari potuisse.

Degunt in saxis scopulisque marinis androsace, & coralliorum ingens varietas. Vivunt in murorum compage, turriumque altissimarum minis helxine, cymbularia, hederæ, ficus; ut jure, & veluti excitatus Seneca scribat, consideremus, quàm ingentem vim per occultum agant parvula admodum femina: &, quorum exilitas in commissura lapidum vix locum obtineat, in tantum convalescunt, ut ingentia saxa distrahant, & monumenta dissolvant. Nascuntur sub aquis plantæ non temperamenti solum frigore aquæ similes; sed etiam calidæ, ut fium, hydropiper, sisymbrium, dracontium. Florent summo hyemis rigore ellebori nigri, & sub montium altissimorum nivibus incolumes persistit, cistorum, ledorum, similiumque fruticosarum stirpium ingens varietas. Mirati veteres, in
fronte

fronte cervi natam hederam, auctore Theophrasto. Pauculi anni sunt cum ex lapsu defixa, & relicta in humano corpore spina, longo tempore germina proferret, asserente rem, & scriptis vulgante Fortunio Liceto Philosopho clarissimo.

Confirmat hunc vegetum in plantis vigorem, quod singulari naturarum propensione invicem suscipiant, & jungant, alienosque foetus non secus educunt ac suos. Indè enim eximium emanat insitionum artificium, quo non tantum quæ generis, ac speciei communione sibi devincta sunt, coalescunt; sed etiam utraque ratione diversa. Non aspernatur generis discrepantiam vitis in juglandem arborem suscepta, rosa in quercum, in ficum ruta, quodque ætas hæc primùm agnovit, persicus in brassicam. Vitalium item munerum participationi non obstare specierum dissimilitudinem ostendit pyri in malum, vitis in oleam, Jasmini in rosam, brassicæ in rapum adoptatio. Quid igitur hæsitemus, Auditores, an servare natura stirpium queat species? quarum principia tanta sollicitudine tuetur, quarum generationem, tot mediis incitare voluit.

At inquiunt, si species aliquot plantarum perditæ non sunt, quid est, quod hoc seculo *Æthiopidem* herbam non reperi-
mus? quæ tactu clausa omnia aperiat, quæ stagna? amnesque siccet: quod *Achæmenide* caremus? quæ in aciem hostium conjecta trepidare agmina faciat, & vertere terga: quod *Latace* destituimur? quæ rerum omnium copia nos bearet, & similibus aliis? Ego veteribus tantum non tribuo, ut omnia ipsis vel dicta vel scripta simplicissimæ Veritatis ad normam exacta mihi persuadeam, & herbas illas vel fuisse unquam credam, vel si fuere, viribus tam portentosis præditas fuisse. Ridet has, nec immeritò, Plinius, & tanquam stultæ opinionis, Magicæque vanitatis ludicra proscribit. Ubi ista fuere, inquit, cum Cimbri, Teutonesque terribili Marte ulularent: cum Lucullus tot reges Magorum cum paucis legionibus sterneret? Cur Romani duces, primam semper in bellis com-
meatum habuere curam? Cæsarisque miles ad *Pharfaliam* fa-
men sensit, si abundantia omnis unius herbæ felicitate po-
tuit

tuit contingere? Nonne satius fuit Æmilianum Scipionem Chartaginis portas herba patefacere, quàm machinis per tot annos claustra quaterere. Causam autem harum traditionum peritè subjungit idem rerum naturæ scriptor, &, mirum ait esset, huc provectam antiquorum credulitatem, saluberrimis initiis ortam; si modum humana ingenia novissent. Nunc omni in re, ea animorum conditio est, ut à necessariis orta primùm, cuncta pervenerint ad nimium. Galenus, inter veteres rei herbariæ doctus pariter atque æquus arbiter, Andræam mendacii arguit. Præcipuè Pamphilum, quem scriptum de stirpibus tractatum, nugacibus transformationibus, incantamentis, anilibusque fabulis implevisse refert: præstigitorem fuisse, & cui unicum hoc studium erat, ut portentosa scribendo vulgus imperitum in sui admirationem converteret. Neque aliam existimo causam, quod Rufus Ephesius, Heraclides Tarentinus, Cratævas, alique nobilissimi auctores, prodigia illa herbarum silentio præterierint: neque Æthiopidi aliud attribuat Dioscorides, quam quibus pectoris morbis auxilium afferat, quodque Ischii dolorem mitiget.

De Balsamo tamen perduto quod asserunt, majore fide, rationumque momentis ostendere conantur. Nam cum in Palæstina duobus tantum regiis in hortis, magno studio excoleretur, neque ullibi sylvestris extaret planta, regione tota ab Ælio Adriano pessimis exemplis devastata, & incurso Persarum, Turcarumque iterum maximis cladibus attrita, juxta cum hortis plantas pariter Balsami deletas fuisse necessarium arbitrantur. Contigisse idem Ægypto, cum Tomumbejum, ultimum hujus provinciæ regem, Selim, imperator Turcarum, insigni facinore tolleret. Cofirmarunt hæc eadem, inter viros scriptis celebriores, Hieronymus Cardanus, ab Augerio regis Hispaniarum legato sic persuasus: tum Nicolaus Manardes, mercium Indicarum cognitione clarus. At neque hæc tanti roboris sunt, ut balsamicæ plantæ speciem è rerum natura sublatam evincant. Nam quis rei herbariæ optimè peritus, vallem Palestinæ, cujus longitudo triginta, latitudo quindecim milliaribus terminatur, datâ huic rei singulari ope-
ra,

ra, sic peruestigavit, ut nullam in eo Balsami stirpem superstitem certò constitutum habuerit. Atque ut largiamur hoc publicæ famæ, deesse nunc Palæstinæ tam nobile germen; minimè tamen concedemus, eandem fuisse patriam Balsami tellurem. Cum enim, auctore Theophrasto, Sylvestrem illius plantam nullam aluerit; sed duobus tantum, ut dixi, regiis paradisis, singulari cura, & assiduis irrigationibus educaverit, manifestum evadit, non indigenam, sed peregrinam stirpem fuisse, cui servandæ tantum laboris studiique impendendum erat. Expressit autem natalem Balsami terram Josephus, antiquitatum Judaicarum scriptor diligentissimus, cum Balsamum Salomoni, sapientissimo dynastæ à Regina Sabæorum dono datum commemoret. Erant autem Sabæi inter Arabiæ Felicis populos, cum auri, metallis, tum, odorata sylvarum fertilitate ditissimi. Nacta itaque Palæstina tam eximiam plantam ex Arabia, in cujus non maritimis tantum, ut à Strabone proditum est, sed etiam mediterraneis locis, & circa Badruniam oppidum, in montibus collibusque feliciter surgit. Translatum è Palæstina Balsamum in Ægyptum creditur Cleopatræ libidine. Seculis deinde sequentibus per Califfam, & proreges, quotiescunque in horto Matahariæ custodum negligentia pessum ivit, ex Arabia propinqua frequenter repetitum fuisse, cum incolis abundè notum est, tum Illustrissimis viris cognitum, qui pro Serenissima Republica Veneta consulari munere in Ægypto perfuncti, & quotquot subditum ejus jam à tot annis Cahirum inhabitant. Apud quos & mihi degenti, odorati balsami fructus, & ramuli, fragrantisque eximia suavitate lacrymæ multoties inspectæ. Has verò genuinum illud antiquorum Opobalsamum esse, tam plantæ genetricis habitus, quàm liquoris substantia, qualitates, & facultates penitissimè convincunt. Cardano dudum se opposuit Julius Cæsar Scaliger, Manardo Carolus Clusius, ille ingenio atque eruditione princeps; hic in stirpium rariorum cognitione summus. Senferunt idem mecum Petrus Belonius, Andreas Cæsalpinus, Honorius Bellus, Joannes Costæus, atque ex antecessoribus meis, Melchior Guilandinus,

T. Jac.

Jac. Antonius Cortusius, Prosper Alpinus, Adrianus Spigelius, Joannes Prevotius, viri ad famam, & nominis immortalitatem nati. Mittamus igitur, humanissimi Auditores, de perditis plantarum speciebus, vanam pariter atque ingratham opinionem, & perennare eas cœlesti beneficio cum mundo arbitremur, quam diu perennat mundus, quarum ad bonæ Valetudinis emolumentum, ea nobis varietas divinitus suppetit, ut non tam quærendi, quàm feligendi difficultate laboremus.

JOANNIS VESLINGII
MINDANI,

EQUITIS,

ET IN PATAVINO GYMNASIO

Anatomiae & Chirurgiae Professoris primarii,

DE

PLANTIS ÆGYPTIIS

OBSERVATIONES ET NOTÆ

AD

PROSPERUM ALPINUM.

Cum additamento aliarum ejusdem regionis.

TO THE HONORABLE
MEMBERS OF THE

COMMISSIONERS OF THE

PLANTERS' ASSOCIATION

OF THE DISTRICT OF COLUMBIA



ILLUSTRISSIMO DOMINO
D. NICOLAO CONTARENO
HIERON. FILIO,
PATRITIO VENETO,
JOANNES VESLINGIUS MINDANUS

F. P.



celetum æneum, artificiosam ossium corporis humani compagem, Apollini Delphico conferebat Hippocrates, si fidem Celsus meretur, omnis Medicinæ parens. Sugillabat factum hoc vulgi livor, quod vir tantus, non exornatas nobilibus gemmis pateras, non ex auro solido tripodes; sed vile fatis, & injucundum spectantium oculis anathema Numini sibi propitio dicaret. Rectius tamen sentientium punctis laudatus fuit prudentissimus Senex, utpote qui Medicinæ inventori monumentum statuisset, in quo cùm salubrium actionum perfectio, tum artis inventæ dignitas clariùs quàm in auro gemmis-

misque refulgebat. Imitari id mihi videor, illustris.
 Vir, & per vestigia illa repere magni Præceptoris, dum
 non selectum quidem, sed per æstiva studiorum laxa-
 menta concinnatum hoc opusculum, exoticæ Floræ
 qualemcumque corollam, in Gratiae tuæ Templo dedi-
 co; qui seculi hujus Apollo alter, non solum genero-
 so, perque tot *ισοθέες ἄνδρες*, Diis similes Heroes de-
 ducto stemmate splendidissimus es; sed herbarum quo-
 que subjecta tibi potentia, per tractus omnes Christiani
 orbis celeberrimus. Ecquid enim est in hoc amoeno
 plantarum genere, quod ad utrumque solis terminum
 porrectæ Indiæ, Ægyptus, Syria, Thracia, Creta,
 Cyprus, Europa deinde reliqua, vel raritate suspicien-
 dum, vel odora floreaque voluptate delinificum, vel
 medendi viribus admirandum, curiosis unquam oculis
 admovit, quod non in cultissimi horti tui pulvillis are-
 olisque decentius, quam in pensili Semiramidis virida-
 rio, aut etiamnum vernet, aut olim hospitatum fuerit?
 Munificentia sanè tua, tanquam diffuso quaquaversum
 vegeto calore, Prosperi Alpini exoticæ plantæ tenebris
 & oblivioni subductæ, non desperant cum augusto feli-
 cique nomine tuo viam terere posse æternitatis. Et
 hæc pariter quæ devotus exhibeo cultor, irradiante
 benignitate tua pervenerunt ad frugem, qui consilio
 tuo in Orientales provincias profectus sum, tuoque
 hortatu ad Patavinum hoc Athenæum iter relegi: ut
 non minùs ea Tibi deberi profitear, quam Cereri spi-
 cæ, & olea Minervæ. Quamvis in amorem Tui ultrò
 concesserim, simul atque inundatum ingenti Sapientiæ
 flumine pectus tuum cominus venerari, & ab illo re-
 conditæ Doctrinæ torrente avidum animum satiare li-
 cuit. Hærent plerique in vestibulo Philosophiæ salebris
 ar-

argutiarum malè detenti, & instrumentum vitæ, teste Seneca, maximè serium in ludum quendam convertunt nugarum. Te ardentissimus Veritatis amor, & eximio subnixus ingenio pertinax labor, in interius illius Divæ sacrarium facilè admisit, ut verè Lucretianum illud tibi vindices,

——— *juvat integros accedere fonteis
Atque haurire; juvatque novos decerpere flores,
Insignemque tuo capiti petere inde coronam,
Unde priùs nulli velarunt tempora Musæ.*

Taceo humanitatem tuam, qua me nil tale merentem constanter suaviterque complecteris. Taceo reliqua tot Virtutum tuarum ornamenta, quæ prolixo verborum ambitu digerere, nec Modestia tua concedit, nec mea permittit infantia, qui focco magis idoneus sum, quàm cothurno. Sume igitur, Vir Maxime, tenuem hunc libellum, nec ab ingenio satis excultum, nec qua decuit elaboratum industria. Patere quæso, ut à clarissimo nomine Tuo foenerata luce, tantisper in Famæ delubro pendeat: non ut munus, cùm nihil quidem à me proficisci queat, quod non ex officio, imo ex debito tuum sit; sed veluti animi æternùm benevolentiae tuæ vadati Sponsoria tabella. Cæterum, Providentiam veneror Cœlestem, ut Illustriss. Ampl. Tuæ honorum omnium optabilem proventum interminus annorum recursus instauret.

Patavii 1. Kal. Januarii. Anno M. D. C. XXXVIII.

In Observationes Ægyptias

V. C.

JO. VESLINGII

Equitis.

Niliacos ALPINUS Opi detexit odores:
Neglectis Hermes jam tulit alter opem.
Romanos latices miratur barbara Memphis,
VESLINGI genium quando Serapis habet.
Oceano pronus tangit dum brachia Cancri,
Non alio Phæbus nectare potus erit.

Observantiæ monumentum

S.

Jo. Rhodius.

Quintus Olympiacam jam reddidit annus olivam,
Implevit spicis horrea quinta Ceres,
Cum sic pingebas parvi miracula mundi,
Ut stupeant circi pegmata docta tui.
At nunc affectas apicem majoribus alis,
Cum magnus prodit mundus ab arte tua,
Quem per Niliacæ lustras quinquennia Memphis,
Dum Pharii tradis germina rara soli.
Cosmographum plaudens te verum credit Apollo,
Cujus ad Ingenium Mundus uterque patet.

Paulus Marquart Slegel,
Hamburgensis.

Ω Σ Α Π Ο Β Ι Β Λ Ι Ο Υ.

Ορχος ἄρ' Ἀλκινόου λόγος ἔπαλεο· ἔ βαβυλῶνα
 Τὴν πεντέριον κήπων ἡερῶν ἄγαμαι.
 Ἀλπίνε παρθέεισος ἔχω πλέον ἐν μοι ὁδῖτα
 Δήεις ἐκ καλύκων ἄνθεα φαυδροτέρων.
 Καὶ φυτὰ, ἔ καλάμους, τὰς δρυπόρας γ' ἀπὸ Νείλε
 Ἠλγαῖσεν μέσση Πρόσπερος Αὐσονίη.
 Ἐρχεο θαρσαλέως, ἔ τίς σε Πρίητος ἀπείργει
 Καρποφύλαξ, σαχύων ἐκκεραϊζομένων.
 Ἀλλ' ἄρ' περὶ τοῖσιν ἐφίσταται, ἥπιος ἄλλος,
 Δράγματα αὐτομάτῃ πάντα χαρίζομενος.
 Μινδανὸς γῆρος ἔστι, ἔ ἡμετέρων ἀπὸ κόλπων
 Ἀλδαίνῃ πινυτὴν τῇ δε φυτηπαυίῃ.
 Ἀκτῖσιν τε νόξ θάλλει, καὶ δ' αὐλακας ἔλκων
 Ἀρδύει νυμφῶν νάμασι Κασαλίδων
 Τηλίκον ἡμετέροις πρασιᾷς περὶ κόσμον ἔθηκε,
 Δῶκε δ' αἰὲν χλωραῖς ἀνθοκομεῖν βοτάναις·
 Οὔτε γὰρ αὐχμηροῖο θέρους ἐνὶ καύματι καρμὰ,
 Οὔτ' ὥρης κρυμὸν δειότα χειμερῆος·
 Τοῖσι τοι φυτόεργος αἰὲν ζώσσι σεφέσσω
 Ἀνθεσιν ἐν ζωῇς, ἀνθεσιν ἐν φθιμάροις·

Justus Ryckewaert.

Fertur odoriferis serpens Epidaurius herbis
Hippolyti laceros composuisse sinus.

Quis potuit vitæ leges præscribere plantis?

Ut foliis redeat forma virorque suus.

Solus in exemplo est VESLINGIUS; audet utrumque

Quod docuit Phariæ torrida Zona plagæ.

Sicca papyrifero diluta novalia Nilo

Oblitum, Meroæ semen opesque ferunt.

Ignotas calamo dum Ægypti diluis herbas,

Non Pelusiæ nomen habebis aquæ?

Non sitiet sanctam Crocodilus pestifer undam;

Progenies Coæ sed generosa Scholæ,

Nemo bibat raptim, sed labrum proluat altum;

Et licet invideat, discat amare canis.

Martinus Witting.



JO. VESLINGII OBSERVATIONES

IN LIB.

PROSPERI ALPINI

CAPUT I.

De Plantis Ægypti.



Ægyptus ut animantium fœcunditate, sic plantarum quoque lætissimo proventu, non Græciæ olim, non Hetruriæ, agroque Latino, quicquam cessit. Quamvis enim Jovi Pluvio nunquam supplicet; habet tamen in privatis bonis abundè quod cælo imputet. Solem, qui vegetabilia firmat, auras, quæ suaviter demulcent, Nilum qui liberaliter educat, nobilissimum amnem & quem verè dixerim, non Trimalchionis, sed Ægypti τὰ πάντα. Nam quòd Sole adulto, ac ferventiùs radiante non fatiscit, quòd insuetæ cœlestibus aquis per annuas siccitates humor sufficitur, à Nilo est: quòd veteribus non urbis; sed orbis horreum diceretur, & imperii Romani magnitudinem, tum frugibus, tum opibus conservaret, à Nilo fuit. Quod per hæc

quoque tempora, vicinis Arabiæ desertæ incolis, Palestinæ, Syriæ, Byzantio, copiis suis prospicit, & Europæ reliquæ Saccharum, Cassiam, Senam, Gummi, indigenas scilicet merces non invidet, ab eodem est. Sed herbarum præcipuè gloriam multis retro seculis Ægyptus possedit, & disertè eam asserit Homerus, primus ille doctrinarum & antiquitatis eruditæ parens.

Εὐδαὶ τὰ δὲ Πολύδαμνα πόρεν Θῶντι ᾠδῆκοιτις,
Αἰγυπτίῃ τῇ πλεῖστα φέρει ζείδωρον ἄρουρα
Φάρμακα.

Nimirum de Helena sua loquitur sapientissimus Poetarum, cui Polydamna, Thonis Regis conjunx, remedia dederat plurima, quæ fertili solo profert Ægyptus. Inter quæ Nepenthes illud referunt, celebre pharmacum, in quo oblivio quædam fuit à doloribus, & curis. Plinius non aliam ob causam Ægyptum unguentis accommodatissimam scripsit, quæque defunctorum corpora ævis incorrupta faciliè conservaret. Imò, cum his incunabulis humanæ valetudinis præsidem artem sublimis ille Hermes, & Trismegisti hujus discipulus Æsculapius primitus excoluerint, factum deinde, ut vetustissimi auctores (Pythagoras scilicet, & Democritus) qui vires herbarum voluminibus suis complexi sunt, regionem hanc sedulò peragraverint, quarum industria salutaris hæc professio nobis plurimum increvit. Quamvis autem plantas omnes hujus fœcundissimæ Provinciæ sese descripturum polliceatur Prosper Alpinus, ad eas tamen respexit, quæ vel non obviæ in Europæo tractu, vel certè rariores. Eæ, excepto Balsamo, circa Memphim, Alexandriam, Pelusium item, & Heracleam oppida, in villis aliquot nascuntur. Difficilè sanè exteris, in amœniores secus pedem penetrare. Quamvis enim hic quoque verè,

*Aurum per medios ire satellites,
Et perrumpere amet saxa,*

Odium tamen religionis, hominem Christianum vulgo invisum reddit, quod atros Europæorum pileos non minùs execratur, quam

quàm prisci illi lemures, & fuscas aves. Antiquitùs, quia cultus rerum omnium diligentior, herbarum pariter copia major fuit, cùm Scythico dominatu nondum premeretur Ægyptus: quo jam veluti diluvie omnia subruente, bonæ artes in exilium compulsæ & cum gente ipsa, tum sermo, tum ingenia deleta videntur. Qui nunc Ægyptum incolunt populi, præter indigenas Christianos, potissimum Arabes sunt, utrique non tam subditi, quàm mancipia, & ab avaris Turcis pessimis exemplis habentur. Quorum animis avidis, atque insatietatibus, quia modum statuere nullum possint, ea tantum in prædiis hortisque colunt, quæ cum minimo impendio quæstuosissima norunt. Illud etiam opere summo caventes, ne sive deliciis, sive elegantis hortorum, noxios invidorum oculos perstringant. Hinc palmeta quaquaversum videas, enormesque ficomoròn truncos, tum arbores medicum aureumque malum ferentes, densiore sylva invicem implexas, & jasminorum fusiùs intricata germina. Cætera rus merum, & inculta arenarum vastitas occupat.

CAPUT II.

De Cassia.

Arbores præcipuè feliciter educat Ægyptus, ut auctor est Eresius ille scriptor suavissimus, affertque rei causam, τὴν πολυδρίαν, aquarum copiam, τοῦ ἀέρος μαλακότητα, statum aeris placidum sive mollitiem, ἣ τὸ μηδὲν ἀνελκόπτειν τῶν ἑξωθεν, quodque nihil externorum vim afferat. At hæc suaviter magis, quàm verè scripta esse contendes, cùm vix horum in Ægyptum aliquid conveniat. Etenim arbores cæteræque plantæ, quæ prædiorum septis comprehensæ, quotidie quidem suffusam è cisternis aquam bibunt: at quæ extra hæc, quarum major sanè pars est, a Januario mense ad Augusti finem, quibus intra ripas suas decurrit Nilus, de suo sibi succo parcissimè vivunt, quia in mediterraneis Ægypti pluviis imbribusque nullis rigantur. Aerem verò quis mollem dixerit, qui continuata fe-

rè siccitate squalidus, æstuosus, quemque numquam non acriter & rectius feriunt illa, ut cum Lucretio loquar, radiantia tela diei; quæ, cum externæ alias injuriæ nullæ accedunt, teneris arbusculis satis noxarum accelerant, utpote quæ infirmæ &, Theophrasti quoque confessione, οἷον τιθηνήσεως δέεται tutelam, & nutricis officium desiderant. Veruntamen quisquis nobilissimæ provinciæ genio pauculis mensibus litatum ivérit, lubens hic mellito scriptori punctum omne detulerit. Arbores enim quæ non longè nimis vel a Nilo, vel a ductibus ejus, per quos ruptis aggeribus in arva mittitur, aquarum sufficienti copia fruuntur, & in circumfuso calentium arenarum æquore non solum læto perpetim virore oculis sese commendant: sed etiam ad crassitiem, altitudinemque insignem promoventur. Ex his Sycomori potissimum, & fructibus suis amabiliores Palmæ. Quamvis enim eas flumen ipsum non alluat, actis tamen in profundum altis radicibus, satis humoris alliciunt, qui in penitiores illos terræ tractus mirè sese insinuans, veluti in spongiam bibulam latè recipitur, & impellente trahentium siti rapitur. Hinc est, quòd etiam puteorum aquæ juxta cum Nilo crescant & decrescant: cum primis verò celebris illius, qui in arce Memphis, qua parte regionum militum statio, vulgus puteum Josephi nominat, in quo pariter atque in Sienis puteo, de quo scribit Heliodorus, incrementa amnis & decrementsa distinctius metiri licet: ut mirum nullum sit quemadmodum ex Porphyrio refert Proclus, antiquissimam Ægyptiorum sententiam fuisse κατὰθεν ἀναβλυσάμεν τὸ ὕδωρ, ab infernis partibus aquam sursum scaturire, ac terræ veluti sudorem existere. Jam verò molitiem aëris, partim climatis parit dispositio, quod à mense Decembri ad Martium usque jucundis Zephyri auris mitissimum, omnes anni vernantis indulgentias pleno sinu diffundit: partim a statis producitur ventis. Nam circa solstitium æstivum, cum fervido Sole impensius alioquin aer incalescat, non minùs tamen a Borea mare mediterraneum perflante indies refrigerante spiritu, quàm rorifluis noctibus squalorem exuit. Denique nihil est hisce locis, quæ quidem à mari longulè distant, quod tenellis arborum foetibus rigorem expectoret.

Vix

Vix toto quinquennio circa Memphim, bis terve pluvias cecidisse observavi, nec illas ingentes, quæque fata diluerent: nunquam imbrem turbine citatum, aut perniciosos ignium cœlestium afflatus, aut glomeratum fœda tempestate grandinem, similesque calamitates. Atque ut penetrabile & adurens frigus, cœlum ipsum nascentibus illic plantulis defendit: ita calorem Solis inclementiorem, quælibet circa radicem disposita testula excludit.

Ad Cassiam venio arborum Ægyptiarum pulcherrimam. Arabes illam Sagiar el felichet vocant, tanquam nominis egestate arborem filiquæ exprimant. Turcæ prædiorum Ægypti hodiè possessores Chaïar Xambar appellant, nigram scilicet Cassiam innuentes. Actuarius fanè primus inter Græcos recentiores *Κασσίαν μέλαιναν*, Cassiam nigram indigitavit: quamvis Cassiæ nomine vetustissimi auctores, nobile quoddam & cinnamomo cognatum aroma descripserint. Qui eandem Ceroniam Theophrasti nominant, non observant, eam & foliorum caducitate, & florum tam flavedine, quàm suaveolentia, manifestissimo discrimine sejungi. Quamvis igitur utrumque nomen huc propriè non spectet; nil obstat tamen, quo minus Cassiæ fistulæ nomine fidenter utamur, quod consuetudo, & diuturnus loquendi usus rei Medicæ donavit. Arbor hæc in maritimis Ægypti locis frequentior est: quippe declivioribus, & aquarum copia magis irriguis. Nuci juglandi ut foliorum imitamento par est: ita stirpis magnitudine & robore cedit. Partibus tamen omnibus elegantior. Nam sive flosculis foliorum proventum anticipantibus suaviter aurea sit, sive foliorum florumque grata congerie decentiùs locupletata, sive floribus, foliis, fructu item veteri & novello pulchrè gravida, nihil est quod vel comparatione in juglandem conveniat. Crepitantes autem à concussu fistulas, optimas esse, Alpino nostro vendaces quidam Ægyptii persuaferunt: cautiores tamen mercatores, & quos crepitacula illa à solidiore fructu accuratè secernere vidi, & si qua fistulæ parte se distinctiùs offerunt, ea tenus abrumpere. Arida enim intra septum femina continent, & pulpamento melleo destituta, humore tenui quo redundabant discusso. Sed ut

rerum omnium eximiarum vix diuturnus tenor est : ita maturitati jam proximum Cassiæ fructum sæpius immitis casus atterit. Instrepentibus enim paulò altius ventis, invicem conquassatæ filiquæ confertim decidunt, ad usum humanæ valetudinis deinceps ineptæ. Plures igitur ejusdem rami fistulæ communi vinculo in arbore colligantur, ut vel sic doceant, non prompte fortuitorum impetu diffringi, quicquid concordi fœdere privatam infirmitatem sustentat. Accedunt insidiæ à rapacissimis furibus, unde & sollicitudo tuendarum major, &, ut cum Horatio loquar,

*Custodes pavidæ, & vigilum canum
Tristes excubiæ*

pretium earum & impensas adaugent. Flores Saccharo conditi, medicamentum exhibent renum ardori contemperando, tum lentis crassisque recrementis, quæ tubulos ureterum infederunt, eliminandis utilissimum. Quod si ex assumpta Cassiæ pulpa, vel intento calore, vel acrioris urinæ concitato impetu, renum ægritudines exacerbatae fuerint, ut observarunt Petrus Pigræus, & Fabritius Hildanus : id verò non integræ Cassiæ tribuendum, de qua hic Prosper Alpinus scribit; sed corruptæ, ac viribus obsoletæ. Neque hercules fieri potest, ut inviolatam fervet indolem medicamentum, quod in tam longinquas regiones vehitur, vix in ipso natali solo cum cura servandum.

C A P U T III.

De Cardb.

Siliquam dulcem nomine magis proprio καρβύλον appellarunt vetustiores è Græcis Botanographi, quod fructum ferat cornuum rudimenta contortis membranis exprimentem. Arabes ab hac significatione haud diversi, arborem Kernab nominant, id est Cornuum parentem, recepto ipsis loquendi more,

ACACIÆ vera effigies.



re, qui & Papaver Ab el num, patrem somni, & Convolvulum septifolium Om el hessenet, matrem pulchritudinis dicunt, propter ornatum quem addit hortis. Mel ipsum, quod fructus suppeditat, Karòb nuncupant, ob crassitudinis modum quo præditum est. Etenim Ka communis est, qua crassitudinis similitudinem exprimunt, particula: Rob verè succum iis denotat calore densatum. Hinc Rob' el ribes, Grossulariæ succus, qui saccharo per coctionem spissatus, quem hodiè ex Damasco locisque finitimis in Ægyptum deferunt. Vulgus tamen fusque deque habens quid loquatur, arborem, fructum integrum, & melleum ex eo succum communi Karòb nomine compellat. Figura plantæ hic expressa rudiuscula est: folia circa extremitates magis rotundata, ovalem propemodum ambitum designant, nonnunquam sinuosa & inæqualiter commissa: Fibræ crassiores, atque ab his per trabeata intervalla nervulis aliis ad peripheriam deductis. Flosculos rubescenti thyrsò insertos producit plurimos, lacteo candore perfusos, quorum foliolis dilapsis flavescentes apices superstites remanent, & ipsi tandem decidui. In Ægypto paucas harum arborum vidi, frequentiores in Palæstina, plurimas in Judææ montibus, & circa Sacram ibidem Urbem.

CAPUT IV.

De Acacia.

Arbor Acaciæ inter Ægyptias Spinæ antiquissimis Scripto-
ribus nobilis, & ut in Sapientum Convivio refert Athe-
næus, injectis olim corollis quàm propriis ornamentis conspe-
ctior fuit: quamvis & læto foliorum virore, & intermicante
spisso flosculorum auro horridos aculeos inumbrans, per se o-
culis gratissima sit. Caudicem spinis carentem non rarò am-
pliorè deprehendi, quam ut brachio meo circumdari potue-
rit. Non ὀρθοφύη, teste Theophrasto, sed à mediocri saltem
altitudine, densiore sylva ramorum, in latus magis, quàm in
rectitudinem se exporrigentem. Folia quam in propositæ ab

Alpino figuræ ramo duplò majora sunt, nec circa petiolos, nec circa apicem in angulos acuminata, æquatis alarum veluti remigiis ramuli sui latera stipant: ut ad Solem occidentem inter se commissa, sic ad eundem orientem sensim repanda. Fructus filiqua concluditur, non rotunda, ut ex Democrito fertur; sed complanata, atque ex intervallis compressa, nec nisi qua semen continet parte leviter liberata. Latitudine pollicem transversum metitur, longitudine dispar est. Nam filiquarum ejusdem arboris alias digiti, alias manus quoque, spithamæve mensuram superasse vidi, non ternis tantum, aut quaternis, sed octonis etiam, denis, pluribusque feminibus inter arctatos lobulos invicem subornatis. Flores in arbore copiosi, in corollarum quoque contextum olim recepti, staminum innumera bilium densa phalange cerasi minoris ambitum æquantes. Succum Acaciæ jam à viginti annis in Europam transmisit vir optimus Cosmus de Nigris, Pharmacopæus Venetus. Is contusis in mortario lapideo filiquis adhuc virescentibus, torculari succum exprimit, expressum, non ut veteres olim in sole densat, sed in vase, quod stanno inductum, calore furni eatenus sensim spissat, donec refrigerata guttula protinus concreascit. Tunc effusum supra linteum purum, simulac intepuit, vesicis bovillis includit. Atque hoc modo præparatus succus, minimè exustus, modicè fulvus, non insuaviter odoratus, ad præscriptos ab Alpino nostro usus utilissimus habetur.

C A P U T V.

De Nabca.

Nabcam Prosper Alpinus Spinofam hic exprimit; & satis quidem rectè, quicquid censeant alii, qui nec ipsi Naturæ Veritatem iconum lineamentis accuratius assequuntur. Vidi & alteram in Ægypto, non spinofam, cujus apud me ramum servo, quamvis similis in reliquis utrique facies. Caudicis amplitudo, & crassities insignis observatur: nec id mirum in regione, quæ ad arborum, ut Eresius loquitur, εὐβλα-

σιαν

ἑλαν ἢ εὐκαρπίαν, & fructuum bonitatem, & germinationis assiduitatem aptissima existit. Equidem quam in urbis Cayri vico Veneto, Consularis palatii limen inumbrare vidi Nabcam, trunco tam enormi assurgebat, ut eam homo quantumvis procerus amplexu cingere totam non sustineret, ædes ipsas tertia sui parte superasset, si in rectum germen exivisset. Folia cordis figuram æmulantur, à quorum pediolo nervi tres crassiusculi in totam longitudinem porriguntur. Horum ille qui medius utrinque propagines minores submittit, reliqui duo externo potissimum latere. Densitas folii vix nostrate pyro minor est. Flosculi ad foliorum exortus copiosi visuntur, ex virore quodam albicantes. Fructus pomum exiguum tota habitudine quam exactissimè refert, juraresque per oculos tuos mespilum te conspiciere, si videres; sed mespilum ἀνθηδόνος, vel Aroniam illum Dioscoridis, solo nucleo, quem Nabca continet, gemellos hos discriminante. E spinosa tamen Nabca poma vidi majora, quæque flavam maturitate corticem eleganti rubore purpurabant. Qui in putrida febris ægris ea indulgent, blandimentum sanè certum afferunt, emolumentum nullum. Cæterum Nabcam Connarum Athenæi credidit Prosper Alpinus, cui subscribit Carolus Clusius Botanicus eximius. Ambiguam tamen fidem faciunt, tam malè hærentes notæ, quum in Convivio illo sapienti Democritus Connarum δενδρίον, arbusculum nominet, τῷ φυλλῷ τέρεν ἢ περὶ φερές, cujus folium tenellum & rotundum, denique magnitudine, carnibus, & officulo fructum oleæ phauliæ comparet. Sanè quæ inter Ægyptias arbores de Coccymelea scripsit Theophrastus, & præcipuè quod fructum ferat magnitudine, & natura mespilis proximum, nisi quod rotundum obtineat nucleum, non coactè huc deduci possunt. Plinius hanc Prunum Ægyptiam vocat.

CAPUT VI.

De Sycomoro.

Agyptiam hanc ficum veteres συκαΐνον, & distinctius ^{συκόμορον} nuncuparunt, Christiani indigenæ Tin el Pharaon, ficum Pharaonis dicunt. Dirimitur ferè ab humili, sed lata stirpe, in truncos binos ternosve peramplos, è quibus deindè ramorum confertim digestorum vasta, & robusta brachia, opaci frigoris gratissimam scenam latè æstuantibus obtinent. Folia magnitudine & sinuoso illo ambitu, quem figura hic exhibet, prædita non sunt. Mori quidem foliis paria, nisi quod horum densitas major, & asperitas discrimen inveniat ut rectè subjunxit Prosper Alpinus. Addo quod Sycamori folia perennitate donata sunt, quæ in Moro circa brumale solstitium penitus dilapsa vidi. Fructus cum, ex caudice, tum ex ramis in crassitudinem adultis, qua parte trunco propiora sunt, enascuntur, non autem e ramis summis, quod scire licet rectè negasse Dioscoridem. Fici ipsi in tam fecundo proventu mediocre tantum corpus faciunt, nec ut nostrates laxius ventricosi. Parum extra natalem caudicem vulneratum colla proferunt: cavitate quoque intus præditi, quæ subluteo minutoque retrimeto conspersa, non rarò vermiculis succrescentibus hospitium præbet. Mattheoli sententiam ut non immeritò reprehendit Prosper hic noster: ita verè Plinius cum vetustissimis scripsit auctoribus, Sycomori lignum stagnis immersum siccessere, id est, ex raro fungosoque densum, magisque tractabile reddi, subducto quo prius scatebat lacteo succo. El Mataria hortus est circa Memphim Christianorum cultu celebris, & a puritate sive lustratione quadam fordescentis à peccato animi nomen traxit; quamvis ab impuro possessore indignis modis habeatur. In eo ingens illa Sycomorus, aggere humili ex aggestis cespitibus accedentium commodo succincta, jam a mille quingentis annis religione Christianorum nobilis, ob causam ab Alpino allatam. Vigent etiamnum ejus cacumina lætis frondibus, quamvis caudex circa radices foedè mutilatus sit, cum eidem illi qui arborem oscu-

sculis humectant, ejus particulam de solido frequenter abscindant, animi intemperantis stulta curiositate labefactantes, quod affectu pio fervare præstabat. Cæterum, quia Sycomorus arbores Ægyptias si non altitudine, certè crassitie plurimum excedit, jure quæsieris, an hæc arbor illa, quam veteres in sylvestri circa Memphin regione nasci prodiderunt, tantæ molis, ut eam homines vel terni circumplecti nequirent? Sycomoros ego ea crassitie plures atque etiam ampliores circa Memphis villas prædiaque conspexi: Veteres tamen Sycaminum a vastis illis evidenter sejungunt, tribuuntque his ligni tum pulchritudinem, tum densitatem singularem, quodque τῷ χρώματι λωτοειδῇ colore Celti similis videantur. Inter has, & illa referatur, cujus folia peculiari (ut ait Plinius) miraculo, tactis ab hominè ramulis protinus cadunt. Verius forsan Theophrastus τὰ φύλλα ὥς περ ἀφαναινόμενα συμπίπτειν φασίν, εἶτα μετὰ τινὰ χρόνον ἀναβιώσκειν πάλιν ἢ θάλλειν: folia quasi hebetata concidere inquiunt, post aliquod deinde tempus reviviscere, rursusque virere. Idem folia non πτεροῖς, id est, alis, ut legisse videtur Plinius; sed πτέρυξιν παρώμοια, filicibus non absimilia scripsit: a quibus non valdè recedunt, quæ de anonymâ in Malavar planta prodidit Garzias, Mihi nihil horum circa Memphin observabile sese obtulit.

CAPUT VII.

De Palma.

Ægyptus, ut olim nobilium scientiarum cultu, & illo nunquam satis laudando τῇ ψυχῇς ἰητρείῳ, animæ scilicet medicinali, præ reliquis orbis populis palmas quas possidebat, jure merebatur: ita hoc seculo penitus à barbarie obsessa, imò infessa, quas numerosissimas alit Palmas, nullas meretur: utpote fædius abjecta, quam ut agnoscat saltem pristinam omnem dignitatem. Causa tam fœcundi proventus in telluris habitudinem referenda est, arenosam scilicet, & salsam, plantæ huic gratissimam. Vidi his locis, in palmarum veluti sylvis, terram

copiosissimi nitri calida nive latè conspersam, vel aquis Nili, vel roscida noctium humiditate fervidiore sole perustis. Nec opus hic maritali cinere palmæ effæminatæ vigorem incitare. Flantibus enim ab austro per Æthiopiam, & steriles Arabiæ Desertæ campos urentibus ventis, ingens nitrosi pulveris sublatæ vis, abundè cacumina palmarum vegetat. Arbor ipsa quò magis assurgit, eò minus ramorum abscissorum nodis horret, annosior nodos penitus obliterat. Per tubera quædam inæqualia scanfilis, scabram tamen corticem ad extremum usque fenum servat. Vero scilicet Virtutis simulacro, quam callosas obtinere manus rectè pronunciavit sapiens Romanus. Fructus palmæ Dactyli sunt, unde & nomen Dachel Arabibus retentum. Uberrimus illorum quamvis à pauculis ramis exortus, meminique sic onustum fuisse dactylis suis unicum racemum, ut eum attollere à terra præ pondere vix sustinerem. Quod ramis subjicitur candidum tenerumque corpus, quidam medullam palmæ nuncupant, rectius Theophrastus ἐγκέφαλον φίνικος, Palmæ cerebrum appellat: rectissimè omnium Dioscorides ἐγκάρδιον ἔ πρέμνς, caudicis cor: ab eo enim insertis sibi ramis vitalis vigor suffunditur, & nutrimenti gerulæ fibræ in terram altricem descendunt. Hoc, arbore collapsa, exemptum, in cibis expetunt Aphrodisii, Veneris suæ officium spissaturi, nec cephalalgiam exinde graviolem verentur. Nicander νεοῖς ἀσπασον ἔδεσμα adolescentibus expetitum cibum cecinit. Dactylos colore tum flavos, tum obscuriùs purpurāscentes ferè conspexi: rarissimi nucleis carentes, quos ἀπυρήνς vocat Theophrastus. Non inter majores ejusdem arboris veluti ἀσπέρμς & imperfectos; (quos agnovisse tantum videtur Plinius) sed probè maturos, & juxta cum reliquis in eadem arbore, suavitate eximia palato blandientes. Communibus tamen paulò minores, & colore flavescentes observavi: in quibus nuclei vicem folliculus cartilagineus sustinebat, cavitate saltem inani circa medium relicta.

CAPUT VIII.

De Sebesten.

Folia Sebesten extremis suis ovalem magis rotunditatem, quàm angulosum acumen præferunt, superiore ambitu per spatia inæqualia variis incisuris dentata, & nonnunquam segmento veluti subducto mutilata. Fructus brevi insidet caliculo, rotundus, tenui spinosoque umbilico leviter adstrictus, maturaque jam ætate pellucidus, non insuavi glaucescencia inclusa femina manifestat. Succus huic expressus, excellens præbet remedium catarrhis ad fauces labentibus sistendis. Minimam tamen ejus operam Ægyptii flagitant: inter quos albo corvo similem dixeris, quem acrius destillationes exercent. Causam agnoscas, pro ratione Climatis, siccius cerebri temperamentum, & quod a vini illecebris (si militem excipias, & pauculos qui Christianis addicti sunt) ex religionis edicto vulgus abstineat. Illius enim immoderatum usum, ut verè cecinit Lucretius,

*Consequitur gravitas membrorum, præpediuntur
Crura vacillanti, tardescit lingua, madet mens,
Nant oculi.*

CAPUT IX.

De Tamarisco.

Tamariscus non Ægyptiis tantum Italisque, sed aliis etiam Europæ populis, ac Germanis, qui Rhenum & Danubium accolunt, satis nota est. Sed in Ægypto amplior arbor, & non rarò densiore sylva prædia villasque circumplexa. Luem, impura Venere contractam, verè scripsit Alpinus, non secus Tamarisci, quam Gujaci decocto profligari. Non enim adeò gravia sunt quæ hic infecti patiuntur. Excludit mali impetum

purior corporum constitutio, tum illa sudorum, & per continuum aëris æstus, & balneorum frequentissimum usum, consuetudine profusio. Vidi sæpius pessimè affectos, & in ossa ipsa fœdè sæviente morbo, cum extrema omnia frustra alibi tentata fuissent; in hac regione citra magnam præsidiorum vim, noxiam luem evasisse.

C A P U T X.

De Tamarindo.

Arborem hanc juxta cum filiqua sua, Arabes Ægyptum sæculo præsentī incolentes, Tamar hendi, id est fructum Indicum nuncupant, quod ex Orientali India in Arabiam Felicem, vel ex Æthiopia, ut rectè Alpinus noster, copiosius in Ægyptum Arabiamque finitimam deferatur. Æthiopiam autem Indiæ nomen apud veteres obtinuisse, ex Servio, aliisque notius est, quam ut ambiguitatem ullam relinquat. Non igitur ex Arabia ad Indos, ut nonnulli scripserunt: sed ex India ad Arabes commeat nobilis hæc planta. Longius abeunt à vero qui à dactylis palmulisve nomen derivant. Non enim Tamar dactylum solum denotat; sed, ut notum est Arabicæ linguæ vel tenuiter peritis; fructum omnem; imo latissimo nominis significato, arborum animantiumque fœtus complectitur. Nam ut ipsi quoque fatentur, Tamarindus ex Palmarum familia non est, utpote cum quibus nec stirpe, nec floribus, nec foliis ulla ipsi intercedit similitudo. Addo quod nec fructu. Compara Tamarindi filiquas cum dactylis, & facilè tibi constabit, quàm distent æra lupinis. Qui Tamarindum filiquam vocant Arabicam, audaces nominum calatores, inveniant deinceps discrimen inter tot alias plantas, quæ filiquas inter Arabes producunt. Arborem amplam, foliorumque perenni vigore conspicuam, juxta caput aquæductus, qui ad arcem urbis Cayri contendit, observavi: sed cujus folia ramuli sui lateribus, intervallis insident æqualibus, numero scilicet utrinque paria, nullum relinquentia in extremo ὀξύγον foliolum, secus quàm hic ad-

adumbravit pictor. Fructus Tamarindi Acaciæ quidem filiqua brevior; crassior tamen & latior, grataque medullæ aciditate inter alvum solventia medicamenta præcipuè desideratus: quam vis segniùs opus expediat, quoties vel immaturior abripitur, vel temporis diuturnitate siccior assumitur.

CAPUT XI.

De Agiahalid.

Iam quadragesimus & sextus annus exactus erat, ex quo Prosper Alpinus Ægypto discesserat, quum vicinos Consulium Venetorum palatio hortos in Cayro urbe curiosiùs lustrarem, nec arborem tamen Agiahalid oculis usurpare licuit. Excisam igitur fuisse ratus sum, aut quod, ad metam ætatis pro-
vecta, obsoleti jam vigoris, atque ornatu foliorum penitus exuta, horrida spinis facies, amœnis in locis amplius non placeret. Aut incuria neglectuque cultorum, aliorum actis, vel obstructis alluentis Nili rivulis, ut sæpè contingit, exaresceret. Adeò verè dulciloquus Senex, τὴν ἐμφανεστάτῃ εἰς τὸ χεῖρον μεταβολῆς αἰτίαν εἶναι τὴν ἀγεωργησίαν; manifestissimam in pejus mutationis causam esse operæ neglectum, scripsit: idque in aliis, quas per hæc tempora in Ægypto desideramus plantis, obtinere, certissimum est.

CAPUT XII.

De Vzeg.

In urbis Cayri hortis, ædibus Consulium Venetorum propius adsitis, non arborem à Prospero Alpino descriptam; sed fruticem vidi, in quatuor aut quinque cubitorum longitudinem adultum, & latius implexa ramorum serie sese spargentem. Eum horti præfectus Agiahalid nominabat, & in curanda lue Venerea utilem ejusdem operam commendabat. Susplicari su-

bñt, an à proximè designata Agiahalid, hæc suboles superstes remanserit: ab illo gigante hæc coactæ brevitatis pumilionum familia, progeniem datura vitiosorem. Revera tamen eximia planta est, quam propositæ Vzeg figura, spinis, fructu, floribus, radicumque flexu satis evidenter exprimit. Folia tamen circa spinarum basin non quaterna tantum; sed plura dispari magnitudine consurgunt. Olivæ foliis minora, magisque tennella; nec in acumen angustata; sed buxeorum instar rotunda. Flores ut minuti; sic numerosi existunt, non ventricosi, sed à contractiore tubulo sensim ampliati, amabilem in risum hiulca labella diducunt. Sinum intimum flavedine tingunt, purpureis aliquot punctis recessu foliorum inscripti: reliquo corpore Hyacinthi ferruginem violis permiscent, utroque tamen dapsili halitus gratissimi exspiratu longè suaviores. An succus ex hoc frutice paretur, quèm Lycium Indicum vetustissimi auctores nominarunt; ex notis plantæ facilius divinare licet; quam ex Ægyptiorum sermone colligere. Sanè qui ex vicinis Arabiæ atque Æthiopiæ locis huc in utribus affertur condensatus succus, saltem ritè paratus sit, Lycii Indici indolem minimè obscuris signis exhibet. Eum venditores Coulan appellant: circa Libanum montem ab accolis Zaroa nuncupari, & à Psalte Regio in sacris Odis Hadhad, in itineris Orientalis descriptione Ravolfius prodidit, quamvis & Arabes nomen usurparint. Cæterum hodiernum Cate Indicum, quod Lycium veterum existimabat Garzias, quamvis viribus æmulum; ortu tamen diversum, nec, ut priscum illud, compositione sincerum est. Nam ex Hachic arboris contusis decoctisque ramis (quorum folia Ericæ vel Tamarisci speciem præferunt) tum pulvere feminum Machani, & alterius ignoti ligni scobe compositum, atque in pastillorum formam redactum, variis in locis divendi scripsit.

CAPUT XIII.

De El hanne.

Plantam hanc, Arabum in Ægypto vulgus El hanne, Medici Al canna, nemo (quod sciam) Tamarendi nominat. Non enim Indiarum fructus est, aut quicquam possidet, quo in comparationem cum Tamar Indo veniat. Fruticis potius vegetioris, quam arboris proceritate adultam in villis passim compertam habui, confusa ramorum sylva cultorum negligentia latius implicitam. Rectius eam ex Dioscoride Prosper Alpinus descripsit, quàm iconè pictor expressit, qui nec foliorum lineamenta, nec florum parvulorum densam collectionem penicillo affecutus est. Olivæ foliis non absimilia el hanne producere vidi. Breviuscula pleraque, sed latiora, & subgrato virore magis tenella. Nec ternis tantum, quaternisve ordinibus tanquam alis, sed pro virgularum longitudine, denis, duodenis, pluribusque ramorum latera stipant: sic tamen, ut inferiora folia ampliora, ab his succedentia deinceps ad extremum usque rami, paulatim minora conspiciantur, *μονοφύλλα* circa apicem vix ullo superstite. Flores El hanne Sambucique suppres globi, mulierum potissimum deliciæ sunt, canistrisque plebis in balinea deferuntur, in quibus illæ lymphatæ dicam, an lymphaticæ totos dies inguini, cuticulæque perpoliendæ operam ludunt, Decocto foliorum crines defluentes firmant, & ingratum pediculorum sodalitium excludunt. Eodem illo unguibus hemicycli forma, diutinè hærentem notam appingunt, atque ut olim conscripti patres lunulatis calceis ordinem suum; sic illæ lunulatis unguibus, nescio quod, elegantix specimen profitentur, aurantii mali colore conspectiores.

CAPUT XIV.

De Balsamo.

Arbores salubri ploratu lachrymas pretiosas eliquantes, magnitudine formaque dispares, in Peruvianis ac Mexicanis oris dudum observarunt, qui ad occidentem solem positas Indias perlustrarunt. Omnibus tamen, veluti nomen commodat, sic eximia suavitate præstantior est, qui ex vulnerato Balsami cortice promanat liquor nobilissimus. Verè Pausanias τῶν μύρων εὐοσμώτατον, odore præ cæteris unguentis jucundissimum scripsit, & dentis viperinæ noxium virus benigno succo temperare. Neque, Hercules, nugamentum est, quamvis Bisciola: sic videatur) quod subjungit Pausanias, Arabes olim viperis circa Balsamum hospitantibus, vim omnem, tanquam sacris, abstinuissent. Plures enim eorum non, ut Pfylli, proserpentes hæc bestias odisse; sed deprehensas intra ædium quoque consēpta, ceu genios loci, veneratos fuisse, victumque suppeditasse observavi; quantumvis minor hodiè superstitione, quam priscis illis seculis animos occupet. Cæterum plantæ Balsami natale solum rectè Alpinus Arabiam asserit, vel hoc nomine cæteris provinciis celebriorem, ex qua ramorum, fructuum, & odorati illius succi copia satis ampla in Ægyptum defertur. Theophrastus ἀγριον ἔδεν εἶναι τὸν βάλσαμον ἑδάμῃς. Sylvestrem nullum esse balsamum ullibi famà acceperat: reuera tamen in Arabiæ collibus, quamvis alia cura nulla accedat, felicibus sylvis progeniem submittit. Qui in Palæstina atque Ægypto plantam hanc meliore cultura dignatus fuerit, neminem cognovi. Ita juxta cum bonarum artium studio, rerum optimarum cura hisce locis obsolevit. Incisio ramorum, singulari olim solitudine peracta fuit, ut ex Plinio accipimus, cumque proliciendus esset fragrantissimus liquor, artificii temperamento librata manus hoc præcipuè cavit, nequid ultra corticem violaret; tanquam, ferro læsis ejus vitalibus, protinus Balsamum emoriretur. Tacitus quoque plantam hanc ferrum expavescere, ade-

adeoque testæ lapidisve fragmento corticem dividendum fuisse tradidit. Sed hæc de tenella plantâ atque in alieno solo languidiùs adulta, habenda sunt: non item de indigena illâ, quæque valida jam stirpe terram patriam complexa est. Hanc enim ferrum non reformidare, nec durius in compescendis ramis fluentibus imperium, abundè mihi confirmarunt Arabes, qui horum fasces integros Cayrum deferunt. Atque huc respexisse videtur Theophrastus, qui ὄνυξι σιδηροῖς, unguibus ferreis incisionem caudicis factam prodidit; quem sequitur qui de simplicium Medicamentorum facultatibus scripsit medendi Præceptor. Non tamen existimandum est, quod Memphim ex Arabia lagenulis utriusque plenis advehitur Balsamum, quantumvis odoris suavitate gratum admodum sit, sincerioris concretionis lachrymam esse. Minimum equidem ejus ex plaga corticis destillat: maxima pars ligni frondiumque decoctione conflatur. Neque ipsa tamen satis illibatæ Naturæ; sed Terebinthinæ Cypriæ adulterio plerumque vitiata est.

Ad idem Caput.

Mahometis sepulchrum, cujus meminit Prosper Alpinus, alii sub fornice templi à magnete pendulum, alii fulmine ad inferos adactum vulgo persuaferunt, forsan odio magis religionis, quam studio veritatis. Contrarium tradit hominum quotannis ex Medina in Ægyptum redeuntium constantissimus sermo, & recepta cum expresso monumento templi totius accuratior ichnographia. Extructum id juxta cum foceri, generique sepulchris, simplici, sed pretioso lapide. Triplici deinde quadrati ambitus septo munitum est, quorum quod proximè conditoria cingit, humilioris structuræ. Adamantem internâ muri facie insertum continet; quem omnium quos sol videt, magnitudine specieque nobilissimum prædicant: dignum Scythico Monarcha anathema, replicatuque radiorum à Sole conceptorum, veluti cælesti fulgore jacentis Mahometis arcam perstringere. Intermedium septum, auro gemmisque splendidum velum exornat. Id Byzantini Imperatores solemniter Medi-

dinam transmittunt, cumque per urbem Cayrum publico spectaculo deferatur, Ægypti prorex & procures, tum myriades aliquot populi, extra portas venerabundi prosequuntur. Extra hæc sepulcri consepta Fatimæ, Mahometis filiæ, monumentum, sacrorumque librorum aliquot thecæ visuntur. Sed hæc *παράεργως*. Ad Arabes venio, de quibus hic Prosper Alpinus, suntque ingentis illius deserti incolæ, verè ferocissimi atque audacissimi homines, adeò ad facinora omnia prompta manus, animique robur inter sævissima tormenta invictum, sive Marfyæ instar vivis detrahatur pellis, sive adaectis per vitalia fudibus, lenta fœdaque morte conficiantur. Equi ipsorum habitudine pulchri, cursus velocitate vel Cyllaro pares, inedia & sitis, cum plerisque tam squalidæ regionis animalibus, patientissimi. Vidi exacto noctis ac diei integro spacio, sub fervido sole laxius alligatos equos, unam alteramve aquæ unciam ad refectiorem satis habuisse. Equites ipsi toris lacertorum valentes, simplici tunica, & rejecto circa humeros è solocibus filis panno amicti, sagittis hastisque formidabiles sunt. Quæris, quo fomite magni adeò spiritus incrementum sumant? Semicoctus sub arenis, & sordidus panis, lac pressum, anguriæ similiumque fructuum arrosus cortex, consueta magis stomachi fulcimenta sunt. Potum Nilus exhibet, limo turbidissimus, aut è cisternis fontibusve petita purior, & carior aqua. Exclames cum Zenone Romano, si hæc videas, Quantulum est, quod naturæ satis est! Quam non multa poscit, quæ tam parvo dimittitur! Europæis nobis, haud ventris nostri fames magno constat; sed consuetudo; sed ambitio.

Serif princeps in expeditione, quam in Jamin ante septennium Turcæ moliebantur, astu blanditiisque circumventus, ab exercitus duce strangulabatur, quod cum rebellibus populis sensisse traderetur. Ea res Arabum in Turcas odium vehementius concitabat, factumque deinceps, ut non sagittis; sed sclopetorum inopinato fulmine rejecti a montium aditu milites, hærentem circa littus Erythræum Ducem suum, commeatu deficiente, ingloriosa manu obtruncarent.

Byssum duplicem agnoverunt veteres, maritimam, & terre-

restrem ; quam hic linis Indicis non inſcitè comparat Alpinus. Singularis enim harum mollities eſt , & ſubtilitas, qualis vix aliis major. Xylina tamen pleraque obſervavi, priſcis Romanis ſatis cognita , nec inter Indos tantum ; ſed Arabes etiam felicioris provinciæ , atque Ægyptios elaborata, cum graviore jugo nondum premerentur, tam eximio ferè candore, & tenuitate perſpicua , ut ventum textilem , nebulamve lineam oculis uſurpaſſe tibi videaris. Attamen antiqui Byſſum aſbeſtino lino, ex quo funebres Regum tunicas texebant , æſtimatione ac raritate proximam conſtituebant; auroque non minus fulvi coloris nitore, quam pretio par fuit. Ex arboribus illam apud Indos legi Philoſtratus & Apollonius tradiderunt, qui nec à ſerico ſatis diſtinxiffe videntur. Inter lina fanè Byſſum recenſuit Plinius, eamque juxta cum Pausania, circa Elin in Achaja genitam, monumentis ſuis prodidit. An etiamnum reperiatar iisdem locis, compertum non habeo. Lipſius noſter, Muſarum ocellus, in Comm. ad Tacitum, per hæc ſecula perditis annumerat.

Ad idem Caput.

Balfami ſuccus, ut craſſitudine ; ſic viribus quoque plurimum differt: igneis aëriisque partibus cum ſuaviſſimo halitu ſenſim faceſſentibus. Quum ſenilem ſpiſſitudinem nondum contraxit, per os exhibitus, viſceribus putredinem & corruptionis labem emaculat : adeoque jecore ac potiffimum renibus ſœdo abſceſſu laborantibus, inter præſtantiora auxilia præcipuam operam contuliſſe, dudum experimentis innotuit. Profecit itidem in pulmonibus, quos ulcera infeſtant, ſive in bolos redactus deglutiretur, ſive linctu crebro aſperæ arteriæ inſinuaretur, admixtis, cum id febrilis ardor expoſceret, quæ calorem ſucci contemperant. Vulnera omnia quàm citiſſimè conſolidat Opobalfamum ; ſed hætenus, ut ſimplicia ſint, & quorum oræ invicem adduci poſſint : quæ enim ſecus habent, quæ cava, contuſaque ſunt, oſſium item ac nervorum noxis implici-

ta, tardiùs fanescere certum est. Ubique tamen quâ putredinem abarcendo, quâ colorem insitum refocillando, τῆς φύσεως ἐνεργείας Naturæ adminiculantis conatus strenuè promovet. An condiendis defunctorum corporibus adhibitæ olim fuerint suavissimæ Balsami lachrymæ, Judæorum magis vulgique sermone percrebuit, quam vetustiorum auctorum scriptis. Quid Ægyptii fecerint, & quidem cum diligentissimè condirent, accuratè ab Herodoto traditum est, qui σμύρνης ἀκηχεύς, κασίης, ἢ τῶν ἄλλων θυωμάτων πεστετριμύων πλὴν λιθανώτε, myrrha pura, casia, aliisque contritis odoribus, excepto thure, interanea replevisse scripsit. Cum sumptuum compendio studebant, cedri tantùm succo infuso, & quæ per nitrum facta salitione, corpora ævis incorrupta servabant. Subsequentibus tamen seculis, in externâ regionum cadaverum κομμώσει, cum aliis aromatis balsami quoque fragrantiam placuisse, constat ex Corippi Aphricani versibus, de Justino principe funus patrum curante.

*Thura Sabæa crepant, fragrantia mella locatis
Infundunt pateris, & odoro balsama succo,
Centum alix species, unguentaque mira feruntur,
Tempus in æternum sacrum servantia corpus.*

C A A U T. XV.

De Calaf.

Inter exoticas Salices, floris tum suavitate, tum eximiis viribus præpollet hæc, quam Calèb & Calaf vulgus Ægyptium appellat. Folia longitudine indicem digitum, latitudine verò eundem etiam geminatum adæquant, cùm adulta jam ætate planta robur suum collegit. Inter Syros, vicinosque alios populos angustioribus foliis contracta planta conspicitur. Eam tamen nulla infidet lanugo: nec à medio nervo productæ fibræ ambitum foliorum divisuris interstinguunt. Ad foliorum exortus folliculi emergunt singuli, rubro leviter colorati, Cordisque diastole sese stringentis figuram exprimunt; unde & nomi-

nis & virtutum ratio primitus deducta videtur. Calèb enim sive Calub Arabibus Cor denotat. Dehiscens tandem folliculus florem dicam, an laneum partum excludit, interfusâ candori flavedine pictum, quem in rectum exiens inclusus semineus scapus fulcit. Aqua per variolas deturpatis infantulis cum Bezoar aliquot granis utilissimè exhibetur.

CAPUT XVI.

De Bon.

In viridariis Ægypti, quæ quidem accedere licuit, arborem hanc non amplius conspexi. Fructu equidem ipso nihil in vulgus receptius, qui ex Jamin seu Arabia feliciore delatus, inter publicas merces certo fœnore quàm plurimos ditat, eumque Buncho Avicennæ arbitrantur. Potus ex hujus decoctione paratus, aliquot mille tabernis in urbe Memphi venditur, quem adhuc calentem ingens hominum multitudo pitissando sorbillat, sive otii sui oblectamentum, sive bonæ valetudini firmamentum quærat: præcipuè quum cor, aut ventriculum languor occupat,

— — *Stomachoque tumultum*

Lenta parit pituita.

Nec desunt qui saccharo potionis amaritudinem diluant, nucleumque fructus integrum saccharo incrustatum, inter bellaria sua debellent. Neque id in Ægypto tantum, sed finitimis etiam vasti illius imperii provinciis usu frequentissimum existit: quæ res, & pretii magnitudinem inducit, & inter Europæos utilissimi alioquin medicamenti raritatem efficit. Qualitatum, quas manifestas vocant, harmonia in hoc fructu dispar est. Cortex enim frigidi particeps, cum exsuperante tamen siccitate; nucleus verò moderatè calidus. Ille levi quadam aciditate; hic evidenti amaritudine linguæ sensum haud inclementer afficit. Itaque nec stomacho nausæam infert, quantumvis largius decoctum hauriatur, nec intensiore caloris gradu eidem infestum est; saltem modicè torrefiat, atque in marmore pi-

stillo ligneo contusum sit. Corticis decoctum inter æstivos ardores rectius febricitantibus exhibetur: rursusque cum frigidi & crassi succi, viscera communesque corporis ductus noxio infarctu impediunt, alterum e tosto contusoque nucleo præferendum est: haud neglecto tamen utriusque, cum id usus exigit temperamento.

CAPUT XVII.

De Bahobàb.

Fructum hunc Cedromelum quispiam Æthiopicum dixerit, aliquo fanè cum discrimine partium; nullo tamen aut perexiguo Virtutis. Cortice velatur denso pariter ac firmo, qui coloris fuscitudine patrii foli squalorem non obscuris indicis patefacit. Circa pedium, cui subnixus, in rugas aliquot complicatur, sensim tamen in Cucurbitæ lævorem plus aut minus explanatur. Altero extremorum, vel leve quoddam fastigium profert, vel oblitterato angulo in rotundum magis se componit. Dissectus per medium, ut in Ægypto venditur, ficcior jam fructus, plexum exhibet, per latera & in longitudinem diductis fibris expansum. In eo officula dispari magnitudine plurima locantur, coactâ pressulaque rotunditate, hinc gibbis prominula, inde sinubus excavata. His effractis semen excluditur, fusco nigrore splendidum, cujus albicans pulpa non in suavi sapore gustum afficit. Plexum Bahobab, atque insertum plexui semen, copiosa stipat materies, levi rubedine colorata, quæ facilè digitorum attritu, fructuque concusso in pulverem dissipatur, quoties aqueum humorem inclusus calor dudum resolvit. Nec diversi generis, fructum existimo, Abovo dictum, quem Clusio suo doctissimus Bellus descripsit; quamvis Prosper Alpinus Bahobab utrinque acuminatum exprimat, & pollinis aciditati Lemnii sigilli stypticitatem tribuat. Jam enim dudum observarunt rerum naturæ studiosissimi viri, ex ejusdem Bahobab seminibus propagatam sobolem, & foliorum dissimilitudine lusisse, & saporem quoque (ut de Citriis no-

tum

rum est) diversitatem exhibuisse.

CAPUT XVIII.

De Gossipio.

Xylum tam fruticis humilitate, quam arboris insigni proceritate, ad aquæductum urbis Cayri conspexi. Nec dubium mihi ullum, ex arboribus eam esse, quas *εριοφόρος*, laniferas Theophrastus appellavit, foliisque viti similes scripsit. Plinius superiore Ægypti parte, & in Arabiam vergente, fruticem gigni tradidit: disertius Theophrastus in Tylo Arabici sinus insula arborem frequentius assurgere, nec Arabibus solum, sed Indis quoque communem retulit. Folia ramulis insident violaceo tinctis, quæ perfectius adulta, quinque veluti laciniis profundius divisa reperiuntur, è quibus cum inferiores duæ, tum superior & longior exiguo folii additamento auctiores habentur. Florem illum diluta flavedine pallidum, & circum oras, umbilicique sinum eleganti rubore purpurascentem (qualis in vulgatiore Xylo notatur) in hoc vastiore Gossipio videre non contingit; sed glomum tantum laneum pomi magnitudine, intra virescentem membranam collectum; quâ denticulatis veluti segmentis hiscente, Gallica nive candidior foetus in auras eluctatur. Is interiore bombyce maturior, semina continet fusco colore umbrosa: non uvarum congestu invicem contigua; sed intervallis suis nonnihil dirempta. Ex lanis ingens illa pannorum multitudo elaboratur, atque ut Theophrastus loquitur, *σιδόναι ὑφαίνεσι τὰς μὲν εὐτελεῖς τὰς δὲ πολυτελεσάτας*, sindones texunt alias viliores, alias pretiosissimas. Ex his vestes illæ facerdotibus olim Ægypti gratissimæ parabantur.

CAPUT XIX.

De Sambac.

Præter Myrtos vix habebant prisce illi Botanophili, quod odorati spiritus suavitate, inter Ægyptiæ Floræ delicias commendarent, Et τὴν μυρρίνῃν μὲν τῇ δοσμῇ θαυμαστὴν τὰ ὄσπρια δόσμα ἢ ἀνάνθη. Myrtum quidem fragrantiam mirabilem; alia verò omnia, cum odoris, tum floris expertia, scribere ausus fuit a divina loquentia nominatissimus senex. Per hæc tempora, quam Europæis opponat Ægyptus, vix delinificâ halitus gratia nobiliorem plantam hoc ipso Gelsimino possidet. Et vulgationis quidem Jasmini late diffuso virgarum plexu, passim in hortis sylvæ conspiciuntur: non item excellentioris hujus; & majore cultu dignissimi. Adolescit autem stipite robusta, atque adversus fortuitorum impetum firmissimâ, quæ ternis quaternisque cubitis in altum porrigitur. Rami flexus omnes facili obsequio admittunt, florem exhibentes lacteo candore nitidum, qui Catalonici jasmini, aureique mali floream suavitatem misturâ jucundissima confertim naribus ingerit. Prosper Alpinus simplicem in flore foliorum ordinem exprimit: ego duplicem sæpius agnovi; nec octo, sed decem aut duodecim folia, roseâ serie, breviori tubulo digesta. Theophrastum verò Ægyptiæ Floræ acerbius insultantem, quid excuset? quum provincia illa tota odoratissimis hortis, nihil vel Tantalos vel Hesperidibus invideat. Scio elegantissimum senem ad pumila quædam & molliora florum agmina respexisse, atque ut ipse scripsit, ὑγρότερον τὴν φύσιν ὄντα; non ad ea quæ sicciora, & quorum parentes lignea firmitudine compactiores, altioresque staturâ deprehenduntur.

CAPUT XX.

De Lablab.

Phaseolum hunc reptili sublimitatis aviditate, cum ab utroque latere ædium nostrarum ad cacumina evasisset, fenestrarumque cancellis non ingrata umbracula prætexisset, repente exaruisse memini. Folia obscurius virescentia ramulis insident, ad nigrum tendente purpurâ coloratis. Nec dissimilis florum tinctura, qui copiosi, ac spiceo veluti congestu, non circa summum tantum caudicem; sed sparsim juxta foliorum exortus virgulâ suâ prodeunt. Alibi candido colore lactescente nascuntur, cætera vix ab aliis phaseolis specie mutantibus, Semina in siliquis rectè notavit Prosper Alpinus, alia nigricantia, subrubra alia; sed maculis ferè nigris infuscata, hilisque candentibus insigniuntur. Observavi frequenter à plebe in lusu usurpata, & projectis ad proximum parietem assulis, è scrobibus alternatim fuisse promota: quemadmodum in alveo ad tesserae jactum orbiculi transponuntur. Laab autem apud Arabes lulum innuit, adeoque nominis ex eo derivatio non improbabilis.

CAPUT XXI.

De Abrus.

Ex Arabia Felici in Ægyptum delata hæc corallini ruboris pisa, rectius in puellarum cultum; quam corporis alimentum cedunt. Ea cum Prospero Alpino Phaseolis omninò similia scriberem, nisi tum exiguus supra Crobi crassitiem habitus, & coactor in ovalem ambitum rotunditas discrimen aliquod inveniret. Tota verò coccineo colore decora non vidi; sed quâ parte folliculo nectuntur, splendido atrore maculata. Folia virgulis suis æquatis insident ordinibus, maximè quæ jam per-

perfectiùs adulta sunt, omniaque cœlestis caloris promum condum mirà conversione prosequuntur. Equidem ut noctu mediâ terram; sic in meridie culminante sole ἑρμνόσκοποι, sublatis alarum extremis cœlum spectant. Magno equidem argumento, perfectiora esse, quæ superiora: nec hominem ipsum ἀνθρώπον esse, nisi, cum ἀνάρροπος & supra humana sese erexerit, res alioquin (ut Seneca confitetur) contemptissima. Cæterum causas illius conversionis foliorum dudum proposuit sapiens Eresius, & nocturnæ quidem foliorum conversionis, ξυνίον, ἢ οἶον πηγνυμένον τὸ ὑγρὸν, coactum, & veluti concretum (à frigido) humidum: quo rursus a calore digesto atque expanso, paulatim dilatatio succedit. Diurnam autem foliorum inclinationem, in ἀφαίρεσιν ἔ ὑγρῶ, humoris detractionem refert. Eodem enim, inquit, convertuntur, quo humor radiante Sole provocatur.

CAPUT XXII.

De Mauz.

Mauzam hanc in pluribus Indiarum provinciis suaviter hospitari, satis recentiorum navigationibus detectum est. Quod Palæ arboris nomine antiquitus quoque cognita fuerit, cujus fructum Arienam appellari, plurimumque in Sydracis produci scripsit Plinius, facile juxta cum Clusio persuadeor: haud ignarus, regionum diversitatem, in ejusdem generis arboribus, cum fructus sapore, tum foliorum lineamentis insignem parere diversitatem. Folia tenella statim in longum & excelsum emicant, cannarumque Indicarum more prius convoluta, paulatim deinceps explicata solem admittunt. Eorum haud sylvo-fa multitudo est; gratissimus tamen viror. Latitudine communiter cubitum geometricum non superant: longitudine vel quater excedunt, adeoque singula in aprico quiescentium toti corpori tam umbram sufficere; quam adversus infectorum molestias operimentum præbere queunt. Nervo in longitudinem excurrente satis robusto sustinentur, à latere tamen ventorum affla-

afflatu concussa faciliè scinduntur. Florem observavi Lilionar-
cisso majorem; sed globosum, & Meleagridis instar extrema
foliorum substringentem coloreque ferrugineum. Hujus oscu-
lo commodum aperto, feminalem salivam depluere, vulgo qui-
dem persuasum est: abundè tamen compertum habeo ex iis
quas domesticus hortulus alebat Musis, etiamsi nondum ad flo-
rem pervenissent, actis in transversum radicibus sobolem pul-
lulasse. Fructui recenti non ea saporis gratia est, ut citra La-
conicum exercitium, aut condimentum Socraticum Europæis
valdè placeat: corticem tamen, qua parte pulpæ conjungitur,
floreæ Gelsimini fragrantia commendat.

CAPUT. XXIII.

De Sesban.

Sesban plurimis in villis præterfluentis Nili ripas amœnâ viri-
ditate prætexens, ex Memphi urbe Heracleam profici-
scentibus sæpiùs conspicitur. Rami diluto virore nonnihil ru-
fescens, asperitudine quadam ad contactum inæquales. In
iis folia virgarum latera pari ferè numero stipantia, si maturi-
or planta fuerit. Vidi truncum ipsum fruticis, raris brevibus-
que spinis aculeatum. Siliquæ feminibus inclusis prægnan-
tes, pro istorum numero, extinctis veluti locellis coarctatæ
sunt.

CAPUT XXIV.

De Sofera.

Figuram hujus plantæ duplici nomine vitiosam aliqui arbi-
trantur, quòd non servatâ foliorum æquali serie, impar
unum singulis ramorum apicibus folium inferat, quodque fe-
minum gerulas siliquas, non surrectas; sed pronâ gravitate pen-
dulas exprimat, eaque princeps inter Botanicos Honorius Bel-

lus notavit. Sed utriusque culpæ facilè & fidenter Prosperum Alpinum purgo. Quamvis enim frequentius paria sint foliorum agmina; interdum tamen adjectum extremæ virgulæ privum folium: imò in eadem planta & parem foliorum ordinem, & imparem observavi. Ut habeas sæpius ubi cum Marone canas,

amant alterna Camænae.

Sed & ubi ἀποισβᾶτον hoc succinas:

numero Deus impare gaudet.

Siliquæ cœlum fanè spectant. At nec hoc perpetuum est, cum cœlestis calor inæqualis dispensatio, humiditatumque modò copia, modò inopia, positum illarum permutet. Planta binos in altitudinem cubitos adæquat, & non rarò superat; siquidem solem, solumque conveniens nacta sit. Camerarius, Noribergæ suæ decus, Sopheram circa ramorum exortus rubentibus verruculis spectabilem in hortis aluit.

C A P U T XXV.

De Beid el Sfar.

Beid el Sfar peritioribus Arabum Medicis. Ossar simpliciter, & El Ufar dictum, fecundis quaquaversum radicibus actis numerosâ sobole terram hospitam occupans, plurimis jam Europæ locis satis vulgata planta est. Ejus hæc accuratiorem effigiem, cum fructu, qualem in temperatiore producit climate, subjungere placuit. Folia vides, stabili conjugio ex intervallis consociata, atque à latiore basi, in longum gracilesciente cono rotundata. Firma quidem illa sunt, ad Aloës tamen crassitudinem minimè deducta. Nec à tenerâ solum adolescentiâ senili canitie, & inspersis veluti pruinis cum virore albicant; sed etiam caule, ramis, nervulisque cunctis, acre & amarum lac ubertim effundunt: quod concrescens locis calidioribus, non saporis; sed candoris quadam similitudine Mann, & Saccar el Ufar appellatum fuit. Flores circa summos ramos glomeratim, non sparsim producuntur, sensimque porrectis





columellis umbellæ specie panduntur : quantumvis languente collo cernui terram respiciant. In his externa foliorum series obsoletiusque colorata, versus calycem reflectitur; reliquæ deinde rectiores, crocum suum vegetiori purpuræ miscent, eductisque sinu roseo staminibus apices minutos appendunt. Omnes apum deliciæ sunt, & odorantibus liberaliter inhalant, illa, ut cum Poeta loquar

ærei mellis cœlestia dona.

Fructus rectius Beid el Ofsar, non tam ovum quàm testis Ofsar dicitur. Equidem fervidiore sole maturatus amplior evadit, & cum socio suo camelorum testes pendulâ didymorum figurâ fatis concinnè refert. Subtexta feminibus lanugo celeriter ignem rapit, sericeæ mollitudinis. Externa fructus membrana, villis, & rariore veluti pube respersa videtur, quam El Scerà, & Sceràr Arabes nuncupant.

C A P U T XXVI.

De Achaovan abiat.

Non Agypti indigena; sed reliquis mediterranei maris littoribus cognita est hæc, cinereo tomento nobilis planta, totoque in levissimos pappos abeunte florum auro, vanitatis humanæ lepidum, & verum simulacrum existit. Proxima quidem flore Senecioni; major tamen, & in Ægypto fruticosâ potissimum altitudine conspectior. Ramulis brachiata pluribus, satisque firmis. Folia pariter ampliora, & profundioribus sinuata divisuris, vulgarem Artemisiam, quâ crassitudine, quâ viriditate superant, cinere quoque suo cum reliquis partibus exalbida. Quâ naribus placeat, non spirat halitus suavioris auram ullam.

CAPUT XXVII.

De Bammia.

Bammia obsitos passim agros circa Memphim urbem spectare licet. Adeò frequens ejus in cibis usus est. Planta quaternis quinisque cubitis erecta. Malvæ quidem cum folia, tum flores æmulatur, ab utrisque tamen aliquo discrimine sejuncta. Nam folia non sylvestris malvæ parvitatem, aut mollitiem præ se ferunt; sed ad contactum aspera, nonnihilque villosa, tum longulè excurrente petiolo subnixa. Cucurbitini folii magnitudinem propemodum assequuntur. Flos amplior est quàm sylvestris malvæ, quinque foliorum confessu productus, aureumque pallorem umbilici purpura distinguit. Fructus Cucumeri sylvestri non absimilis, radiato infidet calyci. Alibi decagonus; hic per quina tantum latera obtusius acuminatus est. Eum cum inclusis seminibus adhuc viridem jusculis incoquere vulgus consuevit.

CAPUT XXVIII.

De Melochia.

Tanta Ægypto ciborum ex herbis abundantia est, ut frugibus, quarum fertilissima tellus, propè sola carere possit. Inter vulgatiores herbas, & sponte suâ nascentes Corchorum quoque recenset Plinius, non illum, cui Anagallidis nomen, sed alterum, quem Alexandrinorum cibum, & præcordiis utilem refert. Hunc recentiores aliquot Botanographi Melochiam faciunt. Sed faciunt; non perficiunt. Antiquiores enim Corchorum Ocimo, vel convolutis foliis moro similem tradunt; quorum non nisi languidè quicquam in Melochiam convenit. Præterea Corchoro saporis insuavitas insignis fuit, ut etiam Theophrastus τὸν κόρχορον διὰ πικρότητά παραποιάζεσθαι, Corchorum ob amaritudinem in proverbium abire scripserit. Quam





notam ab hoc Ægyptiorum olere serió testor abesse; quos ne brassicam quidem ob amaritudinem comedisse, fatis ex Plinio notum est. Cæterum planta hæc ad cubiti altitudinem increfcit, caule tenuibus rarisque flagellis obsita. Folia circa laterum exortus corniculato quodam additamento recurvata sunt, quorum extrema in purpureum cinnamisque contortum filamentum attenuantur. Fructus verè Ceratoides, subluteis striis lineisque distinctus est. Ferculum ex decocta Melochia paratum omninò plebeum sapit, viscidum, gustui fatuum, nisi à multo (ut solet) limonum succo condimentum accedat.

CAPUT XXIX.

De Zatar hendi.

Zatarendi vel potiùs Zatar Hendi, Origanum Indicum apud Arabes denotat, non minùs odoram ob suavitatem, quàm virium præstantiam cum Ægyptiis tum Syris plurimùm expetitur. Effigiem ejus genuinam Alpinianæ huic subjungere libet, ex horto Illustrissimi Nicolai Contareni depromptam: quem virum si Reipublicæ Venetæ decus, ordinis amplissimi splendorem, generosi stemmatis ornamentum, & exemplar priscæ Virtutis dixerim, nihil incomparabili ejusdem humanitati, perexiguum memoriæ posteritatis, omnia veritati amorique largiturus sum. Adolefcit hæc eximia planta magnitudine pedali, caulibus rectis satisque firmis: cujus folia Amaraci habitudine tenella, mollique veluti lanugine respersa tactui blandiuntur. Rotunda quidem illa sunt, in conum tamen leviter coarctata, & excurrentibus in longitudinem fibris cum virore pallidula. Flosculos producit quamplurimos, niveo candore lactescens, qui per extrema caulium, inter numerosa foliorum capitula prominuli, onitidis Origani umbellam glomerato ambitu propemodum expandunt. Jam Satar hendi hoc, linguam gustantium aromaticâ nec injucundâ acrimoniâ perstringens. Creticum Origanum odoris vehementiâ superat. In fonticis capitis affectibus, cum sensuum motusque voluntarii nobiles

functiones improbâ mucedine vel imminuuntur, vel penitus obruuntur, eximiè opitulatur. Stomachi vigorem excitat, solutisque tetro veneno vitæ præfidiis, gratum & efficax auxilium affert.

CAPUT XXX.

De Felfel tavi.

Felfel hoc tavi, sive piper longum, à nonnullis Ægyptiorum Felfel rumi, id est, piper Romanum appellari, miratus utique prius fui, quàm certior factus sum, eos non à natali plantæ solo nominis rationem ducere; sed quia commeantibus huc Græcis, temperamenti frigidioris hominibus, vel ut condimentum in cibis, vel ut medicamentum in morbis præcipuè placeat, quos illi Romanos adhuc nuncupant. Est autem in maritimis Africæ locis planta satis frequens, ad binos ternosve cubitos altitudine producta: cujus effigiem, ut in fictili obviam habui, cùm ex Ægypto in Italiam contenderem, lubens exhibeo. Nascitur caulibus numerosis rotundis, juncea sanè specie; non eâ tenuitate quâ pictor eam expressit, sed crassitie ferè digitali. Cùm nonnihil increvit, promissis è caulibus ramis sylvosior pariter atque elegantior evadit. Iis incisus liquor emanat albidus, urenti piperis aut flammulæ acrimoniâ gustantis linguam impensius vexans. Folia promit, cùm temperatior anni constitutio, tenella, rara, vix menstruam ætatem ferentia. Diceres cum Iliadis conditore,

Ζεφύρεϊν πνεῖσα, τὰ μὲν φύει, ἀλλὰ ἧ πέσσει,

Imò ea res effecit, ut planta hæc à peritissimo Imperato, cùm ob succi conditionem inter Tithymalos referatur, tum ob foliorum tenuem rarumque proventum ἀφύλλος nominetur: quamvis non desint qui eam Xabram aut Camarronum Rhasis arbitrentur. Jam florem fructusque prestolabar, cùm diutius in mari sævientis hyemis injuriis victa planta succubuit. Flores alias in summis caulibus albicantes producit, exserto capitato tubulo insignes, quibus dilapsis, inclusa membranoso folli-

FELFEL TAVIL,
Piper longum Egyptium.

p. 290.



liculo femina supersunt. Caules ipsos jam arefactos, cum oppipare victurum, ferculis condiendis, Maurorum vulgus, adhibere consuevit.

CAPUT XXXI.

De Absus.

Exigua hæc, sed elegans planta, non eodem flosculorum decore prodit: quos & nivei producit candoris, & dilutione flavedine lactescentes. Nec circa summum tantum caulem; sed etiam inter foliorum exortum dispositos. Semen atro colore splendidum parvis includit filiquis cicerum æmulis, & caulem suum raris brevibusque spinulis innocenter obarmat.

CAPUT XXXII.

De Sesimo.

Ecerealibus quoque veterum celebre potissimum Sesamum, & Ægyptiis tum in cibo, tum in medicamentis usitatissimum est, quod cum reliquis frugibus, postquam arentes campos scatebris suis temperavit Nilus, celeri proventu surgens, filiquâ minimè fallaci cultorem suum locupletat. Folia caulem inferius circumdantia latiora sunt, & profundioribus incisuris ferrata, superiora vero integris oris angustius patentia. Florem educat magnitudine eximium, cujus folia reflexis labellis intus albida, exterius violæ colorem induta, tenuique resperfa lanugine vigorem ætatulæ suæ produnt. Siliqua non quaternis tantum, sed quinis etiam senisque lateribus angulosa, stellatum occupans calycem, oblongum illud, pingue, flavescensque semen inclusum custodit. Cæterum Sesamum, inquit Theophrastus, veluti Erisymum, ὅθεν ἄπτεσθαι δοκεῖ ζῶον, nullum videtur animal tangere, ob tetram saporis amaritudinem. Sed hæc

hæc de virescente scripsit Sefamo nobilissimus senex: non item eâ, quæ cœlestis caloris operâ maturitatem suam adepta fuit. Oleum feminibus expulsum, κατ' ἐξοχλῶ Zeid taib, id est, oleum bonum Arabes nuncupant.

CAPUT XXXIII.

De Culcàs.

Colocasiâ, quam Colcàs nominant Arabes, ut nihil apud Ægyptios notius, ita nihil inter Europæos βοτανοφιλόυντας controversiarum veluti senticeto asperius obseptum. Horum alii plantam hanc veterum Ægyptiorum fabam esse contendunt, cujus radicem Dioscorides, Athenæus, Pliniusque, clarissimi scriptores, Colocasiam olim appellatam prodiderunt. Atque huic rei argumentum adstruunt, foliorum in Ægyptia faba amplitudinem, quam Petafo Dioscorides, Plinius Personatæ foliis æquiparavit, Radicum item crassitiem harundinaceis majorem, quam antiquitas, ut hodierni Colcas radicem, καὶ ὠμλῶ, καὶ ἐφθλῶ, καὶ ὀπτλῶ, & crudam, & elixam, & assam, incolæ comederunt. Similes adeo facultatum temperamento, similes in paludosis Agypti locis proventu sunt. Alii Colcas hodiernum Ari speciem constituunt, non promiscuè quidem, sed illius, quod folia Theophrastus cava & cum latitudine Cucumeracea obtinere scripsit. Quod Plinius inter bulbi genera retulit, Scyllæ proximum, foliis lapathi amplitudine, cujus radicem ob mollitiem Naturæ vel crudam comedi testatus est. Et desunt Hercules Colcas illi hodierno tot notæ, quas constanter veteres fabæ Ægyptiæ tribuerunt. Nimirum arundinea, aspera, & ut Theophrastus loquitur, ἐπακανθίζεσθαι, Spinis subhorrida radix. Flos quàm papaveris amplior, & roseo colore saturatus, Caulis quaternis in longitudinem cubitis productus. Cum in hujus apice triginta veluti loculamenta in orbem disposita vesparum orbiculari favo non dissimilia, quæ prominentes leviter fabas complexa sunt. At deceptos in his omnibus notis veteres fuisse non faciliè mihi imponant recentiores.



tiores. Scio facem suam habere seculum illud priscum; sed & hoc nostrum obtinere suam spumam. Non vidi toto quod in Ægypto exegi quinquennio, vel Florem, vel fructum, qui veterum Colocasiam referret: ecquid propterea negem ullibi gentium reperiri? Paucis in villis juxta Memphin, Heracleam, Pelusium, Alexandriam, conspectæ sunt à Prospero Alpino, & à me, quas hic exhibemus, ex Ægypto plantæ. Hodiernum quidem Agyptiorum Colcas, Arorum generi lubentiùs adscripserim, sive plurium radicum concretionem μακρόρριζον, & ampliatum; sive simplicius sit, & bulbacea rotunditate σπογγυλόρριζον appareat: potissimum bulbaceum hoc, quod radice, folliculo, fructu Aro montano, foliorum item immaculato virore, Aro vulgari par est. Nec facultatum ulla hic contrarietas: languidior tantum Ægyptio Colcas acrimonia, quam & montaneum illud Arum coctione deponet universam: nec tamen hoc qualitatem leve deliquium specierum diversitatem parit.

Ad Cap. 33. De Culcas florido.

Ægyptiis Colocasiis hanc quoque subjungamus, quæ inopinato partu in Prosperi nostri Alpini horto facunda, bulbaceo ventre prætumida, eximium cultorem sobole rarâ, sed caducâ plusculum exhilaravit. Mirabantur illi Floræ candidati è sterili nymphea progerminantem caulem, asparagi habitudine, teretem & in rectum emicantem, læto virore foliis circumpositis supparem. Apice in folliculum dilatabatur, à laxiore fundo sensim adstrictum, qui bidui spatio in longum dehiscens, inexpectatum curiosis oculis fructum exposuit, non tam vulgaris Ari pistillum, penicillumve, quam Ari Ægyptii minoris thyrsus, aut Arisari progeniem caudato imitamento exprimentem. Longitudine digitum minorem vixdum excedebat, crassitudine macropiperis modum acquirebat, candido pigmento decorus, & semineis undique velut rudimentis obsitus fuit. Cæterum ut repentinus fuit exortus, sic abortus. Jam enim triduum inter spectantium plausus exegerat, quando lethali correptus marcore cum indumento suo periit, nihil cultori præ-

ter acre sui desiderium relicturus. Visus & Neapoli, & Pisis hospes hic rarissimus: sed ostendit se tantum terris, nec ultro esse potis. Causas, cur in Ægypto nec florem nec fructum det hæc velut iratâ Lucinâ producta planta, diligenter in Exoticis disputat Prosper Alpinus; quem operæ est adire ipsum, ne aliena scrinia compilasse videar.

Ad idem Cap. De Culcas.

Arum hoc Ægyptium exiguum, & temperamenti harmonia, & partium omnium conformatione præcedenti Colocasiæ cognatum, quidni huc inferamus? quod in hortulo integerrimi viri Cosmi Nerii Venetorum Pharmacopæi cultum, sæpius in urbe Cayro inspexi. Radice fundatur bulbaceâ, nucis Ponticæ mediocris amplitudine, quæ fibris tenuibus, copiosis, in terram nutricem demissis, prompto germine ad vota coloni sui properat. Caulem erigit altitudinè ferè do-drantalem, albidum, crebris veluti lentiginibus maculosum. Eum folia complectuntur bina numero, vix ab Ari habitu quicquam mutantia; non lacteis Arisari venis insignita nec lituris nigricantibus fugillata; sed simplici cum nervulis viriditate decora. Caulis tandem paulò erectior in vaginam panditur membraneam, Ari involucro similem, quæ paribus in longitudinem intervallis albis luteisque radiis elaborata conspicitur. Hac reclusâ fructus apparet, penicillo canino haud absimilis, internè ventricosus, sensim tamen versùs apicem gracilior. Albo perfusus est colore, sed quem circumsparsa thyrsos seminea veluti inchoamenta non parum luteo suo obliterant. Qui fortè radices afferebat hortulanus, eas non minùs quàm Colocasiarum edules, & acriùs etiam pervigilem Veneri suæ debentium opus promovere adseverabat.



CAPUT XXXIV.

De Nufar.

Inter Iridis Osiridisque complexus natum speciosum illud Nuphar, Ægyptia Nymphæa, celebris vetustissimorum auctorum scriptis, Nilotica Lotus est. Ejus hic effigiem, quæ compendioſo ambitu radicem, folia, florem, fructumque præſentet, haud immeritò exhibendam arbitratus ſum. Proſper Alpinus eandem facit cum Europæorum Nymphæa. Differt tamen cùm à lutea majore, quæ radices in longum porrigit, tum ab alba illa vulgatiùs cognitâ, foliorum paulò contractiore magnitudine, & quod oras habeat levibus illis quidem, ſed latis incifuris excavatas. Nervulis item copioſioribus per-texta: tum ſemina capiti papaveraceo incluſa, quam vulgaris Nymphæa magnitudine conſpectiora poſſideat. Quæ res facile præſcos excuſet Botanographos, qui Niliacam hanc à reliquis Nymphæis ſejuxerunt. Qui florem, folia, radicem (prout nativâ magnitudine exſurgunt) curioſo dignatur aſpectu, Proſperi Alpini exoticis manum & oculos admoveat. Olim Ægyptiaci hujus Loti flos, ut auctor eſt Heliodorus, triumphantium coronis intexebatur. Hodie expreſſus floribus & capite contuſis ſuccus Saccharo miſcetur, quod Arabes Sarbet Nuphar appellant, inſigni tum refrigerandi tum humectandi vi præſtans. Sarbet autem à ſerab vel ſerob deductum, communi nominis ſignificatu quodcunque poculentum denotat: ab his quoque ſerapii & ſirupi vox, in uſum ſalutaris ſcientiæ, proſecta. Paratur Sarbet ſaccharo in aqua diſſoluto, quod evaporante ſupra ignem liquore, cùm ad eam ſpiſſitudinem rediit, ut concreſcere denuo frigefactum queat, remoto jam ab igne ſub concretionis initium ſenſim Nymphææ probè depuratus admiſcetur ſuccus: ea tamen moderatione adhibita, ut largiore humiditatis acceſſione coalitum non impediât. Eundem in modum ex limonum, citreorum, roſarum, & violarum ſucco cum ſaccharo Sarbet ſuum concinnant, cui lautio-

ris fortunæ homines, sub hyemem, aromata suaviora, am-
bramque permiscent.

C A P U T XXXV.

De Stratiote.

Jam sexennium est, cum ex Ægypto in Palæstinam iter ha-
berem adversantibus navigationi ventis in Pelusiaco portu
subsistens. Admiratus ex animo cultum amœnitatemque
loci, omnia Nili sui beneficio possidentis, quibus provocet, ut
cum Marone loquar,

— — — — — *amœna vireta*

Fortunatorum nemorum, sedesque beatas.

conspexi in stagnantibus circa proximas villas aquis plantam
hanc, cujus Iconem Alpiniano Haij alem el maovi, id est,
sempervivæ aquatico, subjicio. Eam quoque veterum Botani-
corum Niliacam Stratiotem esse, abunde notis omnibus confir-
mamur: quamvis foliorum lineamenta diversam præ se ferant fi-
guram. Hæc Aizoo quidem, sed majori illi, & arborecenti si-
milia diceres, ni majora multo forent, pariterque latiora. Sur-
recta pleraque videntur roseoque confessu stipata, & citra malæ
ætatis dispendium plicis in longitudinem rugisque non inelegan-
ter crispata. Circa exortum, ut solet, angustiora folia, pau-
latim deinceps dilatantur. Extremorum altero non in acumen
exeuntia; sed reflexis leviter oris plusculum diducta sunt: cæ-
tera dilutiùs virescentia verbasci instar utrinque molliter hirsu-
ta; quod in Icone pictor haud expressit. Flores, cum Pelu-
sium transirem (præceps enim jam mensis Julius erat) non ob-
servavi. Planta tota sessili basi Nilo incubat, &, ut loquitur
Anazarbeus, ἐπινύχεται τοῖς ὕδασι χωρὶς ῥίζης, innatat aquis citra
radicem: quamvis radicum vicem demissa terram versus te-
nuissima fibrarum veluti filamenta sustineant. At nomen ipsum
Stratiotis, potiùs ab eximia sanandorum vulnerum efficacia,
quam nascendi conditione sortita fuit.

STRATIOTES
Egyptia Dioscorides.

p. 196.



CAPUT XXXVI.

De Papyro.

Imò hæc nobilis illa biblus, quæ vitæ humanitatem, ingenii præclara facinora, famososque mortalium labores, victuris chartis memoriæ quondam posteritatis reservabat, quæ ante repertas fruges Ægyptiis alimentum, stragulas, navium contextum, vasorum utensilia, florem ad coronandos Deos, & calceos horum sacerdotibus præbebat. Hodie ob strenuam incolarum inertiam, aliunde advectis chartis, Ægypto natales tantum suos, non æstimationem debet. Affurgit ab arundineis fibrosisque radicibus circa Nili stagnantis ripas, caule numerofo, triquetro, non raro septem cubitorum mensuram speciosâ proceritate cum æquante, tum superante. Folia circa utrumque scapi extremum, inferius ampliora, Sparganii, Cyperive instar repanda, supernè minora, quæ radiatum veluti calycem innascenti jubæ subjiciunt. Plinius caulem in gracilitatem fastigiatum, thyrsi modo cacumen includere scripsit. Theophrastus ipsi *κόμην* tribuit *ἀχρεΐαν ἢ ἀσθενή*, comam inutilem, debilemque, si reliquis cum partibus in comparationem descendat. Utrumque tamen obtinet. Nam & denso tot staminum ordine stipatum caulis fastigium cæsariem exprimit, & circa summum hujus prominuli florei apices, quas pictor non adumbravit, obligatum circumplicatâ hedera thyrsus effingunt. Radix velut in usum ligni olim cedebat, sic tomentosa caulium medulla, in niveum reducta gluten, phylisque porro tenuissimis compacta, chartam virginem scriptoribus exhibebat.

CAPUT XXXVII.

De Cypero.

Cyperī plures species, & antiquis cognitæ fuerunt, & recentiorum industriâ porro indagatæ sunt. Hinc præter radicū longitudinem & rotunditatem, foliorū latitudinem vel angustiam, saporis quoque tum amaritudo, tum dulcedo, odoris fragrantia, vel absentia, radicū item in cibis aptitudo vel ineptitudo, discrimen aliquod invexit. Sed rotundior ille, ampliorque de quo hic Prosper Alpinus, potissimum *κυπερος* nomen universo generi tribuit: quem, si tam saporis acumen, quam odori halitus suavitas commendet, non dubitant Antidotis miscere valetudinis humanæ providi tutores. Dioscorides optimam Cyperi radicem innuit, quæ è Cicilia, Syria Cycladibusque petebatur. Plinius non sine manifestâ intellectus confusione Cypirum à Cypero distinguens, Ægyptium hunc, inter laudatos Cyperos infimæ classis esse scripsit: quod ipsum tamen eximiæ ejusdem vires, & in obviis sensui qualitatibus præstantia facile convellunt. Vidi his quoque locis cum Abdelavi feminibus sæpius venum circumferri Cyperi minoris edules, & avellanæ magnitudine dulces radices, quas Arabes Hab el felim nominant. Plantam ipsam Ægyptiam Theopraستي Malinathallam, seu Anthalium Plinii arbitrantur: quamvis in amœno Veronensium agro sedem pariter natalem invenerit.

CAPUT XXXVIII.

De Chatè.

Vulgatius Abdelavi genus, & in cibis magis consuetum, non rarò insigni magnitudine adauctum in villis Ægyptiis deprehendi. Quâ parte ramo suo fructus adhæret, anguino flexu prius incurvatur, sensim deinde ventre gravido intumescens, versùs alterum extremorum denuò gracilescit. Sulcis tenuibus



bus in longitudinem interdum exaratus est, cortice molli, tenui, maturoque jam fructu rufescente; non eâ saporis gratiâ, ut lautiorum aliquis mensa ipsum dignetur. Liqueor Batechæ el maovi sensim à maturitate colliquata intus medulla colligitur, quem perforato cortice effusum, percolatum, saccharoque mixtum, æstuantibus avidè hauriunt, non sine ventriculi, & jecoris evidenti noxa, si quis eum immodestiùs ingerat, ob refrigerandi, quâ pollet, vehementiam. Prosper Alpinus Herniam, id est, Hydrocelen, sive aquosum scroti testiumque tumorem producere, non sine ratione scripsit. Frequentissimum aliàs hoc morbi genus Ægyptiæ plebi, ob Nili turbidioris usitatum potum, cujus aquæ copioso permixtæ nitro, quâ penetrando, quâ laxando, valetudinis hoc incommodum accersent. Sed & promptum eidem remedium est, adactis per membranas scroti & testium phlebotomo, aquas conceptas compressis hisce partibus elidere, post temporis aliquot intervallum redituras: atque hæc passim in balneis publicis aguntur. Meliorem affectus curam per medicamenta instituunt Arabes, præmissâ tamen adustione per cylindrum lineum, circa cervicem & principium scroti administratâ. Sed hæc alibi explicatiùs persequemur.

CAPUT XXXIX.

De Cucumere Ægyptio reticulato, seu Luffa Arabum.

Esculento cucumeri, quem Chatè nomine descripsit Prosper Alpinus, alterum addo, cibus quidem inutilem, partium tamen omnium elegantiam spectatissimum. Arabs, in cujus horto propè Cairum urbem crescebat, Luffam appellabat; mihi mirabilem ob plexum, quo femina inclusa circumdat, Cucumis Ægyptius reticulatus nuncupandus videbatur. Semina ad inclytum heroem Nicolaum Contarenum à me transmissa, in ejus non rusticæ, sed plus quàm urbanæ Floræ amœnissimo pandocheo, plantam dederunt, quam hic expressam contueare. Foliis induitur hispidis, fuscâ viriditatem pallore hinc inde

inde diluentibus: divisuris inæqualibus profundius laciniata, Bryoniæ, vel Balsaminæ potius folia mascula æmulantur. Florem educat amplum, specie venustum, languidam flavedinem, striatim inducto aureo pigmento, largius circum oras saturantem. Idem stamina capaci sinu plurima submittit, quibus appendices grandiusculos flaventesque connectit. Cæterum instructa numerosis capreolis planta, quaquaversum reptabunda, proxima quæque cincinnis suis implicat: fructum promit semipedalem, ab angustò collo paulatim laxius tumente ventre gravidatum, superficie modò lævior, modò tuberculis passim verrucosior. Cortice velatur tenui, ex obscuro virore pro maturitatis gradu plus minusve flavescente. Eum vel nulli, vel tenues saltem excavant sulci: in longitudinem tamen atris lineis eleganter inscriptus, à colli principio ad umbilicum veluti centrum suum commeantibus. Cùm fructus benè maturus, cortice remoto, innumera in conspectum veniunt albicantia filamenta, succosiore medullâ stipata: miro adeò ordine contexta omnia, ut planè fateri necessum sit, non esse hoc rude, & tumultuarium opus; sed quod egregius artifex cogitaverit prius, quàm fecit. Idque evidentissimum evadit, cùm quis tabefactâ jam pulpâ simplicem plexum inspicit. Sinum plexus hic triplicem efformat in longitudinem, in quo semina copiosa, candida, cortice nonnihil inæqualia, lactescente verò medullâ Melonum æmula junctim asservantur. Usus hujus fructus barbaro possessori satis exploratus non erat. In balneis tamen publicis, dempto cum semine cortice, plexum filamentorum succo suo madidum tergendis corporibus adhiberi confirmabat; quorum cutem Morphæa fœdæque vitiliginis infederunt, malum Ægyptio vulgo familiare. Reticulum ipsum qui diligentius tractaverit, lini macerati nerveis veluti fibris præditum agnoscet. An igitur, quemadmodum Æthiopes, & Indi, auctore Theophrasto, è laniferis arborum pomis, aut Arabes (ut subjungit Plinius) cucurbitis in arboribus genitis, lina parabant; ita ex hac plexu decenter arefacto malleo stupario confuso corticatoque simile fieri potuerit haud negaverim.





CAPUT XL.

De Neiem el Salib.

GRamini crucis, stellatum hoc Ægyptium adjungo, non minùs elegantia, quam viribus, generisque societate eidem cognatum, quod circa Heracleam oppidum sive Rossetum primùm conspexi. Assurgit altitudine pedali, culmo rotundo, geniculorum aliquot internodiis distincto, circa quæ angusta satis, & in acumen attenuata folia producit. Fulcitur radice firmâ, candicante, & ipsâ geniculis aliquot, quæ pictor haud delineavit, nodosa; subdulci quadam acrimoniâ gustum perstringit. Calami in quinas senasque paniculas dirimuntur, longitudine dispares, Ischæmo gramine breviores quidem, sed longè densiores, Aversâ facie in longum excurrente validâ carinâ, & porrectis à latere statuminibus muniuntur, quibus squamatim compactilis spicea florum congeries, virore flavescente renidens superiùs instrata est. Congenera itaque hæc gramina sunt. Nec mirum ullum, in stellas aliquid abire posse, quum crucem tulit. Usus item medicum eundem obtinent: quamvis calculis intra vesicam duratis frangendis vires pares non possideant. Qui lapidosum aliàs vesicæ synagma citra sectionem eduxerit, ut alibi Prosper Alpinus scripsit, in magna Ægyptiorum Memphi, quamvis curiosè inquisiverim, neminem deprehendi. Hominem tamen religiosum à monte Sinai, calculos extra vesicam in urethrâ subsistentes, compressâ supposito digito vesicâ, & meatu urinario per immissum anserinæ pennæ tubulum validè inflato, eosdem extrorsum propulisse, ab ægris ipsis acceptum satis & cognitum habeo.

De Scorsonera Orientali.


Selectioribus Orientalium plantis hanc etiam accenseas licet raram nobilemque Scorsoneram, in Palæstina ac finitimis

Ægypti nascentem: cujus femina ad Illustrissimum Nicolaum Contarenum à me curata, sub tam splendido cultore dicam, an floræ voluptatis promo, alteroque hujus seculi Alcinoο felici partu germen exoptatum excluderunt. Radice sustinetur, ut reliquæ Scorfoneræ solent, longa, simplici, quæ pollicis crassitudine vix diductior, crebris rugis sulcatum corticem atrore quodam obfuscatur. Candida tamen intus est, quumque recens, lacteā ubertim alimoniā diffundit. Exsurgit à radice caulis singularis cubitum altus, gracili quidem habitudine, sed firmā, quem circumstant rara, oblonga, gratum virorem cæculo cœlesti permiscencia. Horum inferiora latiora sunt & ampliora, circum oras leviter sinuosa, tum quinque in longitudinem exeuntibus nervis distincta, superiora magnitudine & æquatis sensim oris contractiora cernuntur. Cauli flos insidet pulcherrimus, suaviter odoratus, scutati nummi ambitu dilatatus saltem hyemem asperiores expertus non fuerit. In eo duplex foliorum series in stellam radiosve digestorum, quæ candorem suum purpuræ miscent. Circa umbilicum saturatior purpuræ splendor est, è quo per longitudinem foliorum ad extrema leviter ferrata, coloris ejusdem crebræ lineolæ ducuntur. Erigitur ex umbilico floris tutulus purpurâ suâ decorus, à basi versus cacumen frequentibus plicis adstrictus. Hunc circumstant ex intervallis duodena, vel etiam plura vallorum statumina, ex cæruleo nigricantia, quorum extremum aureis capreolis utrinque retortis exornatur. Flori calix subjicitur oblongus squamatumque compactus, quo semina pariter oblonga molli potius copiosâque lanâ, quàm pappo involuta reconduntur. Cæterum, plantam ipsam Europeis Scorfoneris alexipharmacâ virtute minimè secundam esse, crebris gravissimorum hominum experimentis, abundè patefactum est.

De Datura Ægyptia.

Solani varias species passim in Ægypto observare datur: nimirum Somniferum illud vulgatius, quod à baccarum forma nonnullis *σρύχνον μελανοκέρας* dicitur: tum alterum Fruti-







cosum, quod Stychnodendrum, & Amomum Plinio nominatur: tertium item pomiferum, diligentius in hortis excultum, cujus fructus oblongus, durus, ob suavitatem inter cibos Ægyptiis receptissimus: quartum denique, de quo paucis hoc Capite Prosper Alpinus, cujus fructum ex communi sententia, Nucem Methel, plantam ipsam verum Dioscoridis Stramonium, pronunciat. Viri Clarissimi, ad seminis vim deliram pariter ac stupefactoriam respicientes, Solanum maniacum Theophrasti, & Hippomanem Cratevæ nuncupant, ab Ægyptio vulgo Datura vel Tatura appellatur. Ramum ejus, quem in Exoticis jamdudum expressit Prosper Alpinus, hîc quoque subjiciemus. Eum ab Illustrissimo Nicolao Contarenò acceptum, tanti fecit vir humanissimus, ut plantam hanc tam eximii Mecænatis nomine Daturam Contarenam vocaverit; probè sibi confcius; eam decentius, quàm olim titulis Regum flores, hoc nobilissimo nomine inscribi,

*Quod non imber edax, non Aquilo impotens
Possit diruere, aut innumerabilis
Annorum series.*

Ut Lyrici verba ferio usurpem. Fundatur itaque Datura longâ crassaque radice, quæ subrubro perfusa colore, odorantium capitibus gravedinosum Meconii halitum inspirat. Surgit ab ea caulis singularis; sed amplius, ramisque plurimis porrò diremptus. Vidi quaternis, quinisque ferè cubitis adultum, totum rotundo schemate, violæ obscurioris ornatu splendide coloratum. Folia longis pediolis insistentia, virorem suum nigredinis aliquâ misturâ obscurant: quorum inferiora producta amplius, magisque dilatata, variis utrinque divisuris inæqualiter exasperantur. Florem producit, non vulgaris elegantiae specimen, unicum odoræ suavitatis in tota plantâ compendium. Hunc dentato calyce enixum, ab angustiore cervice, medioque turgidulo ventre, tubuli instar sensim diducit. Foliis constat modò simplici, duplici modò, imò & triplici: quamvis hoc alterius additamentum videatur. Externâ facie purpuræ decorem induunt, internâ lacteo candore largiùs perfusi flores: omnium hoc proprium est, ut resupinatis labris in lacinias ali-

quot dirimantur, quæ retortis sensim oris collectæ, velut in caudas attenuantur. Fructum edit plus minusve rotundum, spinoso horrentem cortice, nonnunquam innoxia scabritie æquabilorem, qui semina copiosa, flava primum, tandemque pallescentia complectitur, quorum tantum rudimenta dempto cortice pictor in icone præsentavit.

De Hyoscyamo albo.

Hyoſcyamus albus Ægyptius, quem vulgari diſſimilem planè figurâ tradidit Proſper Alpinus, ipſus idem eſt, cujus hîc effigiem ex ejuſdem Exoticis depromptam exhibemus. Naſcitur cum Hyoſcyamo luteo juxta Pyramides Ægyptias, non minores illas, (quarum plures viſuntur) ſed majores tres circa Memphin urbem conſpicias, immenſi laboris opera, & quæ non vanè Plinius regiæ pecuniæ vanam & inutilem oſtentionem judicavit. Exoritur à radice plerumque ſimplici, per fibras tamen craſſiores variè diditam, caule ſæpius unico, nonnunquam geminis ſurrectis, gracilibus quidem, ſed firmis. Hi pluribus deinde ramulorum brachiis multiplicantur, quibus mollis inſperſa lanugo canitiem ante ſenium addit. Per caules hinc inde ſparſa ſunt folia oblonga, ex mediocri latitudine in acumen deſinentia, vulgaris Hyoſcyami foliis longè minora. Hiſ pariter ex denſata veluti lanugine albicans tomentum, à pictore vix exprimendum, inſtratum eſt, oræque crebris inciſuris, dentium æmulis, propè medium inumque caulis, ferratæ videntur. Flores circa ſummos caules, è caliculis ſuis emergunt, paulatimque ab anguſta cervice latiores, quina labella blandum in riſum diducunt. Exteriùs ſimplici candore nitens, interiùs admixtâ rubro flavedinis portione variègati. Dilapſis floribus, calycis hæredes ſemina ſuperſunt, alba, & puſilla; ſed quæ humorum, ac potiffimùm ſanguinis impetum per venas uteri, ventriculi, pulmonum, efficaciter coërcent: dolorem item meningum, pleuræ membranæ, tum coli inteſtini graviffima tormenta, mitigant.







De Myrobalano Chebulo.

Myrobalanos si non invenere primùm, saltem vetustioribus Græcis incognitos, primùm Europæis patefecerunt Arabes, sive eos ipsi possiderent, sive aliunde facto cum exteris commercio reciperent, atque in usum artis Medicæ transferrent. Qui Ægyptum hodiè incolunt Arabes, cùm aliis mercibus per sinum Persicum & Erythræum advectos, ab Indis Orientalibus nanciscuntur. Errant qui tot myrobalanorum genera unius arboris fructus arbitrantur. Quamvis enim tam arbores, quàm myrobalani ipsi habeant, quo prunis conferri possint; ingens tamen in foliis discrimen, cum alia lauro, persico alia, alia falici, sorboque comparentur. Sed major è myrobalanis Chebulorum æstimatio, quos è Bisnagar, Camboia, Bengala navitæ frequentius advehunt. Horum arborem in Cayro urbe non procul à vico Veneto, in Beii cujusdam Turci viridario sæpius inspexi, quem horti præfectus Dileg el chabul nominabat. Rami ab eo decerpti effigiem, accuratè satis delineatam, hîc contempleris. Adolescit autem arbor speciosa magnitudine, pruno vulgari longè conspectior, cortice lævi & pallidulo, materia verò caudicis albicante, nec insuaviter odoratâ. Ramos exinde porrigit densos, longitudine proceros, ad flexum ut obsequentes, sic contra vim externorum contumaces; in latera potius sparsos, quàm in directum exeuntes. Spinis armantur longis, peracutis, firmis, perennantibus, quorum horridum agmen adsita propius folia plurimùm obumbrant. Horum verò bina communi petiolo insidentia conjunguntur, à pressula rotunditate obtusius acuminata, nihil Persicæ foliis, (quæ vulgo chebulis tribuuntur) figuræ cognatione devincta. Crassitudo illorum mediocris est, è quibus quæ situ inferiora, superioribus ejusdem rami majora sunt, intactis oris, secus quàm in Prunis & Armeniacis obtinet, nullas incisuras admittentia. Fructus Chebulis Indicis simillimus existit, eximiâ magnitudine, à tenui cervice angulosum in ventrem diductus, &

ex atrore quodam rubeus. Medium ejus nucleus obtinet oblongus, striis & canaliculis elaboratus; cujus succulenta circumfusa caro, non injucundo sapore palatum afficit. Cæterum saccharo conditos hosce myrobalanos Byzantium mittebat possessor, quorum vires caput, & ventriculum, quâ purgandi, quâ corroborandi, non immeritis laudibus extollebat.

De Cassab el darrir'.

Huc referre libet plantam Cassab el darrir' dictam, quam Lib. 2. Cap. 7. Exoticorum, sic describit P. Alpinus. Nascentur hæc planta, ut relatione accepimus, in Ægypti locis humidis; etsi nos eo tempore, quo in ea provincia morati sumus, planè latuerit: non minùs etiam in Judæa juxta lacum Genesareticum vocatum, & in Syriæ multis locis. Semicubitalis, & amplior frutex est, ferens ab radice caulem longum geniculatum ferè, ex toto rotundum, cavum, intus habentem medullam albam, ut Sambucus, colore fulvescentem, ex eoque ex opposito ramuli exeunt recti, geniculati, è quibus geniculis in cauliculo utrinque duo ramuli exeunt subtiles flores ferentes, magnitudine & figurâ florum in lutea Lysimachia, a quibus succedunt parvi folliculi, oblongi, in acutum desinentes, nigri, semen nigrum & minutum continentes; folia verò bina in singulis caulium geniculis utrinque ex opposito posita cernuntur, oblonga, lata, inferius in acutum desinentia, sine petiolis adherentia, cernuntur Lysimachia foliis similia; sed minora tamen. Radix est crassa, longa, in acutum terminans. Hæc planta videtur similis ex toto luteæ Lysimachiae. Caules istius plantæ crassiores non superant crassitiem digiti minoris, intusque cavitatem plenam habent medullâ, ut in Sambuco, quibus caulibus siccescentibus medulla ipsorum plurimum siccata, ut calami cavi evadunt, fulvescunt colore, sunt geniculati, facile franguntur, intusque habent medullarem substantiam albam, quæ in ore agitata lentescit, inodori sunt, vel exigui admodum, neque ingrati, præsertim radix: lignum cum aliquanta acrimonia est amarum. Quibus notis ex toto caules ii crassiores cum convenient cum Calamo aromatico à Dioscoride descripto,







scripto, haud injuriâ omnes Ægyptii, & Arabes iis caulibus, calamis ferè ex toto similibus, pro calamo aromatico usi sunt, ac vel etiam nunc utuntur. Hosque calamos appellant Cassab el darrir: ubique locorum in medicis officinis venales reperiuntur.

In Italia, Germania, Gallia, & in aliis provinciis non pauci Medicorum, & Pharmacopæorum, mordicus tenent hos caules esse legitimum calamum, ad medicinæ usum recipiendum. De quo cum accuratè scripserimus in Quinto libro de Medicina Ægyptiorum ultimò edito, nihil hîc aliud dicemus.

De Ab el mosch, seu Mosch Arabum.

Planta feminis odorati fragantiâ Moschum provocans, inter Ægyptios hodiè satis nota, Ab el mosch, & simpliciter Mosch, non Bel mosch, semen autem aspiratione adaucta Hab el mosch, granum moschi ab Arabibus nuncupatur. Surgit à radice multiplici copiosis quaquaversum venulis diffusâ, caule singulari, amplo, surrecto, cubitalem mensuram altitudine consueta facilè superans, qui juxta cum ramulis suis rotundus, ab ipsa protinùs infantia, albicantibus veluti pilis hispidus canescit. Folia impari magnitudine, ad contactum asperæ, Bammiæ foliis non tantum majora; sed profundioribus etiam laciniiis circum oras & frequentibus sinuosa. His flores succedunt aureâ flavedine decori, quin in stellam divisis foliis radiantes, productis sinu staminibus appendices aureos adjungunt. Floribus tandem fato rerum cedentibus feminum custodes capsulæ sese proferunt, rotundum ambitum inductâ nigredine obfuscentes: in quibus illa tenuem suavissimumque spiritum prodigè exhalantia spermata conservantur: pusilla quidem, sed compacta, quæque in sinum utrinque recurvata, levi amaritudine gustantium linguam imbuunt. Quis usus esset gratissimi feminis, haud satis compertum erat barbaris hominibus, qui id sæpiùs, & copiosè mihi deferebant. Hoc interim abundè constabat, feminis leviter exsiccati pulverem Caovæ misceri, ut roborandi capitis, ventriculi, cordisque majorem ac-

cui-

quireret efficaciam. Sarbetis etiam intemperari salubri effectu, ab iis, quibus sumptuum tenuitas ambræ moschive usum denegavit. Alii muliebribus impliciti curis, semina contusa vestibus intra bombacem infarciunt, ut suavi illo, si quis

Pator inhærescit membris, reprimatur odore.

De Brassica spinosa Ægyptia.

Eximiam, aculeisque suis armatam plantam à P. Alpino Lib. 2. Exotic. Cap. 10. Brassicæ spinosæ nomine descriptam, non immeritò hîc inferimus. De qua hæc tradit. *Alias cum in Ægypto essem credidi Brassicam spinosam usque ex Æthiopia delatam fuisse, sed cum à quodam stirpium studioso audiverim sponte natam, & in Ægypto, & Judæa, & in Syria conspectam fuisse, in eam veni sententiam; istam plantam Ægypti, & terminarum provinciarum esse propriam. Hanc, dum viridis est, decoctam ex aqua Indigenæ comedunt. Mibi etiam postea quam ex Ægypto patriæ restitutus Venetiis ad medicinam faciendam commorabar, ex seminibus ab Ægypto procuratis, hæc planta, & nata, & feliciter aucta est, atque eò usque etiam, ut flores produxerit, fructus verò perficere non potuit. Hæc planta crescit cubitali altitudine, & ampliori etiam, multis ramis ab una radice fruticans, longis, rotundis, mollibus, brassicæ colore crassis, & firmis, à quibus innumeri alii cauliculi exeunt in alios ramulos, plures angulos ferè facientes, divisi: in cauliculorum summitatibus fiunt plures tenues albæ spinæ, acutæ, juxta quas flosculi fiunt hyacinthi floribus similes in rubrum albicantes, quorum unus solum in ramo singulo visitur: à quibus fiunt fructus rotundi parvi, ciceris fructuum magnitudine, in acutum desinentes, qui dum recentes sunt gustui non videntur injucundi, sed siccati lignosam duritiem, & duram contrahunt; intus colore albicant, & exterius flavescunt. Hæc planta est foliacea, ut brassica, multa folia ferens ab radice, & à caulibus, longa, crassa, brassicæ foliis similia, quæ dum viridia sunt videntur similis ferè saporis, & gustus esse. Folia, ut dictum est, dum verescunt decocta ex aqua, aut jure gallinaceo ferculi modo comedunt, atque etiam non minùs cruda itidem folia cum sale. Mibi ignotum est, an apud ipsos alios usus habuerit.*

De



tantum, sed plures numero, interdum etiam pauciores, longitudine pariter inæquales. Eorum singuli florem exhibent, tenui viridique calyce fultum, non uno, sed quatuor foliorum concursu productum. Assurgunt gracili, sed in longum porrectâ cervice, inter se disjuncta folia: paulatim deinde ampliata, duobus veluti segmentis, currente per medium obsoleti coloris lineola compinguntur. Circa cervicem exortumque sensim violaceo colore imbuuntur, reliquo tamen corpore suaviter olida, lacteo nitore candent. A producto flore virgula protenditur, quæ rursus flabelli instar quinque senisque staminibus, spadiceo colore tinctis, dividitur, quibus aurei tandem appendices annectuntur. Inter stamina singulari pedamento siliqua dependet, teres, exilis, utrinque in acumen attenuata, quâ semina perexigua, rotunda, nigricantia Lupino sativo qualitatibus dispositione cognata, servantur.

De Sinapi marino Ægyptio.

Non vegetabilibus, sed numinibus olim Ægypti annumeratum Sinapi marinum, Lib. 2. Exotic. Cap. 19. hunc in modum P. Alpinus expressit. *Plantam nobis ex seminibus ex Ægypto delatis natam in horto habuimus, quæ ex una radice longa, gracili, lignosa, alba, caule unico, vel duplici, assurgit, rotundo, rubescente, pingui, macropiperis crassitie oblique sursum, & non rectè in aërem actò; qui hinc inde inæqualibus intervallis fert alios cauliculos in apice habentes flores cæruleos, ut in leucoiis, parvos, à quibus deflorescentibus, succedunt siliquæ, parvæ, tenues, oblongæ, in acutum desinentes, quæ habent minuta semina rotunda, gustui accerrima, ad rutæ odorem inclinantia. Folia hæc planta habet pauca, longa, & lata, utrinque foliolis oblongis, ordinatis, quinque, Senecionis, aut Cinerariæ modo crenatis, crassis, pinguibus, & succosis, Crucæ colore, & quandoque rubescentibus. Tota hæc planta valdè acris est, & ad erucæ odorem aliquatenus inclinare*







nare videtur. Similis nobis visa est erucæ marinæ Myconi, sed tamen ea non est, quoniam habet folia majora, & nihil in gustu amaritudinis præbet, sed solum acrimoniam, quæ non rutæ esse videtur, sed sinapi, & cum cætera notæ à Sinapi silvestri non abhorreant, Sinapi marinum esse idcirco credidimus. Neque Chebule etiam Serapionis esse poterit, cum non habeat saporem salsum similem nitro, qualem saporem Chakilen habere, ex Abice Serapio expressit. Calida hæc planta, & sicca tertii ordinis ex valida acrimonia meritò esse videtur, omniumque maximè semina, quæ ob id erunt efficacissima, trita ex vino epota, ad movendam urinam, quò nimirum crassos humores incidant, extenuent. Audio etiam dari aquam stillatitiam ex tota planta prolectam ad movendam urinam, darique etiam ad flatulentos dolores, quamcunque corporis partem diu vexantes. Nonnulli folia, & germina, in acetariis edunt, atque etiam decocta, ad frigidum stomachum roborandum.

De Convolvulo Ægyptio.

Vix cultior in Ægypto hortus est, cui non ornamentum commodet Alexandrinis tapetiis conspectius, elegans hæc planta, quam, amœna potissimum specie ducti, Om el hessen, matrem pulchram, Arabes nominant, Helxines sive convolvulorum ordini, à Prospero Alpino rectiùs adscripta, quamvis rudiusculè expressa. Fruticat à radice lignosa, longa, fibrataque, cortice pallido, nodulis innumeris scabro, quorum opera facili reptatu, adminucula omnia transcendens, quocunque trahes retrahesque sequetur. A caudice virgulæ exeunt numerosæ, & lentæ, sive umbraculum mediteris, hortensemque scenam, sive conchyliatis omnibus & belluatis venustiora parietum peripetasmata, cogites, prompto flexu ductoris arbitrium admissuræ. Folia longule productis petiolis insistentia, lætoque virore grata, septenis laciniis, profundè discriminantur, quarum inferiores additamenta quoque sua nactæ sunt. Sed

præcipuum plantæ ornamentum flos est, quem fœcundo partu non semel quotannis producit. Is vulgatis convolvulis amplior, simplici folio è calyce propellitur. Collectus primum contractusque, donec resupinis oris, si non suavem naribus halitum, saltem amœnam oculis cæruleamque purpuram largiter explicet, radiato foliorum emblemate conspicuus. Sinum obscurior inumbrat color, in quo brevis exurgens columella, lepidum caput innumeris staminulis & appendicibus onerat. Flos discussis umbris à sole expergefactus sese dilatat: eodem in meridie inclementius radiante, collectis oris connivet: abeuntem ad Hesperios solem, hiulcis denuò labellis blandè salutat, reliquo deinde noctis nemini copiam sui factururus. Tandem emerito flore capsulæ sese proferunt, lini capitula æmulantes, in quibus terna vel quaterna semina, orobi magnitudinem haud superantia, fusca, leviterque lanuginosa reconduntur.

De Maro Ægyptio.

Non omittenda hîc usu multiplici nobilis planta, quam inter Exotica Lib. 2. Cap. 20. Mari Ægyptii nomine sequentibus describit P. Alpinus. *Nascitur in Ægypti locis siccis & squalidis juxta ædificiorum rudera planta quedam odorata, quæ caulem unum ab radice promit cubitalem, & ampliorem etiam, geniculatum, colore albicantem, ex geniculis utrinque folio longo, crasso, Hormino Sylvestri, & magnitudine, & figurâ proximo, inodoro, ac ferè insipidi saporis siccantis cum quadam levi adstriktione, & lanugine alba, adeò ut ex singulis geniculis duo folia cernantur, æquè ex opposito posita: & hoc observatur in parte inferiori ipsius caulis, in parte verò superiori, scilicet à medio caulis supra, utrinque ex geniculis exeunt una cùm foliis ramuli graciles, breves, quadrati, qui utrinque in geniculis ferunt flores albos, Sclareæ seu herbæ Sancti Joannis floribus quam similes, qui unà cum suis foliolis gravem odorem, prævalidum, respirant, non tamen ingratum.*



tum : quibus succedunt in suis parvis thecis oblongis semina parva, rotunda, brassicæ seminibus similia, acutum odorem respirantia. Cauliculorum omnium cimæ cum foliis, floribus, & cauliculis sunt admodum odoratæ. In umbra ficcatae servantur ad usum vestium. Illis enim insertæ ipsas tuentur à teredinibus atque odorem gratum inducunt. Siccati verò ii cauliculi validum odorem in suaviorem mutant. Unde flores, & semina calefacientis sunt facultatis, digerentis, & resolventis, usumque folia, sed præcipuè cimarum ad dolores frigidos, & flatulentos ex vino decocta, atque dolenti parti apposita, mirificum præstant. Item foliorum succus ex aceto & melle ad panas ex facie delendas præstat.

Ad finem Cap. XXXXIII.

Hic explicit Prosperi Alpini de Plantis Ægyptiis labor, quarum selectiores, & quas Europæis minùs obvias existimabat, huc præcipuè reduxit. Paucae fanè videbuntur, & quarum pars magna translatis seminibus in nobilioribus Italiæ hortis hospitata fuit. Imò paucas esse fateor, si veniant in comparisonem earum, quas oculis usurpare non licuit, quum praxeos Medicæ curis impliciti, neuter nostrum serio studio huic rei vacare potuerit. Denique paucas esse necessum est, quas, ut jam ante scripsi, paucis in locis, & plerumque velut in transitu vix constantibus oculis peregrinantes notamus. Quò laudabilius eorum institutum est, qui digna curiosis ingeniis libertate securi, minima omnia maximaque determinatis locis observando, rem herbariam utilissimis accessionibus auxerunt. Fecit hoc in Baldo suo, Apolline hospite digno Helicone, vir integerrimus Joannes Pona; fecit idem in Veneto littore Antonius Donatus, optimus & humanissimus Pharmacopæus; quorum uterque editis jam scriptis immortale decus, gratâ posteritatis memoriâ consecutus est. Sed è communibus plantis, quas in Ægypto nasci Prosper Alpinus scripsit, &

illæ sunt, quas è Byzantio huc transferunt Proreges, Turcarumque procures: suntque Narcissi & Hyacinthorum elegantiores aliquot species: quibus tamen in Ægyptio solo propagatis hoc accidit, quod Theophrastus dudum prodidit, ut odoris si quam habent suavitatem sensim exuant. Aër enim, inquit, ὀμιχλώδης ἢ δροσοβόλος, caliginosus & roscidus existit, Imò tantâ primum aquarum ubertate, & calore deinde intensiore, languida hæc corpora vehementius resolvuntur. His accensas Amberboi Turcicum, decoram ex Jaceorum ordine plantam, quæ aculeatis foliis incana spinoso capiti florem intexit, cyanoidem quidem, sed amplitudine speciosiore, cæruleo purpuraque mixtis imbutum, quem turbinatis involucris ornamentî gratiâ subnectunt, aliasque hujus generis.

Post Similacem Asperam.

Asperæ Smilacis genera duo jam dudum rerum botanicarum studiosissimi viri descripserunt; quorum unum minus spinosum, brevioribus foliis, ex atrore quodam virescentibus præditum, quæ vel nullis, vel rarissimis saltem aculeis obsita sunt. Flosculi sex veluti radiis stellati, carneo rubori albedinem suam miscent; è quibus umbonis instar prominulus fructus, ætate jam maturus, dilapsis foliis, rubedinem suam nigredine permutat. Huic similis illa, quam in Zacyntho repertam Prosper Alpinus expressit. Discrimen tamen in eo est, quod circa petioli accessum, folia sinu destituta, nec in acumen altero extremorum producta sint, nec capreolos proxima quæque implicantes ex alarum angulis proferat: quamvis radices ob natalis foli mollitiem Hispanis omnibus cum magnitudine tum virium præstantia non inferiores. Sed alteram illam asperiore Smilacem, cujus subjectam hîc effigiem vides, sæpius mihi suppeditavit Nicolaus Contareus, ille hoc seculo nobilissimus.



*Floræ sacerdos, candidatus herbarum,
Quasunque Phœbus spectat, aut alit tellus
Non nostra tantum, sed remota, sed cuncta,
Quam Pontus ambit, aut Olympus involvit.*

ut verè cum doctissimo Poëtarum scribam. Hanc Smilacem non caule tantum, sed foliorum etiam oris extensoque per medium eminentiore nervo aculeatam cernis. Viticulæ ex alarum sinu plures proreptant, flores candidi racematim penduli, odore suaves: fructus item ætate provectâ rutilus, exiguis uvis Labruscæ æmulus conspicitur. Cæterum, ut Prosper Alpinus seriò contendit, hanc ex Zacyntho Smilacem esse veram Hispanorum Salsam parillam, tam forma radicum, quàm viribus adductus; ita inter hanc, & Indicam sive Peruanam, tum facultatum vigore, tum externæ figuræ lineamentis discrimen aliquod intervenire, curiosis rerum naturæ viris cognitum est. Vidi Lugduni Batavorum, sub Clarissimo Everhardo Vorstio, præceptore meo, Indicæ Salsæ parillæ plantam natam, ab utraque asperâ Smilacæ, foliorum brevitate, densitate, sinu, coloris obscuritate, spinarum absentiâ, non parum discrepantem. Notavit radicum quoque diversitatem doctissimus Lobelius, qui ab uno radiceis trunco amplo, strumoso, sine geniculorum deinceps interventu, crebra illa valdèque proluxa radiceis lora, cortice pulla, rugisque striata deducit. Talis perhibetur quæ ex Honduras provincia advehitur, natalis soli ingenio, Europæis Smilacibus, in profliganda Veneris lue, superior.

Conclusio.

Hæc habui, mi Lector, quæ de Plantis Ægyptiis, amicorum hortatu, Prosperi Alpini libro subtexenda videbantur. Rudia illa dixeris, & soloci (ut Symmachus loquitur) filo

filo elaborata. Fateor sanè talia esse: & dudum in his studio-
rum primitiis censorium illud supercilium ferendum constitui.
Quanquam si industriæ meæ inchoamenta quædam tibi primitus
exhibeo, nil est, cur exercitati roboris ἀποτελέσματα flagites.
Næ tu quoque frustra es, si à scaturiente commodum fonticu-
lo flumen exigis, sub gelidis brumæ pruinis rosarum purpuram,
sub novella pampinorum umbra, mustulenti autumnî delicias
quæris. Igitur æquum te mihi dabis, si quæ vel calamus titu-
bavit, vel officium memoria non fecit. Nosti quàm facile sit,
languentibus per occupationes oculis connivere. Denique, ut
ex his quæ dedimus, colliges,

— *non omnis fert omnia tellus.*



JOANNIS VESLINGII
MINDANI,

EQUITIS,

Et in Patavino Gymnasio Anatomiae, & Pharmaciae
Professoris primarii,

OPOBALSAMI VETERIBUS
COGNITI

VINDICIAE.

ILLUSTRISSIMIS, ATQUE EXCELLENTISSIMIS

V I R I S,

D. BAPTISTÆ NANIO.

D. PETRO FUSCARENO.

D. ALOYSIO VALARESSIO EQ.

D. MARCI PROCURATORI,

PATAVI ARCHILYCAEI MO-
DERATORIBUS PRU-
DENTISSIMIS,

JOANNES VESLINGIUS S. P.



UÆ in florentissimo Gymnasio vestro,
à multis iam annis, rerum naturæ cu-
riosissimi viri publicè tradiderunt,
non simplici priscorum auctorum le-
ctione; sed observatione propria
sæpius edocti, dum magno vitæ,
sumptuumque dispendio, remotas ab
Europæ complexu provincias lustrarunt,

— *mediosque fugam tenere per hostes.*

Eadem a livore, & aspersis litigantium contentione te-
nebris vindicata, sistere vobis, Illustrissimi, atque Ex-
cel-

DEDICATIO.

cellentissimi Rectores, & ad iudicii vestri solem examinare, tam officii mei ratio, quàm debita summis vestris meritis observantia postulabat. De Opobalsamo enim agitur, eximio medicamento, cujus stirpem impenso quondam studio, regiis hortis Palæstina colebat; nunc Arabia, mercium odoratarum fertilitate beata, patrio gremio feliciter fovet, atque educat. Perditam eam esse, vulgata dudum fama, etiam eruditis hominibus imposuerat. Donec e Veneta nobilitate tot clarissimi viri, qui Byzantio, Tripoli, Syriæ, & Cahiro subditis Serenissimæ Republicæ præfecti, salutarem Balsamila-crymam, in lucem postliminio reduxerunt, ut jam auspiciis horum, in urbe ipsa Venetiarum, non in Museis tantum illustrium civium; sed etiam publicis aromatum tabernis, longa annorum serie facile quærentibus obvia fuerit, atque etiamnum obvia nobis sit. Quo mihi major illorum ingratitude videtur, qui rem a tot seculis Veneto beneficio orbi Europæo redditam, & potissimum a Prospero Alpino, Lycei vestri Professore quondam celeberrimo, scriptis abunde patefactam, ausi fuerunt obscurare iterum, & ab officinis medicis,

— *ultra Sauromatas, & glaciale
Oceanum.*

relegare. Idque dum Opobalsamo, partim notas assignant ejusdem naturæ penitus repugnantes; partim rarissimæ cujusdam, & ineffabilis fragrantiae speciem induunt, nunquam tamen sensu narium ab iis perceptam. Itaque secutus vestigia doctissimorum hominum, contra instandum, & utilissimæ resinæ facultates ac substan-

DEDICATIO.

stantiam, ex veterum, qui accuratissime pleraque complexi, monumentis revocandam esse duxi. Non tam ut stabilirem, quæ nobilissimis Venetorum Consulibus, atque Antecessoribus meis, rata probataque fuere; quam ut Rei Medicæ præsidium assererem, in propulsandis funestarum ægritudinum periculis insigni virtute paucissimis posthabendum; quoque Mithridatis & Andromachi saluberrima antidota, sine virium evidenti detrimento, carere non possunt.

Quicquid est, in paucularum chartarum angustias contractum, oculis vestris summittere non dubitavi. Neque ingratum fore arbitratus donum, quod per se non magnum, pondus ab animo meo accipiet universum. Dedi enim, quod hoc quidem tempore optimum habui in omni literario meo proventu. Cætera benevolentia vestra commendabit, qua me publicis, geminatisque Gymnasii vestri muneribus admotum, non prompte minus suscepistis; quam constanter hætenus, & liberaliter fovistis. Neque aliud de vobis mente præcipere debui, qui, invicta virtute Atlantes, coelum patriæ sustinetis, omnia pro Justitia prudenter, pro communi civium salute strenue, pro universa Republica pie geritis; quique inter gravissima Senatus onera, hunc saltem laborum fructum consecuti estis, ut vos non publici tantum consilii clarissima sidera; sed etiam Sapientiæ penetrabile, perfugiumque omnis doctrinæ seculum hoc fateatur. Numen illud veneror, ut servet amplissima rei Venetæ decora, annorumque semper renascendum felici serie diutissime prosperet.

JOANNES VESLINGIUS LECTORI SUO S.



Actum, ut ajunt, haud immerito agere videar, quod post laudatissimum Prosperum Alpinum, Antecessorem meum, de Opobalsamo scribere voluerim. Illoque ipso, quod inclyta suaveolentibus sylvis Arabia producit, & in hanc usque lucem finitimis populis subministrat. Vix enim quicquam est, circa balsamici ligni, seminis, succique præstantis naturam, & actiones, vel intellectu difficile, vel sensibus obscurum, quod admota veluti clarissima face, non sic illustrarit, ut qui de tenebris adhuc, & caligine conqueritur, jure cum veteri dixerit Comico.

Τὸ φλὸν τὰ τ' ὤλα, τὸν τε νῆν, τὰ τ' ὄμματά.

Scripserat P. Alpinus, tum ut Arti Medicæ desideratum aliquot seculis medicamentum restitueret, tum eorum expectationi satisfaceret, quorum intererat, historiam ipsam Opobalsami, salutaris scientiæ cultoribus iterum innotescere. Invitarunt autem optimum virum, præcipue doctores sui temporis pharmacopæi, ut Theriacam Mithridatumque composituri, (scilicet antidota quæ Opobalsamo deficiente non parum ab æstimatione pristina decedebant) palam factis legitimis ejusdem notis, & natali solo, deinde excellenti hac resina liberius uti, fruique possent. Miscuerunt igitur

P R Æ F A T I O.

tur Arabicum balsami succum magnis alexipharmacis peritissimi quique, Veronæ Ioannes Pona, & Franciscus Calceolarius, materiæ medicæ indagatores solertissimi. Bernardinus Cicala Brixia. Neapoli Ferrandus Imperatus, Rerum Naturæ scriptor indagatorque indefessus; Lucæ, Balthassar & Michael Campii, varia doctrina, artisque pharmaceuticæ cognitione percelebres. Frequentius autem magnorum Hetruriæ Ducum lectissimi pharmacopæi: tandemque Romæ egregii viri, Vincentius Panutius, & Antonius Manfredus. Quorum hic Pharmacopolio præfectus, quod non tenui censu; sed regiis impensis, pauperum necessitati, instruxit Eminentissimus FRANCISCUS Cardinalis BARBERINUS: beneficium illis exhibiturus, tanto magis cæleste Deoque gratum, quanto propius divinam munificentiam, hostimenti nullius indigam, attingit.

Ut mirari etiam subeat, utcunque paucis lustris ab Alpini nostri decessu exactis, iterum de Opobalsamo scribendum fuisse, impellentibus, tantumque non urgentibus pharmacopæis; quamvis ob causam occasionemque omnino dissimilem. Accidit enim, cum aliquot eorum Arabicam balsami lacrymam examinare conarentur, Prosperi Alpini fidissimo ductu, sive Latini sermonis inscitia, sive defectu libelli destituti, & vulgarium Dioscoridis interpretum verbis inhaerentes, ut circa liquoris balsamici substantiam, inhaesionem, maculæ inductionem, coagulationem, dissolutionem, eos incurrerint paralogismos, ut rem incognitam damnare, falsi fictique insimulare, non erubuerint. Gravioere deinde affectuum impetu, ultra metam rectæ rationis abrepti, sprete clarissimo-

PRÆFATIO.

morum Medicorum sententia, virorumque industrio-
rum exemplis insuper habitis, Advocatos sibi quæsi-
verint, quibus hic potissimum scopus propositus, ut
Prosperi Alpini candorem, si qua possent parte sugil-
larent, virorum in cognitione Opobalsami versatissi-
morum sensum, ac voces eluderent; fidem etiam eorum
suspectam redderent, qui propius natales Balsam
terras accesserunt,

Eoasque domos Arabum

Summa, quibus nihil magis curæ esset, quam ὡς
Ῥοσὸν παρ' ὃ δὲ Ῥοσόν, reique, incognitæ sibi, quidvis po-
tius tribuere; quàm quod ejus naturæ hominum pe-
ritissimorum consensus detulit.

Subverterunt tamen has machinas, solida doctrina,
virtutumque omnium comitatu clarissimi viri, Petrus
Castellus, Baldus Baldus, Balthasar Bonannus, Fran-
ciscus Perla, publicis scriptis Opobalsamum pharma-
copæis incognitum asserentes. Quibus hæc, quæ ve-
ritatis tuendæ studio suffragatum summitto, tantum
cedunt,

Puniceis humilis quantum faliunca rosetis.

In iis tamen hanc mihi præcipue operam sumpsi, ut
ostenderem, nihil a P. Alpino de Balsami stirpe, la-
crymæque præstantis vel criteriis, vel facultatibus,
literis divulgatum fuisse, quod non Dioscoridis, in-
ter veteres de Opobalsamo scriptores τελείως ἀριτεύοντες,
doctrinæ optime consentiret. Peregrino deinde Pi-
torio me patefacere, cui quæ de controverso liquore
testa-

PRÆFATIO.

testatus fueram , parum liquide constabant. Tuum
erit, amice lector, æquiter omnia, & remoto, ut di-
tur, velo expendere, quum nobilis ea, de qua conten-
tio est, resina, haud secus, quam priscum illud, sacrum-
que طب سبب , ex aromatis suavibus compo-
situm unguentum, Deo, bonæque Valetudini consecra-
ta fuerit: quorum illum, atque hanc, ut propitiam ha-
beas, ex animo voveo.



IN VINDICIAS OPOBALSAMI
PERILLUSTRIS ET EXCELLENTISSIMI VIRI
JOANNIS VESLINGII,
EQUITIS,

Et in Patavino Lyceo Anatomen, & Pharmacian
in prima fede profitentis,

ELOGIUM.

Balsama odoratis demessa Orientis in oris
Sacrilegæ Solymis furripuere manus.
Cortice dissecto jam non Opobalsama sudant,
Ulla nec in cornu gutta serena fluit.
Sic periisse putant pretiosum vulgo liquorem,
Partus Idumæi qui fuit ante soli.
Hunc tamen in lucem revocat VESLINGUS apertam,
Nec finit in terris ligna beata mori.
Nempe iidem manant fragranti e stipite succi,
Ploratu quondam quos sua planta dabat.
Eja age, vir sapiens, tibi fac durabile nomen,
Ut longum durat Balsami amœnus odor.
Hoc Arabes, Indive ferant; tibi laudis odorem
Hic liber ultra Indos, ultra Arabasque feret.

Scipio à Grandimonte.

Prima Palæstinæ cessantia Balsama ferro,
VESLINGI calamo jam rediviva vigent.
Hæc Equiti dives Nilo dedit arma Cairus,
Hæc Latio Solymis ille trophæa tulit.
Fidis plus oculis, quam famæ credimus uni:
Inde licet famæ sit quoque nata fides.
Redde novo meritos victori Roma triumphos:
Innocuus turbis præstat in Urbe liquor.

Joannes Rhodius.

JO. VESLINGII

OPOBALSAMI ANTIQUIS COGNITI VINDICIÆ.



UO sunt, quæ res clarissimas, usuque maximas, spissa nocte involvunt. Incuria generis humani, & vana cura: quorum altera desidiæ torpentis abortus est, altera prurientis ingenii morbus molestissimus. Dili- gentiæ quidem priscorum acceptum ferimus, quod cum alia, quorum possessio vitam nobis jucundam peperit, tum humanæ valetudinis præsidem artem, que paucarum olim herbarum scientia fuit, multiplici remedium varietate locupletatam obtinemus. Nihil enim iis intentatum, nihil deinceps occultatum fuit, quod profuturum posteris scirent. Consumpserunt inter experimenta ætatem, diuque virorum illustrium certamen viguit, ne quid emolumento seculorum conjunctum in obscuro longius delitesceret. Excitavit percepti beneficii magnitudo gratam posteritatis memoriam, ut rerum utilissimarum inventores Deorum superum numero miscuerit, aut vitam eorum cognominibus repertorum effecerit clariorem. Meritissimo fane jure. Quis enim est, ut Lucretii verbis loquar,

Qui valeat tantum dictis, ut fundere laudes

Pro meritis ejus possit, qui talia nobis

Pectore parta suo, quæ sitaque præmia liquit,

sine quibus nec vivere hominem facile erat, nec valere jucundum. At incuriæ, desidiæque dispar genius, quæ cum veterano suo ante sepulta sit, quàm sepulta, suam pariter atque alienam salutem flocci facit, & ne parata quidem alieno studio bona a-

vet cognoscere. Radiantem igitur in gemmis naturæ majestatem ignorat, quia non metalla tantum montium; sed obvias etiam terræ glebas intactas relinquit. E nuce nucleum non adipiscitur, quia frangere putamina piguit. Eadem infelicitatem bonis artibus invexit, dum tradita veteribus salubrium præceptorum semina turpiter abjicit, ut necessum deindè sit, inter nitentia priscorum culta, infelix dominari lolium, & steriles avenas. Verè Theophrastus communem præ cæteris, magisque evidentem rerum in pejus deflectentium causam esse negligentiam, πάντα ὅς ὥς εἶπεν ἀπαρξιοῦ. Omnia enim per hanc veluti agrestia fieri. Atque utinam hoc tantum; nunc imminuuntur etiam, pessundantur, abolentur. Augent è contrario calamitatem frivolæ mortalium, vanæque curæ. Quas enim turbas non excitat petulca mens, cum extra mundi convexa peregrinatur, lascivitque circa sacros mysteriorum ignes: cum dementium Aloidarum instar, in arcem divinæ providentiæ irrumpit, tantò citiùs fulmine peritura, quantò propiùs culmen cœleste accessit. Nec minus in rerum naturæ contemplatione malè curiosus animus deficit, cum relicta sensuum, & experimenti consultissima via, tantum scabra quædam, & confragosa sibi objicit, aut spinas colligit, languidum acumen inutili subtilitate exercentes. Pejus operam ludit, cum sententias tantum alienas venatur, vellicat, pungit, jugulat: ignarus facilius esse magnorum auctorum cogitata subvertere, quam opiniones proprias aliorum judicio committere, ἥσσον εἶναι τὸ ὑποσχευάζειν τοῦ ἡσπνευάζειν. Pessime omnium exorbitat, cum carpit quæ non capit, præstantissimisque auctoribus stuporem suum impingit: cum è tribunali & veluti rostris pronunciat, de re nec fideli sensu, neque experientia cautâ satis expensâ. Idque vel eo periculosius, quo fœdius vel invidiæ, vel avaritiæ virus corruptis affectibus illevit. Hoc itaque præside si petenda nobis suffragia sunt, periit Balsamum, & pretiosæ ex eodem lacrymæ,

Quas ungue duro saucius quondam pluit

Aegyptius fragrante cortex vulnere.

Periit odora suavitate, virtutumque æstimatione excellens medi-

camentum, adeoque virium suarum dispendium incurrunt nobilissima veterum antidota, potissimum illa quæ, ob *Θηρία* quæ recipit, auxiliumque *Θηριοδότης* collatum, haud immerito Theriacæ nomen sortita est. Quorum illud, vereor ut in parentem Naturæ maximum optimumque injuriosum sit: hoc in gravissimis morbis periclitantium ægrorum discrimine conjunctum. Quamvis enim deletio imperii Romani nomine, Persarum, Turcarumque violenta manu, quicquid Palæstina aut religione venerandum, aut utilitate suspiciendum possidebat, miserabili exemplo pessum iverit, nec dissimile fatum propinquam Ægyptum presserit; adeoque non abs re mentes hominum infederit opinio, deletas pariter fuisse eximias Balsami plantas, quibus excolendis (ob lucrum quod in publicum exinde fiscum redundabat) quamvis paucis in hortis, singularis impendebatur industria. Factum tamen est, mitigatis cœlesti benignitate calamitatibus, ut viri, pietate & genere insignes, Palæstinam atque Aegyptum peragrantes, commentariis itinerum, Balsami nomen, veluti Lethæis ereptum undis, hominum iterum memoriæ commendarint. Ipsi quoque proreges, rectoresque provinciarum, principum Christianorum legatis balsamicæ resinæ suavitatem haud inviderint, secumque deinceps in patriam detulerint variarum ex Europa nationum nobiles præfecti, in Syria & Aegypto negotiorum causa degentium. Summam tamen opem, jam vulgi persuasionem exempto rebus humanis Balsamo attulerunt viri, materiæ Medicæ studiosi, qui posthabitis vitæ, sumptuumque dispendiis, plantam Balsami, aut in horto Matahariæ Aegyptio cultam, aut ex recenti natam carpobalsamo viderunt, visamque curiose descripserunt. Inter hos Petrus Bellonius Cenomanus, Francisci Primi Galliarum Regis munificentia dignissimus, qui cognoscenda metallorum, plantarum, animantiumque natura veluti æstro percitus, Græcia, Asia minore, Syria, Aegyptoque perlustratis, Balsami natale solum, plantæque germinantis habitum, & formam utilissimis itineris observationibus posteris divulgavit. Notarat eandem in Aegypto Melchior Guilandinus, Borussus, eruditione, vegetabiliumque peritia seculi sui

decus, quem, piratis Mauritanis subductum, dignum habuit amplissimus Venetus Senatus, quem in Patavino Gymnasio Rei herbariæ præficeret. Natas è carpobalsamo plantas alebat in Creta Honorius Bellius, eximius Botanicus, quas Carolo Clusio, alteri Belgarum Cratævæ, curiosè describit. Palmam tamen in hoc studio currentibus præripuit Prosper Alpinus Marosticensis, in Patavino Athenæo Guilandini successor laudatissimus. Nam cum sub Illustrissimo Georgio Hemo, Venetæ nationis consule, triennium ultra in Cahiro Aegypti medicinam faceret, plantas è recentibus Balsami feminibus natas, singulari animi voluptate coleret, allatumque quotannis Opobalsamum ad sensuum rectæque rationis trutinam diligenter expenderet, quicquid olim inter principes veterum botanographos, Theophrastus & Dioscorides fando acceptum, atque ex his alii porro monumentis literarum consignarant de balsami liquore, ad normam revocavit, historiamque totam discussis ambiguitatum nebulis in clara luce reposuit. Jamque per Italiæ tractus peritia medicamentorum, & industriæ laude clariores pharmacopœi, adepti ex Arabia Opobalsamum & examine Medicorum præstantissimorum probatum, multis ab hinc annis, omisso succedaneo, regiis antidotis miscuerunt. Secuti laudabile horum exemplum in urbe Roma Antonius Manfredus, & Vincentius Panutius, primarii, spectatæque fidei aromatarii, & allatum ex Arabia balsami liquorem, à præside, consiliariisque clarissimi collegii Medici, tum quatuor urbis archiatri, aliisque simplicium medicamentorum peritissimis viris exploratum prius, ac laudatum, Theriacæ miscuerunt. Postquam confecta esset fama salubritatis expetita plurimis antidotis, irruere ecce pharmacopœi aliquot, & permixtum Theriacæ Opobalsamum, falsum fictitiumque clamantes, compositionem apud Pontificem Maximum infamare, & tanquam picea transfixi Pythonis sanie corrupta fuisset, projiciendam, Vulcanoque tradendam expetere, partim invidia alienæ prosperitatis lividi, partim metu agitati, ne paratas domi suæ Theriacas vilior titulus, adeoque difficultas emptoris antiquaret. Amoliebatur frementium proterviam summus An-
ti-

tistes, quæque singularis ejus prudentia fuit, judices cognoscendæ causæ viros delegit, quos faciendæ Medicinæ dextertate, virtutumque omnium ornamentis præcipuè cognitos habebat. Docere voluit incautos, non theologam sed medicam esse controversiam: neque litigiosis disceptationibus in Themidis foro implicandam; sed frequenti, sedulaque rerum ambiguarum inspectione, atque inter se comparatione dirimendam. Imò non alios sibi quærere doctores pharmacopœos debere, quam à quibus materia componendorum ipsis præscribitur, & ratio pariter modusque mixturæ præcipitur. At illos, archiattrorum suorum auctoritate spreta, jam in gurgitem contentionum detulerat turbidus animus, adeoque amisso melioris consilii arbitrio, ne sine cortice deinde natarent, patrocinium Stephani de Gasparis Medici Romani impetrarunt. Hic autem in re sibi incognita, funditus subruenda, quantum veri, justique finibus excesserit, unius Francisci Perlæ, Medici Romani, docta pariter, atque elegans dissertatio, & physicarum oppugnationum propulsatio, clarissimè demonstrat. Imò ne soli in hoc controversiæ freto natarent Opobalsami delatores, tres item pharmacopœos Venetos ad suffragium sibi ferendum impulerunt, quos cum Petrus Castellus, in Mamertinorum Academia Sicula primarius rei Medicæ professor, acrius invaderet, eorumque Theriacis inclementer diceret, ne vox & latera deesse viderentur, à Peregrino Pitorio Medico advocacy quæsierunt. Qui dum ex virorum doctissimorum scriptis, Opobalsamum falsum, fictitiumque eruere conatur, Epistolas quoque meas ad Baldum Baldum in Romano Gymnasio practicæ Medicinæ professorem clarissimum, quarum una natalem hoc ævo balsami terram, illiusque varietatem retuli: altera, probatum ab ipso Opobalsamum, legitimum testabar, sic obvertit, contraque sensum meum detorquet, ut me non legitimum, sed terebinthina vitiatum, & communi tantum Opobalsami nomine subornatum succum asseruisse persuadeat. Huic ut paucis me declarem, partim Medicæ facultatis emolumentum exigit, cui remedii utilissimi, de quo agimus, accessio debetur; partim fides, quam prudentissimis achiattris, in

li-

liquoris accusati probatione ingenuè datam, pari constantia in-
violatam conservabo, Aeternum illum bonorum omnium au-
ctorem testatus, verique consciam mentem, me nihil hic, vel
amicitiæ, vel precibus dedisse; sed inscitia aliquot pharmaco-
pœorum abjectum liquorem, jam ante inter Arabes à me sæ-
pius observatum, & examinatum, postquam cunctis decenter
notis exploraveram, verum, legitimumque Opobalsamum
pronunciassse. Proponam autem prius quid annos ultra quin-
que, dum in Aegypto sub Illustrissimis viris Aloysio Cornelio,
& Joanne Donato, Venetorum Consulibus, liberali stipendio me-
dicinam feci, de Balsamo, ejusque liquore cognitum mihi fue-
rit, tum quod hic ipse receptum antiquitus Opobalsamum sit,
ex optimorum apud pisces autorum sententia, post eximium an-
tecessorem meum, Prosperum Alpinum, brevibus subjiciam.

Est itaque plantæ Balsami natalis tellus Arabia, odorifera
illa, dives, ac beatæ cognomine olim inclyta. Odorum enim
ea circumfluit copia, ut fastidium incolis pariat assiduitas
voluptatis, imo καρηβαρίαν, gravedinem inferat capiti, quam
priscos Asphalti nidore & tragopogone discussisse refert Strabo,
eosdemque reges suos κατὰ τοὺς κοπρώνας, circa sterquilinia sepeli-
visse. Divitias accumularunt auri glebulis, Beryllo Smarag-
doque junctis, quibus metalla in confiniis scatebant. Potissi-
mum verò desideratæ Europæis populis mercis ingenti pretio,
qua juxta cum Indis, & Seribus, minima computatione, millies
centena fectertium millia, annis omnibus Imperio Romano adi-
mebant. Beatam faciebat, ut seridò conqueritur Plinius, ho-
minum etiam in morte luxuria, cum honori cadaverum acer-
vatim congererent, quæ Diis per singulas micæ dabantur.
Excitabat hæc ejus felicitas, avidam apud summos dynastas,
imperii dominiique sitim. Alexander Macedo, ab Indis redux,
Arabiam sedem sibi regiam constituere decreverat, jamque
illius invadendæ prætextus dabatur, utcunque levis, ἐπειδὴ
μόνοι ἔ πάντων οὐ πρεσβεύσαντο οἱ Ἀραβες, quod soli inter om-
nes, haud oratores misissent Arabes, summisionis aut amici-
citæ nuncios. Vexabat eadem Augustum Cæsarem cupiditas,
qui cum exercitu mittebat Aelium Gallum, ut regionem, &
gen-

gentem perquireret, cum spem aleret certam, aut divitibus se amicis usurum, aut hostes superaturum intactis opum thesauris celebres. Nec voto tamen potitus Cæsar, quum Sylæus Nabatæorum legatus, patriæ, propriisque rebus studens, Aelium per ambages duceret, atque à præda quam inhiabat abduceret. Strabo incolas μέγιστον ἔθνος, gentem maximam non injuria appellavit. Equidem ruente jam mole sua Romanorum imperio, quantum illius ex adverso gloria se protulerit, notum est ex historiis. Constantem Byzantii imperatorem prælio profligarunt, Irenem, & Heraclium tributa sibi pendere coegerunt, cum Syria, & Palæstina primò, hinc Perside, atque Aegypto potirentur. Sub Abdalla Duce Africæ maritima, sub Muza Hispaniam domarunt, vix integro seculo magnis triumphis Europæ universæ formidabiles. Quamvis autem Tomumbejo ultimo Aegypti, Syriæque rege à Selimo Turcarum imperatore deletò, Arabes quoque sub validam ejus manum concesserint, retinent tamen eximia priscae virtutis documenta. Duodeni anni sunt, ex quo insatiabilem proregum avaritiam exosi, jugum Thracicum excutere ausi fuerunt; bis, dum in Aegypto persisterem, frustra bello petiti. Possederunt olim aromatum pretiosorum omne genus, sedulo cum propinquis Indis, & Aethiopibus commercio. Potissimum autem odoratis in sylvis, collibus, montibusque propriis, Myrrham, atque ex eadem contusa modicè stillantem liquorem, veteribus ideò Stacten dictum. Maximè Olibanum, cujus primos omnium Arabes commercium fecisse refert Plinius, tum **بالسان** Balsan ipsis dictam plantam, Græcis scriptoribus βάλσαμον, Balsamum. & ex ea collectam singularis suavitatis resinam, quam **بالسان و دهن** dohen balsan nominant, pingue quid ex balsamo, lentum, inungique aptum innuentes. Græci simpliciter Ὀποβάλσαμον, Opobalsamum nuncuparunt, sive Balsami succum, vocabulis deinceps à Latinis retentis. Nascitur, non in παραλίαις maritimis tantum, ut Strabo prodidit; sed etiam mediterraneis, editis, planisque locis, sine cultu, & cura hominum frequentissima. Ut Larimnum taceam, Straboni Ὠδέσατον θυμίαμα, suffimentum suavissimum, herbasque alias

insigni fragrantia sensum narium demulcentes, quas ob habitum, moremque soli singularem, nobilis peninsula producit. Sedulam tamen Arabes ab omni ævo dederunt operam, ne stirpium apud se odoratarum notitia ad externos pertingeret: idque palam est in solo ture, cujus licet maximum proventum ad provincias vicinas extruderent; arborem tamen ejusque cultum studiosè celabant, cum tanquam Numini sacram venerarentur, certisque tantum, ac religiosis familiis incisionem caudicis committentes, ne conspectum quidem ejus profanis indulgerent. Hinc ille circa turiferæ arboris faciem veterum scriptorum dissensus, aliis eam folio pyri, terebintho aliis, aliis lentisco similem tradentibus. Juba Rex, iis voluminibus, quæ scripsit ad C. Cæsarem Augusti filium, fama Arabiæ, ut loquitur Plinius, ardentem, eandem arborem intorti esse caudicis retulit, ramisque aceris Pontici; quæ omnia ex Arabia venientes legati incertiora fecerunt, utcunque virgis arboris in Italiam commeantibus. Nec minor veterum de Myrrha discrepantium sententiarum conflictus observatur. Arborem ejus Juba Olufatri similem tradidit, nonnulli Junipero compararunt. Folium quidam olivæ contulerunt: liquorem ipsum myrrhæ è turifera arbore prodire memorabant. Ut haud immeritò expressa Plinio vox sit: „Res in Arabia gessimus, & arma Romana in magnam ejus partem penetravere. C. Cæsar, Augusti filius, gloriam „indè petiit, nec tamen ab ullo, quod equidem sciam, Latino „facies arboris tradita est. „Eandem in cognoscendo Balsamo difficultatem experti fuere veteres, cum jam ad Judæos, & Aegyptios translata planta, regiis tantum in hortis impenso studio coleretur. Hodie, quando Christianos, non propter animi curiosi sagacitatem; sed religionis dissidium, hostili affectu persequuntur, quis speret, quicquam apud Arabes accuratius ab iis pervestigari posse? Vix Solymis liberius oculos circumtulisse advenæ Christiano impune sit; quantò minus in regione illa, quæ Mahometis incunabulis, & sepulchro, venerabilis præcipuè sectæ ipsorum habetur. Cætus peregrinantium hominum, etiamsi communibus sacris addictorum, denos ultra dies apud se non ferunt; adeoque ne diutius subsistant, publico

blico Setiffi edicto faceffere jubentur. Primum Balsami plantas è patrio sinu ad externos detuliffe ferunt, Sabæis Arabibus imperantem Reginam, cum eas Salomoni, sapientiæ fama longè clariffimo regi, inter alia pretiofa munera dono daret. Cujus rei cognitionem, etiam Josephi Historici ævo, nondum memoria Judæorum temporis diuturnitas exemerat. Attamen errasse largiter Josephum contendunt, quod imperatricem Sabæorum, γυναῖκα βασιλεύουσας τῆς Αἰγύπτου ἢ τῆς Αἰθιοπίας, regnantem apud Aegyptios & Aethiopes mulierem scripserit, quum neutra harum regionum aromatum divitiis, auri, gemmarumque metallis olim claruerit. Neque Aegyptus in اتاسي البوهي finibus terræ priscis cognita sit, unde reginam illam venisse perhibet scriptura. Neque Aethiopia, quæ in Africa ad Austrum, & Occidentem se porrigit, Balsami unquam productione celebris fuit. De Aegypto Josephum difficulter excusam; facile de Æthiopia. Hujus enim nomen commune est locis omnibus sub fervido Sole positis, quibus, ut Cari nostri verba usurpem,

Degunt nigra virum, percocta que secla calore.

Itaque veri simile est, ad Asiaticos respexisse Josephum, non Africanos Aethiopes, quibus Arabes illi ἑδαίμονες haud accensentur. In sacris utique scriptis, Græci codices Imperatricem illam, βασίλισσαν νότα, Reginam Austri designant; sed Judææ respectu, idque communi Aethiopibus terrarum situ. Pressius autem Arabum libri الملكة التيمان, meliket el tiamen, Reginam Tiaman, sive Jaman nominant, qua appellatione etiamnum, Arabia Felix omnis, & præcipuè qua parte ad latus Mechæ dextrum se diffundit hodie gaudet. يمين Jemin enim dextram significat. Iterum Arabibus Balsami stirpes subduxit Caitbejus, quibus hortum Aegyptium Mathariæ exornaret, Arabia tota bello domita, ut recentiore annalium fide perhibetur. Hunc proreges deindè Aegypti plures secuti, pro ut singulos aut curiositas humani ingenii, aut omnia involandi aviditas impulit. Collectum è Balsamo suavem liquorem, ab antiquissimis seculis, ad Persas, & Syros ante detulerunt Arabes, quam in Regios Palæstinæ, atque Aegypti hortos planta recepta

fuit : adeoque nobile illud vulneribusque levandis expetitur
 ἵν' feri , quamvis communem resinæ significationem præ fe-
 ferat, à montibus Gilead (non semel annuentibus divinis li-
 terarum monumentis) aliis cum mercibus in Palæstinam aspor-
 ratum ; hoc ipsum ex Arabia profectum Opobalsamum fuisse,
 claris auctoribus persuasum est. Ibant ex Arabia Fèlici merca-
 tores frequenter Damascum : nec longius a Sabæis ad ipsum
 Hierichuntis *Ἱερικὼνα*, seu palmetum, quàm dierum quinque
 iter, metitur Strabo. Cur autem Theophrasti ævo, & vi-
 gentibus imperii Romani rebus, Balsami curam susque deque
 habuerint Arabes, in obscuro vetustas premit. Probabile ta-
 men est, cum & Theophrasto superstitè, in Syriæ Palæstina
 studiosè jam excoleretur, & Cæsarum tempore Balsamum fe-
 reret fiscus, neque unquam numerosior ante planta fuerit: imò
 sic propagatos in Iudæa balsamiferos *παπαδείους* asserat Solinus,
 ut latissimis etiam collibus Opobalsamum exciperetur : adeoque
 ab Arabibus non amplius peteretur, aut operæ pretio merito
 vendi inter Aegyptios, Syrosque non potuerit, ab iisdem ad
 Persas, Indosque propinquos fuisse delatum. Quin, cum ex
 aliis odoratis mercibus abundè quæstus afflueret, contingere
 potuit, ut labori parum utili superfederint Arabes, qui tenui
 lentèque mananti lacrymæ, circa singulos ramulos sub ardenti
 sole colligendæ, atque abstergendæ impendendus erat, præ-
 fertim cum, auctore Strabone, *ἀργοὶ ἢ ῥαθυνοὶ τοῖς βίοις*, segnes
 essent Arabes, vitamque curis & molestiis sejunctam agerent.
 At mutarunt se deinde rerum memoriæ. Nam, ut superius
 memini, cum gravi bellorum turbine, tum Palæstina, tum
 Aegyptus affligeretur, jamque perditis cultoribus, alieno in solo
 non infeliciter hospitata Balsami plantæ, penitus periissent: exci-
 tavit iterum Arabes ad cultum pretiosæ stirpis, amissi proximis in
 provinciis Opobalsami desiderium. Longè verò magis, ex quo
 tempore crebris Lusitanorum, Belgarum, Anglorum, in sinum
 Persicum navigationibus, maximam partem in Europam avehun-
 tur gemmæ, & aromata, quibus Syriæ, & Aegypti emporia quon-
 dam Arabes ditabant, indigenis mercibus, gummi, olibano, mir-
 thæ, balsamoque diligentiolem operam navant. Has quocunque
 pos-

possunt pretio, Persis, & Meccam, quotannis commeantibus mercatoribus divendunt. Concurrit in Ægyptum è variis imperii Turcici regionibus, ingens hominum multitudo, ut ex veteri instituto, solennem versus Meccam peregrinationem celebret, adeoque *جبل الكسوة* deportationem vestis. Sic enim appellant ex serico viridi, auroque pictum undique velum, quod præter alia ad Seriffum munera Byzantio mittit Imperator, ut Mahometis in Medina sepulti monumentum cingatur. Init profectionem Caravana, sive cœtus peregrinantium, die decimo post Ramadani mensis festum, quadraginta in habitu transfigens, totidemque in reditu. Defert secum in Cahirum Aegypti vestem Mahometis veterem, cujus pars Byzantium ad imperatorem remittitur cum muneribus; partem prorex Aegypti sumit, atque inter procures urbis dividit. Inter alias autem merces, & textiles è Xylo sericoque subtilissimos pannos, Opobalsamum afferunt mercatores, Balsamique fructus, & ramos. Simplici omnium, & constanti assertione, a quo tempore Selimus Imperator in Aegypto atque Arabia rerum potitus est, nullo non anno festiva ea peregrinatione, tum præpotentibus Turcarum monarchis, eorumque præfectis Opobalsamum à Serisso transmitti, tum in Mecca, & Medina, à quàm plurimis emptum, in amplissimi imperii urbes nobiliores deferri: quæ mihi quidem, & quotquot jam diu exactis annis in Cahiro Aegyptio degerunt Europeis hominibus certissima sunt. Ramuli Balsami quos *البلسان* lignum Balsami, adeoque cum Græcis *ξύλοβάλσαμον* appellant, teretes sunt, & recti, nodulis inæqualiter obsiti, externo corticis colore subrubro, interno viridi, ligno candicante, medulloso, suavem Opobalsami odorem artrit fractique reddentes. Quamvis illius, dum sub inclementi sole longo advehuntur itinere, multum ante resolvitur, quàm in Ægyptum ramuli perveniant: plurimum, antequàm in Europam: nisi recenter empti, ex Alexandrino portu fecundantibus ventis citius adducantur. At fructibus, quos *حب البلسان*, baccas Balsami, adeoque *καρποβάλσαμον* nuncupant, singularis est magnitudine figura, coloreque cum Terebinthi fructibus similitudo. Calyculo innituntur exili, à

totundo ventre in utrumque extremum leviter attenuati. Membrana velantur exterius nonnihil striata, fuscoque rubore decolorata, exili: reliquis indumentis densioribus, sub quibus semen affervatur, flavescente melleoque succo uberatum. Linguam gustantis blando amarore atque acrimonia vellicant, & suavi Opobalsami halitu odoratum demulcent. Rugosior senescentium facies, jamque exhausto vetustorum liquore, ferè inanes intus folliculi deprehenduntur; jucundo tamen si terantur odore, consumpti succi grata vestigia diutius manifestant. Afferuntur hi fructus nonnunquam satis integri, ut non in Aegypto tantum terræ commissi germina promant; sed in hoc pariter inferioris Italiæ tractu, non semel plantas aliquot dederint Danioto nostro, diligenti felicique stirpium exoticatum cultori, cum Illustrissimi Dominici Mori Tarvisinum prædium, plantis lectissimis exonaret. Viderunt apud ipsum vegetam Balsami sobolem, Eminentissimus Cardinalis Aldobrandinus, Petrus Affelinæus, & Gulielmus Sohierus, ille mendendi peritia, hic Attica eruditione, florumque venustiorum studio non è multis, manantem è folii decerpti pediculo fragrantem liquorem odorati. Conspectum mihi optimæ notæ Opobalsamum, antequam in Orientales proficiscerer provincias, Venetiis, apud Illustrissimum & Excellentissimum Joannem Justinianum, nunc pro Serenissima Republica Veneta ad Ferdinandum tertium Rom. imperatorem legatum. Apud Pompejum Sprechium, virum optimum, atque inter Venetos aromatarios pertissimum. In Aegypto deinde apud Othomanum Abutalibem, Mustafæ proregis vicarium, quod eo ipso anno dominus à Seriffo Arabum dono acceperat. Resina autem erat liquida flavescent, pellucida, odore supra terebinthinam, eximiaque suavitate grata. Sinceritatem ejus, an adhuc illibatam judicaret, cum sciscitarer, guttam liquoris, aquæ amplo in vase detentæ, instillabat, quæ momento disparsens, mox tenui atque albescente pellicula, superficiem totam obducebat, quam cultri cuspide iterum collectam educebat totam, spissiore, inodoram, & manifestoque coloris dispendio lactescentem. Frequentius porrò singulis

his annis ex Arabia delatum in Cahiro vidi, & examinavi, præcipue facem prælucente Illustrissimo civium Venetorum consule, Aloysio Cornelio, viro cum antiquitatum Aegyptiarum diligentissimo investigatore, tum Opobalsami, quod sæpius in patriam mittebat, acri pariter, ac docto censore. Deferebatur à mercatoribus in lagenis, quibus derepentè apertis, qui nares admovebant, prodeuntem à liquore acrem halitum, vix præ molestia sustinebant. Hujus quod superiora vasculi occupabat, tenuius semper, liquidius, clariusque notavi; idque sejunctum a partibus reliquis, vitroque puro conservatum, halitu mox gratiore se commendabat. Minus clarum, ac tenue, quod medio vasis continebatur, eoque minus adhuc, quod sæcibus proximum, nidore quodam injucundo fragrantiam odoris violabat. Legitimum sincerumque judicabatur Opobalsamum, cujus gutta aquæ indita, mox per summum ejus tenuem in telam expandebatur, styli deinde acumine integrè recolligebatur, evidenti pallore lactescens: quod odorem cum allati recenter Balsami fructibus, & ramulis eundem spirabat, amarore, & mediocri acrimonia linguam gustantis perstringebat. Cujus gutta lacti instillata, per superficiem celeriter diffundebatur, cumque stylo revocaretur, concreti secum lactis portionem ducebat. Denique veste excepta gutta, quo primum infederat orbe persistebat, neque in latum profundumque se spargebat, sicque vel humida etiamnum, tepidâ subinde admotâ, frictuque leni tollebatur, vel siccata, digitorum impulsu abscedebat. Hoc non Veneti tantum nostri; sed Galli, Siculi, Angli, Belgæ, confidenter sibi comparabant, cum non aliud, meliusve foret, quod Theriacæ miscebant Medici, qui in Morestano Cahiri pro imperatore Turcarum antidotum Andromachi componebant. Impellebat eos præcipue quod ad virulentos serpentium morsus nihil efficacius pollere uno ore testarentur Arabes, apud quos frequentes esse has feras, *καὶ δῆγμα ἔχοντας ἀνήμερον*, præter alios è verteribus, Strabo prodidit. Ad pestilentis utique veneni vim, aut abarcendam, aut domandam, haud scio, utrum hoc ipso, de quo loquor, balsami succo, inter magnates Aegyptios, vel
usu

usu receptius, vel æstimatione majus quicquam fuerit, cum nullo non anno, vel Tunetensium, vel Byzantinis triremibus, Alexandriam primò, deindè & propinqua in oppida, lues inveheretur. Assumunt, aut simplicem liquorem, aut quod utilius est, pulvere probati adversus pestem medicamenti, largiore dosi permistum. In publicum prodeunt, nares eodem, & pectus, sive præcordia delibuti: adjectoque Agallocho, & ambra, hypoglottides parant, quas ore diutius circumferant.

Mihi quoque volupe fuit, cum medicinam inter Aegyptios facerem, grato hoc, & familiari proceribus medicamento, frequentius uti. Expertus autem sum eximium, & salutare, ad graves lienis, renumque obstructions summovendas: Ad impediendam, sistendamque pulmonum putredinem maximè profuit, syrupo symphyti maculosi dilutum, & arteriæ asperæ crebro linctu insinuatum. Compertum mihi idem successu singulari, in Al Mansore equite Arabe, diuturno renum ulcere laborante, cum id florum hyperici, rosarumque pulvere densatum, boli forma fumeret. Quantum purgandis, glutinandisve vulneribus Naturæ opitularetur, magnis experimentis, etiam in vulgo percrebuit: noruntque rem optimè ludiones Aegyptii, cum stipem à plebe, horridioris spectaculi motu facilius impetraturi, laterum, brachiorum, pedumque cutem, plurimis hinc inde sagittis sibi transfigi patiuntur. In variis denique chronicis morbis quid præstet, & quibus in cuticulæ cura blandiatur, Prosper Alpinus libro de Plantis Aegyptiis, pluribus complexus est.

Hunc itaque tam excellentem liquorem, à Mauro sibi oblatum è Mecca redeunte, pretio admodum tolerabili, emit in Cahiro vir honestissimus Cosmus de Nigris, per annos vigintiquatuor Venetæ nationis in Aegypto pharmacopœus, integritate vitæ & artis suæ peritia insignis, quippè cui penitissimè cognitum erat, hunc eundem esse Balsami succum, quem tot exactis annis clarissimi Venetæ, Gallicæque nationis consules, & eorum Medici, modis propositis prius examinatum, patriæ proceribus, & amicis transmiserant. Venetias reverso Cosmo,

mo, non opus erat de hac nobili merce, suspenſa, ut aiunt, hedera: protinus enim emptorem naſtus eſt, à quo deinceps Antonius Manfredus, & Vincentius Panutius, pharmacopœi Romani, Opobalsamum hoc, in theriacæ componendæ uſum conſecuti ſunt. His verò concinnata jam antidoto, quas turbas dederint invidi æmuli, tetigi ſuperius. Quorum ob per-
vicaciam factum eſt, ut tantum non projecti cum theriaca li-
quoris partem, opera reverendiſſimi Episcopi Tomaſini, Pa-
tavium ad me curaret Baldus Baldus, vir animi, ingeniique
cultu laudatiſſimus. Poſtulabat, ut poſthabitis amicitia leno-
ciniis, quid de liquore judicarem, libere, & confidenter pro-
ferrem.

Mihi nefas viſum eſt, æquiſſima petenti, obſequium haud
præſtare, correptamque avidè, quamvis etiamnum familia-
rem oculis, naribus, & palato lacrymam, obviis mihi domi,
& apud amicos, balsamicis reſinis comparavi, & poſtquam
notis omnibus ad amuſſim exactis, animi ſententiæ reſponde-
re comperi, legitimum Arabici balsami ſuccum, ipſumque
adeò cognitum antiquis Opobalsamum pronunciaſti, & ob
eandem tum ſubſtantia, tum qualitatum facultatumque ratio-
nem in præſenti publicè pronuncio, & obteſtor. Ut autem
è ſolidis ducam fundamentis, idem eſſe Arabum, & quod
priſcis innotuit Opobalsamum, Dioſcoridem veluti Cynofu-
ram ſequar, Galeno judice, τῶν περὶ ἰητρικῶν ὕλιν σπερδασάν-
των οὐδενὶ δόϋτερον, eorum qui circa materiam medicam ver-
ſantur, nemini ſecundum: eodemque auctore omnia perfectiſſi-
mè complexum. Utpote, qui ſingulis notas addiderit, qui-
bus probatiora a vilioribus maximè diſtingui poſſunt. Non de-
flexit ab hoc ſidere oculos Abenſina, inter Arabes ſive nu-
mine, ſive nomine verè quondam princeps: quamvis barbarus
ejus interpres, plurima vitioſè Latinè tranſtulerit, nulla non
interpolaverit, quædam negligenter omiſerit. Dioſcorides i-
taque libri primi de materia Medica, capite decimo & octavo
ſic inſit,

Βάλσαμον τὸ μὲν δένδρον καὶ μέγεθος λυκίου, ἢ πυρακάνθης
βλέπε.

Balsamum quidem arbor, secundum magnitudinem lycii aut pyracanthæ cernitur.

Natum apud Arabes Balsami nomen, apud quos nata planta, neque à Syris, Aegyptiis, Græcis veteribus, ac Latinis alteri propriè stirpi tributum fuit. Recentiores tamen, audaculi nominum usurpatores, & alpestre ledum, & æmulos præcipuè Opobalsami liquores ab Indis petitos, & quicquid oras vulnerum efficaciter jungit, sive simplicis naturæ succus, sive mixtus sit, balsami nomine insigniunt. Arborem asserit balsamum Dioscorides, & ante ipsum Theophrastus, sed exiguam, & fruticis potius humilitate summissam, utpote, quæ Lycii aut pyracanthæ altitudinem, id est, pauculorum cubitorum mensuram haud excedat. Abensina, قاتنه قامة, شجرة الخضر, altitudinis arbusculæ Lycii tantum meminit.

Tale Arabicum nostrum est, ut confirmant quotquot illud in natali terra conspexere, adeoque verè Strabonis sensu φυτὸν θαμνωδες, planta fruticosa, ultra ligustri, aut cytisi adolescentiam sese non extollens. Magnitudinem tamen variat, non alimenti solùm ubertas; sed etiam cultus, atque; ut Theophrastus suggerit, ἡ τῶν ῥάβδων τομή, ramorum amputatio: quum fieri nequeat, crebrius coercitis frondibus, ut satis sese explicet plantæ germinantis impetus. Subjicit porrò Dioscorides:

Φύλλα ἔχον ὅμοια πηγάνῳ, λευκότερα δὲ πολλῶ, καὶ αἰθαλλέ-
σερα.

Folia habens similia rutæ, candidiora verò multo, & perpetuò magis virentia.

Comparatio foliorum balsami cum rutâ, optimè in Arabicam plantam expetit. Fundamentum similitudinis, partim in ordine foliorum locatum est, partim magnitudinis disparitate. Impar enim eorum confessus est, ternorum, quinquorum, septenorum, tum extremum cauliculi sui quod occupat, cæteris amplius est, à quo reliqua ex opposito se spectantia, quò remotiora sunt, eò contractiora ambitu cernuntur. Forma ipsa foliorum à rutaceis aliena non est; rei tamen herbariæ periti qui

qui oculis usurparunt singularem in ea cum terebintho, & lentisco convenientiam deprehenderunt. Colorem in foliis ruta multò candidiorem asserit Dioscorides. Theophrastus simpliciter ἐκλάσκον, exalbidum: Abensina اضر بها الي البياض vergere ad albedinem scripsit.

Varietatem hanc coloris, & cultus parit, & locorum mutatio. Major equidem in sylvestri balsamo foliorum candor est: minor in hortos translati. In Aegypto educati jam saturatior, magisque lætus viror existit: maximè illius, quod in Italiæ hoc tractu, è seminibus Danioto nostro pullulavit. Discrimina eadem etiam propinquiore locis in hortos admissæ patefaciunt plantæ, erigerum, polium, verbascum, dictamnus Creticus, potentilla, medica marina, aliæque plures. Denique perennantibus magis foliis præditum esse balsamum, imò Theophrasto auctore αἰφύλλον, dubium non est, climate Arabiæ perpetuo stirpium virori favente. Non indulget eum aliarum regionum acrior hyems: ut etiam in Aegypto viciniore, folia per Septembrem Balsamo defluxisse viderit Bellonius; sed cujus nova jam cum foliolis germina juventæ spem redintegrabant.

Γεννώμενον ἐν μόνῃ Ἰερδαίᾳ ἢ τινὶ αὐλῶνι, ἢ ἐν Αἰγύπτῳ.

Genitum in sola Judæa in quadam valle, & in Ægypto.

Vallem hic intelligendam esse Hierichuntis, Strabone, Justino, & Josepho auctoribus persuademur. Erat ea montibus undique veluti muro, caltrisque clausa, & insignem ob amœnitatem, sylvarum palmas ferentium amplitudinem, cultumque duobus in hortis balsamum, [digna Archelao visa, quam ulterius regia fede exornaret. In ea valle sola balsamum fuisse, cum Theophrasto refert Dioscorides, colligitque pretii inde magnitudinem Strabo, ὅτι ἐνταύθα μόνον γεννᾶται: quoniam ibi solum nascitur. Neque implicat rem Josephus, qui & Hierichuntis vallem balsami feracem scribit, & Engadinum agrum egregia complecti palmeta, & opobalsamum. Quamvis enim haud nnum Engadi, & Hiericho locum designent; notum tamen est, ex D. Hieronymo, Eusebio, aliisque claris auctori-

bus, in Hierichuntis aulone comprehensum fuisse Engadi vicum: Josephumque adeò ab urbe præcipuâ Hierichunte balsami hortos designasse, quamvis duobus, nec multum tamen diffitis locis sejungerentur. Galeni tamen ævo, non una tantum in valle; sed diversis Palæstinæ locis obvium fuisse Balsamum, cum & Sagadini meminerit, & ὄντων ἐν ἄλλοις χωρίοις Παλαιστίνης, eorum quæ in aliis Palæstinæ regionibus, credere par est, simul cum lucri cupiditate, plantæ colendæ studio crescente.

In Aegypto eîam nasci balsamum addit Dioscorides, veroque simillimum est, à Ptolomæis, & potissimum Cleopatra, cum teste Plutarcho Judææ regionem balsami feracem à M. Antonio triumviro in donum accepisset, translatas in Aegyptum fuisse plantas, in luxum, & delicias diffusæ mulieri, multis nominibus expetitas. Imò placuit earum cultus ad nostra usque tempora, quoniam dominantibus in Aegypto Califfis, & præcipuè rem publicam administrantibus hodiè proregibus, sive Bassis, non è Palæstina quidè; sed Arabia frequenter repetitæ fuerunt. Abensina Aegyptiam adeò nominat plantam balsamum, gignique tantum, ait, in loco يقال له عين الشمس, quem appellant oculum, aut fontem Solis. Imò illo ipso, quem الله طهرة, locum lustrationis Christiani Aegypti indigenæ nuncupant, non tam ad corporis, quàm animi scabitudinem expiandam, religione celebrem fontem exhibens, cujus salutaribus rivulis peregrinam hanc, nobilemque balsami stirpem insigniter profecisse, etiam adversa Christianæ pietati pectora non diffitentur.

Periisse autem in Palæstina jamdudum balsamum, publica magis fama divulgatum est, bellis atrocibus cum ipsis hortis cultores perdentibus. Periit fanè frequentius in Aegypto, quia proregibus, qui paucis annis ad clavum imperii sedent, sæpe nihil minus quàm balsamum curæ est: presertim ex quo lignum ejus, & fructus, & liquorem copiosius Arabia suppeditavit. Cæterùm quod olim de Palæstina Theoprastus, id de Aegypto multo magis accipiendum est, sylvestre in ea Balsamum nuspiam repertum. Nec favet satis plantæ regionis ha-

bitus, quippe quæ non collibus acclivis; sed ab utraque Nili ripa in plantiem æquatur.

Διαφέρον αὐτὸ ἑαυτοῦ τραχύτητι, ἢ μήκει, ἢ ἰσχνότητι λέγεσθαι τοῦ λεπτοῦ, καὶ τριχῶδες ἔσθαι θάμνου, περιδόν. Ἴσως, διὰ τὸ εὐχρῶς διερίζεσθαι ἰσχνὸν ὄν.

Præstans à se ipso asperitate, & tenuitate. Dicitur itaque tenue & capillaceum fruticis, demessile; forsàn quia facilè demetatur, gracile existens.

Scribit eadem Abensina, *بالتخشونة والطول* præstat, inquit, asperitate, altitudine, & exilitate sua; quamvis interpres Latinus verba hæc omiserit. Atque hanc etiam in ramis Arabici Balsami varietatem facilè deprehendet, quicumque fascibus illius Meccano itinere in Cahirum delatis, manus oculosque admoverit: imò vel uno in fasce differentes amplitudine, asperitate, atque exilitate frondes agnoscet. Quamvis enim verè Theopraustus, ὅσα πλὴν οἰκείαν χώραν λαμβάνει, μάλλον δύναται, τὰ γένη διατηρεῖν: magis fervare genera sua posse, quæ familiarem sibi locum nanciscuntur. Asperior tamen, etiam constante sibi specie, balsami habitus fuerit, si parciore aridam terram humiditas temperet, aut de tenuiore alimento plus iusto subducant, illa ut cum poëta loquar

— *æstivi radiantia tela diei.*

Nutrimētum item æqualem sicci humidique misturam haud obtineat. Lætius balsami incrementum est, cum frequenti cultu, sylvestrem, ut ait Maro, animum exuit. Ἀθρωοτέρη γὰρ εἰργασμένων ἢ βλάστησις: plenior enim magisque conferta cultorum germinatio.

Accedit etiam magnitudini plusculum, quotiescunque succi plenum terræ altricis uber, jam rariorem, humidiorēque materiam efficit. Exilius conspicitur, & capillacea furculorum tenuitate facilem tonsuram admittit, quod minuta sobole propagationem sui consequitur. Hoc robustioris pariter stirpis notam exhibet, nec sylvestrium moris adhuc oblitæ, quibus inter alia tribuit Theophrastus, ἐν πολλοῖς εἶναι, καὶ μικρὰς τὰς μονίμους ἀρχάς: numerosa obtinere, minuta germinum permanentium principia. Quæ verò Plinius hic de balsami spe-

ciebus adstruit, optimè expendit Cl. Salmasius, vir summus, quem in exercitationibus ad Solinum operæ est consulere ipsum.

Τὸ δὲ ὀποβάλαμον λεγόμενον ὀπίζεῖ ἐν τοῖς ὑπὸ κύνα καύμασιν ἐν τεμνομένου σιδηροῖς ἄνυξι ἔξ δένδρου; ρεῖ γ' ὀλίγον, ὥς καθ' ἑκάστον ἔτος μὴ πλεῖον ἢ ἐπὶ αὐτῇ χροῆας συναθροίζεσθαι. Πωλεῖ δὲ ἐν τῷ τόπῳ πρὸς διπλοῦν ἀργύριον.

Orobalsamum verò dictum excipitur sub canis ardoribus, incisa ferreis unguibus arbore. Fluit autem modicum, sic ut singulis annis non plus quam sex aut septem congii colligantur. Venditur in loco (quo nascitur) argenti duplo.

Jam liquorem balsami proprium, quem communi ὀποῦ succi nomine compellatum innuit Dioscorides, in quo censu haberint veteres, optimè traditum est a Theophrasto. Nam cum proposuisset insitum plantis humorem, τὸ μὲν πάχυνται ἔχειν μόνον ὥσπερ τὸ ὀπωδῶν: τὸ δὲ καὶ δακρυώδη γίνεσθαι, καθάπερ ἐλάτης, πύκνης, τρεβίνθου, aliorum crassitudinem tantum obtinere, ut in succulentis: aliorum etiam in lacrymæ modum gigni, ut abietis, pini, terebinthi, & similibus. His subjungit olibanum, & myrrham, quandoquidem & ipsa, inquit, lacrymæ sunt: itemque βάλαμον, καὶ χαλβάνην, balsamum & chalbanam, & si quid aliud tale. Hæc eadem ἑυοσμία benè olentia scribit, utpote quæ πιότῃ τῇ τῆς, καὶ λίπος, pingue quid habent, & unctuosum, exactiore coctione discussis partibus aqueis, à quibus odorati halitus obtunduntur.

Δάκρυον itaque sive lacryma est balsami succus, sed lacryma pinguis, & oleaginosa, adeoque ab ipso protinus ortu, γάλακτι γλιχῶ παραπλήσιον, lacti viscido, ut refert Strabo, similis. Imò resina est opobalsamum, quam à gummi, (quod ipsum lacrymis pariter annumerat Eresius senex) pinguior, & oleosa magis substantia distinguit. Hinc resinarum in modum, & oleo promptè miscetur, & in flammam ignis contactu facillè sese explicat. Dudum in lucernis adhibuisse opobalsamum veteres, & ex iis Eliogabalum perditæ prodigalitatis principem, auctor est Lampridius. Inter Christianos item dynastas Constantinum imperatorem; sed sacros in usus, & religionis ve-

venerationi dicatum. Abensina, & cum eo recentiores Arabes omnes, elicitam balsami refinam دهن dohen nuncupant. Qua voce, licet, ut supra scripsi, aliquid illini, injungique aptum exprimant, adeoque pinguem, & oleagineum liquorem: imo unguenta ipsa, ut balaninum, cyprinum, myrthinum, liaceum, non erat tamen, cur interpret Latinus eam olei magis vocabulo designaret, quod زيت zeit, communi loquendi usu; non dohen nuncupatur: idque etiam de Græca βαλσαμελαίου voce habendum est.

Hanc itaque substantiæ conditionem exactissimè refert his quem asserimus Arabici balsami liquor. Lacryma enim est; sed resinosa, facilè tum oleo miscibilis, tum inflammabilis igne. Non tantum postquam à genetrice planta depluit; sed in ramulis etiamnum, & seminibus obhærens, γλίσχρη, tenax, & lenta, quæque cum eliquata est, turbida visciditate lactescens conspicitur.

At liquor hic, primùm ipsius naturæ providentia hominibus innotuit, cum salutari quadam excretionem succi redundantis onere se levaret, quemadmodum in picea, terebintho, lentisco, similibusque consuevit. Notavit rem inter priscos auctores Theophrastus, qui veluti myrrham, & olibanum; sic opobalsamum etiam αὐτομάτως γίνεσθαι, sponte fieri, tradidit. Id verò cum paucum admodum, & lacrymas salutare expectantium desiderio minimè sufficiens sit, ars, sedula naturæ imitatrix, partim perita corticis incisione, partim succulenti seminis expressione, partim caloris ministerio liquorem proliciendo, majorem ejus copiam sibi comparavit.

Incisionem arboris balsamici declinante jam æstate in Palæstina, & Aegypto peractam fuisse memorat Dioscorides,

— *rapidos cum Syrius ignes*

Exserit —

Abensina بعد طلوع الشمس post ortum canis id factum confirmat, tempore iatis huic operi convenienti. Tolerabilior enim tunc circa plantam mora, cum spirantibus ab Aquilone jucundis auris, æstus aeris mitescit; cum succus à sole, dum circa Tropicum æstivum versatur, optimè concoctus, va-

li-

lidusque etiamnum calor est, qui spiramenta balsami laxet, & exsuperantem humorem ad exsudandum compellat. Non obligant se tamen Ephemeridum legibus Arabes. Nam cum stirpes balsami validas possideant, æstatem præterea sex mensium spatio productam, non semel; sed sæpius eas ad lacrymas fundendas incitant.

Percussas quoque in Palæstina ter omni æstate fuisse refert Plinius, cum major esset succi colligendi aviditas. In Aegypto, vel mense Martio artificem plagam admiserunt. Nec summa tantum flagella petunt incisores; sed etiam stipitem, atque ut Theophrastus loquitur, καὶ τὰ στελέχη, καὶ τὸ ἄνω.

Instrumentum quo cortex balsami solvebatur, ungues fuisse ferreos, tradit cum Theophrasto Dioscorides. Abensina simpliciter يـمـشـط بـدـيد vulnerari ferro scribit. Usi alias vitro antiqui, & ut Josephus testatur ὄξεσι λίθοις acutis lapidibus. Arabibus recepti sunt eburnei cultelli, ut minus penetrabile, minusque noxium vulnus faciant. Nec ferrum tamen odit natali in solo educata arbuscula. Ab eo enim quemadmodum superfluum amputationem; sic plagam etiam, quæ clementi impulsu corticem tantum dividit, absque discrimine patitur. Itaque de validiore ferri vi, accipienda Taciti verba, & de vulnere quod in lignum, & medullam, adeoque vitalia adactum fuerit.

Facta corticis solutione, sequitur lentæ, tenuique ploratu manantis lacrymæ collectio, eaque non paucis ab illato vulnere diebus; sed ut Theophrastus meminit ὅλον τὸ θέρος, æstatis decursu toto. Stillantem à planta liquorem vasculis, & conchis parvis, ut ait Strabo, exceperunt veteres, defluentis ejusdem aut hærentis abstersionem lana perficientes. Abensina يجمع ما يرشح بقطنة colligitur, inquit, id quod exsudat gossipio. Faciunt idem Arabes, nec dubium munditer sic haberi, & inquinamenti minus obnoxium fieri.

Per feminis expressionem collectum olim opobalsamum, nec purum satis, nec sincerum fuisse, non difficulter persuadeat Plinius, qui misturam ejus cum stillatio, adulterii crimine infamat. Recepta magis subsequentibus seculis opobalsami
per

per ignis operam collectio, ramusculis & sarmentis demessis, & aquæ incoctis. Prodidit eam dudum ex Arabibus ipsis Mesuè, clarissimus Medicus, & Damasco patria locis balsami natalibus propinquus. Certius eandem assererat, è primariis Cahiri Medicis, Ahmet Habibus Lusitanus, Cl. Ludovici Mercati olim auditor, qui repetita peregrinatione Meccam, & finitimas al Jamini provincias lustrarat, & maximam liquoris partem elici ramis, frondibusque plantæ (quo tempore plenior est, gemmulisque prominentibus formosior) demessis, concisis, & contusis. Demitti eos in vasa ampla, aqua a subiecto igne jam calente plena: tumque leni decoctione, pinguem; æriumque succum aquæ summum petere, quem cochlearibus curiosè separatim, calentem adhuc vasis lagenisque recondunt. Cum nihil amplius in aquæ superficiem effertur, exemptam congeriem, ut superstes humidi resinosi portio, violenta compressione elidatur, torculari subijci. Qui decoctione blanda sic eductus est liquor, eum postquam per ætatis veluti gradus ad vigorem pervenit, tum qualitatibus, tum agendi viribus stillatio proximum esse; tenui tantum amariusculi saporis, & fragrantiae remissioris discrimine relicto. Sequioris autem conditionis commemorabat, quod à coctione frondibus expressum, valida coactione terreis simul partibus propulsis. Facilius denique, citiusque sic opobalsamum colligi, quam lento guttæ ploratu, non tam ob succi levitatem, quàm ejusdem in ramulis etiam extremis foliorumque nervulis singularem ubertatem, secus atque in aliis plantis, resinas propinquis in montibus eliquantibus, obtinere deprehendimus. Apud Indos, quid in odoratis hujusmodi resinis colligendis fiat, à Monardo jamdudum, aliisque recentioribus proditum est.

Sed revertimur ad Dioscoridem, qui de stillatio locutus cum Theophrasto *ὅτι εἶναι πολὺ τὸ ῥέον*, non esse multum, inquit id quod fluit, cum singulis annis, non plures, quàm sex septemve congii colligerentur: quæ non immeritò Cl. Salmasio mira videntur. Quamvis enim Alexandri Magni ævo, quo Theophrastus vixit, in utroque Palæstinæ paradiso, quatuordecim hemichoeæ; id est, septem congii annuo proventu

complerentur ; vero tamen similis est , longè majorem ejus copiam fuisse Dioscoridis ætate , qui vel paulò ante Plinium vixit , vel eidem , ut eruditis quibusdam visum , *σύνχερον* fuit , cum non Græcis tantum , & Asiaticis ; sed Romanis , vigente jam cum imperio luxu , expeteretur : adeoque ex re ipsa lucri certitudo publicam magistratus curam excitaret , & Dioscoridem hic ; non quid opobalsami annus tempore suotulerit , sed quid Theophrastus scripserit , spectasse. Non minus suspectum est , cum de Aegypto loquitur Abensina , interpretem Latinum quinquaginta librarum mentionem facere usque ad sexaginta , quod pondus parum abest a septem congiorum mensura , quam regiis Palæstinæ hortis cum Theophrasto assignarat Dioscorides. Equidem summam hanc non determinat codex Arabicus Medicæus ; sed apertè , *ما يجاور في السنة اربطالا* , non permeant in anno aliquot libræ. Est autem retolo , Giggejo quidem libra duodecim unciarum ; in hodiernis tamen Aegypti Fagamiis seu Aromatopoliis , pondus centum & quadraginta drachmarum. Itaque cum nihil hic determinatum agnoscam , hortique al Matahariæ non adeò laxum ambitum sciam , interpretis vestigia nec sequor , nec assequor. Equidem Plinii ævo , abundantius apud Judæos opobalsamum provenisse , dubium ex eo non est , cum validiores , majoresque scribat tunc fuisse plantas , & ter omni ætate percussas. Largior item seculis sequentibus copia reperta est , cum ex Aegyptiis fundis , ut refert Anastasius Bibliothecarius , templa Romana centum & septuaginta Opobalsami libris , Constantini imperatoris beneficio fruerentur : quamvis probabilius sit , cum Aegyptus alendo balsamo parum idonea sit , neque alibi quàm intra Matahariæ conspectum plantam educaverit , assiduo cum propinquis Jamini populis commercio , liquorem illius prædiis Aegyptiis affluxisse.

Quid Arabes tandem ? apud quos , licet odoratæ hujus resinæ annuam *συνάγλη* , certa definiri mensura non liceat ; insignem tamen eos opobalsami proventum hodiè possidere , tam emolumentum arguit ingens , quod ex locatis balsami arbuſtis ad Seriffum redundat ; quam mercatorum multitudo , qui singulis

annis, in Persici, Turcicique imperii provinciis illud distrahunt. Ex eo verò minimum est τὸ αὐτόρριπτον, quod sponte naturæ laxato, ruptove cortice manavit: exiguum item tenuior stillatitii per incisionemeducti portio, & veluti flos, regis tantum, magnorumque procerum manibus destinatus. Major autem ejus, quod repetito caudicis frondiumque vulnere fluxit: præcipuè quod ignis ministerio comparatum, cujus maximam colligi partem Habibo auctori acceptum refero. Longè profectò ampliorem Opobalsami copiam Arabes promerent, si Europæorum stimulis ad culturam numerosarum stirpium ejus incitarentur. Nunc quandoquidem succedaneis antidota instruere usus obtinuit, adeoque paucissima Opobalsama expetantur, & cognoscantur, satis habent Arabes, si tantum odorati hujus succi colligant, quantum magnatibus satis est, & facilis emptor abducere denuò, venumque præbere potest. Oblatum illud tamen ultrò Venetis mercatoribus, sæpè cum in Aegypto degerem vidi, neque inopiam ejus incidisse memini, præterquam in publicis provinciæ turbis, quæ Anno clb. lœc. xxxi & sequentibus, Arabes & Seriffum involvebant.

Olim, ut cum Theophrasto refert Dioscorides, argenti duplo rependebatur, cum prodiga odorum voluptate deliniti mortales, non capillis tantum; sed toto corpore unguentis maderent: cum eadem in potus adderent, & in castris quoque miles, pulverulentas, custodiisque horridas aquilas unguentis corrumperet. At non ea Persas hodiè, Turcasque vexat insania, quibus in Valetudinis ferè commodum Opobalsama placent. Fœminæ cultus sui causa rarò eadem admittunt, Ligustro, Stibioque contentæ: non ignaræ, tunc se magis placere viris, cum minus olent. Defunctorum tamen honori aliquid Opobalsami datum novi, non corpori universo; sed locis putredinem spirantibus cum gossipio admoti. Moderatum itaque rei apud Arabes pretium, quæ nec avidè adeo diripitur, neque in numerosarum hodiè plantarum fœcunditate, postquam ignis opera addita est, adeò laboriosè, difficulterque conquiritur, ut Cosmus noster in Cahiro, cum fortè copiosius adferretur, mercatore pecuniarum indigo, libram opobalsami, scutato

nummo comparare sibi potuerit.

Ἔστι δὲ καλὸς ὁπὸς ὁ πρόσφατος τῇ ὁσμῇ ἔυτον, καὶ εἰλικρινής, καὶ μὴ παροξίζων, οὐδῖετος, λεῖος, σύφων, καὶ δάκνων μετρίως.

Est autem bonus succus, qui recens, odore validus, & sincerus, & non subacidus, facile solubilis, lævis, adstringens & mordens modicè.

Subjungit porrò Dioscorides, quæ fucci balsamici bonitatem, & virium adeò incolumitatem arguant. Ac primo quidem πρόσφατον laudat, sive recentem. Optimo jure! quis enim haud fateatur calidiora esse, spirituumque pleniora, quæ ortui suo propinquiora sunt? Nec tamen hic recentissimum, & à matre sua etiamnum calentem laudat, quem veluti maris, terrarumque ingens intervallum nobis denegat; ita nec idoneam satis adversus morbos operam præstare posse constat, utpote qui περιττωματικώτερος, ut cum Aristotele loquar, partiumque nondum à colore insito mitigatorum multitudine ἀκατέργαστος: turbidus adeò, & digestionis ulterioris indigus. Alexius Comicus eleganter,

Ὁμοιότατος ἄνθρωπος οἶνω τὴν φύσιν,
 Τρόπον τῖνα ἔστι. Τὸν γὰρ οἶνον τὸν νέον.
 Πολλὴ γ' ἀνάγκη καὶ τὸν ἄνδρα ἀποζέσαι
 Πρώτισον, ἀφυβρίσαι, καὶ παυθῆσαι, πάλιν
 Σκληρὸν γενέσθαι ———

Similimam, inquit, hominis, & vini naturam quodam modo esse. Vinum enim novum, & hominem, valdè necessum est defervesce; primum omnium fordes & spumam ponere; tandem asperum fieri. Idem in hac nobili resina obtinet, quæ tunc demum nativam indolem exferit, quando ingeniti caloris auxilio superfluum impedimenta abjecit, ut recens hic nobis sit, non quod nuper collectum est Opobalsamum; sed quod à peracta digestionem qualitatum suarum perfectionem adeptum est, ex crasso tenuius, ex turbido clarius evasit, post albidum, & virescentem, aureum colorem induit.

Alterum, quod in liquore nostro requirit Dioscorides, est τῇ ὁσμῇ εὐλονία, odoris validitas. Hæc enim, Galeno iudice, certum præstantis integræque naturæ argumentum in medica-
 men-

mentis præbet, adeoque substantiæ aëriæ, & igneæ vigorem spondet. Acutissimus autem in fervescente odor est, quippe quem acris admodum, & fervens halitus vehit: mitior jam digesti: debilis, & obscurior in eo, quem ἡ χροὺς ἀδίκῃ ἰατρῇ iniqua temporis vis, ut Sotades loquitur, senectusque labefactavit. De odore Opobalsami, nil adeo mirum prædicant, quos hic sequimur principes auctores. Dioscorides lignum ejus ὁδὸς, benè odoratum scribit, ipsumque adeo succum τῶν μύρων σύμμασι, spissamentis unguentorum addi. Galenus balsamum partium tenuium asserit ἕως τῆς ὁσμῆς, ad odoris usque bonitatem. Inter Arabum procures Abensina *البنسنة* بالسداب speciem odoris rutaceam pronunciat. Theophrastus odoræ jucunditatis apud priscos arbiter optimus, Ὀποβάλσαμον διαφορόν τι φαίνεται καὶ πλεονέκτησιν ὁσμῆαν. Opobalsamum præstans quid videri, odoris seu bonitate, seu vigore. Ramos item & fructus balsami, odore valdè seu grata, seu valida judicat. Neque Hercules injuria. Nam cum lacrymas arborum omnium resinas fundentium, ἐυόσμως bene odoratas appellasset, inter resinas vero terebinthinam ὁδοεσάπτω, odore gratissimam, quidni balsami liquor ipsi præstans quid, & excellens visum fuerit? qui utcunque terebinthinæ odorato halitu cognatus admodum sit; fragrantiam tamen, etiam cum notæ optimæ non est, spirat omnino majorem, adeoque inter odoratas merces, in priscis myropoliis eximiam. Priscis dico, quibus apud Theophrastum σπουδαιότατα τῶν μύρων, elaboratissima unguenta, Cinnamon, styrace, nardo, amomo, cypero, myrrha, croco, iride, cardamomo, amaraco, loto, anetho, similibusque componebantur, adeoque opobalsamum, non optimis, & fragrantissimis; sed vel mediocriter olentibus unguentis adulterari potuit, ut in Dioscoride clarum est. Cumque non odore tantum jucundo placeret; sed medendi quoque virtute, nulli antiquitus cognito remedio opobalsamum cederet, quid miremur, scripsisse Plinium liquorem hunc suavitate, utilitate, pretioque tam insignem, omnibus odoribus præferri? Flavium quoque Josephum balsamum τὸ ἐν Ἱερὶχοῦντι τιμιώτατον, rerum in Hierichunte obviarum pretiosissimum existimasse? Non hæc tamen

impellere Clarissimum virum, Petrum Servium debuere, ut Opobalsamum laudatis hoc ævo præcipuis odoribus præferret, quibus locellos suos dum farcit delicatior sexus, non ineptè sibi videtur,

— *ceu nectare poto*

Efflare ætherei immortalia munera succi.

Diffuadebit enim rem omnem quisquis discernendis odoramentis, non tantum rationis trutinam; sed benè temperatum quoque sensum attulerit. Mihi quidem selectius opobalsamum odoranti (odoratus autem sum frequenter) eximiam semper fragrantiam ingessit optimi olibani, myrrhæque *ἑσπερία* superiorem. Non eam tamen, quam simplicis vel ambræ, vel moschi eminus perceptis odoribus prætulerim, quos gestantium corpori, aut vestimentis conciliant. Non jucundis Hermeticorum, qui hodiè, multis liquoribus: ne supra Sambac quidem Arabum, & Abel moschi semen, quamvis magis obviorum, suaveolentiam extulerim. Habeat Opobalsamum limatissimo Theophrasti judicio præstans quid, & odore excellens, sed inter *ὑγρότητα δακρυώδεις*, lacrymales humiditates, quales abietis, pini, terebinthi, lentisci, olibani, myrrhæ, & si quas hujus ordinis alias Eresia Suada recenset, longè retro actis seculis cognititas.

Cæterum odora succi balsamici gratia, non eodem gradu sensui humano blanditur. Summam in eo perhibent, quem pollens viribus suis natura sponte exclusit, virtutum omnium perfecta collectione pretiosum. Validior item, magisque jucunda spirat in tenuiore, & puriore parte illius, qui ab artifice plantæ vulnere manavit: minor in crassiore, quæque cum sæcibus suis diutius colluctata. Suavissimus Opobalsami odor quem vegeta juvenus spargit: languidus & immitis illius, quem senecta jam ætas confecit, vere Aristophani *ὥσπερ βαμὸς, ἢ ἐργασήριον ἢ πακῶν*, velut ara, & ergasterium malorum. Norant etiam antiqui, majorem esse ejusdem fragrantiam, si lacryma semen præcessisset; à summis potius virgulis, quam imo caudicis prodiisset, iisque in aprico magis & collibus, quam umbrosis, & oriente sole averfis locis educatis. Grati-
tius

tius semper, & clarius Opobalsamum observavi, quod pedes, aut eques è Mecca attulerat; quam quod longo itineris tractu, cameli dorso vehementius agitatum fuerat. Nec dubium mihi ullum, regionum quoque diversitatem, odoris aliquod discrimen olim peperisse, quum Sagadinum Opobalsamum Aegyptio, aliisque in Palæstina nascentibus Galenus prætulit.

An autem idem Sagadinum Arabico nostro, præstantius odore fuerit, non facile curiosis ingeniis dederim. Quamvis enim cum propinquis Indis assiduo commercio, non parum odoratæ mercis Arabes colligerent; propria tamen sylvarum suarum odorifera fertilitate, nulli exteræ nationi quicquam invidebant: maximè Sabæi, apud quos, teste Plinio, captis è mari & sylvis quæ venderent, maximè opes Romanorum, Parthorumque subsidebant. Cum itaque balsamum eo loco sponte natura producat, quo deliciis mortalium odoratis educandis, & perficiendis, tum solem habet faventem, tum uberrimam benignamque terram: quid hæsitamus, plantam hanc in eadem summam naturalium qualitatum perfectionem consequi? De virtute, cujus experimentum nobis facere libuit, dubium nullum: qua veteris è Palæstina opobalsami laudes, non implere tantum videtur; sed etiam transcendere, si vires attendimus, qua pestilenti contagio resistit. Inficias tamen ire nolum, Opobalsamum Arabicum in patrio solo indiligentiùs assertum, longoque rursus itineris ductu, fervido soli negligenter expositum, citius lentescere, adeoque tum odoris fragrantis ἐκλυσιν, tum facultatum propriarum detrimentum incurere posse.

Tertia bonitatis nota Dioscoridi sinceritas, εἰλικρίνεια, quæ non tam claritatem arguit, perfectioris digestionis comitem; quam substantiæ liquoris simplicitatem, rei alienæ subdolis misturis adversam. Hoc verò titulo, non illud solum accipimus Opobalsamum, quod stillatim planta suppeditavit; sed etiam quod è frondibus ramulisque ignis ministerio comparatum est; saltem ut prius, nulla heterogeneorum accessione vitiatum sit. Genuinus enim balsami succus est, non fecus atque arundinis suæ saccharum, substantia, qualitatibus, agendi-
que

que facultatibus idem, & viribus ipsis stillatio proxima, si rite artifex ignis opera usus fuerit.

An genuinum item, sincerumque sit Opobalsamum, quod femina geniali succo adhuc turgidula suppeditant, ambiguum reddidere veteres, qui misturam ejus cum stillatio ex ramulis reprehenderunt. Ego simplicem eos purumque feminis liquorem abjecisse minimè existimo, apud quos adulteratum habebatur, non quod integræ naturæ est; sed quod alieni consortio fœdatum. Equidem substantia illa pinguis, & aëria quæ ramulos imbuunt, eadem est cum resina quam complectitur semen: adeoque non temperamenti solum; sed etiam effectuum quos recenset Dioscorides, ratione similis. Primam quidem præcipuamque agendi vim lacrymæ tribuit; proximam tamen femini. Non quia caloris minus spirituumque feminalis succus possideat; sed quia terreis involucrorum partibus impeditus, exserere virtutem non ita possit. Verè Theophrastus, femina *κυριώτατα, ἢ πρῶτα τῆς φύσεως ἔργα*, præstantissima refert & prima naturæ opera, illiusque *τελείσεως*, jam perfectæ, non intra rudimenta nobilium functionum balbutientis: quippe quæ non calidi tantum vitalis; sed formarum ipsarum compendia sint. Igitur ut ramuli recentes, ita succi plena balsami femina, siquidem Spagyricis laboribus exercitatum nanciscantur artificem, Opobalsamum dabunt, tam suavi odoris halitu; quam virium excellentia saluberrimum, jurèque Aristotelis illud hic obtinebit, *ἁπτελεῖν τὴν τέχνην, ἢ ἡ φύσις ἀδυνατεῖ*, perficere artem, quæ natura non potest.

Quartò, laudabilis Dioscoridi balsami succus *ὁ μὴ παροξίζων*, qui non subacidus. Quemcunque enim talem gustus deprehendit, propriam temperamenti symmetriam non obtinet. Detrimentum hoc non una; sed plures accersent causæ: fitque cum liquorem planta per ætatem jam affecta tulerit, eundemque protinus ab initio *ἐκείψῃ δυνάμει* & *πέπτοντῃ*, languore facultatis coëtricis haud perficit, aqueas frigidasque partes, non discutientis, non resolventis. Aut optimum alioquin succum, diffusa pingui & aëria substantia, fervor ambientis exhausit. Denique vasis ab Opobalsami vetusti facibus non purgatis,

gatis, recentes lacrymas fordidus cultor immiserit, vitiosam hanc qualitatem paulatim induit. Mihi quidem balsami succus, qui sapore sic affectus fuerit; haud dum observatus, crediderimque proniorem in hanc mutationem fuisse, quem Aegyptus olim, & Palæstina, temperatiores quam Arabia provinciae, dedere. Commune quidem est, dum à recenti ploratu effervesceat Opobalsamum, calorque insitus heterogenea dispellit, ut vasis reclusis, acrem admodum, & acidum vaporem naribus propinquis ingerat, quam subsequens exactior concoctio sensim mitigat. At nævus, de quo auctor noster, non vigorem insiti calidi; sed labem ejusdem, & impotentiam arguit.

Quintum est, quod in bono balsami succo exigit Dioscorides, ut sit εὐδιδέσθαι solvi facilis, aut liquari. Sic enim interpretantur vocem hanc, Attica eruditione viri principes, alias neque rei, neque auctori suo satis vindicandam. Hoc ipsum autem est, quod veluti sincerum deinde commendat idem Dioscorides, quodque aquæ, aut lacti inditum χαῖν ταχέως, funditur celeriter, & ut ex eodem hauserunt Arabes scriptores, Serapion, & Abensina, solvitur subito ينحل بسرعة. Neque abs re hanc probandi liquoris conditionem expressit Anazarbæus. Quisque enim ejusmodi est, sensum gustantium facili penetratione celeriter afficit, & ut cum veteri loquar Poëta;

— per caulas omne palati

Diditur, & rare per plexa foramina lingue.

Imò quod pluris est, gravibus in morbis expeditum, desideratumque virium suarum specimen præbet. Improbis itaque fuerit, quando potiore sui parte, spiritu scilicet, & calore destitutus, terrenoque impeditus lentore, nec facile dilabatur, nec tenues corporis meatus subire valet.

Addit his bonitatis indiciis λεωότητα, lævitatem Dioscorides. Etenim cum humiditates plantarum, ut jam ante propositum, alias simplici crassitudine consistere tradiderit Theophrastus, alias autem in lacrymæ modum gigni, Balsami succum non aqueis illis, sed pinguibus atque oleaginosi annumerat,

quorum proprium est, lævitatem rebus aliis, & lubricitatem inducere. Hoc itaque nomine liquorem innuit, etiamnum recentem, palatum, partesque quas imbuit, pingui lubricitate lenientem. Sequioris verò conditionis, qui crassior, & spissitudine nimia digitos ungentis difficulter sequitur.

Postremò, laudabilis Dioscoridi balsami succus, ὁ σύφων καὶ δάκνων μετρίως, qui adstringit, mordetque mediocriter. Equidem cum nobilis hæc resina, inimicum humano temperamento calorem non obtineat, gustum non nisi blandè afficit, & modestè. At Dioscorides ὁπὸν θερμαντικώτατον, succum balsami maximè calefacientem constituit; sed hac tenus, ut ligno, propriisque fructibus conferatur. Nam ut in ligno parum, plus in fructibus caloris percipitur; ita plurimum ejus in succo dominatur. Optimè tamen Galenus, & hyperbolem Dioscoridis veluti coercens, balsamum calefacere, & siccare excessu secundo scribit. Liquorem quidem subtiliorem esse partium, quàm ipsa planta, non adeò tamen calidum, quemadmodum quidem existimarunt. Jam enim experientia satis cognitum erat viro diligentissimo, balsami succum in nullo affectu, qui calore validiore indigebat, evidenter opitulatum fuisse, quod vim ægritudini parem non afferret. Insistit præceptoris vestigio Abensina, cumque ligno similem temperamenti normam adhibuisset, Opobalsamum ipsum, in principio calidorum tertii ordinis reponit, additque cum Galeno, لبس قبة من الاسخان ما يظي non esse caliditamen in eo quam arbitrantur. Placidus igitur quàm mordicandi, quàm stringendi in balsamico liquore effectus, quemque in senectà ætate vel exiguum exiguum exhibet, vel nullum.

Atque his bonitatis signis conspicuum sæpè observavi, quod etiamnum felix ejus proventu Arabia suppeditat Opobalsamum. Erat enim, quantum in tanto locorum intervallo fieri potest, virium suarum integritate recens, suavi adhuc odore validum, non heterogenei cujusdam accessione adulteratum, clarum etiamnum, haud subacidum, facilè solubile, lævum, modicè adstringens, & mordens.

Δολοῦν δὲ ποικίλως: οἱ μὲν γὰρ χεῖρματα μίσγουνσι αὐτῷ, ὥς τὸ
τέ-

τερεβίνθινον, κύπρινον, χίνινον, σάσινον, βαλάνινον μεπώπιον, μέλι, κηρωτὴν, μυρθίνην ἢ κυπρίνην ὑγρὰν λίαν.

Vitiatur autem per fraudem variè: sunt enim qui unguenta ipsi miscent, veluti terebinthinum, ligustrinum, lentiscinum, liliaceum, nucinum, metopium, mel, ceratum myrthinum, & ligustrinum valdè humidum.

Variè per improbos emptores corrumpi solitam balsami lacrymam, ἢ πολλὴν δέχεσθαι κρείσσον, multamque capere misturam, nec in Græcia adeo, nisi rarò, sincerum vendi, vetus Theophrasti querela est. Quid Dioscoridis deinde, aut Plinii ævo, cum ingeniosus disperdendis unguentis luxus, in tantum suaderet augere liquorem; Cum parum esset unguentum fumere, nibis die, terque, ne in corpore evanesceret, renovaretur. Cum expeterent homines, quibus singulas corporis partes, atque etiam vestigia pedum tingerent: transeunte fœmina odor invitaret etiam aliud agentes, metuque proscriptionis latentes proderet: denique parietes balnearum unguentis spargerent, & temperarent folia. Ridicula voluptate, etiam cum honestissima judicaretur. Fœtor, inquit Satyricus,

Nunquam non mortalis erit mortalibus, unde

Exierint, & quo tendant discetur odore.

Superabat tamen hominum perfidiam summorum principum studium: iidemque illi, qui herbarios suos in Creta insula alebant imperatores, per præfectos suos, quibus Aegypti, & Palæstinæ regimen commiserant, genuinum Opobalsamum ad antidotorum compositionem facile consequiebantur. Adeoque Galenus, inter optima alia quæ syntaxis nobilium medicamentorum exigebat, & mel Hymettium, & Opobalsamum Romæ olim obvium fuisse testatur.

Hodiè cum tanto ambitu non expetatur, non ea libido Arabes quidem vexat, ut salutarem lacrymam alieni succi fraudulenta mistura vitient. At Cahirum postquam allata est, in amplissima urbe tot fycophantarum manibus distracta, non uno modo redditur deterior. Frequenter Cypria, Arabica terebinthina miscetur, fraude, ut minus noxia, ita non difficulter cognoscibili. Sic enim affectum, non per stillas; sed

lento veluti fili tractu delabitur, odore debili, minusque suavi, turbidum aspectu, colore pallidius difficulter solubile, densando lacti ineptum, atque instillatum vestimentis, adhæsu tenaciore sese jungit. Memini, & oleum zacconis à perfidis hominibus hic usurpatum, quod veluti claritate, colorisque flavedine; sic vulnerum jungendorum efficacia, succi balsamici æmulum. Est autem zaccon in Hierichuntis planitie nascens pruni species, folio angusto, & spinoso, fructu myrobalano citrino simili, ex quo contuso, vinoque prius irrorato, Arabes, & qui Solymis commorantur religiosi viri oleum dictum exprimunt. Dolus tamen facile detegitur. Nam nec odor in illo, qui cum Opobalsamo vel comparatione dignus sit, nec lactis portionem ullam cogit, quamvis sapore asperum, & adstringens. Innatat liquorum aqueorum summo olei instar communis, vel stipatum, vel in radios concussu diltractum. Lancis vestibus inditum, sese latius diducit & profundius insinuat, vixque eluendam iisdem maculam impingit. Itaque permistum Opobalsamo, tum fragrantiam ejus minuit, tum reliquis omnibus notis induit, quibus per olea & unguenta corruptus balsami succus, à Dioscoride mox describetur. Tentatum idem oleo ex Mauritania, quod plurimorum annorum decursu spissius redditum, consistentia, colore flavo, vulnerumque levandorum efficacia, lacrymæ balsamicæ aliquantum simile. Cæterum cum aliis indolis suæ signis ab eadem plurimum discrepet, vel mediocriter in Opobalsami *دونجنا* versatus, vitium additum agnoscet.

At veteribus in magna unguentorum aviditate, major adulterii libido fuit, eratque obscurissimum vitium si terebinthinum miscerent, aut lentiscinum: manifestius si mel, cujus sapor latere non potest: evidentissimum si liquida cerata: nequissimum item Plinio si gummi adderent. Pro cerato autem ligustrino, cur, Pliniana imitatione, ceram Cypriam verterit Latine Ruellius, causa nulla fuit. Optimè Abensina Dioscoridis sententiam expressit, cum balsami liquorem depravari scriberet, cerâ in oleo ligustrino soluta, *بشبع يذاب في دهن الحنا*. Ligustrum enim communiter el hennâ, Arabibus dictum. Plu-
res

res etiam Opobalsami fraudes se didicisse profitetur Galenus, & per quas vel peritissimis imponi potuerit; sed quas, hominum imposturas veritus, in publicum proferre non sustinuerit. Tales expini, terebinthi, abietis, pistacei stillaticii liquoribus, oculata manus facile concinnabit. Tutus nihilominus ab errore fuerit, quisquis in his technis consilium Galeni sequetur, & non simplici auctorum lectione contentus, velut ἐκ βλαβων ἐργάτης, in locis, quibus Opobalsamum lectissimum obvium est, non semel: sed sæpius illud examinabit. Qui partem optimi liquoris, vel ipse indè secum detulerit, vel per amicos spectatæ fidei, sibi conquisiverit: denique alias hoc nomine celebres lacrymas, cum sincero illo comparaverit, non de manifestis minus qualitatibus, quam agendi viribus sollicitus. Melius de posteritate meretur Dioscorides, qui signa proponit, quibus adulterantium dolos deprehendamus. Pergit enim, &

Ἐλέγχεῖ δὲ ὡχρῶς ὁ τοιοῦτος. Ἐπισαγεῖς γὰρ ὁ ἀκέραιος εἰς ἐρεῖν ὕφους, ἢ ἐκπλυθεῖς, κελίδα ἢ ποιεῖ, ἔδὲ σπῖλον. Ὅ δὲ δεδολωμένον θεωρεῖται.

Arguitur autem facile qui talis. Instillatus enim sincerus in laneum pannum, & elotus, maculam non facit, neque notam: qui verò dolo vitiat, immanet.

Discrimen itaque primum sinceri opobalsami, & olei unguentisque corrupti, quod sincerum vestibus instillatum, lotionem sic auferatur, ut macula, vestigiumque non amplius oculis observetur. Contrarium enim obtinet in vitiatò, quia vestimentis exceptum penitus se insinuans, & diffundens, vix debilem lotionem maculam exprimit. Hæret itaque pura lacryma, & quo suscepta primitus fuit orbe, persistit; mox si calido eluatur, eximitur prorsus, & aboletur: si relinquatur, discussa parte tenuiore, minor indies evadit, jamque ficcior ob calorem ambientis, etiam digitorum impulsu facile resolvitur, & separatur, nulla superstitie sui nota. Promptissimè tamen lotionem tollitur opobalsamum, quod a recenti ploratu tenuius: non ita facile quod visciditatem majorem adeptum est. Optimè suggerente Theophrasto, τὴν γλιχρότητα ἀντιληπτικῶς εἶναι: visciditatem apprehendendi vim obtinere: longè difficilius absc-

dit succus, qui plurium annorum decursu, terebinthinæ lento-rem acquisivit. Quamvis per ætatem spissior liquor, cum ejus gutta minus adhuc laneum textum subeat, resiccatus deinceps, nullo negotio dispellatur, neque indicium sui proferat. Abensina paucis; sed abunde ad mentem Dioscoridis, *فانه ينقي لا يفعل المعيب* quando eluitur (qui sincerus est) non parit maculam. Nam quæ subjicit in Latina versione interpret, de conservanda soliditate ejus in aqua, & ablutione à gossipio, sive Cotto ut scribit, textus Arabicus non habet.

Pejus implicuit Ruellius eos, qui cum fontes ipsos Pedacii accedere non potuerint, rivulis ejus jam turbidis, labra rigarunt. Nam cum allata Dioscoridis verba Latinè transtulisset. „Merus (balsami succus) in laneam vestem fusus, neque maculam facit, neque si eluatur notam relinquit; vitiatum autem inhæret. „Hæc, totidem verbis in vulgarem sermonem versa, dederunt ausam exploraturis opobalsamum, ut sibi persuaderent, non instillandum id esse per singulas guttas, sed liberali manu largius infundendum: imo crassum ex lana, villosumque centonem, eodem penitiùs imbuendum. Sic denique exceptum liquorem, maculam facere non debere; sed totum in spiritum, suavemque halitum dissolutum petere cœlum, neque exuvias corporis, aut residuum ex se nævum relinquere. Postremo, illibatæ substantiæ succum non inhærere: ipsumque adeò Prosperum Alpinum, cum Opobalsamo Arabico ad metam hic constituisse, utpote quod absolvere planè ab inhæsionis crimine vix potuerit.

Sed hæc nihil ad Dionysium. Quid enim apud Dioscoridem nostrum clarius, quàm *ἐπίσασιν* requiri balsamicæ lacrymæ, non *ἐπίχυσιν*, ut stilletur supra laneam vestem, non ut effundatur, cum eam in probationibus ob pretii magnitudinem largius prodigere minimè deceret: excusationemque adeò Ruellius nullam hic inveniat. Multò minus, quod inconvenienti metathesi, *τὴν ἐκλυσιν*, elotionem, quam Dioscorides præmittit, à maculæ inductione sejunxerit, retuleritque ad vocem *ἐπίλου*. Unde insedit animis disceptantium opinio sincerum

Opo

Opobalsamum maculam non parere. Sed misso ex alieno παραρά-
ματι profecto errore, adsevero maculam induci vestimentis,
etiam ab optimi nobilissimique Opobalsami gutta. Qui enim
secus fieri queat? cum spissitudinem obtineat hic succus, &
colore quem obtinet proprio se repræsentet, ad quem delen-
dum veteres lotionem exigunt. Hoc igitur ipsum est, quod
Dioscorides respexit¹, scilicet elui posse a sincero opobalsamo
contractam maculam, quam qui sine ablutione totam in spiritus
abire contendunt, illi palàm cum Aristophanæo Socrate, ἀε-
ροβατοῦσι, ambulant in aëre.

Cæterum quæ maculæ, eadem & inhæSIONIS ratio habenda.
Necesse enim est susceptam lanea veste lacrymam inhærere,
quæ tota pinguis per naturam, tota viscida existit: eoque te-
nacius inhærere, quo lentor ejusdem per ætatem magis incre-
vit. Attamen quicquid ejus adhæsit, non dilatabit sese, &
majore indies fœditate olei instar diffundet. Non sic perma-
nebit, quin adhibita lotionem expurgari queat. Atque hoc sig-
num, quo ab oleis omnibus intactum se demonstrat opobalsa-
mum, in Arabico puro clarissimè refulget, utpote cujus macu-
la, siquidem recentior liquor fuerit, simplicis calidæ contactu
facile tollitur. Neque aliter de hoc gnorismate judicavit Pro-
sper Alpinus, utique postquam debito modo & tempore factis
exprimentis cognoverat, delebilem esse incorrupti ab oleis o-
pobalsami nævum. Nam ipsum quod attinet pannum, Arabes
quidem è lino, serico, gossipio, pilisque caprarum contextum,
promiscuè in lacrymæ probatione usurpant, nec dubium, fa-
cilis eam sic abscedere: quamvis etiam in laneo sinceritatis fi-
dem exhibeat.

Γάλακτι δὲ ἐπισαγείῃς πύγνυσι τοῦτο, ὅπερ δεδολωμένον ἐν δρᾷ.

*Lacti verò instillatus densat illud, id quod dolo corruptus non
efficit.*

Ac siccis quidem corporibus inditum opobalsamum, hoc spe-
cimine sinceritatem suam tuebitur. Subjungit porrò Dioscori-
des, quid liquidis instillatum præstet idem, & primo immis-
sum lacti. Refert itaque simplicem balsami liquorem lac co-
gere, idque vitiatum haud efficere, eximia sanè & singulari
sibi

sibi facultate. Nam veluti proposito jam indicio, juxta cum aliis lacrymatis, resinosisque succis, ab oleorum mistura intantum se convincit; ita lactis condensatione propriam magis naturam, indolemque manifestat. Hæc verò condensatio, non de coagulatione propriè accipienda est, qua lac per admissi coaguli particulam, veluti gelu vinctum hæret, figiturque totum; sed de spissatione & condensatione partium lactis, opobalsamo concrefcenti propin quarum, quam cum Prospero Alpino, debilem, imperfectamque coagulationem haud immeritò nominare libet. Equidem compactionem illam, quæ coaguli facultatem æquaret, etiam in recenti admodum, optimoque balsami liquore nunquam factis experimentis cognovi, quamvis haud exiguam lactis portionem cogeret. Nec veterum quisquam hanc coaguli energiam, opobalsamo literarum monumentis tribuit, aut ratio assignavit ulla. Quomodo enim pares afferant compingendi vires, quæ tam dissimilis sunt naturæ? Miscetur enim lacti coagulum promptissimè, utpote eidem homogeneous, & Aristotele quoque finitore, γάλα ἔχον ἐν ἑαυτῷ πῦρ, lac habens in se ignem. Itaque factu facillimum est, cum sale subtilissimo, spirituque πηκτικῷ familiarem sibi substantiam quaqua verum penetrent, eamque sibi alligent undique,

— ut liquefacta coagula durent.

At non ea balsamicæ resinæ conditio est, quæ pinguis, & æcria, nihil magis quàm rerum aquearum conjugium aspernatur: adeoque lacti comminùs instillata, non illi se miscet; sed celeri motu per summum ejus explicita, tenuem veluti in telam deducitur, tumque partim frigidi contactu, partim exhalante repentè spiritu debilitata, si quid roboris superest, quo cogat, aut denset; in propinquas sibi lactis partes tantum diffundit. Neque adstringendi facultas, sub qua concretionis opera plurimum proficit, singularem in Opobalsamo ἐξοχλῶ sortita est, quam optimo illi non nisi mediocre Dioscorides adscribit.

Accedit, eundem usurpare verbum πήγνυθαι, cui optimè respondet Arabicum illud اجماد: eoque non simpliciter τὸ ἐμπιτυάζειν, coaguli instar congelare; sed latioris significati comple-

plexu, quamcumque compactionem, concretionem, condensationemque passim Græci scriptores exprimunt. Aristoteles, πᾶν τὸ ὠλισμένον, ἢ τὸ συνεσκηκός, ἢ μαλακόν, ἢ σκληρόν, ταῦτα τῇ πήξει εἶναι. Rem omnem, ait determinatam, & consistentem, aut mollem, aut duram, concretionem talem esse. Cumque de particularibus sermo est, πήγνυθ' τὸ μέλι ὑπὸ ὕδατος, spissari densarive mel ab aqua: τ' ὀπτόμενον κέραμον πήγνυθ' ἐξίοντο & ὕγρ' : coctum fictile compingi exeunte humido. Utitur eodem frequentius Theophrastus, cumque de resinosis loquitur liquoribus, non eandem, inquit, omnium esse horam τ' ἐντομῆς, ἢ πήξεως, incisionis, & concretionis: copiosorem esse item humidi fluxum, in iis, ὧν αὐτόματα ἢ τῆξιν quorum sponte facta est condensatio. Denique hunc ipsum, de quo agimus balsami succum, Strabo, ἀναλειφθέντα εἰς κογχάρια λαμβάνειν πῆξιν, receptum parvis conchis, acquirere spissitudinem scribit. Quæ cum ita sint, & vel in optimi opobalsami gutta, mira illa coaguli vis nec sit, nec persistere queat, qua subditi lactis magnam quantitatem parva mole veluti congelat, atque immobilem efficit, nec Dioscorides, atque Avicenna, quicquam ejus sigillatim exprimant, non est quod Plinium, multa hic ἀκυρολόγως proferentem, de propriè sic dicto, perfectoque coagulandi effectu interpretemur.

Causam condensationis qui communiter expendunt, ad partium lactis balsami succo subjectarum exsiccationem, cum Aristotele respiciendum monent, qui verè sanguinem fibris carentem, & πήγνυθ' ὅτι οὐ ξηραίνει, non concrefcere dicit, quia non ficcatur: ipsumque πήγνυθ' ξηραίνειθ' πᾶς, concretionem esse exsiccationem quodammodo, sive ea manifestam humidi consumptionem excitet, sive ἀδελον διαπνύω & imperceptibilem. Efficit eam tam calor, quam frigus. Calor quidem humorem absumendo; frigus calorem expellendo, cum quo pars humidi tenuior pariter faceffit. Neque obscurum est, utrumque obtinere in balsamico liquore, qui calore suo portionem lactis tenuiorem discutit, eodemque mox exhalante, prævalente jam frigido siccoque elemento, partem propinquam lactis cogit, ipsumque pariter concrefcit. Optimè Her-

metici $\pi\eta\tilde{\xi}\iota\nu$ corporum naturalium, insito iisdem sali, tanquam propiori causæ tribuunt. Accipiendum autem hic sal $\gamma\epsilon\nu\iota\kappa\omega\varsigma$, pro substantia misti terrea, à calore plurimum attenuata, per quam aptitudinem consequitur, promptè & ipsum concrescendi, & aliena quoque corpora, quibus humore, spirituque mediantibus communicatur, similem in modum afficiendi. Ita saccharum, chalcanthum, nitrum, discusso per quem diluebantur humore supervacuo, tum ex se coagulantur, tum ea quibus condimentum præbent, densant secum, atque indurant. Hoc ipsum itaque Opobalsamo congenitum sal, dum evaporat odoratum ejus sulphur, concrescit, sibi que conjunctas affinitate naturæ lactis partes colligit, ac constipat.

Cæterum hanc densandi lactis proprietatem, non eodem semper vigore possidet balsami resina. Potentius agit quæ recentior, quia terreas partes concretionis auctores, calor vix dum rerum potitus, in ordinem haud redegit, atque ut cum Chymicis loquar, Mercurius spiritusve acidus, salium subtilissimorum vehiculum, nondum ab insito sulphure fatis domitus. Debilior actio est, cum acquisita humidi nimia visciditate, vires suas expedire terreæ partes nequeunt: lentoque jam phlegmate, veluti compedibus induta salia, $\sigma\pi\upsilon\lambda\alpha$ naturalem, impetumque non promunt. Major autem hæc cogendi lactis potentia, in Syriaco veterum Opobalsamo fuerit, an in Arabico nostro fit, non satis liquet, cum alterius defectu comparatio facultatum fieri nequeat. Mihi probabilius, Syriacum his viribus præcipuè polluisse, cum in temperatiore productum climate, partium frigidarum plusculum possideret, nec clementior calor spiritum salium hospitem immoderatiùs exigeret.

Actio ipsa condensationis, haud iisdem absolvitur monumentis temporis. Celerior est, cum tenuior balsami liquor, adeoque solutu promptior, viribusque penetrandi instructior. Tunc enim vix peractâ $\Sigma\pi\tilde{\xi}\iota\sigma\epsilon\iota$, nondum cœnum suum à cœlo distinxit, spiritusque digessit, salibus tartareis aspersos. Tardius ergo fit concretio, quum per causas contrarias mora fit.

Aben-

Abensinæ interpres vetus, experimentum, inquit, olei balsami est, congelatio lactis, statim, cum super illud destillatur. At codex Arabicus Medicæus, particulam, statim, non habet, sed *هذه اجزاء اللبن اذا قطر منه على لبن*, *Ἀγρίνδω*, Pinguedo ejus cogit lac; quando stillat ab eo super lac.

Ἐτι ὁ ἀπέραι ἐπιχυθεὶς γάλακτι ἢ ὕδατι χεῖρ ὁχεῶς, ἢ γάλακτι, ὁ δὲ δεδολωμένον ὀπιπλεῖ καθάπερ ἔλαιον συσπρόμηνον ἢ διαχεόμενον ἀσπρεῖδως.

Amplius qui sincerus, infusus lacti aut aquæ funditur celeriter, fitque lacteus: at per fraudem vitiatum innatat sicut oleum, conversus, & diffusus in modum stellæ.

Tandem quid communiter aquæ & lacti inditum præstet Opobalsamum sincerum, persequitur porro Dioscorides. Hic verò effectus tanti est apud Arabes, ut vel eo solo evidenter se proferente, indubitata bonitatis liquorem emptoribus ejus spondeant. Ac primum quidem sincerum balsami succum, aquæ aut lacti immissum, celeriter fundi scribit; quibus ex amissim respondent Abensinæ verba, *يسحل بسرعة* solvi cum celeritate, ut momentum rationis vix habeat interpres Latinus, cur receptissima verbi significatione posthabita, non solutionis; sed missionis in aqua & lacte meminerit, quo sensu dum ab orbita veri non parum secedit, ducit etiam secum in plexus, quotquot in eandem sententiam concedunt: quibus opinionem peperit, jungere sese intimè lacti & aquæ opobalsamum: eademque viribus suis undique imbuere, id quod a veritate alienissimum est. Quamvis enim hoc dem, promptè misceri aliis, quæ facilem admittunt solutionem; id hætenus tamen concesserim, ut sint *ὁμοιομερῆ*, quæ coire debent, & substantiæ cognitione invicem devincta. At ea lacti, & aquæ cum Opobalsamo non intercedit. Nam cum hoc aëriæ, spirituosæque substantiæ plurimum possideat, lac & aqua frigidioris elementi viribus prævaleant, difficilis semper, & infirmus concurrentium nexus est. Itaque si cominus aquæ aut lacti balsamica gutta admoveatur, non mergitur, non miscetur; sed simul atque utrumvis contingit, in summo sese æquore diffundit, ac dilatat. Ex alto si destilletur eadem, pondere suo abrepta

mergitur quidem; sed mox superficiem repetit, atque in eam se expandit.

Funditur ergo pinguis hæc lacryma; sed funditur *ταχέως* celeriter. Quamvis enim resinosi liquores alii, per aquæ superficiem sese explicent; nullus tamen, vel antiquitus, vel hoc primum ævo cognitus, tam expedito, tamque celeri motu, aquæ lactisque summum occupat. Conferantur sinceri ac recentis opobalsami, tum ex abiete, pino, & terebintho resinarum in aqua & lacte expansio, patebitque clarissimè, quàm

— *nil tremulis facere artibus hædi*

Consimile in cursu possint, & fortis equi vis.

Tanta enim in dissolutionis velocitate differentia est, ut balsamici liquoris guttula recens, momento quasi temporis diffundatur, quo resinæ reliquæ non nisi lento passu prorepunt. Accedit huic celeri solutioni amplior dilatatio, cum vel unica opobalsami lacryma. cyatho satis capaci receptam aquam, tenui pellicula totam obvelet. Cur autem aqueis liquoribus inditum hoc medicamentum celeriter disjiciatur, non satis, fateor, explicitum est. Vero tamen simillimum videtur, cum recentis hujus succi colliquatio, nulla vel arte, vel agitatione indigeat, fieri eam ob motum partium spirituosarum & calidarum, naturali dissidio contactum aqueorum averfantium. Hæ, dum velut è centro per radios ad circumferentiam abripiuntur diducunt ilicet, distrahuntque secum liquorem ipsum, cui amico naturæ fœdere conjunguntur. Itaque deminuitur hæc actio, cum in eodem, ut poeta loquitur Carus,

— *minutatim vires, & robur adultum*

Frangit, & in partem pejorem liquitur ætas.

Abscedunt enim paulatim ea, quæ Hippocrates *ὀρεῖντα σώματα* nominat, sicque lentore suo præpeditus succus, ad expansionem redditur difficilis: maximè si robore suo jam defectum Opobalsamum, aquæ aut lacti intensius frigidis instilletur.

Cæterum dissolutionem balsamicæ resinæ, excipit ejusdem condensatio, cujus ratio præcedentibus jam exposita. Huic conjungit Dioscorides τὸ γαλακτέον: lacteum fieri: signum e-

ximum, quodque succi concretionem pari velocitate comitatur. Nam simul atque in membranulam hic extensus est, non aureus amplius, non flavus; sed manifesto pallore decolor conspicitur. Tunc verò styli cuspide recollecta gutta, (nam colligi dissoluta integrè potest) etiam evidentiore candore lacteum succum exprimit. Nec deest mutationi ratio. Nam ut in humano corpore, florem naturalis coloris leve spirituum deliquium carpit, & per ægritudinem aliquam repente ingruentem, nitor ille,

Ac fulgor teneris qui radiat genis

Memento rapitur —

Ita hic aureum Opobalsami splendorem spirituosum sulphuris effluxus lacteo pallore commutat.

Habet itaque hæc lacryma, ut præ reliquis hætenus cognitis resinis celeriter solvatur, ampliter dilatetur, & coloris etiam citam insignemque mutationem subeat. At igne elicitedum è juniperi baccis oleum, simili facultate præditum conspicitur, cum celeri motu ipsum quoque per aquam diffundatur: inventique à curiosis hominibus liquores, qui tum lactis aliquid cogere, tum aquis infusi lacteum candorem æmulari cernebantur. At hæc non efficiunt, ut vel balsami liquores diversos nobis præbeant, aut in genuina lacryma suspectam integritatis fidem reddant: facileque patimur, junctim possidere Opobalsamum, quæ in aliis seorsim occurrunt, & singula. Sint enim quorum maculæ promptè lotionem tolluntur, quæ lac coagulant, quæ celeriter in aqua liquantur, quæ colore lactescunt: imò quæ manantibus tam à temperamento, quàm à tota, ut cum Galeno loquar, substantia facultatibus paria præstent. Opobalsamum tamen aliud genuinum habendum non est, quàm resinofus ex ipsa balsami planta succus. Qui probus utique fuerit, si viribus suis etiamnum pollet, adeoque suavem ligni fructuumque suorum odorem spirat, linguam mordicando atque adstringendo mediocriter afficit. Sincerus item, si maculam pariat lotionem delebilem, lac cogat, denique aquæ aut lacti immixtus celeriter fundatur, extendatur, albescat.

Subjungit porro Dioscorides succum balsami, dolo vitiosum, olei instar innatare, converti, atque in stellæ modum expandi. Confirmat idem, & verbis propemodum iisdem Abensina, cum scribit,

المغشوش يطغوا مثل الزيت ويجتمع او يتفوق فيصير
بمنزلة الكوكب Innatat (adulteratus) sicut oleum, &

summum occupat, idque fit similitudine stellæ. Nam cum recentis legitimique Opobalsami gutta quaquaversum exporrigatur, occupetque celerrimè oram vasis omnem, haud reperit quo se proferat ulterius, adeoque nullis distractum radiis, simplici continentis corporis ambitu definitur. Ne senio quidem languidior balsami liquor olei volutatus in aqua exhibet. Nam in frigidam coniectus petit fundum; in calidam, modicè dilatatur: in fervidam missus, discussis ilicet spirituosus reliquis, vix dissolvi amplius potest. Memorabile item quod addit hic Dioscorides,

τῷ μὲν τοι χρόνῳ ὁ ἀνέραιος παχυνόμενος ἑαυτῷ χείρων γίνεσθαι. Πλανῶν δὲ οἱ νομίζοντες τῆτον ἀνέραιον ὑπιστάμεντα ὕδατι χωρεῖν εἰς βάθος πρῶτον, εἶτα ἀναπλεῖν διὰ χυτον.

Cum tempore verò sincerus crassifactus, seipso deterior fit. Halucinantur autem qui existimant, hunc sincerum super aquam stillatum, petere fundum prius, deinde sursum meare, facile solubilem. Refert eadem ex auctore nostro Abensina, totidemque verbis,

يغلظ من يظن ان الخالص ذا قطر علي الماء يغوص اولا
في عمقه ثم انه يطغوا عليه وهو غير متحل

Errat qui existimat sincerum, cum stilletur super aquam descendere primùm in fundum, deinde remeare super eam, estque hic sine solubilitate, ac bonitate. Purum itaque balsami succum, ætatis melioris decursu jam crassifactus, fieri deterio-rem, verè nimis, ac seriò fatetur Dioscorides, ut Crateti vetustissimo Comico meritò applaudendum sit, qui

Ὁ γὰρ χρόνος μ' ἐκαμψε τέκτων ἔσοφος.

Ἄπαντα δ' ἐργαζόμενος ἀσθενέσκει.

Me, inquit, tempus incurvavit, faber haud bonus, omnia quippe efficiens imbecilliora.

Quid

Quid igitur? non incolumes permanent in genuina balsami resina notæ illæ a Dioscoride nobis commendatæ, quibus indolem ejus ad veri obrussam exigimus? Ita iis fane videatur, qui proposita junctim signa, pro differentia nobis objiciunt, *εἰδοποιὸν* speciem rei constituentem, quæ Porphyrio præceptore, *ἄλλο, οὐκ ἄλλοτον*, alium, non diversum efficiat Opobalsamum, non magis admittat & minus, non ætatis, temporisque mutationibus obnoxia sit, ut varietas quidem in calorem, saporem, odorem, innatationem, aliasque notas cadere queat, non queat in maculæ delebilis productionem, lactis concretionem, celeremque liquationem. Sed hæc plura sunt, & majora, quam ut iis capiendis Opobalsamum par esse possit. Nam cum liquor hic non sit in æternarum substantiarum censu, quibus, ut verè docuit Aristoteles, *τὸ ἐνδέχεσθαι ἔχειν μηδὲν διαφέρει*, esse & potentia non differunt; sed propter communem caducis materiæ labem, corruptioni subiectum. Necessum est, ut in se ipso habeat, cujus ductu post exortum suum abeat ad occasum, & fortuitorum etiam occursum rapiatur eodem. Quemadmodum autem optimum factum, collectis balsamici succi facultatibus & affectionibus, ab aliis eundem curiosè distinguere, cujus non secus ac de plantarum partibus aliis sensit Aristoteles, *ἐκ ἐστὶν ἀκριβοῦς ὁ λόγος*, non est satis exactè cognita substantiæ ratio; sic iniquum est, qualitates naturales, quæ seorsum spectatæ, ne propriæ quidem sunt, in formarum essentialium ordinem redigere.

Sed revera in nobili hac resina, nihil est quod vim temporis, adeoque ætatis effugiat: nihil quod locorum, cultusque varietate, mutationem accidentium non admittat: ut quæ coloris, odoris, saporisque discrimen invehunt causæ, varient pariter, intendunt, remittant qualitates, actionesque reliquas. De crassitie, per quam sincerissimi alioquin succi conditio reditur deterior, fatetur Dioscorides. At hanc duo consequuntur; adhæsiō scilicet in pannis pertinacior, quæ deinceps elotionem secum trahit operosior: tum solutionis, expansionisque difficultas, veluti in allatis superius abundè expositum. Neque aliter de lactis condensatione sentiendum est, five
hanc

hanc viri docti a temperamento deducant, sive totius naturæ viribus acceptam referant. Nam terreæ partes, acquisita per senectutem humidi visciditate illaqueatæ, quò se exporrigant, tanto minus reperiunt, quanto major spissitudo liquorem compingit. Nec constantiores hercules sunt, manantes à tota substantia facultates, ut crebrò nimis in alexipharmacis, catharticis, aliisque pretiosis medicamentis experimur, & salutaris scientiæ parens ἐμπειρία dudum detexit. Credant itaque Dioscoridi citra exceptionem fidei probatissimæ testi: credant Abensinæ, qui disertè,

للعنف فلا قوة له الا وهي قوة يسيرة

In condensato antiquo, non est, inquit, robur partium, quod sit robur efficax: sciantque balsami etiam purissimi liquorem, per varios ætatis casus, quamvis externus fortuitorum impetus non accedat, notis quotquot obtinet omnibus, varium se præbere, atque, ut cum Aristotele loquar, ἀορίσως εἶχειν.

Porro explodit Dioscorides errorem eorum, qui sincerum quidem; sed longiore tempore crassèfactum Opobalsamum prius fundum petere arbitrabantur, deinde sursum remeare, facilèque dissolvi. Nam quodcunque hujus conditionis est, aucto jam frigidioris elementi pondere, fertur deorsum, etiamsi non eminus; sed comminus aquæ inditum fuerit; & citra validum projicientis impulsus. Tum verò, si partibus aëriis non dum penitus destitutum, languide, tardèque sursum nititur, tardè solvitur, nec tenuem undique in telam panditur; sed olei instar, intra exiguum orbem coercitum, innatat. Quod si spirituosus partibus fortior concretio vim extremam intulerit, non sursum contendit, perque summum aquæ deducitur; sed in fundo persistit, & ut Pythagorei olim sentiebant, ἐν Διὶ φυλακῇ, in Jovis carcere.

Sed hic Plinius nobis in pleno cursu remora objicitur, qui succum balsami probatum in aqua sidere, scriptum reliquit. Hunc Saladinus sequitur, & Setus, & quotquot posthabito substantiæ Opobalsami examine, simplici auctorum assertione ducuntur

— *ceu nervis alienis mobile lignum.*

Mihi quidem Plinius etiam inter eximios scriptores locum suum

suum retineat ; minimè tamen Dioscoridi atque Abensinæ in materiæ medicæ πραγματεία ἐμπεσοθεν ὑπὲρ αὐτῶν γέγραπται καλῶς : ἀλλὰ ὑπὲρ ἀπάντων ἔτι καὶ ἔθεν multa vetustiores (de simplicibus medicinis) benè scripsisse ; neminem tamen omnium æquè benè de omnibus. Alter ingenio , iudicioque princeps , quemadmodum de salutaris scientiæ præceptis ; sic de remedium usitatorum facultatibus , non minus probanda eddit , quàm

Pythia quæ tripode ex Phœbi, Lauruque profatur.

Quærant, per me licet, viri docti, quo dissentientem Plinium, cum præstantissimis auctoribus in gratiam reducant. Ego mille mendis, erroribusque fœdato scriptori manus haud commodo, cujus maculis delendis, se vix parem agnoscit eruditorum phoenix, Salmasius. Dioscoridi nostra præter experientiæ certissimam fidem abundè patrocinator ratio, quæ pinguem aëriamque lacrymam, quamdiu nativam servat indolem, summum aquæ occupare debere, (nisi externa vis deorsum cogat) tam superantis elementi viribus; quàm recentium omnium resinarum exemplo, penitissimè convincit. Igitur maculam oleorum instar non facere, lac densare, celeriter diffundi, olei instar haud innatare, propositæ a Dioscoride balsamicæ sinceritatis notæ, cum in Arabico simplici dohen balesan, quamdiu provectioris ætatis vitio nondum exhaustum est, optimè omnes se manifestent, necessario relinquitur, eundem omninò esse cum illo, quem veteres agnoverunt, suavem è Palæstina, pretiosumque balsami liquorem.

His expensis pergit ad Xylobalsami, & Carpobalsami, adèquè ligni fructuumque balsami examen : & lignum, inquit, quod Xylobalsamum vocant, probatur recens. Enim vero de junco, calamoque aromatico quod scripsit Theophrastus, ὡρακιμάζειν ταχὺ, citò à vigore suo desciscere, de balsami furculis meritò fatendum, qui nisi recentes sint, ob facilem partium tenuium dissolutionem, quas tum fervidius Arabiæ clima, tum sub acriore sole longius deindè iter imminuit, conceptæ de se virtutum expectationi, Europæis rarò satisfacere possunt. Addit laudari λεπλόκαρπον, furculo tenui præditum.

Hoc enim ipsum illud est, ut superius explicitum, cujus vegeta magis natura, nec dum cultu diuturniore effœminata, quodque succo meliore perfusum, Πύρρον, ἰσῶδες, τερχύ, πνέον ὠοβαλσάμυς, suave olens, rufum, asperum, idque externa corticis scabritie: denique Opobalsamum spirans, quia sic indicium exhibet certissimum propriæ stirpis, roboris item præsentis, & unguentis apud veteres nobilioribus aptum erat, quibus incoquebatur. Prostant hi opobalsami furculi, notisque allatis optimè respondentes, in Venetis, Siculis, Hetruscis, & Massiliensium emporiis, iique probatissimi, si in Cahiro emanantur recentes, & expeditior deinde ex Aegypto, breviorque vento secundo navigatio contigerit.

Fructus præterea sive carpobalsami, necessarium incidisse usum refert Dioscorides, quoniam & unguentis adhibebatur, & immiscebatur antidotis. Eligendum autem monet ξανθόν, sive id rufum interpretemur, sive flavum. Nam externo folliculi ambientis colore, furculis rubentibus fructus similis est, & intrinsecus, membrana succum melleum propius asservante, flavescit. Plenum denique, cum non corticum, sed inclusi potissimum succi gratia carpobalsamum expetatur. Quamvis autem possibile non sit, ut idem ex Arabia in Europam transmittendum, desideratam ab utilissimo succo plenitudinem exhibeat, validis causis discussione ejusdem incumbantibus, secus quam olim contigit, cum in Palæstina, atque Aegypto, Græcis, Italisque hominibus obvium esset. Satis tamen in tanta locorum intercapedine, probabilis existimandus fructus balsami, qui nondum penitus exsuccus, & arefactus deprehenditur; nec odore adeò proprio, saporeque destituitur.

Jungit Dioscorides plenitudini carpobalsami amplitudinem & pondus. Subest enim utrique horum major odorati succi copia, qui veluti in minore fructu minor; sic in leviori quoque magis absumptus est. Magnitudinem ipsam haud exprimit Anazarbæus, disertè verò Theophrastus, παρόμοιον τερεβίνθῳ, ἢ μεγέθει ἢ σχήματι ἢ χρώματι, assimilem terebintho tradidit, magnitudine, figura, colore. Similem magnitudine: nam cum è duabus terebinthi fœminæ generibus, altera lentis specie fru-

fructum edat, altera fabæ, priori utique non ineptè carpobalsamum comparaveris. Similem quoque retulit schemate fructum, quo ad rotundam se figuram componit. Similem denique colore, qui in extima membrana rufus apparet. Porro carpobalsamum gustu mordax commendat Dioscorides, & πυρρῶν, fervore sive acrimonia linguam feriens; sed μετρίως, moderatè: quam vocem malè interpretes a gustabili qualitate semotam, conjungunt odori. Nam succus balsami, quamvis Dioscoridi θερμαντικώτατος, maximè calefaciens dicatur; blanda tamen per se cùm adstriptione, tum mordacitate gustantem afficiat: blandius idem præstiterit fructus, qui agendi viribus δευτέραν δύναμιν, secundariam potentiam adeptus est. Tandem Opobalsamum redolere fructus debet, quoniam hoc involucris seminis largiùs, quàm reliquis partibus plantæ natura congestit: unde neque ita facilè dissipabilis in eo fragrantia, nec debilis observatur, veluti in furculis, sole acriore extenuatis. Neque adeò abs re Theophrastus, ἐνῶδες σφόδρα καὶ τῆτο, καὶ μάλλον τῆ δακρύς, carpobalsamum benè odorum & ipsum esse prodidit, & magis quàm lacrymam, utpote quod exquisitius ab insito calore subactum liquorem, spirituque plenum contineat: quamvis accuratissimus senex de præmaturo, admodumque recenti balsamico semine intelligendus sit.

Cætera visum quidem Galeno fuit, lignum fructusque balsami adulterio haud obnoxia esse: monet tamen ingenuè Dioscorides, quid callidi olim impostores hic quoque ausi fuerint. Nam asportari, inquit, è Petra oppido semen hyperico simile, quo carpobalsamum vitatur, cognoscique fraudem; quod illud majus sit, inane, ἀδύνατον, facultate, viribusque destitutum, πεπερίζον τῇ γένει, sapore piperis. Cum verò non percepisset Dioscorides, quid esset, quod per fraudem substituebatur; sed cui id simile fuisset, existimarunt viri doctissimi, aut terebinthi ex Arabiæ Petra delati semen substitui potuisse, quod veluti genuino carpobalsamo colore, figura, magnitudine; sic lenticulari hyperici siliquæ dissimile non est: aut ex eadem regione sylvestris balsami fructum supponi. Quorum

alterutrum si ita fuit, innoxia sanè fraus extitit, ob naturæ, virtutumque inter hæc singularem conjunctionem.

Sequitur naturalium affectionum descriptionem, actionum particularium explicatio, variisque in morbis profligandis utilitates summæ. Hanc etiam inter veteres optimè omnium, & diligentissimè recenset Dioscorides, cujus vestigia pari passu Abrabum princeps pressit. Orditur autem à liquore, cui *δύναμιν ἐνεργεσάτω*, vim efficacissimam tribuit, utpote qui maximè calefaciat. Hoc verò qua ratione determinandum sit, habito ligni, fructuumque respectu, satis superius ex Galeni, & Abensinæ sententia declaravimus. Inter particulares effectus, abstersionis meminit, *τὴν ἀποσκοτέντων τὰς κόρας*, eorum quæ tenebras pupillis offundunt. Quo nomine, licet innuere videatur sordium remotionem, exterius è regione pupillæ ceratoiden oculi tunicam obfuscantium: interpretandum tamen etiam de discussione excrementorum pituitosorum, circa uveæ membranæ oras, & in ipsa pupilla obhærentium, cumque visionis discrimine spissitudinem acquirentium. Imò, quid velit hic Dioscorides optimè declaravit Strabo, cum Opobalsamum *τὰς ὑποχύσεις, ἀρχομένας, ἢ ἀμβλυωπίας* suffusiones incipientes & hebetudinem oculorum solvere scribit. Apponitur oculi affecti palpebris, molli linteolo illitum: cumque medicamenta hypochymati exactius convenientia, non solum tenuius humidum discutere debeant; sed etiam crassè facta attenuare, atque indurata remollire; balsamica substantia tam calore suo, quam pinguibus resinosisque partibus, malo oculorum enarrato modis omnibus egregiè opitulatur, saltem incipiens sit affectus. Nam quæ pedem jam fixit ægritudo, sine chirurgia tolli nequit. Addit Strabo, eandem *λύειν τὰς κεφαλαλγίας θάυμασως*, solvere mirè capitis dolores. Neque enim obstat, quod scripserit idem, Arabes suaveolentium rerum usu stupore corripì, qui graveolentium adhibitione removendus sit. Etenim

Est modus in rebus, sunt certi denique fines.

Ultra quos, citraque, vel saluberrima remedia vertuntur in perniciem. Rectè Hesiodus.

Πάντων μέτρον ἄριστον, ὑπερβολὴ δ' ἀλεσηνὴ.

Juvat autem Opobalsamum, qua assumptum, qua exterius admotum. Assumptum, quia redintegrata cibi digestionem, vaporum ad caput ascensus minuitur; admotum verò, quia collectos vapores discutit, & resolvit. Matricis refrigerationibus porro mederi testatur Dioscorides, cum Cerato adhibitum rosaceo, menstrua mulierum, secundinasque ducere, & extrahere foetus, quæ partim calori, qui recentiore adeoque tenuiore succo magis penetrabilis, partim suavi ejusdem halitui, quo uteri expultricem roborat, accepta ferenda sunt. Rigores illita solvit, facta vaporum putridorum dissipatione. Ulcera fordibus foeda purgare, chirurgis cognitissimum est. Per os item acceptum Opobalsamum ventriculi facultatem concoctricem adjuvat, cietque urinas, undè inter calculos minuentia, eaque selectiora dudum inclaruit: quippe, quod non tantum penetrabili calore synagmata sive concreta lapidosa disjungat; sed contractam renum debilitatem, siccitatemque, unguinoso madore temperet, & corrigat. Exhibetur hunc in finem utilissimè boli forma, quemadmodum in usu terebinthinæ consuevimus, anonidis, aut lithospermi pulvere subactum. Convenit anhelosis, atque, ut inferius meminit Dioscorides ὀρθοπνοικοῖς, agrè nec nisi recta cervice spiritum ducentibus; quorum bronchis impacta lenta pituita, cum non simplicem tantum exsiccationem postulet; sed validam etiam absterfionem; ipsi præterea pulmones à putredine vindicandi sint, vix erit medicamentum, quod in hoc symptomate sublevando, Opobalsamo præferamus. Sumitur ad scopum hunc consequendum per os, radicum helenii pulvere permissum, & lintu pariter asperæ arteriæ insinuatum, oleo prius amygdalarum dulcium solutum. Exhibuerunt idem veteres in lacte, iis qui aconitum hauserant, ocysimum venenorum, & quod non vanè è spuma Cerebri natum fabulati sunt. Quin & à vipera demorsis: neque, alia hercules causa, quod balsamicum liquorem optimis quibuscvis antidotis permiscuerunt. Quamvis etiam acopis addiderint, id est, medicamentis lassitudinem, colorumque mo-

lestias eximentibus , & malagmatis sive indurata præter naturam emollientibus.

Verùm ut *δραστικώτατην δύναμιν*, vim efficacissimam Opobalsamo ; sic proximam potentiam fructui sive carpobalsamo tribuit Dioscorides. Hoc igitur , præter enarratos effectus omnes , quos præstat , etiam pleuriticis , peripneumonicis , tussientibus , potu datum benè facere scribit. Non tamen existimandum conferre posse , cum validæ inflammationes pleuram , pulmonesque infederunt ; sed cum his , aut quiescentibus , aut remittentibus , purulenti sinus expurgandi sunt , corruptela partium inhibenda , facilesque *ἀναχρέμψεις* , sive expectorationes accelerandæ. Accedit ex iisdem utilitas ischiadicis , epilepticis , & vertiginosis , quotiescunque immodicè succrescens phlegma , partim absumendum , partim ad ureterum ductus derivandum , cerebrumque ipsum Hippocrati *ἡ ὕλη μετρόπολις* , siccandum , & corroborandum fuerit.

Postremò , lignum balsami quamvis minimum virium sortitum sit , usu tamen had aspernandum esse concludit Dioscorides. Etenim adversus cruciatus , alvique tormina , tum cruditates , & venenatos serpentium morsus auxiliari testatur , ex aqua decoctum , & potum. Imò *βοηθεῖν τὰς σπομένας* , juvare contractos : nam sive morbum frigidior nervosarum partium intemperies invexerit , sive Hippocrate auctore ingentes *πληρώσεις* , ἢ *κενώσεις* , repletiones aut inanitiones , utique tam calore suo profecerit medicamentum , quo frigus inimicum oppugnat , & superflua discutit , quàm resinosa substantia qua convulsa relaxat. Capitis item vulneribus , cum Iride sicca aptum Xylobalsamum tradit , idque non de cutaneis tantum ; sed gravioribus , adeoque ossium , meningum , ipsiusque cerebri divisionem inferentibus , habendum est. Nam ut ex auctore patet , arefacti Xylobalsami pulverem iridi mistum , denudatis capitis ossibus , & in quibus *τὰ λοιπὰ ἀναγωγὴ* , squamarum educio procuranda , usurparunt. Consuetum id aliàs priscis Chironibus fuit , qui contusorum ossium separationi studentes , ex aristolochia , corticibus radicum panacis , Olibano , iride Illyrica siccos pulveres , tum aliis , tum cranio præcipuè læso inspergebant ,

bant, cephalicos ob hoc ipsum appellatos, suadente pariter hoc auxilium medendi præceptore Galeno. Inutiles quidem eos judicat vir clarissimus Ludovicus Septalius, si ex Magati sententia rarò vulnera detegantur, calor partium naturalis foveatur, decensque puri collecto exitus paretur. Attamen haud rarò contingit, ut insignis partium fauciatarum debilitas, adeoque purulentæ fordis ingens proventus, & ob situm vulneris declivioris effluxus excrementorum difficilis, majus ab efficantibus pulveribus propositis præsidium efflagitet; efficacior tamen, & evidentior etiam ossibus læsis Opobalsami profectus est. Utor eo, dum hæc scribo, in puero, cui temporum os dextrum ex lapsu, duplici fissura graviter læsum erat, felicissimo successu. Nam postquam exiguo, stellatoque terebello osse perforato, viam aperuissem coërcito subtus puri, liquoris Arabici tepidis aliquot guttis, pini lacryma dilutis, & vulnere inditis, partium contusarum separationem, carnisque regenerationem, facili opera natura consecuta fuit. Subjicit his omnibus Dioscorides, spissamentis unguentorum Xylobalsamum esse adhibitum, neque id fanè inconvenienter. Cum terrea siccaque sui portione bibere liquidiora potuerit, simulque densare, & suavi etiam halitu gratiam unguentorum vel fovere, vel augere.

Hæ tam præstantium facultatum dotes, cum in Arabici balsami liquore, non tam meis, quam Aegyptiorum, Arabumque crebris pariter, ac certis experimentis clarissimè refulgeant: cum notas etiam tam bonitatis, quam sinceritatis easdem ad amissim exhibeat; plantam denique genitricem, natura, atque habitu eandem sortitus fuerit, quam nobilissimi auctores descripserunt, quisquis illum genuinum veterum opobalsamum haudum agnoscit, eum palam est, aut sensuum aut rationis impotentem esse. Judicarunt idem, præter allegatos initio. I. C. Scaliger, E. Cæsalpinus, G. Fallopius. I. Costæus, C. Clusius, M. Lobelius, P. Mattheolus, viri materiæ medicæ cognitione hoc ævo principes.

Cæterum, ut olim antidotos celebriores componentibus, non rarò propter paucitatem deerat hæc gratissima resina; sic etiam
ho-

hodiè, ob causas superius adductas, & ingentem Theriaces in tot urbibus componendæ quantitatem, paucissimis sufficit. Cogitarunt itaque viri salutis publicæ studiosi, quid opobalsami deficientis locum vicesque subire posset. Aptissimum judicantes, quod eidem substantiæ ratione cognatum, quod facultatibus, vel omnibus, vel saltem præcipuis proximum existit. Galenus summorum principum judicio, in antidotis componendis accuratissimus, absente balsami lacryma myrrham stacten adoptabat. Fuit hæc, ut disertè protulit Theophrastus, ἐκ τῆς σμύρνης κοπιωμένης ἑλαιον ῥέον, ex lacrymata recenter myrrha, jamque concreta pars tenuior, ejusdem contusione, & expressione eliquata. Dicitur oleum, quia fluida, oleique lentore prædita deprehendebatur: stacte item, διὰ τὸ μικρὸν σάξιν, quod paulatim stillaret: quemadmodum residuum ejus in offas convolutum, myrrha ficta, σμύρνη πλασῆ. Miscebatur quidem aliàs myrrha Theriacæ; stacten tamen Opobalsamo succedaneum constituit rei medicæ iustaurator, quandoquidem hæc, positis partium crassiorum impedimentis, tam resinosa substantia, quam temperamenti harmonia, & actionum omnium æmula virtute, balsami liquorem proprius attingebat. Nec fugiebat medendi præceptorem, quod aucta myrrha, myrrhinus odor antidoto conciliaretur, (qui displicuit Oddo) quia balsamicarum virium accessionem potius; quàm odoris consueti mutationem aliquam respiciebat. Imitabimur Galeni diligentiam, si myrrham selectissimam vini spiritu solutam, semotis prius terrenis fecibus, spirituque caloris artificis gradu iterum abstracto, ad liquidioris resinæ modum, habitumve revocemus. Incedunt eadem cum Galeno via, qui cognitas hoc ævo præcipuas resinas opobalsamo vicarias constituunt. Tales ex Indiis allatæ sunt Tolytana, & Peruana lacryma, quarum utrique, propriis appellationibus posthabitis, vulgus mercatorum balsami nomen fecit. Præstantior ex his Tolutana, quam Pino similis arbuscula, vulnerato cortice fundit, tam odora fragrantia, quàm virtutum omnium explorato specimine Arabum opobalsamo valdè cognata. Eligenda, quæ aurei adhuc coloris, saporis haud ingrati, Jasmini suaveolentiam quodam-

dammodo spirans, nondum valdè condensata; sed quæ putaminibus nucum Indicarum modicè calefactis promptè effluit, quibus inclusa plerumque mittitur in Europam. Harum quoque defectum supplere liquidas, & fragrantès lacrymas, quas è tenellis terebinthi, abietis, pistacei, pinique ramis, laxatus peritâ manu cortex, vernantis anni tempore promit, nemo dubitabit, qui justis ponderibus, tam substantiæ cum opobalsamo, quàm facultatum consensum examinabit: licet è terebintho Cypria flavus liquor, arte Hermetica prolicitus, cum sit calidior, tenuiorque ejusdem pars, Mesue, Fallopio, Renodeo, Lobelio, viris in æstimanda simplicium medicamentorum natura peritissimis, dignus visus fuerit, quem deficienti Opobalsamo substituerent. Ad vires magis excellentes respexerunt, quàm temperamenti, & facultatum similitudinem, qui destillatum è baccis juniperi, lauri, mace, caryophyllis aromaticis oleum, aut è seminibus citri & nuce myristica expressum, balsami resinæ submittendum judicarunt: quorum tamen hoc, quemadmodum stillatis oleis temperatius, odore suavius, paratuque facilius; ita clarissimorum virorum punctis, calculisque magis receptum est. Fructui balsami cubebas in Commentariis supponit P. Matthiolus, cl. Alaymo furculis illius utriusque lauri corticem. Vix tamen carpobalsamo, maturis terebinthi fructibus, & Xylobalsamo vegetis ejusdem ramulis, quicquam similis obvium habemus.

Hæc sunt, mi Peregrine Pitori, quæ pro declaranda Dioscoridis sententia de balsamicæ resinæ tam natura, quam facultatibus, in Patavino Serenissimæ Reip. Archigymnasio, variarum nationum auditores publicè docui: adhibita etiam in examen illa ipsa, quam pharmacopœis aliquot patrocinatorum rejicis; quam mistæ, larvatæ, falsæ, factitiæque titulis proscribis. Ascendere tribunal voluisti, quod diu sub Augusto Cæsare corruisse memorat Dio, spretaque lege Clodia, tanquam reo provocationem adempturus, egisti censuram; quodque iniquius, de re neque inspecta diligentius, neque experimentis tibi cognita. *Solis, inquis, ex Cl. Baldi dictis, quasi per cuniculum quendam, ad totam hanc labefactandam doctrinam irrepere, & ex*

scripturis elicere veritatem mihi propositum est, quando non amplius experimentum haberi possit. Avidi enim non minus medici, quam pharmacopæi, pretiosa antidota componendi, ilicet atque Venetias adductus est liquor, Theriacas pararunt, omneque protinus dissipare residuum. Atque utinam intra censoriam gravitatem, & modestiæ fines, quam verbis tuis tibi quidem tribuis, contineri potuisses, aut innatæ mentibus humanis caliginis meminisse, quam exordio libelli inducis. Nunc irrumpis, & laudatum à prudentissimis, doctissimisque Urbis archiatriis balsami succum tanquam personatum generosissimis ausis te propulsare præfaris, atque à cunctis exsulem Europæ provinciis, ad Capitolinam tandem arcem, veluti securissimum periclitantis auxilium, & delinquentis asylum confugientem, ab ea dare præcipitem, jamque tædiosam lucis sarcinam sustinentem, merita laceratione disperdere. Mox pusillum te bellatorem scribis, & cum robustissimis hostibus manum conferere non pertimescere, ut parmam albam illustri hoc facinore delineare possis. In progressu posita clava, & leonino exuvio, viris præstantissimis, B. Baldo, & P. Castello effusè blandiris, quorum huic summam doctrinam, ingenii mirandam ostentationem, & præclara merita: illi charitatem, maximamque pietatem tribuis, quod approbarint, & defenderint liquorem, quem ceu falsum, larvatumque disperdis, & exulare jubes.

Campios non minus varia doctrina; quam materiæ medicæ notitia laudatissimos, commendationem, inquis, mereri, quod sensum suum, licet non verè, liberè tamen, & sincere proposuerint; quamvis in scriptis eorum, ubi tenebræ tuæ fuerint, ne verbo quidem innuas. Nec juvat, te censore, sinceritas, & libertas ulla Josephum Donzellium, Francisci Perlæ testimonio, simplicium medicamentorum investigatorem solertissimum, quem solum inverso pollice damnas, quoniam auctoritati tantum quorundam confisus, rationem, & experientiam dimiserit, & de ignotis sibi pronunciare non puduerit. At verò Pitori, dum aliorum dictis, scriptisque totus intentus, hanc tantum censuræ tuæ excusationem affers, quod excell. virorum asserta, vel infirma, vel à judicio tuo aliena sint: dum de re tibi non perspecta,

specta, alienum affers experimentum, non tuum, quas tibi conpedes ipse fabricaris, quove flammeolo pudori tuo consulueris, tute videas. Suspicionem quoque moves malæ causæ, quod sententiam iudices de medicamento delato nondum tulerint. At ea penitus vana est. Quis enim cum Menandro nescit, ἀγαν πρὸς φῶς τιτὼ ἀλήθειαν χρόνον, veritatem in lucem extrahere tempus? moramque hanc non crimen in re; sed cognitionis difficultatem arguere. Cæterum absolverunt Opobalsamum viri, qui maximè de natura ejus atque optimè judicare potuerunt, in quorum suffragiis haud dubito clarissimos arbitros pariter acquiescere: quorum hic singularem imitari prudentiam debebas, quod in materia non omnibus modis sibi perspecta, Hippocraticum illud seriò sequendum existimarint, μηδ' εἰκῇ, μηδὲ παρορᾶν. Excessus denique improbat à te Opobalsami, tam emptores, quàm assertores. Illos quia sibi comparaverint id, quod ex meis dictis commune balsamici liquoris nomen præ se tulerit: hos, quia probaverint succum, in cujus distinctione cum verum à falso cernendum, etiam peritissimos quosque falli potuisse, fateatur Galenus. Te interim extra peritissimorum discrimen ponis, dum assumpto non Dioscoridis, ut reris; sed interpretis filo, jam explicitum te labyrintho, jam ignorantiae monstrum jugulasse scribis, perfectæque notitiæ portam reperisse non dubitas: nempè quia lippos hic arbitraris clarissimos Urbis archiatros; te solum

— tam cernere acutum,

Quàm aut aquila, aut serpens Epidaurius.

Quibus coloribus cum etiam cæcutienti satis exprimas, quos affectus ad hoc tribunal attuleris, quaque animi moderatione censorium officium peregeris, parcam ego operæ, & expressum parma tua facinus, siquidem publicæ luci exponere placuit, æternum esse facile patiar.

Tangam igitur in scripto tuo ea præcipuè, quæ P. Alpinum, celeberrimum antecessorem meum, meque propius spectant. *Immerguntur*, ais, *ævi nostri doctiores innumeris difficultatibus, dum non contenti his quæ Europa quotidie subministrat, Opobalsamum, antiquis pretiosissimum, nostris desideratissimum succum,*

buc usque advocant, ex Arabia, &c. Sed immergantur, Pitori, difficultatibus, non submergantur; imò enatent, atque ex alto illo rerum naturalium educant nobiles veluti uniones, quibus rem medicam locupletent, & augeant, publico bonæ Valetudinis commodo. Quos stimulos generosis, doctisque animis in hoc studio gloria tantum non admovit? In exemplum venit poëta Carus, qui, causas physices accuratius investigaturus,

*Non me, inquit, animi fallit, quàm sint obscura, sed acri
Percussit thyrsos laudis spes magna meum cor,
Et simul incussit Musarum in pectus amorem.*

Nec inanes fuisse laudabiles conatus, ostendit ex utriusque Indiæ mercibus, utilium medicamentorum ingens accessio. Veteres utique pharmacis Europæis contenti non fuere, sed, undecunque cœlestis favor ostendit ad morbos remedium, grata manu sumpserunt.

Οὐ θέμις ἐστὶ ἀπόβλητι θεῶν ἐρυκτέα δῶρα.

Ne Theriacam quidem magna parte Europæis præsidii instruxerunt; sed exoticis ex Asia, Aphricaque petitis. Alebant in Creta rizotomos suos Imperatores, qui non dictamnum tantum,

Puheribus caulem foliis, & flore comantem

Purpureo —

Sed etiam scordium, chamadrin, marrubium, obvias Italiæ plantas, cistellis plenis urbi submittebant. Facti rationem affert Plinius, quoniam invaserat animos persuasio infinito præstare quæ in Creta nascuntur, iis quæ tellus alibi producit, quantumvis ejusdem generis. Diligentiam igitur antiquorum æmuletur necessum est, quisquis eorum inventis frui volet, vitandisque difficultatum scopulis viam eandem ineat, quam vestigiis suis illi expresse- runt. Chiragogum hic optimum è priscis se præbet Galenus, atque in hoc ipso, quem contemnis, eximio succo. Nam in ejus exquisitiore cognitione, cum fraudibus, & technis adulterantium vix explicare se posset, profectus in Palæstinam ipse fuit, ut cultam regiis in hortis plantam videret, & illa

— odorato sudantia ligno

Balsama —

Particulam indè liquoris sumptam , semper secum habuit , spurio, legitimoque dignoscendo veluti regulam. Itaque inclamat etiam hodie studiosis , præcipuum esse in materiæ medicæ cognitione , eam videre ipsam , nec semel ; sed frequenti inspectione , quale sit optimum observare. Fugiendum esse Pamphili institutum , qui quas non viderat herbas scriptis divulgat. Ridebat olim id hominum genus Heraclides Tarentinus , & præconibus similitum ferebat , qui formam , ac notas fugitivi mancipii , licet nunquam viderint , voce tamen sua publicant : fierique , si forte is quem præconio indicarunt propè adsistat , eum tamen ut non agnoscant, At, inquis , ex Arabia advocant Opobalsamum antiquis pretiosissimum , nostris desideratissimum succum.

Advocandum autem ex Arabia nunc esse , fateris ipse , quippe quæ natalis ejusdem tellus , & ex qua tot jam seculis repetitum fuit , quicquid in Imperatorum principumque manus pervenit , quod genuini opobalsami titulo peritissimus quisque dignatus est. Scio, inimicam esse , & infestam Christiano nomini regionis hujus gentem , adeoque alex periculosæ plenum opus , curiosius quicquam in ea scrutari. Nec profectò tanti est , abjectis Christianæ professionis insignibus , niveo turbine caput impedire , Mahometanumque simulare , ut constet balsamicum succum , vulnerato cortice , an ignis opera barbari colligant. Substiti ergo in propinquis Aegypti emporiis , quibus nullo non anno , quod melius , deteriusve opobalsamum , quod simplex , aut mistum , haud difficulter discere potui. Fecerunt idem inclyti viri , quorum industriæ notitiam & usum eximii hujus medicamenti debemus. Advocabimus igitur ex Arabia Opobalsamum , & injustis ereptum possessoribus , in rem nostram vindicabimus. Sumemus à profano populo sanitatis curandæ auxilia , à quo thura accipere non dubitamus , quædamus Deo.

Cur pretiosissimum antiquis Opobalsamum fuerit , exposui superius , tuis cur id desideratissimum scribas , mirari subiit , in

ea urbe , quæ assiduo cum Syris , Aegyptiisque commercio , apud nobilissimos civium copiam ejus haud contemnendam semper obtinuit , semper obtinebit , ut minimè tibi desperandum jurè existimes , ab Excell. Aemylio Parisano , quod asserere voluit Opobalsamum , in urbe Veneta posse demonstrari. Mihi id paucis mensibus in ea degenti , antequam orientales provincias cogitarem , optimæ notæ conspectum fuisse jam ante affirmavi , certusque sum , apud aromatarios diligentiores obvium esse. Observavi id in eadem urbe , paucis antequam hæc prælo subjicerentur mensibus , laudabile , satisque copiosum , quod Illustrissimus Antonius Capellus , Venetæ nationis olim in Aegypto consul in patriam secum attulerat : quodque meritò à Clarissimis Romanis archiatriis laudatum , dignumque habitum fuit , ut omisso succedaneo , per Antonium Manfredum , virum in componendis veterum antidotis accuratissimum , Theriacæ denuo misceretur. Possident idem in hac Patavina civitate , pharmacopæi primarii omnes , & in Museis suis , viri Cl. Io. Dominicus Sala , & Guilelmus Soiherus , quod à Matthia Rom. Imperatore , Lignicensis princeps dono olim acceperat. Quamvis omninò frustra sit , quicumque in Opobalsamis , temporis diuturnitate jam plurimum densatis , recentis liquoris notas , & experimenta præstolatur.

Pejus illud est , quod non immeritò a quibusdam dubitari refert , an veri balsami lignum ad nos , & semina ferantur. Sed dubitent homines , qui paralogismis suis impliciti mentem exporrigere nequeunt. Ego plurimum utriusque quotannis ex Arabia delatum conspexi , ex quo Venetis , Belgis , Anglis , Gallis in Cahiro degentibus , æqua semper emendi potestas fuit. Hoc ipso quo scripsi anno , tam semina , quam ramulos genuini balsami , etiamnum probos , & odoratos Venetiis accepi , quos inter auditores , cum publicè naturam horum & egregias facultates explicassem , distribui. Cur autem insitam odoris *Βουρίαν* , adeoque virium suarum robur non adeò longo tempore sustineant , in præcedentibus expositum est. Sed hæc ut non tam eam , quàm gravissimorum virorum , qui se legimum balsami lignum fructusque , vidisse : testantur , auctoritate tibi persua-

suaderi tandem pateris ; ita *licentiosum nimis fore* , & *temerarium scribis* , talem ac tantam ejus copiam constituere , qualis & quanta quotidie in officinis visitur , nec verum à falso , & à falso *factitium separare*. De quorum altero , sententiam tuam libens amplector , & ἀρεῖσθαι in examinandis hujus generis liquoribus laudo. Quæcunque tamen hic secerni queunt , eum optimè cum Galeno distincturum assero , qui non tantum notas à veteribus traditas in eorum libris peritè & curiosè expendit ; sed confirmatum multiplici inspectione sensum , & judicium pariter adhibet.

De copia illa Opobalsamorum , quam in officinis vis quotidie videri , judicent viri exercitati , Arabicæ , proprièque sic dictæ balsami plantæ liquores sint , an ex Indicis resinis odorati succi. Equidem Opobalsami Arabici recentis , cum illa scriberes , non copiam in officinis Venetis ; sed inopiam fuisse , satis à te proditum est , cum testeris , liquorem , tibi quidem abjectum , *ilicet atque in urbem adductus , à medicis non minus quàm pharmacopolis , antidota pretiosa componere cupientibus , avidè coemptum , & residuum ejus omne dissipatum fuisse*. Concedam interim , optimi quidem illius ; sed annosi , jamque obsoleti ex Arabia Opobalsami Venetiis apud proceres , & illustres cives , urbisque aromatarios , majorem quam in ulla Europæ civitate quantitatem haberi , diversis temporibus ex Aegypto aut Syria allati , quod ipsum tamen ob ætatis vitium , speciei suæ ordine expellere , & nomine gentilitio privare , vel tuis verbis licentiosum foret , ac temerarium. Abundare autem posse Arabes , pretiosa veteribus lacryma , nemini obscurum est , cum abundant ejusdem genetrice planta quæ tam actis ab radice germinibus , quam ex fœcundo semine , facilem sui propagationem admittit. Aegyptii paucis lustris calami sacchariferi cultu tantum profecerunt , ut jam non suos ; sed Byzantium , & Venetias insigni sacchari proventu instruant : fieri idem posse de balsami succo , si cura similis & studium accedat , ambiguum non est.

Itaque nec in Prosperum Alpinum satis æquus es , virum optimè hic , maximèque promeritum. Duo enim sunt quæ ob-

cis, ignorantiam veteribus ignoranter eum attribuisse; succum dein-
dè tibi desideratissimum, adedò trivialem constituisse, ut cuilibet ha-
bendi facultatem concesserit. Utrumque Pitori parum circumspe-
ctè. Nam veterum scriptis siquis cum oculis animum acriter
advertit: si quæ de balsami planta, surculis, succo, femini-
busque Justinus, Pausanias, Solinus, Tacitus, Plinius tradide-
re, prudenter examinat, tam dissona, frontibusque adversis
pugnantia, in argumentum ignorantiae non trahit, illi parum li-
quidè constare potest,

quid distent æra lupinis.

Illos ipsos rei herbariæ summates scriptores, arbusculæ balsa-
mi faciem integram exactius haud cognovisse, minimè obscu-
rum est, Theophrastus enim quæ de balsamo scripsit, aliena
fide retulit: adeoque historiam ejus his orditur, ὡς ἔδεισας εἶναι
φάσι δύο μόνας, hortos esse ajunt duos tantum: quemadmodum
capite præcedenti de Casia & cinnamomo, ὡς δὲ κινναμόμῳ,
ἢ κασίας τὰυτὰ λέγας de casia & Cinnamomo hæc dicunt. Di-
oscoridem autem palam est, Theophrastum auctorem sequi.
Quamvis enim sese plurima δὲ αὐτοψίας, sive inspectione
propria observasse profiteatur, quædam tamen ἐξ ἰσορίας συμ-
φώνας, ex historia consentiente se deprompsisse, non diffite-
tur.

In altero quod objicis, quis P. Alpini mentem, etiam per
sparsam à te nebulam haud intuetur? Dederat opobalsamum
Magnis Hetruriæ ducibus, observantiæ suæ monumentum &
pignus. Itaque nil humile, nil abjectum in trivio de re sen-
tiebat, cujus Virtutem scriptis quoque opere maximo extu-
lerat. At cuilibet, inquis habendi facultatem concessit. Cui
verò bono id non sit bonum? & vel cum Crasso aliquo de mu-
nificentia contendat Prosper noster. Concessit autem exteris
omnibus, annis sexaginta jam exactis, in Aegypto secum de-
gentibus. Hodie an major in Cahiro, & Alexandria balsami-
cæ hujus resinæ copia reperiatur, affirmare non ausim: præ-
fertim cum jam ab annis tredecim in tumultus exarserint Ara-
bes, concusso quo premuntur, Scythico jugo, si non excusso.
Tum verò quid fieri amet, &

— quo discordia cives

Perducat miseros —

in aperto est omnibus. Ut contingere possit, etiam Byzantii primatibus aliquando non suppetere, quod in re populi tranquilla repertu non difficile erat. Ad dynastas imperii Turcici, quantum olim Opobalsami pervenerit, satis Alpinus indicavit. Mitti enim imperatori tres quatuorve libras scripsit, Aegypti proregi libram, praefecto seu duci peregrinantium semilibram, quae tum ab ipsis, tum in amplis ipsorum gynæceis, quam cito disperdantur, in compitis Cahiri notum est.

Sed praeter longinquitatem regionis balsamiferae, causam alteram litium & errorum affers, quod medici vestri ab antiquis doceri nolint. Mihi tamen, Pitori, certum est, optimum quemque, & eruditissimum vestrorum, doctrinam antiquorum haud aspernari: nec transfugam hic ullum esse in aliena castra, nisi qui λαβὼν τὴν φιλοσοφίαν, ansam philosophiae, ut Xenocrates olim ajebat, capere nequit. Cæterum, quandoquidem è priscis illis doctoribus, si Galenum excipias, vix aliquis est, qui viventibus oculis, vel plantam balsami, vel succum ejus in Palæstinæ viridariis usurpavit, laudo quam maximè, quod Ariadnen tibi sequendam proponis Anazarbæam, cujus filum tanquam probatissimum omnium, unicè Galenus nobis commendat, planèque confirmor, saltem id dextrè teneas, evasurum te dolos illius tecti, & monstrum debellaturum τὴν ἀγνοίαν.

— mistumque genus, prolemque biformem:

Nunc altius discursus, ut ais, tui fundamenta jacturus, non Plinium tantum, vix à Virbio saluti restituendum, Dioscoridi jungis; sed etiam Sethum, & Saladinum, auctores, qui diversa, imò contraria Dioscoridi scribendo, quid aliud agunt, quam rupto quo regebas vestigia filo, in laborem ut abducant, & errorem inextricabilem.

Proponis ex Prospero Alpino primùm Opobalsami veri qualitates; quas cum tempore mutabiles vocas, atque ex his odorem, saporem, colorem, & in crassitie aut tenuitate substantiae modum. De odore satis habes, si scribas, thure, & tere-

binthina præstantiorem esse, cætera non multum de eo te sollicitum. At secus in hoc odoratorum examine egit Galenus, qui Casiam, & Cinnamomum exploraturus, inter necessarias præcipuasque notas odoribus intentus fuit. Equidem rosas, androsæmum fœtidum, anonidem luteam, dictamnium, caryophyllos, scrophulariam, costum hortensem, inter mille plantas proprius odor facillè manifestat: neque id solum cum integritatem, aut bonitatem respicimus, ut videri vis; sed quoties investigamus, & quærimus ipsas.

At hanc, inquis, *provinciam, tanquam optimè superatam*, Stephano de Gasparis te concedere. Frustra Pitori. Quàm vellem non superasset; sed cum P. Alpino, proprium Opobalsami odorem designans, in majore thuris, & terebinthinæ fragrantia, qua par erat moderatione, persistisset, quam veluti per gradus insiti caloris vigor, ejusdemque dissolutio, intendit, ac remittit. Nunc contra sensum peritissimorum hominum, contra sententiam tuam, ridiculâ penitus hyperbole, rei, juxta tecum cum scriberet incognitæ, suavitatem affingit, non Indicis tantum odoratis mercibus majorem; sed ut verbis ejus utar, ambra, mosco, zibeto, belzoino, & *quacunque re odorata, quæ in nostro hemispherio seu à natura produci seu ab arte constitui potest*. Hoc tibi quidem probatissimum sit assertum, hæc maximè miranda doctrina: ego Stephanum intra sensus, ac rectæ rationis gyrum revocandum, viris doctissimis libens permitto. Neque illum tamen apertè tibi adversari perspicis. Totam enim Opobalsami naturam in odore ponit, adeoque indelebilem ab eo vim existimat: tu ne quidem inter signa, succum hunc ab aliis distinguentia, odori locum relinquis. Ille infectionis absentiam, condensationem lactis, celerem dissolutionem, & lactescentiam, non propria Opobalsami attributa; sed ipsius balsamici odoris *germina, & immediatos effectus* pronunciare sustinuit. Tibi nihil magis cordi, & curæ est, quàm ut ex iisdem attributis differentiam extruas specificam, quæ Opobalsamum ab omnibus, ut loqueris diversi generis succis distinguat: & in quam magis minusque non cadat: quorum hoc quantum abeat à vero, superius expendi.

Inter

Inter notas probi Opobalsami cum Dioscoride requiris, ut ad acorem non vergeat, cui rei ratio constat evidentissima. Cave tamen existimes, vetustatis tantum id vitium. Nam quodcunque vegetæ naturæ Opobalsamum, sine causarum externarum gravioribus injuriis ad senectam ætatem pertingit, aciditatem nec gustanti manifestat, neque odoranti. Præterea, scripsi ad Cl. Baldum, balsamicum liquorem lac non nisi debiliter coagulare; imò ne hoc quidem præstare, nisi recens; nisi spiritu acidulo etiamnum prægnans fuerit: quorum postremum sic te accepisse conjicio, ut notam ex eo collegeris, inter malas haud infimam, *quaque mediante*, ut scribis, *Dioscorides, non optimum expertus fuisset Opobalsamum; sed pessimum*. Mihi verò Pictori nunquam in mentem venit, ut existimarim, Opobalsamum recens optimæque notæ, quodque acido adhuc spiritu præditum assero, sapore acidum esse, quem potius abesse debere, seriò cum Dioscoride contendo. Equidem, quod fugere te non decet, separat insitus calor, subjectæque materiæ domitor, vaporis specie substantiam aqueam tenuem, particulis aëriis terreisque subtilissimis permistam, quam spiritum Hermetici, & Mercurii nuncupant. Hanc reclusis quibus liquor continetur vasis, qui naribus haurit, acrem percipit, atque evidenter acidam: imò & sapore talem, siquidem arte exceptus halitus in substantiam pristinam resolvatur. Effundunt hunc spiritum copiosè, resinæ omnes recentes, & præcipuè dulces succi, cum effervescent, ut in musto, melle, pomorumque succo notissimum est; salva tamen saporis dulcedine, quamdiu penes calorem ingenitum victoria steterit. Eundem quâ pyrotechnia tum ex resinis succisque dictis, tum ex multis corporibus cunctis educere liceat, passim in tyrociniis suis inculcant al Kimiæ magistri. Hoc itaque volui, & in recentis optimique balsami liquore, superesse adhuc, tenuem hanc acidulamque substantiam, celerioris penetrationis, majorisque condensationis præcipuam causam, quamvis saporem ipse acidum non obtineat, quamdiu penes insitum calorem dominium viget.

Porrò τὸ Ἀδίετον Dioscoridis, cum interprete per facilem dilutionem exprimis, addisque rationem rei prorsus adversantem:

nempe quia tunc facillimè cum aqua misceatur, forsan arrepto verbo, quod contra mentem Abensinæ imprudenter interpres pro solvitur, invexit. Te verò scire decet, quæ facillè diluuntur solvunturque, promptitudinem quidem milturæ fortiri; non omnia tamen omnibus sic affecta misceri. Liquor de quo agimus resina est, five Theophrasti verbis, ὁπὸς δακρυώδης πιό-τηρ ἔχων.

Affers ex additamentis etiam translatorum nomen levitatis, cum λεώτης signanter meminerit Dioscorides: quorum hoc, ut lenitatis, & lubricitatis nomine capias facillè permittitur; non item ut levitatis, cujus sensus aliorum tendit.

Sed hæc minoris æstimationis: accedis mox ad facultates illas, quæ ut pudicissimam Opobalsami naturam valent revelare, neque in se ipsis mutationem ullam à loco, à tempore, à planta & ætate recipiunt. Mirabar fanè Pitori, cum hæc legerem, diuque ambiguum mihi fuit, an hæc dum aliò mentem sensusque divisas, calamo excidissent, nisi eadem, utcunque mutatis verbis, ante, retroque repetita cognovissem. Dum inquirō, quæ illa non mutabilium qualitatum syndrome, *Omni, soli, & semper Opobalsamo conveniens*, notas adducis Dioscoridis, quibus liquorem hunc unguentis admistis vitiatum, à sincero distinguit. Verum in rem caducam, communes rebus caducis affectiones expetere, notius est, quàm probatione ulla ut indigeat,

— redolent semper sua flumina pisces,

Hi fatuas stagni, salsas illi æquoris undas.

Quapropter quod scribis *Busbequii Opobalsamum*, à Cæsareis Medicis in dubium versum fuit, quod omnibus non ad amissim notis legitimo responderet, licet certo certius ex illo esse sciret, quo in *Matabariæ* hortis collecto, ab *Hali Bassa* donatus fuerat: talis defectus non cadebat in maculam; sed vel in calorem, vel in crassitiem, odorem, supernatationem, vel in alias notas: tam facillè nego veritati consentaneum esse, quàm tu chartis id committere potuisti, totamque differentialem illam (ut verba tua referam) notarum syndromen, ex inhæsione, coagulatione, celeri fusione, & lactescentia Opobalsami factam, non minus ex loci, tempo-

ris, ætatisque mutatione, varietatem subire affirmo, quàm colorem, odorem, saporem, & alias his cognatas qualitates. Et subire quidem necessariò, quia causæ mutationem afferentes sunt necessariae. Nam cum affectus non inficiendi, lac densandi, celeriter se diffundendi, temperamentum liquoris ejusque systasin perpetuò comitentur, utrumque autem, partim ob insiti caloris in humidum sibi subditum incessibilem actionem: partim aëris ambientis reciprocas noxas, mutari necessum sit; necessum pariter fuerit, & ea mutari, quæ temperamentum, & habitudinem substantiæ constanter sequuntur. Rem ipsam abundè nimis patefaciunt, quotquot hoc ævo, atque antiquitùs cognitæ fuerunt, odoratæ pinguesque lacrymæ, in quarum classe Opobalsamum Arabicum, nemine veterum prohibente constituo.

Sed ô bone, quàm in te Menandri illud monostichon convenit.

Ἡ γλῶσς ἀμαρτάνουσα, τ' ἀληθὴ λέγει.

Nam dum fateris, facultates illas non inficiendi, lac cogendi, &c. nullam in se ipsis mutationem recipere, nisi quatenus crassitiem succus senescens acquirit, & ob difficiliorem ejusdem dissolutionem, tardiores quoque hujusmodi effectus reddit: quid aliud prodis, quàm magis minusque admittere has Opobalsami notas, atque ut tardiores, sic languidiores indies fieri; tandem etiam languidissimos, cum spissitudo liquoris sic increvit, ut liquiditatem suam amiserit Opobalsamum, quamvis optimum purissimumque extiterit. Memini recentioris, & sinceri hujus succi portionem, vasculo vitreo inclusam, cum in calidiore cubiculi angulo detineretur, intra annum spatium, acquisito lentore notabili, gnorismata Dioscoridis propemodùm exuisse omnia. Hoc itaque censuræ tuæ temperamentum adhibe, & quotiescunque Arabica hæc resina, in tanto locorum intervallo, fortuitorum injuriis quàm plurimis exposita, non omnibus notis qualitatum facultatumque suarum integritatem exhibet, non larvis protinus induendam & præcipitandam existimes: denique non infectionis, coagulationis, dissolutionis &c. notas; sed etiam singularem ejus odorem, tum saporem, coloremque in

examen adhibeas, quorum etiam in vetustissimo balsami succo vestigia non difficulter agnoverit, quicumque in recentis Opopobalsami theoria plusculum se exercitaverit.

Mones tandem ex Oddo & Matthiolo, ab artificialibus nomine tenus Opopobalsamis, & *venalibus illis, maximè cavendum esse pharmacopolis, neque ea prius emenda, quàm omnia exactè experimenta ex Dioscoride, aliisque probatis auctoribus repetita fuerint*. Utrumque autem libens tecum amplector, eoque magis quo major hodiè cognatarum Opopobalsamo resinarum, in pharmacopoliis Europæis copia reperitur. Attamen experimenta sic capienda sunt, ut non repugnent rei ipsius naturæ, neque adeò sensui tum veterum, tum recentiorum, qui diuturna inter Arabes mora notitiam balsami exactiorem acquisiverunt. Doctores item & interpretes non agant, qui docendi ipsi, quique Dioscoridis, veterumque Græcorum scripta, nec legere possunt, neque intelligere.

Pergo ad censuram tuam, qua negas Opopobalsamum verum, ac sincerum fuisse, quod à Priore, & Consiliariis Clarissimi collegii Medicorum urbis Romæ, tum quatuor ejusdem archiatris approbatum, theriacæ miscuerant Manfredus & Panutius, primarii, peritissimique pharmacopœi. Hanc verò triplici stabilire tibicine conaris, *rationis, experimenti, atque auctoritatis*. *Rationem adducis, quoniam non omnibus differentialibus notis ab auctoribus assignatis convenit, eamque probatam remanere scribis, tum ex supra à Te dictis, tum ex infra dicendis*, videlicet experimento pharmacopœorum, quibus advocationem quæris, & veteris justitiæ processu. Quæ superius à te dicta sunt, cum expendo, video partim sententias te carpere doctissimorum virorum, B. Baldi, & P. Castelli; partim fidem adimere testibus, qui juxta cum illis contemptum à te liquorem, genuinum ex Arabia Opopobalsamum asseverarunt. Mihi quidem, Pitori, propositum non est, causam agere virorum præstantissimorum, tam rei medicæ theoria, quàm solida virtute spectatissimorum: multo minus proterviam eorum extollere qui frontem iis obvertere voluere. Tritum nimis est, etiam Andabatas ex pugna quæsisse gloriolam, jamque ab
anti-

antiquissimis seculis Theocrito monitore,

Ἦς ποτ' Ἀθηναίων ἐεν ἦενε —

Illud tamen exploratum habeas, non alios in Opobalsami à te damnati examine, diligentius Prosperi Alpini orbitam pressisse, quàm memoratos eximios Medicinæ professores. Nec meliorem te auctorem nactum fuisse, per quem in succi balsamici cognitionem venires, cujusque doctrinam substerneret tuis fundamentis.

At, inquis, de essentia probati liquoris valdè dubius est Cl. Baldus, quum indecisum reliquerit, per incisionem corticis, an decoctionem frondium elicitus sit. Fateor Pitori, dubitasse virum prudentissimum, nec sine ratione dubitasse, cum non simplici tantum lacrymæ ploratu; sed etiam ignis opera Opobalsamum colligi accepisset: maximè cum monitus à me fuisset, in asserto liquore præstantioris, & defæcatoris Opobalsami odorem suavitatem, non adeò exactè deprehendi. Ea enim res effecit, ut cum optimi & perfectissimi succi ideam animo subjiceret, non omnia ad amussim huic nostro convenire fateretur. Nunc, cum diminutæ nonnihil fragrantiae causam planè accidentalem agnoverim, discussis ambiguitatum nubeculis, virum præstantissimum securum esse volo de hac cura, neque ipse dubitandi amplius causam ullam habeo, per incisionem balsamicæ stirpis comparatam esse resinam, quam cum doctissimis archiatri, theriacæ miscendam duxeram. Collectionis autem modus, cum essentia suaveolentis cujusdam lacrymæ tibi minimè confundendus est, cujus existentiam qui consensu gravissimorum testium confirmarat, essentiam amplius in dubium vocare nullatenus poterat. Quod si tenebras hic objectas exire voles, è limine scholarum metaphysicarum facem mutuabis.

Properas ad differentiales, ut vocas, notas, inter quas primum & principale experimentum constituis, maculam post ablutionem haud relinqui, & cui adeò confidere quosdam scribis, ut ex eo solo habeant de adulterato judicium. Sed habeant, Pitori, quicumque sunt, & tibiam, talumque arbitrentur, ubi rectè sentientes jugulum, Profectò Arabes, qui mercium

cium indigenarum peritiores sunt æstimatores, non à maculæ sublatione; sed guttulæ in aqua & lacte celeri dissolutione, *δοκιμασίαν* Opobalsami ordiuntur, & præcipuum in ea integritatis specimen collocant. Hos te potius sequi par est, quam quos in succi hujus natura cognoscenda, sensus & exactior ratio destituit. Jam de improbato à te opobalsamo ex animo testor, experimentum de macula fide optima sustinuisse, meque laneo crassoque panno, non impactum quidem; sed instillatum hunc liquorem, in loco calido, aqua simplici calida sic abstulisse, ut notam sui nullam relinqueret. Neque ambigo, viris inclytis idem observari potuisse, si balsami recentiorum lacrymam ritè pannis eluere tentassent. Rectè interim Dioscoridem cum Prospero Alpino interpretantur, qui referunt, Opobalsamum ob resinosa substantiæ visciditatem inhærere quidem vestimentis; oleosam tamen maculam, quæ profundius insideat, latius indies sese spargat, denique lotioni pertinacissimè resistat, minimè producere, idque in rejecto tibi succo pariter evidentissimum fuit.

Jam posthabito P. Alpino, potius Matthiolo, in materia medica exercitatissimo, standum esse scribis, quia Opobalsamum se vidisse asserit, quod omnibus notis ab antiquis adductis responderit. Apage cum inertis hoc livore, cum ista ingratitude, o Pitori! Prosperum enim Alpinum notis omnibus legitimum Opobalsamum, non frequenter solum vidisse, possedisse, dynastis dono obtulisse; sed etiam balsamicæ stirpis, plantarumque exoticarum cognitione, longè Matthiolo quamvis laude applausuque posterum digno præstitisse, non ego; sed monumenta illa loquuntur, quibus orbi jam Europæo notissimus, viam terit æternitatis. At quod in Francisci Calceolarij theriaca tanquam legitimum Opobalsamum probat Matthiolus, quodque ut genuinum laudat Carolus Clusius à Jo. Pona sibi donatum, atque celeritate solutionis, lactescencia, guttæ collectione, odorisque privati criteriis examinatum, hoc ipsum fuisse, quod à rupe Tarpeia præceps dare minitaris, testatur Franciscus Pona, Joannis filius, vir eruditissimus, & inter ævi hujus Machaones, ut ferio cum Homero loquar,

πολλῶν ἀνὰ ζῆλον ἄλλων.

Alterum experimentum, quod in lactis condensatione positum, laudato ab archiatri liquoris defuisse putas, quoniam imperfectè, neque universum cui instillabatur lac coagulaverit. Te verò quis antiquorum docuit, pauculas Opobalsami guttas vas lacte plenum integrè perfectèque condensare debere? nullus profecto. Nec modum igitur ex iisdem facultatis statuere potes, quem silentio prætereunt, nec in re vim agendi determinare, cujus differentias, cum censoriam sumeres auctoritatem, nulla dum experientia præceperas. At Opobalsamum quamvis optimum, paucis guttis lac copiosum, ut arbitraris, afficere non potest. Nam ut scripsi jam ante, lacti nullatenus miscetur; sed in superficiem tantum ejus celeriter explicatur. Tunc verò pari velocitate, exhalantibus cum calore spiritibus, partibusque tenuioribus diminutis, non nisi in propinquas sibi lactis partes agere potest, idque vel eò debilius fiet quo fuerit ætate provecius. Densasse autem proximas lactis partes, proscriptum à te Opobalsamum, certò, clarèque mihi compertum esse, confirmo.

Venis ad experimentum tertium, de celeri solutione, quam negas in improbato tibi succo, conspectam fuisse, quia lacti, aut aquæ permistus haud fuerit. Sed nihil tale in resinosis, pinguemque lacrymam convenire potest, nec motu, atque agitatione perfici in recenti, nedum vetusto: ut in oleosis aliis aquæ conjunctis, etiam pueris unguentariis notum est. Nec Dioscorides noster mitionis vocem ullam usurpat, cujus filum, arrepto interpretis Abensinæ alieno vocabulo, sine piaculo non amisisti.

Duo tamen sunt quæ objicis. Expansionem super aquam, succis resinosis, qualis terebinthina, facilè accidere, adeoque *communem esse; non differentialem notam*. Plinium item, & ex eo Sethum, & Saladinum retulisse, optimum etiam Opobalsamum petere fundum. In quorum priore, largior tibi resinosis liquoribus communem esse supra aquas sui dilatationem: modum tamen in Arabica lacryma, ab omnibus hætenus deprehensis, diversum esse refero. Nam vel guttula hujus recenti-

or, in tantum se exporrigit, in quantum vix integra terebinthinæ drachma: deindè momentanea velocitate eò diffunditur, quò terebinthinæ portio, non nisi tardè pertingit. Itaque non simplex super aquas dilatatio; sed τὸ λαχέως χεῖθαι, celeriter fundi, Opobalsamum nostrum ab aliis discriminat, ut cum Dioscoride præcedentibus expositum. Atque hoc ipsum est, non olei more innatare, aut superficiem in stellam radiosque sese explicare. Id verò cum spreti a te balsami liquor habitio à me, virisque clarissimis examine, optimè præstiterit, merità laude privandus non fuit. Alterum ex Plinio quod affers, vel tua confessione, non de recenti, adeòque viribus integro Opobalsamo; sed propter partium tenuiorum dissipationem, ad omnia deterius reddito, habendum est. Itaque, cum de priorè quæstio nobis sit, misso Plinio, quantumvis egregio scriptore, Aristotelis illud sequemur, ἴσιον εἶναι τὴν φιλίας περὶ τιμῶν τὴν ἀλήθειαν, sanctius esse amicitiae, auctoritati, veritatem anteferre.

De lactescentiæ experimento, quod Opobalsamum à te rejectum evidentissimè sustinuit, rem pariter suspectam reddere conaris, dum & resinaceis aliis communem esse scribis, neque extra aquam tantum; sed intra considerari debuisse. Hic verò, quemadmodum passionum, affectionumque communionem inter resinas, jure tecum admitto; sic illud ingenuè moneo, nullam hæcenus cognitam resinam, adeò repentè, latèque super aquam explicari, nullam adeò celeriter, insigniterque lactescere, quam hæc ipsa, quam Arabicum balsamum fundit lacryma. Cæterum intra aquam, vel extra, coloris mutationem quisquam consideret, nihil difficultatis exhibet, vel ambiguitatis. Certum enim est, quam styli cuspide recolligimus guttulam, jam ante pallorem induisse lacteum, quàm aquâ eximeretur.

Tandem ad testes procedis, quorum partem tacito, ut ajunt, pede præteris. Baldassarem, & Michaellem Campios, tum Josephum Donfellum, non expensis eorum scriptis, simplici plaga absolvis. Me præcipuè, & celeberrimos viros, Aemylum Parisanum, & Joannem Narpium in quæstionem advocas, quia datis literis missum nobis Opobalsamum, verum
le-

legitimumque testati fuimus: & sententiam ea in re nostram ideò flocci facis, quia nec constare nobis, nec uniformiter loqui tibi videmur. At ego perlectis eorum literis, hoc unum constanter eos mecum asserere sentio, verum, legitimumque fuisse Opobalsamum, quod archiatri Romani theriacæ indendum suaserant. In cuius sententiæ confirmationem, diversis eos rationibus usos haud nego; nego pugnantibus usos, aut contrariis.

Me quod attinet, adducis prioris epistolæ meæ ad Cl. Baldum partem, verbis cum transpositis, tum diminutis, in hunc modum. *Quod ad Aegypti proregem militumque præfectum, in donum ex Arabia mittebatur, quantitate exiguum. At non ejusdem conditionis erat, quod communiter balsami nomine venditabant Aegyptii. Alterum nempe decoctione elitum, alterum plus & minus terebinthina, similibusque resinosis admistum, cujus longè major proventus, cujus, si seriò constet ex Arabia Cahirum, & hinc Venetias adductum esse, &c.* **AT EGO SENSUM MEUM SIC EXPRESSERAM.** *Non ejusdem equidem conditionis erat, quod communi Opobalsami nomine venditabant. Nam ad Aegypti proregem, militumve præfectum, quod mittebatur, tenuius observavi, odore suavius, colore ex citrino albicans, quantitate exiguum. Reliquum ut copiosius, ita pretio parabilius, idque cum æstimatione, tum bonitate rursus diversum. Nam vel purius erat, atque ex plantæ ramis, fructibusque ignis opera elicitum; priori tamen, & systasi, & odoris fragrantia, & virium pariter incolumitate cognatum, quo in dyspnœa, pulmonumque putredine, tum dysuria, & vulneribus felici successu usum: vel terebinthina similibusque resinosis, plus aut minus permistum, cujus major longè proventus, &c.* *Quod vestris Opobalsami nomine Venetiis transmissum ost, si Alexandria, vel in Cahiro emptum, atque illac ex Arabia vicina allatum esse seriò constet, non temerè pharmacopœis rejiciendum fuerit, &c.*

Hic assignare me scribis, notas ab antiquis valdè diversas, & locum etiam in crimine ponere. At hic, Pitori, valde erras. Nam neque notas explicare Opobalsami propositum meum est, neque afferro quicquam, quod vetustis scriptorum mo-

numentis haud consignatum sit. Meminerunt enim, & sponte naturæ eliquati liquoris, & innoxio corticis vulnere elicti: atque hujus quidem tum sinceri, tum adulterati, particulariter admista terebinthina, ut superius expositum. Parari idem artificiosa molitione, dudum inter Arabes scriptores Mesue prodidit. Atque utcunque hæc non sint. Quis unquam prohibuit, veteris doctrinæ censum, accessione utilium observationum augere, quantumvis diversorum; cum non unum nobis limitem ipsi designaverint, per quem eamus. Non domini nostri; sed duces fuerunt, adeoque non præripuerunt posteris quæ inventis adjicerent; sed aperuerunt. Taceo quæ de loco subjicis, quoniam Opobalsamum ex Arabia, & Cahiro accersendum serió contendo. Non enim aliud huic succo natale solum, nec me, teque fugit, variantibus pro climatum intervallo, rerum generabilium causis,

— *quas leges, æternæque fœdera certis*

Intulerit natura locis, —

Illud nos maximè omnium collidit, quod ex Epistolarum mearum altera ad Cl. Baldum, probare conaris, damnatam à te balsami resinam, ex infimo esse genere à me designatorum: adulterari potuisse, denique artificialem non naturalem esse concludis. Scripseram autem quæ sequuntur. *Habui tandem à Clarissimo Tomasino, quem proximis spondebas literis balsami liquorem, cognovique simul atque odorem hausi, illum ipsum esse, quem in Aegypto Venetis nostris, reduces ex Arabia mercatores venum exhibent. Hoc præcipuè τερπνεῖον puritatem ejus asserentes, quod aquæ indita guttula, protinus in pelliculam sese explicet, iterumque styli cuspidem commota, colligi tota queat, ob tenuissimi spiritus deliquium pallidior: reliquas indolis notas, ætate plus minusve provecta, facilius obscurari. Quibus ed libentius suffragitum ivi, quo major succo, cum recentis carpabalsami sapore, & odore cognatio fuit, in quo, ut cum Hermeticis loquar, τὸ ἑμψυτον θεῖον, innatum sulphur, sensuum fidem evidentius provocat. Igitur, quamvis transmissus mihi balsami liquor, spontaneæ concretionis lacrymam suavitatem non referat; quocunque tamen artificio sit elictus, legitimum balsami antiquis cogniti succum, adeoque Opobalsa-*

mum

num judico, etiamnum Arabibus dohen balesan, unguen balsami dictum, &c.

Hic verò quid clarius est, quam de industria te quæsisisse lacunas, quibus eximium naturæ munus deturpares, bacchanalia vixisse, cum simulares Curium. Complexus enim sum: communi Opobalsami nomine, non illud tantum quod terebinthina permistum; sed etiam purius, adeoque vel inciso cortice lacrymatum, vel ignis ministerio plantæ ramulis, fructibusque subductum: imò optimum omnium, & defæcatissimum, quamvis huic κατ' ἐχξολὴν, & proximè opobalsami nomen conveniat, mox sincero non defæcato: minus adulterato. Quare cum id ipsum quod rejecisti purum asseram, legitimum, & antiquis cognitum opobalsamum, licet id sub communi stirpis suæ nomine complexus fuerim, facile animadvertisti, non id infimæ classis esse me voluisse; sed naturæ, viriumque integritate, vel optimo proximum constituisse.

Adulterari idem facilimè potuisse putas, admisto vel thure, vel terebinthina: saporem etiam, odoremque fructuum balsami, & frondium adminiculo conciliari. Ego fieri hæc omnia posse minimè ambigo: factum autem fuisse in hoc nostro, cui præcipitium minitaris Opobalsamo, constanter nego, pernego. Nulla enim penitus nota defuit, nulla facultas, quibus indolem genuinæ substantiæ, simplicisque naturæ patefacere debuit. Observasse me quidem profiteor, quod recentius, tenuius, clarius, odoratius, quale id quod tempestivè sæcibus suis sejunctum, purius deindè concrevit. Hoc tamen ipsum de quo litem agitas, claritate, tenuitate, odore supra terebinthinam præstantiore, quamvis longa itineris ambage copiosis sæcibus innataverit, abunde se mihi tale præbuit, ut id legitimi, veri, probique Opobalsami Arabici nomine privare & fama, nefas existimaverim.

Cæterum de naturali balsami succo quæstionem esse scribis, non artificiali. Tanquam verò naturalis esse desinat, & liquor rei proprius, qui artificiosa quadam ratione eidem subductus est. Veteres utique optimum illum circumspectâ valde, & perita incisione eliciebant, quod adhibita ferri vi, ut lo-

quitur Tacitus, paveſcerent venæ. Plinius incidentis manum artifi- ci temperamento librataſ refert, nequid ultra corticem violaretur. Ita Solinus, plantam artifi- ci plaga vulneratam fuiſſe ſcribit. Hæc animo obverſabantur meo Pitori, cum ſcriberem, *quocunque tamen artificio ſit elicitus, legitimus baſami antiquis cogniti ſuccum eſſe*, & artificioſum educendi modum in utroque ſpectabam, tam qui di- viſo frondium cortice ploravit; quàm qui caloris ſynergia collectus eſt. Scio, majoris eſſe operæ, atque adeò pyrotechniæ non ignobile ſpecimen, reſinoſum hunc ſuccum, partibus terreis, aquoſiſque ſejungere. Eundem tamen, ut artis eſt, ſeparatum, neque additamentis heterogeneorum ullis vitiatum, haud minus naturalem baſami liquorem aſſero; quàm picem abietis, vel piceæ: ſaccharum harundinis, melleo ſucco farctæ: quàm naturales ſunt plantæ, quas blando hypocauſti calore, & arbitrariis irrigationibus, ad vigorem floremque perducimus: quàm naturales ſunt pulli, quos ſine matrum incubatu, miti furnorum calore Aegyptii ovis ſuis excludunt. Μιμῆσθαι τὴν τέχνην τῶν φύσιν, imitatur naturam ars, inquit Ariſtoteles, & quicquid illa viribus ſuis haud aſſequitur, innixa naturæ fulcris ars, æmula organorum applicatione perficit, & conſumat.

Te duo ſunt quæ involvunt: primum, quod hermetica analyſi collectæ baſami lacrymæ, valdè à natura ſua diverſæ ſint, atque alteratæ vi ignis: de quo cum Plinio dubitas, plura ne pariat, an perdat. Alterum, quod Cl. Petrus Caſtellus, hanc quæ Vulcani beneficio peragitur baſami extractionem, in dubium vocet. De primo ſi tacuiſſes Pitori, te credidiſſem in artificioſa miſtorum diſſolutione, de qua Plinio ſermo non eſt, ſaltem mediocriter verſatum. Noſti diverſum eſſe ignis effectum, ſi gradus caloris diverſus eſt. Hunc autem rebus in elementa ſua dirimendis, convenienter adhibere, non idiotæ, ſed artifi- cis periti munus eſt. Quemadmodum & ἐμπορεύματα ſive ſtilaginem corrigere, ſi qua per ignem validiorem contracta fuiſſet, ut abundè te docebunt, qui hæc enchiremata ſcriptis, & opere profitentur. In altero, facilè permitto doctiſſimum virum ſenſu ſuo abundare. Diverſum enim iisdem in rebus tene-
re,

re, quos jucundo foedere studiorum communio junxit,

Id licuit salva semper amicitia.

Audita tantum de artificioso balsami apparatu refero, non visa, quæ tamen, cur probabilia mihi visa fuerint; tetigi superius. Convenire nos in eo perspicias, quod abjectum tibi liquorem, genuinum & sincerum Opobalsamum veterum agnoverimus: nec suspectum mihi amplius, an corticum stirpis artificii plaga elicatum fuerit.

Secundum censuræ tuæ fulcimentum est, examen Opobalsami nobis probati, factum è tribus Aromatariis, qui illud *turbidum, inodorum, insuave, maculam relinquens, non coagulans, parum lactescens, minus liquecens, in superficie se ad instar terebinthinæ diffundens: adeoque inane, falsum variisque misturis refer-
tum judicarunt.*

Mallem ego Pitori, æstimationi bonorum hominum consuluisse, & factum ipsum prudenti potius silentio involvisse; quàm in publicam lucem, & eruditi seculi cognitionem protulisse. Palàm enim est, judicium de Opobalsamo ex Dioscoridis notis ferre non posse, qui naturam ipsius rei perspectam non habet, quique nobilissimi scriptoris fontes integros hæud accessit, aut ea saltem non cognovit, quæ Prosper Alpinus, ut hærentes in hoc plexu dirigeret, de balsamo, ejusdemque lacrymâ literis divulgavit. In quorum neutro cum examinatores illi serio sibi constiterint, ausi tamen fuerint, rem à clarissimis doctissimisque medicis jam probatam, damnare & conviciis proscindere, & veluti è Parnasso datis literis, sacram Apollinis, Musarumque sedem illotis pedibus inquinare, quo pacto excuses, videas; ego delendo huic nævo spongiam reperio nullam.

Quod si tamen pharmacopœis in materia medica censenda locum deberi contendas, oppono tribus illis, ex Veneto aromatariorum collegio plures, qui contrarium tuentur. Oppono Josephum Donzellum, materiæ Medicæ accuratam cognitionem, merito laurus philosophicæ brabeo illustrantem. Baldasarum item, & Michaellem Campium, pharmacopœos integritate fidei artifque suæ peritia minimè inferiores. Imò collegium phar-
ma-

macopeorum Neapolitanum universum. His enim missa liquoris portio, quem solum vertere jubes, verum legitimumque Opobalsamum habitum fuit: quibus subscripserunt Domæ, ex iis qui diutius inter Arabes degerunt, Joannes Molinus, linguarum orientalium interpres, Baptista Valtrotus, & Marcus Avamtius Chirurgus, præsentem in urbe liquorem explorantes. Quanquam parum obest approbato nobis Opobalsamo, quod illud aliquot pharmacopœi non cognoverint: quin summa potius accedit æstimatio, quod occasione commotæ litis, viderint, examinarint, laudarint, viri quos nunc fovet Italia, artis Medicæ gloria, rerumque naturalium cognitione præstantissimi. Et è publicis quidem professoribus, Clar. Petrus Castellus, Joannes Manelphus, Baldus Baldus totius Ecclesiastici status Archiater, & Alexander Menchinus. E practicis celeberrimis, Marius Schipanus regni Neapolitani protomedicus generalis. M. Aurelius Severinus seculi hujus Chiron alter, Baldasar Bonannus, Paulus Zacchias, & Joannes Nardius, monumentis literarum, &

— *fama super æthera noti.*

Quibus album adjecit calculum Illustrissimus eques, Cassianus de Puteo, non tam splendore natalium, fortunæque muneribus; quàm cognitis physices lectissimis arcanis, & hominum eruditiorum patrocinio paucissimis comparandus. Ab his, quod cum Stephano de Gasparis dissentire volueris, nil detrahit quidem rei laudatæ: utrumque tamen vestrum ex animo velim
ὡς γὰρ αἶνεον.

De fæcibus sive misturis, quas in fundo vasis superfuisse scribis, non est quod vel suspicionem moveas corrupti succi, cum optimum etiam, & quàm accuratissima incisione elicited olim Opobalsamum, fæces suas deposuerit, ut ex Galeno inter veteres docemur.

Tandem ultimum censuræ tuæ fundamentum inducis, & *unam præ omnibus aliis auctoritatem te asserre scribis, quæ sicut in dubium verti non potest, ita controversi liquoris naturam perbellè manifestare valet. Hanc esse processum ab Illustrissimo veteris Justitiæ magistratu formatum, inque eo constare Cosmam de Nigris,*

vas

vas liquore sub opobalsami nomine plenum, a Mauro quodam Mecha redeunte accepisse, singulis pro qualibet libra argenteis impensis, Et mercatoribus Venetis ad quatuor coronarum insigne vendidisse: indè illum tam pretiosum succum Romam deduxisse, quem ex Velsingii dictis, plus minusve terebinthina, aliisque rebus permistum, communi Opobalsami nomine venditabant Aegyptii.

Hic verò Justitiæ veteris processus, quid de Opobalsami natura tibi manifestarit nescio: hominibus sanè, qui cum Menandro διπλὴν ὀρῶσι, planè manifestat nihil. Nisi, quemadmodum jam ante modum collectionis, ad essentiam balsamici liquoris pertrahere frustra conabar, ita nunc ad naturam ejusdem existimes pertinere, quis vendiderit, quis emerit, & quanti. Quis denuò sibi comparaverit, & venum dederit. Illud approbato viris eximiis succo abunde favet, quod ex Arabia delatus, à Cosmo de Nigris emptus, venditusque fuerit, viro cognoscendis Arabum odoratis mercibus, componendisque medicamentis exercitatissimo, quem ob probitatem, fidemque tot annis compertam, Illustrissimi viri Joannes Donatus, & Antonius Barbadicus, etiamnum cœlesti favore superstites, Aegypti quondam consules, clarissimique Senatus ornamenta, in amore, & inter familiares habent.

At libram, inquis, integram argenteo nummo comparatam esse. Quid tum verò? Mihi sanè juxta cum doctissimis architris satis constitit, genuinum, & probum fuisse, quod vilius emptum est Opobalsamum. De Mauri venditoris factò non laboramus. Dextrè rem acquisiverit; an sinistrè. Inscitia ejusdem nobilem liquorem prostituerit; an manciparit, & extorserit pecuniarum indigentia. Immotum interim est, non ideò naturam suam exuisse Opobalsamum, quoniam vilius emptum est. Quemadmodum colorata Europæorum vitra, non ideò vitra esse desinunt, quia pretiosis Indorum gemmis, ac mercibus sæpè permutantur. Cætera quæ Justitiæ veteris processui subjungis, technas potius tuas; quàm quodvis aliud manifestant. Nihil enim vel dictum a me, vel scriptum de hoc, quem exulare præcipis succo, quum intra vendentium manus detineretur; neque alium postquam vidi, visumque examinavi, quam

cognitum antiquis , & legitimum Opobalsamum vel dixi , vel scripsi.

Plura non adtexo , satis enim habui , viris egregiis , qui dudum in pulvere hujus circi sudarunt , potius applaudere , quàm pugnata jam pugna ventilationem ordiri. Doctos autem & prudentes materiæ medicæ peruestigatores monitos velim , ne Arabicæ balsami lacrymæ fragrantiam ultra captum veterum extollant ; sed notas è fontibus Dioscoridis petitas , eidem sic applicent , ut resinosi liquoris naturæ , substantiæque non repugnent : denique non tam cultorum defectu ; quàm incuria hominum nobis subductam , in usum antidotorum , si non communium ; saltem eorum quæ proceribus aut principi suo paraturi , studiosè revocent. Philemonis illius memores ,

Ἐὰν οἷς ἔχωμεν τοῖσγε μὴδὲ χρώμεθα ,

Ἄ δ' ἔκ ἔχομεν , ζητῶμεν , ὧν μὲν διὰ τύχην ,

ὧν δὲ δι' ἑαυτὸς ἐσόμεθ' ἐξερημένοι.

Si quæ habemus , iisdem haud utimur , quæque non habemus quærimus : aliis nos per fortunam sumus , aliis per nos ipsos privaturi.

Noi Reformatori del Studio di
Padoa

HAvendo veduto per fede del Molto R. P. Inquisitore del S. Officio di Padoa, che nel Libro intitolato Joannis Vesslingii Opobalsami Veteribus cogniti Vindiciae, non si trova cosa alcuna contra la Sante Fede Catolica, inparimenti per attestationi del Segretario Nostro, non vi si trova cosa alcuna contra Principi & buoni costumi, concedemo licenza, che sia stampato, dovendosi osservar quanto per legge in proposito di stampe, con conditione che non sia venduto se prima non vien presentato uno per la Libreria publica, giusta la parte dell'Eccell. Senato de 2. Decemb. 1622. In quorum fide, &c.

Venetia a' 3. di Novembre 1643.

{ Batista Nanni Reff.
{ Pietro Foscarini Reff.

Aluise Querini Seg.

Joanni Vesslingio Equiti, Viro clarissimo,
Aloysius Quirinus S. P.

VIndicias tuas Opobalsami veterum, contra recentiorum quorundam inscitiam vidi, legi, & approbavi. Vesslingii enim sunt, hoc est, doctissimi viri, qui scientias omnes callet, & in his studiosissime summo posterorum fructu ætatem consumpsit. Laudent ii qui profitentur tanta hæc, cum illa degustarint, palatoque suavissima experimento comprobarint. Quare quantò citius effice ut edantur, &c.

Die 16. Octobris 1643.

Opus cui titulus Joannis Vesslingii Opobalsami Veteribus Cogniti Vindiciae, quod fuit examinatum ab Excell. D. D.

Joanne Cottunio, & Octavio Ferrario, cujus initium, Quæ
in florentissimo, &c. Et finis, Laboremus, &c. fuit pro im-
pressione Paduæ visum etiam & approbatum sup. Die, & anno,
cum nihil contra fidem, Principes, seu bonos mores in ipso
reperiatur.

Ita est, ego Fr. Antonius Vercellus à Lendénaria
Inq. Generalis Paduæ.

ERuditissimum hoc opus Præclarissimi, & Excellentissimi
Joannis Vesslingii Equitis, & in Patavina Universitate Bota-
ces, & Anatomix Primarii Professoris, Hortique Medici Præ-
fecti; cui inscriptio, Opobalsami Vindicix, Ego Joannes Cot-
tunius diligentissimè, ac summa cum voluptate perlegi. Nec quic-
quam in eo reperi à Catholica pietate morumve probitate de-
vium. Quin verò doctrinæ soliditate, & singulari elegantix
candore ita ubique est firmatum, atque inspersum, vt per ma-
nus, & ora doctorum hominum volitare mereatur. In quorum
fidem, &c.

Joannes Cottunius
Philos. primi loci ordinarius
qui supra.

REverendissimi P. Hæreticæ pravitatis Quæsitores jussu, Vin-
dicias Opobalsamo ab Joanne Vesslingio Viro Clarissimo latas
legere, pretium fuit. Quo in opere, non modo nihil occurrit
quod Christianum lectorem moretur, aut turbet, quodque po-
litica torvitæ secus dictum interpretetur: sed suus superis ho-
nos constat, qui in eo succo quoddam immortalitatis simulacrum
posuerunt: nec indignatur superis æqua potestas Regium liquorem
in ordinem privati usus cogi, qui omnem seculi morumque tabem
procul habebit. Patavii VII. Kal. Novembris MDCXLIII.

Octavius Ferrarius,
Eloquentiæ, & Græcæ linguæ
Prof. ordinarius.

INDEX R E R U M &c.

IN PROSPERI ALPINI ET JO. VESLINGII *Libros de Plantis Ægypti.*

A.

A b el Mosch. 207
 Abdellavi plantæ atque fru-
 ctuum descriptio. 54. 198
 Abdellavi melonis icon. 55
 Abissina Cassia quæ, & ejus-usus 4. 5
 Abrus descriptio. 40
 Abrus mira conversio. 184
 Abrus seu Phaseoli rubri icon. 46
 Abfus herba. 43. 44. 191
 Acacia quibus in locis proveniat. 6
 Acaciæ arboris descriptio. 6. 7
 — arborum differentiæ. 6. 7
 — succus. 6. 7
 — icon. ib.
 — succi usus apud Ægyptios. 7. 8
 — succi loco, quem succum
 Itali parent. 8
 Acaciæ succus optime præpara-
 tus. 163. 167
 — maris, & fæminæ descriptio. 7
 — quando flores edat. 7
 Acaciam esse arborem fecundissi-
 mam. 7. 8

— fert gummam, quam Arabi-
 cam medici vocant. 7
 — quæ species in Zacyntho In-
 sula proveniat. 64
 — Zacynthinæ descriptio. 65
 — Acetosæ Zacynthinæ descrip-
 tio. 64
 Achaovan descriptio. 56
 — usus ad medicinam. 57
 — Icon. 56
 Achaovan Abiat, seu Artemisiæ
 albæ descriptio. 43. 44. 187
 — Cineraria, Jacobæa marina i-
 dem 43. 44
 — vires & usus. 44
 — Icon. 44
 Actuarius. 161
 Ad Alvi fluxiones Acaciæ usus. 9
 Ad Anum Uterumque foras prola-
 bentem Acaciæ utilitas. 9
 Ad Articulos roborandos Acaciæ u-
 sus. 9
 Ad augendam Venerem Electuari-
 um. 60
 Ad Pectoris Pulmonumque morbos

I N D E X.

- femina urticæ conferre. 60
 Ad cutis infectiones Nigellæ uti-
 litas. ibid.
 Ad mulieres, quæ non purgantur
 Nigellæ usus. 59
 Ad cutis infectionem valere semina
 Urticæ. ibid.
 Ad febres omnesque calidos affectus
 aqua Anguriarum el Maovi utilis.
 55
 Ad Nervos ficcatos, & scirrosos
 tumores sesami usus. 47
 Ad podagricos Acaciæ usus. 9
 Ad Renum calidos morbos Chaté
 usus utilis. 55
 Ad Somnum conciliandum Solani
 somniferi usus. 60
 Ad Uteri fluxum confert Acacia. 9
 Ad Sanguinis sputum confert Aca-
 cia. ibid.
 Ad Uteri duritiem Mumia. 44
 Ad Ulcera cancerosa Cinerem semi-
 num urticæ conferre. 60
 Ad Articulos roborandos Acaciæ u-
 sus. 9
 Adamas insignis in Mahometi sepul-
 chro. 175
 Ægypti fertilitas. 157. 167. 188
 — aër roscidus. 213
 — cultura. 160
 — hodierna facies. 159. 170
 Ægyptiarum plantarum utilitas ad
 medicinam. 1
 Ægyptios per Cassiarum loca mane o-
 doris gratia obambulare. ibid.
 Ægyptii Cassiis non utuntur ante
 quartum mensem. 4. 5
 Ægyptii Cassiæ pulpa ad quos mor-
 bos utantur. 4. 5
 Ægyptii Mel Carnub ex siliquis ex-
 pressum in usu habent. 5. 6. 162
 Ægyptii quæ condiunt melle Car-
 nube parent, & eo ad quæ utan-
 tur. 6
 Ægyptii Catarrhi expertes. 169
 Ægyptiis Hydrocele familiaris. 198
 Ægyptus Acacia excepta alijs arbo-
 ribus gummas ferentibus caret. 8
 Ægyptus arborum ferax. 160
 Agiahalid arboris descriptio. 20. 21
 — foliorum usus. 20. 21
 — an Lycium. 20. 21
 — Icon. 20
 — hodie non exstat. 172
 Ajugæ descriptio ex Dioscoride Kel-
 lù an conveniat. 58
 Alexandria Ægypti Cappares produ-
 cit. 60
 Alpini (Prosperi) institutum. 158
 Alpinus (Prosper) asseritur. 165
 174. 186. 214
 — explicatur. 213
 — emendatur. 166. 180
 — excusatur. 213
 — laudatur. 164. 184. 193. 203
 — locupletatur. 186. 195. 201. 209
 214
 Amaracum fulvestrem esse Marum
 Creticum. 68.
 Amberboi Turcicum 213
 Amomum Plinii, 203
 An Æthiopia Veterum India. 169
 Andreas Matthæolus in Acaciæ co-
 gnitione deceptus. 7
 Anguriæ aquosæ. 56
 Anguriarum, Elmaovi aquæ facul-
 tas, atque usus. 55
 Anthyllidis speciem Kellù esse. 59
 Anguriis omnes Ægyptii libenter
 vescuntur. 55
 Animadversio Vesslingii in Alpini stir-
 pium figuras. 171. 172. 173. 201
 211
 Anthalium. 213
 Apollonii hallucinatio. 176
 Apocynum verum nasci in Italia. 63
 Aquæ ex cucumeribus Chaté distil-
 latæ utilitas. 54
 Aquæ ex Anguriis destillatæ uti-
 litas. 55
 Aqua Anguriarum quos morbos ju-
 vat. ibid.
 Aqua

I N D E X.

- Aqua Machalef. 35. 36.
 Aquæ Calaf facultas, ac usus. 35. 36.
 Aqua Anguriarum Diuretica. ibid.
 Arabiam Felicem perpetuo fuisse locum proprium Balsami. 27
 Arabes Ægypti incolæ. 209
 ——— Hydrocelen per lini uestionem tollunt. 199
 Arabum indoles. 175
 ——— victus. 176
 Arabum vita, atque mores. 175
 Arbor Elhane Tamarendi est Ligustrum Ægyptium. 23
 Archenda pulvis, quid, atque ejus usus. 25
 Arbor ab Ægyptis Sant vocata est vera Acacia. 6
 Arbor Palmæ Dachel vocatur. 17
 Arbores Carub in multis Italiæ locis vivere. 5. 6.
 Artemisia alba. 43
 Aspalatum in Creta nasci. 69
 Aspalati Cretensis descriptio. ibid.
 Asperam Similacem duas radicum differentias habere. 66
 Arle est Tamariscus. 19
 Athenæus. 163. 192

B.

Bahobab atque ejus usus, 16.
 ——— est fructus Æthiopis jucundissimus. ibid. & 180
 ——— icon. 37. 38
 Bahobab idem cum Abacco. 173
 Baldus mons. 213
 Balnea Agyptiorum. 172
 Balsami plantam Sabam Reginam primo Regi Salomoni dono tulisse. 27
 Balsami plantæ, quas Ægyptus aluit unde venerint. 26
 Balsami plantas multas ex Arabia in Ægypto insertas. 27
 Balsami feracem fuisse Arabiam Felicem. 26. 27. 28.
 Balsami plantam nunc in Ægypto non vivere, 26
 Balsami planta perpetuo in Arabia vivit. 27
 Balsami solum proprium Ægyptum vel Judæam nunquam fuisse. 27
 Balsami liquor. 174
 ——— mangonium. 174
 ——— vires. 177. 178
 Balsamum Antiquos recte novisse, est dubium. ibid.
 Balsamum in Arabia nasci, ex Pausania, & Strabone. 28. 174.
 Balsami plantas in monte arenoso Arabiæ Felicis multas miraculo vivere peregrini affirmant. ibid.
 Balsamum nasci in Arabia ex Dioscoro Siculo atque multis aliis. ibid.
 Bammix descriptio atque usus. 44
 Bammix facultas, & quos morbos curet. 44. 188.
 Bammix icon. ibid.
 Ban seu Calaf descriptio. 35. 36
 Ban seu Calaf icon. 35
 Ban utilitas atque usus. ibid.
 Ban aliud seu Bon. 36
 Batechæ al Maovi liquor ventriculo & jecori adversus. 199
 Bauhinus (Caspar) 209
 Beidelosfar descriptio. 43. 186
 Beidelfar planta quid. ibid.
 Beidelfar usus. ibid.
 Beidelfar planta lacticinosa. ibid.
 Beidelfar lactis facultas. ibid.
 Beidelfar lactis usus. ibid.
 Beidelfar icon. ibid.
 Beidelfar fructus, atque icon. ibid.
 Bellha, Dactyli maturi. 17
 Bellus (Honorius) 180. 185
 Bisciolæ error detegitur. 174
 Bon ejus temperamentum, vires ac usus. 179. 180
 ——— decoctum. 180
 ——— nucleus saccharo obductus. 179
 Bon seu Ban descriptio. 36. 179
 Bon icon. 36
 Botanici recentiores notati. 189
 ve-

I N D E X

— veteres excusantur	196
Brassica spinosa Ægyptia edulis.	208
Buncho Avicennæ.	179
Byssus quid.	38
— duplex.	176. 177
— olim auro par.	176
— Xylina subtilissima.	177

C.

C adaverum conditura apud Ægyptios.	178
Calamus.	206
Calculi vesicæ miranda curatio.	162
Caleb.	178. 179
Camerarius.	186
Cammaronus.	190
Chamadrys arborea quo in loco proveniat, ejusque descriptio.	163
Caovà decoctum menses imminutos juvare.	36
Capitis ornatus apud Turcas.	214
Capitis affectibus remedium.	189
Caput roborans.	207
Cappares qui in Ægypto proveniunt.	60
Capparorum usus qui.	ibid.
Carbones, quibus Ægyptus & Arabia utitur, ex Tamarisco parantur.	18
Carub vel Carnub arboris descriptio.	5. 162
Carub arbores in multis Italiæ locis vivere.	5
— icon.	5
Cassias recentes immaturas Ægyptii condiunt.	ibid.
Cassiae arboris descriptio.	2. 3. 161
Cassiae arborem nuci esse similem.	ibid.
Cassiarum fistulæ.	2. 3. 4.
Cassiae arbores quo tempore florent.	ibid.
Cassiae Cayri Alexandriaeque nascentes quales.	ibid.
Cassiae Pelusii nascentes quales.	ibid.

Cassiarum quæ cæteris bonitate præstant.	ibid.
Cassiae optimæ quæ	ibid.
Cassiam immaturam non colligi.	ibid.
Cassiarum recentium usus noxius atque inutilis.	ibid.
Cassiarum usus apud Ægyptios qualis	ibid.
Cassiarum facultas, atque utilitas.	ibid.
Cassiarum differentiae.	ibid.
Cassiae quos morbos sanent.	5
Cassiae fistulæ.	161
Cassiae fistulæ crepitantes.	161
— deciduæ usui ineptæ.	162
— ligantur.	162
— cassiae pretium.	162
— corruptæ noxa.	162
— flores conditi.	162
Cassiarum vera icon.	8
Catarri remedium.	169
Cayrus Cassias cæteris omnibus præstantiores fert.	ibid.
Ceronia Theophrasti.	199
Chatè.	198. 199
— P. Alpini.	188
Chatè quid atque ejus usus.	54
Chatè cucumerorum ad varios morbos usus.	ibid.
Chatè cucumerorum descriptio.	ibid.
Chatè cucumerorum usus apud Ægyptios qualis.	54
Chatè cucumis quos morbos juvet.	ibid.
Cineres unde parent Ægyptii.	59
Cineris seminum urticæ usus ad quæ.	60
Clusius (Carolus) laudatus.	165. 180
Clysterium ex decocto Acaciæ ejusque usus.	9
Coccymelea Theophrasti.	165
Colici doloris præsidium.	204
Colocasia.	192. 193
Colocasia Ægyptia florens	198
Colocasiam neque florem neque fructum ullum edere	48

I N D E X.

Colocassiam neque florem neque
fructum ullum edere 48
Colocassia caule, floribus, fructibus
sque caret. ibid.
Colocassiae verae icon. 48
—— Ari species, 179. 194
Connarum Athenæi sitne Nabca? 165
Contareni (Nicolai) encomium. 189
202. 203. 209. 214
—— Hortus elegans. 199
Convolvulus Aegyptius 211
—— Septifolius. 162
Corchorum Plinii. 188
—— Cor confortans. 207
Corippus. 178
Coriandro herba Ægyptios vesci. 61
Coriandrum herbam virentem esita-
tam nihil mali facere. ibid.
Coriandri herbæ ad cibum apud Æ-
gyptios usus. ibid.
Coriandrorum usu neminem læsum.
ibid.
Coriandri facultatem esse calidam.
ibid.
Coriandrum homini venenum, fal-
sum. ibid.
Coriarii Cayrini succo Acaciæ utun-
tur ad denigrandos pelles. 7
Corticum Capparis usus ad medici-
nam. 60
Corticum fructuum Mauz usus. 41
Cucumerorum Chatè usus apud Æ-
gyptios qualis. 54
—— quos morbos juvet. ibid.
Cucumis Ægypt. reticulatus. 199. 200
Cucumeris icon. 117
Culcas five Colocassiae descriptio. 48.
49. 192
Culcassiae radicum usum conferre ad
venerem. 48. 49. 194
Cyperi rotundi descriptio. 53. 54
Cyperi radicum facultas atque u-
sus. ibid.
Cyperi rotundæ radices quos mor-
bos juvent. ibid.
Cyperi rotundæ multam copiam Ni-

lum flumen producere. ibid.
Cyperi rotundæ Icon. 53
Cyperi descriptio ex Plinio. ibid.
Cyperi minoris radices edules. 189
Cyperus rotunda ad morbos frigidos
utilis. 25
Cyprum Plinii esse Ligustrum, &
Elhane Ægyptiorum. 25
Cyperus. 198
ejus diversitas. 199
Cyperus rotundior Antidotis recep-
tus. 199

D.

D Achel vocant Arabes Pal-
mam. 14. 168.
Dactylorum differentiae. 14. 168
Dactylorum immaturorum usus ad
medicinam. 16
Dactylorum maturorum ad medici-
nam usus. ibid.
Damiata Musarum fœcunda. 40
—— Contarena. 203
Damiata olim Pelusium. 40
—— civitatis situs. 51
Datura. 203. 203
Decocti El vocati utilitas, & usus.
36
Decocti ex Musis utilitas. 41
Decocti Tamarici utilitas atque u-
sus. 18
Decocti ex Siliquis dulcibus parati
utilitas, & usus. 18
—— ex ligno Tamarici utilitas &
usus. 18
Decoctum vel infusum pulpæ Tama-
rindorum ad quos morbos Ægy-
ptii usurpant. 20
Democriti peregrinatio. 158
Democritus tangitur. 164
Dialogus de Balsamo Cayri conscri-
ptus. 26
Donatus (Anton.) Botanicus. 213
Diodorus Siculus balsamum nasci in
Arabia scripsit. 28
Dioscorides explicatus. 168
R r ——— pro

INDEX

— probatus. 166. 192. 196. 198.
203

Dux involucrum dactyloꝝ. 17
E.

Electuarium ad augendam vene-
rem. 60

El hanne, seu Tamarindi in quo
differat à Ligustro. 24

El hanne Ægyptiorum ejusdem esse
facultatis cum Ligustro. ibid.

El hanne ex foliis Arhenda vocata
pulvis paratur, atque ejus usus.

52. 173

El hanne seu Ligustri Ægyptii i-
con. 23

El Mataria hortus. 162

Emplastrum ad tumorem lienis. 60

Epithymi, & Epithymbræ utilitas,
ibid.

Epithymum. 66

Equi Arabes. 176

Equites Arabum. 176

Error quorundam. 170

F.

Faba Ægyptia an Culcas sit. 48. 49

Fabæ Ægyptiæ seu Colocassæ u-
sus veneri confert. ibid.

Fæcem olei Sesami maxime pingue-
facere. 47

Fænugræci usus apud Ægyptios. 63

Fatima filia Mahometi. 175

Felfel tavil. 190

Ficus Ægypti, Sycomorusidem. 12

Ficum Ægyptiam esse vastissimam
arborem. ibid.

Ficum Sycomori usus atque uti-
litas. 13

Fistularum Cassiarum differentia at-
que præstantia. 2. 3. 4

Fistulas Cassiarum non colligi imma-
turas. ibid.

Florum Calaf utilitas. 35

Flores Gelsimini Arabici. 39

Flores Cassiarum odorati. 3

Folia quarum plantarum Solem in
Ægypto sequuntur. 20

Folia Tamarindi solem continuè se-
qui. ibid.

Foliorum Palmarum usus apud Ægy-
ptios. 15

Foliorum Ligustri commercia. 24

Fructus Bahobab Icon. 37

Fructus Mauz facultas, & usus. 41

Fructus Mauz noxii stomacho. ibid.

Fructus Mauz quæ corporibus mala
inducant. ibid.

Fructuum Mauz seu Musæ utilitas
ad tussientes suspiriososque. ibid.

Fructuum Sebesten usus ad medici-
nam. 17. 18

Fructuum Tamarici usus. 18

G.

Galenus. 175

Galenum non rectè Opobalsami
usus videri novisse. 32.

Gabrielem Falopium cognovisse as-
peram Smilacem esse Salsam paril-
lam. 64. 65

Græci Ægyptiis Romani. 190

Gramen ad Crucis Ulcera, Vulneraque
utile esse. 56. 57

Graminis Crucis descriptio. 56. 57

Graminis Crucis ad medicinam usus.
ibidem.

Graminis seminum decoctum secre-
tum esse ad juvanda Exanthemata
in Febribus Pestilentibus. ibid.

Graminis Radicem sudorem move-
re. ibidem.

Graminis Crucis Icon. 56

Graminis decoctio mulieres ad Vari-
olas & Morbillos puerorum, atque

Menstruorum suppressionem uti. 57

Gramen stellatum Ægyptium. 201

-- Vesicæ calculum non frangit. 201

Gelsimini Arabici Icon. 39

Gelsimini Arabici descriptio. 39

Gelsimini florum usus apud Ægy-
ptios

I N D E X.

ptios.	ibidem.
Gossipii seminum usus.	ibid.
Giomez Ægyptiorum est Sycomorus.	13
Gossipium arborum.	38. 181
Gossipii arborei Icon.	21
Gossipium, quo utuntur Ægyptii aliunde advehunt.	38. 181
Grossulariæ succus.	162
Gumma Acaciæ qualis sit.	8
Gumma Arabica non tota est vermicularis ac alba.	ibid.
Gummæ Arabiciæ cognitio.	ibid.
Gummam Arabicam esse gummam Arboris Acaciæ.	8
Gummam Arabicam in Ægypto veram colligi ex Acaciis.	ibid.
Gummarum copiam quæ ex Alexandria advehitur esse totam Acaciæ.	ibid.

H.

H ab el mosch.	207
Hab el Salim.	198
Hæmorrhagiæ remedium.	204
Heliodorus.	160. 195
Herbarum copia in Ægypto.	188
Herniarum multarum per Ægyptum vagantium causæ.	55
Herniæ aquosæ causa.	199
—— Remedium.	199
Herodotus.	187
Hippomanes Cratevæ.	203
Historia peregrinorum Meccham, & Medinam euntium.	29
Homerus.	190
—— explicatur.	158
Horatius,	203
Hyoscyamus albus qui in Ægypto provenit.	61. 204

I.

I cones plantarum Ægyptiarum nullum rectè prodidisse.	I
--	---

Iecoris abscessui remedium.	177
Imperatus (Fer.)	190
Iuventutem conservare opobalsamum, & quomodo illo utantur.	34
Iosephi puteus.	160
Itineris Ægypto in Arabiam Felicem narratio.	29

K.

K alli geniculatum.	58. 59
Kalli album.	ibidem.
Karob.	162
Kellu seu kalli tertiæ speciei descriptio.	ibidem.
Kellu omnes falsas, & acres gustui.	ibidem.
Kellu Kalli tres species.	ibid.
Kellu sub qua Anthyllidis specie reponatur.	ibidem.
Kellu facultas purgatrix.	ibidem.
Kellu seu kalli primi icon.	59
Kellu secundi icon.	60
Kellu tertii, quod Ægypti proprium videtur, icon.	60
Kernab.	162
Keraria veterum.	162

L aab.	183
Lablab est Phaseoli species atque ejus usus.	39. 183
Lablab seu Phaseoli nigri icon.	39
Lac Beidelsar dysenterias facere.	43
Lactis Beidelsar utilitas ad cutis infectiones.	43
Lactis Beidelsar usus.	ibid.
Lactis Beidelsar facultas solutivæ quæ.	ibidem.
Ladani plantæ Cretensis descriptio.	69
Ladanum plantam esse plane differentem ab ea quæ hactenus herbariis	R r 2 fuit

I N D E X

fuit cognita.	69	Malinathalla.	198
Ladanum esse cistum foeminam. ibid.		Marum Ægyptium. 212. Creticum	
Ladanum in quo à cisto foemina dif-		quid. 68. atque ejus descriptio	
ferat. ibidem.		ibid.	
Lapides Renum atque Vesicæ cur		Marum Cretense esse Amaracum	
Ægyptiis sint familiares. 56		ibid.	
Laserpitium. 73. 74. 309. 310		Mattheolus de Ladano deceptus.	
Libri Sacri Medinæ. 175		69. 166	
Ligni Balsami usus. 35		Mauz seu Musæ descriptio. 40. 41	
Ligustrum Ægyptium. 24		Mauz foliorum mira magnitudo. 184	
Ligustri Ægyptii icon. 23		Mauz fructus venerem augere. ibid.	
Ligustri foliorum atque florum est u-		Mauz icon. 40	
sus apud Ægyptios. 24		Meccha civitas Arabiæ Fælicis. 28	
Ligustri utilitates ex Dioscoride. 25		Mel ex filiquis dulcibus Carub Æ-	
Linimentum ex Acacia pro articulis		gyptios colligere. 5	
debilitatis. 9		Mel dulcium Siliquarum sive carub	
Linum Indis arboreum. 200		quos morbos juvet. ibid.	
Lipsii sententia de Byffo. 177		Melanthii seu nigellæ usus apud Ægy-	
Lobelius (Matth.) 215		ptios. 60. 61	
Loti Ægyptiæ flos coronis insertus.		Melle filiquarum dulcium saccharilo-	
Loti mirabiles ad solem conversio-		co Ægyptios uti. 5	
nes in Margheræ lacubus observa-		Meliloti Ægyptii descriptio. 57	
ri. 50		Melililoti seminum apud Ægyptios	
Loti caules Ægyptii crudos mandunt.		esse usum. 57	
ibidem.		Mellis Carub usus, & utilitas. 8	
Lotum in Italiæ locis copiose prove-		Melochiæ descriptio. 45. 185	
nire, & in quibus. 50		Melochia in cibis nihil Ægyptiis fa-	
Lotum Ægyptiam esse Nymphæam.		miliarius. ibid.	
ibid.		Melochiæ facultas atque usus. ibid.	
Lotus Ægyptia quid. 49. 50		Melochiæ usus quas offensas faciat.	
77. 78. 307. 308		ibid.	
Lucretius. 209		Melochiæ Semina purgant. ibid.	
Luffa Arabum. 199. 203.		Melochiæ icon. 45	
Lupinus Ægyptius silvestris. 209		Melones Abdellavi quid. 54. 55	
Lycii Indi arboris descriptio. 22		Melonum Abdellavi seminum facul-	
Lycii, quo utuntur Ægyptii, adul-		tas, & utilitas. 55	
terati notæ. ibidem.		Memphis arx. 160	
Lycii facultas. 23		— Aquæ ductus. 160	
Lycii succi usus. ibid.		Meningum doloris auxilium. 204	
Lycio vero non uti Ægyptios. 22. 23		Methel nux. 203	
Lycium Indum, quo in loco Æ-		Morphæa Ægyptiis frequens. 200	
gypti proveniat. ibidem.		Mosch Arabum. 208	
M.		Moschi succedaneum. 208	
M ahemetis pseudoprophetæ Tur-		Mucagine, seu mucilagine Psyllii Æ-	
carum sepulchrum ubi sit.		gyptii ad quos morbos utantur.	
29. 175		61	
		Mu-	

I N D E X.

Mucilaginem Psyllii conferre ad diarrhoeas biliosas, & dysenterias. 38
Mucilago seminum Gossipii quos morbos sanat. ibid.
Mucilaginis feminis Gossipii usus. 38
Mulieres Ægyptiæ quomodo sterilitatem amoveant. 33. 34
Mulieres urticæ feminibus utuntur ad promovendos menses. 60
Musam esse insitionem Cannæ Saccharinæ supra Colocasiam. 13
Musæ fructus qui. 40. 41
Myrobalani arboribus distincti. 205
 foliis a Persico diffident. 205
 caput & ventriculum roborant. 206
Myrobalanus Chebulus. 205
 apud Arabes in usu. 205
 ejus locus natalis. 205

N.

Nabca fructus apud Turcas esse in magno pretio. 10. 11
Nabca spinosa, & non spinosa. 165
Nabca bis in anno fructus edit. ibid.
Nabca, Paliurum, Canorum, idem esse. ibid.
Nabca est Paliurus Athenæi. ibid.
Nabcae icon. 10
Nabcae poma in Febribus putridis. 165
Nejem el Salib. 201
Nepenthes. 158
Nicander. 168
Nigella, quæ in Ægypto provenit. 60
Nigellæ semina vermes necare. 60
Nigris (Cosmus de) laudatus. 164. 194
Nufar a Nymphæa nostrate diversa. 195
Nux Methel est Stramonium. 62
Nymphææ vel Loti Ægyptii usus ad Medicinam. 50

Nymphææ usus ad somnum conciliandum. 50
Nymphææ radice usus pro secreto ad Gonorrhœam, & ad Dysenteriam. 51

O.

Ocymi Ægyptii descriptio. 62
Ocimum Ægyptium odoris jucunditate aliis præstare. 62
Ocymi Ægyptii usus. 63
Olei sesami usus ad multas cutis infectiones. 48
Olei Gelsimini ex floribus usus. 39
Oleum Gelsiminum uteri affectibus multis conferre. 39
Oleum ex Gelsimini floribus quomodo paretur. 39
Om el hessen. 211
Operis occasio, & forma. 215
Opobalsamum vulnera simplicia glutinat. 177
Opobalsami historia. 37
Opobalsami notæ. 31
Opobalsami facultas. 32
Opobalsami usus apud Ægyptios cogniti. 32
Opobalsamo Petrum Marianum ex vulnere capitis effatu digno curatum. 32
Opobalsamo quomodo utuntur mulieres ad juventutem in facie servandam. 34
Opobalsamum quos morbos speciatim sanat. 32
Opobalsamum sterilitatem curat. 33
Origanum Creticum. 189
Oxalis Zacynthina in quo ab Italica differat. 63

P.

Paliuri fructuum descriptio à Serapione. 11
Paliuri fructuum facultas ex Serapione. Rr 3 26

I N D E X.

ne.	11	Pelusii nunc Damiatæ civitatis viri-	
Paliuri usus.	11	daria.	51
Paliuri descriptio ex Agathocle,	11	Pelusium Cassias fert bonitate Cayri-	
Paliuri Athenæi descriptio.	11	nis inferiores.	3
Paliuri Athenæi Icon.	11	Petrus Marianus ex vulnere effatu di-	
Paliurum novit Athenæus ex Aga-	11	gno opobalsamo sanatus.	33
thocle.	11	Pestes infectis opobalsamum auxilio	
Paliurus Athenæi est Napca Ægyp-	11	esse.	33
ptiorum.	11	Phaseoli rubri Abrus vocati descriptio.	
Palmæ fructuum seu Dactylorum			76
differentiæ.	14	Phaseoli rubri icon.	40
Palmæ Icon.	15	Phaseoli nigri Lablab vocati descri-	
cerebrum.	168	ptio.	39. 40
Palmæ usus apud Ægyptios.	14. 168	Phaseoli nigri arborei icon.	39
Palma mas, & fœmina.	14	Phaseolorum rubeorum usus.	40
Palmæ steriles quæ in Ægypto.	15	Phaseolorum nigrorum usus.	40
Palmæ foliorum utilitas.	16	Philostrati lapsus.	176
Palmæ caudicis usus.	16	Pinguescere mulieres usu seminum	
Palmæ fructuum utilitas atque usus.	16	Sesami.	47
Palmæ partes ad usum medicinæ.	16	Piper longum, facultas, usus, atque	
Palmæ descriptio.	14. 160. 167. 168	ejus icon.	46
Palmam fœminam sine mare non con-		Plantæ Ægyptiæ.	1
cipere, neque fructus edere.	14	Plantæ Ægyptiæ, solisequia.	20
Palmas fœcundas quomodo Ægyptii		Plantarum Ægyptiarum ad medici-	
efficiant.	15	nam utilitas.	2
Palmam aëre nutriri putant Egyptii.	14	Plantarum Ægyptiarum icones veras	
Palmam brevissimis radicibus consta-		nullos delineasse.	2
re.	14	Plantas peregrinas in viridariis custo-	
Palmarum conceptiones non fieri		diri.	27
radicum contactu.	14	Plantas locorum patrias ubique nasci.	
quando fructus ferant.	14		59
Panarum faciei remedium.	213	Pleuritidis remedium.	204
Papaver.	162	Plin. laudatur.	177. 182. 189. 192
Papyri descriptio atque usus.	53		196, 200
Papyri aqua ad oculorum suffusio-		explicatur.	166
nes, caligines, & obscuritates.	35	emendatur.	167
Papyri Icon.	53	notatur.	198
Papyrus.	197	Podagricos dolores maximè juvari A-	
ejus usus.	197	cacia.	9
Partes palmarum, quibus Ægyptii		Pona (Io.)	209. 213.
ad medicinæ usum utantur.	16	Prunus Ægyptia Plinii.	165
Pausanias defenditur.	174	Proclus.	160
laudatur.	176	Proverbium in amaritudinem.	187
Pediculorum remedium.	197	Psyllium copiosissimè in Ægypto pro-	
		venire.	59
		Psyllii usus ad medicinam.	59
			Psyl-

I N D E X

Psyllium in Ægypto non esse venenum. 59
Pueris in variolis palmarum decocti
 usus. 17
Pulmonis ulceribus remedium. 177
Pulpæ Cassiarum usus & utilitas 4
Pulpæ Bahobab usus ad medicinam 37
Pyramides Ægypti majores. 204
Pythagoræ peregrinatio. 158

R

Rauwolfus. 172
Ramich vocant *Dactylum* pene
 immaturum. 17
Renum abscessus auxilium. 177
Rhapontici plantæ descriptio. 125
Rob. 163
Rossetum, aliis *Heraclea*. 201. 209
Rhabarbari plantæ descriptio. 63
Rotob-Dactyli subputridi. 17

S

Sadar Serapionis est Nabca Ara-
 bum ac Ægyptiorum. 11
Sacerdotum Ægyptiorum vestes. 181
Salsa parilla Lugdumi nata. 215
Salsa parilla *Zacynthi* quomodo inven-
 ta. 65
Samarrhich quid. 17
Sambac. 182
Sanguinem expuentibus succum *Acaciae*
 auxilio esse. 9
Sant arborem ab Ægyptijs vocatam
 esse veram *Acaciam*. 6
Sarbet quid. 195
 ——— ejus compositio. 195
 ——— condimentum. 195
Sarbet *Nuphar*. 195
Scorfonera Orientalis. 201
 ——— *Alexipharmaca*. 202.
Sebesten arboris duplex genus. 17
Sebesten arboris domestici & Sylve-
 stris descriptio. ibid.
Sebesten icones. 17
Sebesten. 169
Secamone descriptio. 62. 63
Secamone succi facultas. ibid.
Secamone quid. ibid.

Secamone an sit *Apocynum*. ibid.
Secamone icon. 63
Secretum ad pruritum tollendum ex
 oleo *sesami*. 48
Semina Abdellavi Melonis in refrige-
 rando cæteris præstare. 55
Semina Loti seu *Nymphææ* homines
 ad venerem impotentes reddere.
 51
Seminum Sesami usus ad cibum. 47
Seminum Coriandri usus. 62
Seminum Bon facultas, & usus. 37
Seminum Gossipii usus. 38
Seminum urticæ usus. 60
Semina urticæ quos morbos sanent.
 ibid.
Seminum Psyllii usus apud Ægyptios.
 59
Seminum Meliloti facultas, & usus.
 58
Sempervivum aquaticum. 196
Seneca. 176. 183
Seriph, Arabum Princeps, trucidatus.
 176
Seriph Mecchæ Dominus. 29
Seriph Mecchæ quæ munera mit-
 tat *Turcarum* Rex. 29
Sesami Plantæ descriptio. 47. 191
Sesami foliorum, seminumque facul-
 tas. 47
Sesami decocto in quibus morbis u-
 tantur. ibid.
Sami sive *Sempsem* icon. ibid.
Sesami usus apud mulieres. ibid.
Sesamo pinguescere corpora. ibid.
Sesban descriptio. 42.
Sesban usus in Ægypto. ibid.
Sesban seminum usus. ibid.
Sesban icon. 42
Siliquas Tamarindorum Arabes con-
 diunt earumque usus. 19. 20
Siliquarum Cassiæ differentiae, &
 præstantia. 2
Siliquas Cassiæ immaturas non col-
 gi. 2
Siliquas Cassiæ recentes & parvas Æ-
 gy-

I N D E X.

Ægyptii condiunt.	2	Stratiotes.	196
Siliquarum conditarum utilitas, & usus.	2	—— vulneraria.	196
Siliquas Cassiæ recentes ad usum puerorum Ægyptii condiunt.	2	Stratiotes ex Dioscoride.	51. 52
Siliquas Carub apud Ægyptios esse in usu.	5	Stratiotis Dioscoridis icon.	51
Siliquarum dulcium Carub vocatarum usus ad medicinam.	6	Stratiotes quibus in locis Ægypti nascatur.	51
Sinapi Antiquis Ægyptiis inter Numina habitum.	210	Stratioten quomodo Ægyptii atque Arabes appellent.	51
Sinapi marinum Ægyptium.	210. 211	Stratiotes ad sistendam quamcumque humoris fluxionem multum valet.	51
Smilacis asperæ Zacynthinæ descriptio.	65. 66	Stratiote ad quos morbos Ægyptii utantur.	51
Smilacis asperæ duæ radicum differentiae.	ibid.	Stratiotis facultas, & usus.	ibid.
Smilacem asperam in Zacyntho provenientem ab ea quæ in Italia nascitur esse differentem.	67	Strabo Balsamum ait in Arabia nasci.	28
Smilacis asperæ Zacynthinæ icon.	64	Stramonii usus.	61
Smilacem asperam esse Salsam parillam.	65	Styrax in Creta Insula.	69
Smilaces asperas Italas à Salsa parilla differre.	66	Succo ex prunis Sylvestribus Italos pro Acacia uti.	4
—— non semper ἀνάρπιον.	186	Succus Acaciæ quomodo ab Ægyptiis paretur.	8
Smilax aspera minus spinosa.	214	Succi Acaciæ præcipuæ vires.	9
Smilacis asperæ radices Zacynthis crassas & oblongas spectari; contra in Italia.	ibid.	Succi Acaciæ usus apud Ægyptios.	10
—— Zacynthis cum Salsa parilla Hispanorum eadem.	214	Succus Acaciæ quos morbos sanet.	9
Smilax aspera in ficcis durisque locis inventa cur non representet Salsam parillam.	66	Succi fructuum Paliuri Athenæi usus.	11
Smilax aspera quibus notis Salsa parilla esse dignoscatur.	65. 66	Sues liene carere qui cibum in vasis ex Tamarisco paratis assumunt.	58
—— ab Indica differt.	215	Suffitus ex seminibus urticæ ad promovendos menses.	60
Solani radicum corticibus ad quæ Ægyptii utantur,	60	Sycomori descriptio.	12. 166.
Solanum in Ægypto quadruplex.	208	Sycomori Gal. meminit.	ibid.
Solanum somniferum quod provenit Alexandriæ.	60	Sycomorum esse insitionem Fici supra Morum.	13
Solani somniferi usus.	61	Sycomorum cur in arenosis Ægypti locis Deus produxerit.	13
Stramonium.	203	Sycomorum apud Matharea nunc vivere, qui olim Christum puerulum texit, Ægyptij dicunt.	13
		Sycomorus fructus non fert, ni prius verberibus multis laceretur.	13
		Sycomorus quo modo propagetur.	13
		Sycomori ficuum usus, & utilitas.	14
		Sy-	

ET JO. VESL. LIB. DE PLANT. ÆGYPTI.

Sycomori Icon. 12
Syrupum ex Dactylis immaturis Ægyptii, parant, atque ejus usus. 16

T

TAcitus explicatur. 174. 175.
Talla quid. 60
Tamar Dactyli ficci maturi, 20
Tamarindi arboris descriptio. 19. 20. 170
Tamarindum Arabes vocant Derelsi-
de. ibid.
Tamarindi folia solem sequi. ibid.
Tamarindi arborem ali in deserto D.
Macharij. ibid.
Tamarindi foliorum usus. ibid.
Tamarindorum filiquas condiri ad
usus viatorum per Africæ loca. ibid.
Tamarindorum pulpæ usus. 20
Tamarindi arboris Icon. 19
Tamariscus luis Venereæ remedium. 170.
Tamariscus Italiæ qui ignotus. 18
Tamariscus filvestris ubi proveniat.
ibid.
Tamariscus domestica quibus in locis
proveniat. ibid.
Tamarisci arboris descriptio. ibid.
Tamarici fructus, qui. ibid.
Tamarici arboris usus. ibid.
Tamarici foliorum utilitas. 19
Tamarici Icon. 18
Tatura. 203.
Theophrastus Eresius emendatur. 174
—— excusatur. 182
—— exponitur. 159. 164.
168. 192.
—— laudatur. 160. 180. 181.
184. 196. 198. 200.
Theriaca hujus temporis cur ea quæ
antiquitus parabatur sit imper-
fectior. 36
Theriacam hujus temporis morsos
à serpentibus non curare. ibid.

Theriaca hujus temporis nemo vene-
natos curare confidit. ibid.
Thymi Cretensis descriptio. 68
Thymus secundus in Creta inventus.
ibid.
Thymbra. ibid.
Tineas (ad) vestiam remedium. 213.
Tussientibus conferre oleum Gelli-
minum. 6
Tumores duros Sefamum sanare. 47
Turcas, & Arabes omnes affirmare
innumeras Balsami plantas ali in A-
rab. 2
Turcæ quomodo angurijs utantur
ad cibum 55

V

VAnitatis typus. 187
Variolarum remedium. 179
Velum in sepulcro Mahometis. 175
Venenatis Opobalsamum auxilio esse
33
Venerea lues Ægyptiis mitior. 169. 170.
—— ejus remedium. 170. 215
Veneni Alexpharmacum. 189
Ventriculum roborans. 189. 207
Veronensis agri Cyperus. 198
Veslingii (Jo.) excusatio. 215
—— Observatio. 163. 168. 172.
173. 174. 176. 182. 183. 184. 185. 192.
196. 198. 201. 203. 205. 214
—— animadversio. 185. 186
—— Conjectura. 200
—— Inventio. 168
—— Sententia. 168
Viperæ Arabibus sacræ. 174
Vrgilius. 186
Ujgues mulierum in Ægypto picti. 173
Visci ex fructibus Sebesten præpa-
ra-

INDEX IN PROSP. ALPINI

ratio.	17	Uzeg vel Lycii Indi icon.	21
Visci hujus facultas, atque usus.	17		
Ad quos morbos Ægyptii eo utantur.	17	X.	
Vitiligo Ægyptiis familiaris.	200	Xabra Rhafis.	190
— ejus remedium.	201	Xylobalsami usus Ægyptiis noti.	32
Vorstius(Everhardus)	215		
Urtica quæ Alexandriae provenit.	60	Z.	
Urticæ seminum usus.	60		
Uteri duritiem sanari Bammia.	44	Z Aaf sunt folia palmarum.	17
Uzeg arboris descriptio.	21. 22	Zatar endi Icon.	46
Uzeg esse Licum Indum.	ibid.	— descriptio & & usus.	ibid.



INDEX SECUNDUS,

SIVE

INDEX

MEMORABILIMUM IN VINDICIIS

OPOBALSAMI &c. JO. VESLINGII.

A.

Abensina accuratè rem medicam tra-
ctavit. 272
Abensinae de opobalsami caliditate sen-
tentia. 258
Abensinae interpres de verbo Solvi nota-
tus. 267
Abensinae interpres de opobalsami quan-
titate explicatus. 250
Abensinae interpres de condensatione no-
tatus. 267
Abensinae interpres accusatur. 241
Abdalla dux Saracenorum. 233
Abietis, & pini lacrymæ opobalsami
succedanea. 281
Acidus spiritus an in opobalsamo. 291
inest etiam dulcibus. 291
facile resinis educitur. 291
Ægypti hortus balsamum alens. 240
Ægyptus non est balsami natale solum.
243 quare educando balsamo non i-
donea. 244
Ægyptus sacchari copiam producit. 287
Aëria & terrea non junguntur. 267
Abmet Habibus laudatus. 249
opobalsamum ignis opera colligi prodi-
dit. 249
Albedo opobalsami per aquam diffusus.
237
Alpinus, (Prosp.) plantarum exoticarum
peritus. 297
balsami illustrator. 230

rectè veteribus ignorantiam objecit.
282
an opobalsamum triviale fere. *ibid.*
opobalsamum magnis Hetruriæ Duci-
bus donavit. *ibid.*
Prosperi Alpini de adhesionem opobalsami
dubium. 262
ab eodem recognita sublatum. 263
Antiqui de opobalsamo pugnancia scri-
psere. 288
iisdem non immerito ignorantiam ob-
jecit Alpinus. *ib.*
pleraque auditu de opobalsamo accepe-
runt. *ib.*
exotica medicamenta in antidotis u-
surparunt. 285
falso Judæam balsami patriam insti-
tuerunt. 235
Antiquarum diligentia in rerum utili-
um inventionem. 227. 228
luxus in unguentis disperdendis.
160
proclivitas in opobalsamis adulteran-
dis. 160
Aquarum fontis Matabariæ virtus. 244
Arabes maxima gens. 232. 233
multis victoriis clari. *ibid.*
hodie Turcis rebelles. *ibid.*
quomodo balsami succum colligant.
cur olim balsamum colere desierint.
236
cur denuo excolant. *ibid.*
thuris & myrrhæ arbores celarunt
en.

I N D E X.

- exteris.* 234
an decoctione opobalsamum parent. 249
opobalsamum quo ordine examinent. 252. 282
balsami arborem quando & quoties incidunt. 248
Arabia quare felix habita. 232
pluribus locis balsamum alit. 234
ab Augusto Cesare expetita. *ibid.*
ab Alexandro M. desiderata. *ibid.*
odoratis gignendis apta. *ibid.*
serpentes habet lethiferos. 239
Arabes odorata lædebant. 232
reges circa sterquilinia sepeliiebant. 232
Arabes exarserunt in tumultus. 288
Arabibus unde divitiæ. 232
Arabes pigri, & dissoluti. 236
Arabes infesti Christiano nomini. 285
Ars naturam imitatur. 302
Ars naturam perficit. 156
Arte producta sunt secundum se naturalia. 302
Asperitas plantarum unde. 245
Augmenti latioris in plantis causa. 251
Marcus Avantijs Chirurgus opobalsamum agnovit. 304
- B.**
- B**aldus Baldus opobalsamum Patavium mittit. 241
Balsamum facile propagatur. 287
Balsami a rboris magnitudo. 242
quare fruticosa. *ibid.*
folia cur rutæ comparata. *ibid.*
folia an perennia. 243
foliorum color quomodo mutetur. 243
Judæa ubi balsamum aluerit. 243
an duobus tantum hortis. *ibid.*
Exilitatis ramorum balsami causa. 245
Balsami differentie in longitudine, asperitate, tenuitate. 245
Balsami plantam quis ex Arabia ad extera detulerit. 235
Balsamum quare perditum visum. 228. 229
- Incisio balsamici corticis non semel tantum facta.* 248
quibus instrumentis facta. 248
Ferrum quomodo reformidet balsamum. 248
Balsami planta difficulter apud Arabes cognosci potest. 234
qui revelarint iterum Europæis. 236
Lacryma balsami raro & parce stillavit. 248
est spontanea vi elicit. *ibid.*
Lacrymam balsami quomodo exceperint. 249
Lacryma balsami maculam parit, & non parit. 262
non resolvitur in spiritus. *ibid.*
Lacrymæ balsami terebinthina vitiatæ cognitio. 259. 260
Lacryma balsami vestibis instillanda. 262
neccessario adhæret. 262. 263
non diffundit se ut oleum. *ibid.*
ablutione tollitur. *ibid.*
quæ facile vel difficile lotionem auferatur. *ibid.*
Liquor balsami vitiatum velut oleum innatat. 256
non vitiatum quaquaversum expanditur. 269. 270
crassescens fit deterior. *ibid.*
sincerus non petit fundum. 270
Succus balsami facile solubilis quis sit. 257
Liquor balsami facile solubilis quare laudetur. 257. 258
Liquoris balsami lævitas laudatur. 258
Balsami succus neccessario mutabilis. 270. 271
per quas causas mutetur. *ibid.*
Balsami succus celerius funditur alijs resinis. 268
celerius funditur terebinthina. 268
Succi balsamici boni notæ. 252
recens quare laudetur. 252
recens quis nobis habendus. 252
Succus balsami quomodo lac denset. 264
quando

S E C U N D U S.

quando fortiter, aut imbecilliter denset. 264
 Succus balsami adulteratus quis propriè habendus. 255. 256
 Balsami succus quomodo calidissimus, 257
 non est tam calidus ut arbitrabantur. 258
 Balsami silvestris semen. 275
 Lignum & fructus balsami adulterari negat Galenus. 275
 Fructus balsami quo adulteretur semine. 275
 Bassæ Ægypti balsamum ex Arabia petunt. 235
 eorum incuria causa perditionis balsami. ibid.
 Bellius (Honorius) balsami plantas aluit. 229
 Bellonius (Petrus) balsami observator. 229
 Bonannus (Balthasar) opobalsamum defendit. 304
 Busbequii opobalsamum cur medicis suspectum. 292

C.

Calceolario opobalsamum quale fuerit. 296
 ejusdem laus, & industria. ib.
 Califfi balsamum in Ægyptum retulerunt. 235
 Carpobalsami descriptio. 237. 238
 affertur sæpè recens. ibid.
 ex eo natae in Italia plantæ. ib.
 Carpobalsami examen & usus. 273
 sit flavum aut rufum. ibid.
 plenitudo ejus quæ satis sit. ibid.
 amplitudo & pondus. ibid.
 similitudo cum terebintho. ibid.
 sit gustu fervidum. 275
 Opobalsamum redolet. ibid.
 ejus calor quatenus intensus. ibid.
 secundariam habet agendi vim. ibid.
 odoratum admodum. ibid.
 cur odorem diutius servet. ibid.

quomodo odoratus succo. ibid.
 Carpobalsamum viribus opobalsamo simile. 278
 variis pectoris affectibus conducit. ibid.
 an peripneumonicis conveniat, & quando. ibid.
 Ischiaticis & epilepticis qua ratione opituletur. ibid.
 Carpobalsami succedaneum. 281
 Cephalici pulveres antiquis probati. 279
 a L. Septalio, cum Magato rejiciuntur. 279
 quomodo & quando prosint. ibid.
 Chalcanthum quomodo concrescat. 265
 Chymica arte elicitæ, an naturales re partes. 256i
 Chymicè elictorum differentia. 256
 Chymicè præparata an à natura sua valde diversa. 304
 Chymici est empyreum ab igni contrahitum auferre. 304
 Cleopatra, balsami regione donata, 244
 Coagulare propriè quid. 264 265
 Coaguli natura & vires. 264. 265
 Coagulum lactis facillimè miscetur. ibid.
 Coagulatio opobalsami est imperfecta. ibid.
 Coagulatio non potest è resinosis fieri. ibid.
 Coagulationem lactis quid in opobalsamo impediatur. 272
 Coloris mutati in corpore humano causa. 269
 Concretionis causa Aristoteli. 265
 Concretio lactis non eodem tempore absolvitur. 266
 Condensationis causa Chymicis. 265
 Constans Imperator ab Arabibus victus. 233
 Constantinus an ex sola Ægypto opobalsamum habuerit. 250
 Constantinus opobalsamum templis dedicavit. 246
 Cornelius (Aloysius) consul opobalsami aëris censor. 238. 239

I N D E X

Corruptioni Sublunaria sunt obnoxia. 271

Creta subministrabat herbas ad antidota. 289

Cretæ plantæ infinito præstare aliis visæ. 284

Curæ vancæ quo impellant homines. 227

Castelli (Petri) de opobalsamo decoctione elicitæ dubitatio. 302

D.

Danilotus balsami plantas aluit. 237

Densare non est coagulare. 263

Densatio in lateribus, melle, & opobalsamo non est coagulatio. 263

Dioscoridis ex Galeno encomium. 240

Dioscoridis laus in manifestandis fraudibus opobalsami. 261

Dioscorides omnium optimè de materia medica scripsit. 273

quædam ex historiis aliorum hausit. 289

de caliditate opobalsami explicatus. 258

de quantitate opobalsami explicatus. 249

nomen levitatis opobalsamo non tribuit. 291

quo modo de macula opobalsami interpretandus. 295. 296

Ipsi quid vox εὐδιετον significat. 291

Divinis posse & esse idem est. 271

Doben quid Arabibus. 247

E.

Effectus temperamentum consequentes cum eo mutantur. 292

Engaddi oppidum in valle Hierichuntis comprehensum. 243

Εὐδιετον quid Dioscoridi. 257

Expensio super aquas resinis & opobalsamo quomodo communis. 298

F.

Fætor (Mortalibus) cognatus. 259

G.

Galenus opobalsami adulterationem subticet. 259

Galenus studium in cognoscenda materia medica. 284

Galenus Palæstinam opobalsami causa accessit. 284

Gallus (Ælius) Arabes invadit 232

Gasparis (Stephanus de) patronus pharmacopæorum. 231

naturam opobalsami in odore ponit. 289

extollit odorem super omnia nostri hemisphærii odorata. ibid.

Giggejo quid Rotolo. 264

Guilandinus (Melchior) balsamum in Ægypto vidit. 229

H.

Heliogabalus opobalsamo abusus. 246

Hemus (Georgius) consul Vene- 230

tus. 230

Heraclides Tarentinus quos præconibus compararet. 285

Herbarii imperatorum in Creta. 284

Hermeticorum de concretione sententia. 265

Hierichuntis vallis amœnitas. 243

balsamum possidebat. ibid.

Homogenea tantum miscentur. 267

Hyperici seminis similitudo cum terebinto. 275

I.

Ignis plura perdat an generet, dubitat Pitorius. 302

Ignis pro gradu intensiōis diversimodè operatur. 302

Incuriæ damna. 228

Indi opobalsamo similes resinas decoctione parant. 249

Difficultas inveniendorum non absterret generosos animos. 283

Josephus de Sabæ regina explicatus. 235

Jose-

S E C U N D U S.

Josephus à contradictione vindicatus. 243
Josepho cur opobalsamum pretiosissimum.
 253

L.

Lactescere num opobalsami proprium sit. 298
Locus quomodo sit mutationis causa. 299

M.

Manelpbus (Joannes) opobalsamum laudat. 57
Manfredi (Antonii) laus. 230
Cognitio medicamentorum ex auctorum lectione est insufficiens. 262
Mel Hymettium & opobalsamum Romæ obviu fuit. 259
Menginus (Alexander) opobalsami assertor. 304
Mesue opobalsamum coctione colligi scribit. 249
Mercurius Chymicorum est spiritus. 265
Misturæ vox de opobalsamo non usurpata. 297
Joannes Molinus linguarum Orientalium interpres. 304

N.

Nardius (Joannes) opobalsamo assertor pertitissimus. 304
Nigris (Cosmi) de laus. 240
opobalsamum damnatum Venetias attulit. ibid.
opobalsamum vili emere potuit. 251.
 252
opobalsamum à quo, & quanti emerit. 305
eiusdem virtus æstimata. ibid.

O.

Oculus solis Abensinae hodie hortus el Matabaria. 244
Odor aromatum magni à Galeno habitus. 289

Odor manifestat non bonitatem tantum plantæ, sed & ipsam. 289
Odorata an cephalalgiam curent. 276
Mediocria optima. 276
Odor validus quid indicet. 253
Odor & sapor in examine opobalsami non negligendi. 294
Oleum juniperi celeriter diffunditur. 269

Mauritanicum oleum pro opobalsamo venditum. 260
eius differentia à balsami succo. ibid.
Oleum aliter maculat, quam opobalsamum. 296
Causæ opobalsamum necessario mutant. 393
Opobalsami controversia ubi & à quibus disceptanda. 231
Opobalsamum est Seri, cujus in sacris literis fit mentio. 236
ab antiquissimis seculis in Palæstinam & Syriam delatum. 236
Opobalsami consistentia varia. 239
odor acris recluso vase. ibid.
odor ejus circa fæces. ibid.
usus in theriaca. ibid.
Opobalsamum quomodo coctione frondium paratur. 249

Lana abstersum opobalsamum. 248
Opobalsami copia tempore Plinii & Solini. 236
Opobalsamum in & extra aquam lactescit. 298
Opobalsami fragrantia non est nimium extollenda. 306
notæ debent ejus naturæ consentire. ibid.

De opobalsamo quis optime judicare queat. 288
Opobalsamum facile inter Arabes abundare posse 287
Sincereum opobalsamum quod. 255
Opobalsamum improprie ἑλατον oleum dici. 247
Opobalsamum an semine adulteretur. 256
Recens opobalsamum non petit fundum. 298
 Ca-

I N D E X

- Caniculæ ortus Opobalsamo colligendo aptus.* 247
- Opobalsamum intra annum insigniter densari.* 293
- Opobalsamo nil obest quod ab aliquot pharmacopæis non fuerit cognitus.* 304
- Opobalsamum esse resinam.* 247
- Essentia opobalsami non consistit in collectionis modo.* 305
- non in conditione emptoris aut venditoris.* 305
- non in pretii magnitudine aut vilitate.* 305
- Opobalsami gutta multum lactis non densat.* 297
- densat partem lactis quam attingit.* *ibid.*
- soluta statim debilior fit.* *ibid.*
- Opobalsamum esse succum pinguem, esse viscidum.* 247 248
- Opobalsamum etiam optimos faeces deponit.* 247. 248
- Acidum opobalsamum sapore Veslingio non perceptum.* 291
- Opobalsamum decoctione parari quare facile.* 249
- Opobalsamum arte elicatum esse genuinum ejus succum.* 302
- Opobalsamum spissamentis unguentorum additum.* 277
- Odor opobalsami rutæ similis.* 253
- terebinthina & thure præstantior.* 254
- suavior resinis veteribus cognitis.* 254
- Opobalsamum vino & homini quomodo simile.* 252
- Læve opobalsamum unde, & quale sit.* 257
- Adstrictio & mordacitas opobalsami qualis.* 257
- Odor opobalsami qualis veteribus habitus.* 253
- cur eximius Theophrasto.* *ibid.*
- Odor opobalsami non superat ambraë fragrantiam.* *ibid.*
- non Jasmini & Bammia moscatæ.* 254
- Odora suavitas opobalsami varia.* 254
- pro ratione ætatis, collectionis, consistentiæ.* 254. 255
- ratione loci, & vecturæ.* *ibid.*
- Odor in Syriaco opobalsamo an suavior, quam Arabico.* 255
- Subacidum opobalsamum improbatum.* 256
- propter quas causas tale fiat.* 256
- Syriacum opobalsamum facilius acescere potuit.* 257
- Opobalsamum recens subacidum vaporem spirat.* 257
- Opobalsamum quando defuit.* 250
- Othmannus Abutalib opobalsami examinatus.* 238
- Arabicum opobalsamum habet notas omnes sinceritatis.* 273
- est idem cum illo, quod Judæa quondam produxit.* 273
- Arabes Opobalsamum an adulterent.* 260
- Arabes cur non adeò copiosum opobalsamum colligant.* 251
- Opobalsamum ex Arabia nunc temporis petendum.* 285
- Arabicum opobalsamum lac densat.* 267
- Arabicum opobalsamum lotionem aufertur.* 263
- Arabicum opobalsamum habet omnes bonitatis notas.* 258
- Adulteratio opobalsami quibus facta fuerit.* 258
- antiquissimis seculis recepta.* 258
- Cabiri opobalsami vitiatum.* 259
- Byzantii aliquando opobalsamum deesse.* 288
- Opobalsamum rarè in Græcia purum reperiebatur.* 259
- Venetiis opobalsamum satis obvium.* 286
- Opobalsamum vetus non sustinet examen recentis.* 286
- Patavii qui opobalsamum possederint.* 286
- Opobalsamum multa simul possidet, quæ in aliis singula.* 269. 270
- Opobalsamum recens non manet sub aqueis*

S E C U N D U S.

aqueis. 267
Opobalsamum an hodiè tam copiosum
 dubitatur. 288
Opobalsamum secundum ætatem variat.
 272
 quando fundum petat, & ob quàm
 causam. 272
 quando sursum remeet, & quando
 non. 272
 Odorem *opobalsami* parvi ducit Peregri-
 nus Pitorius. 289
 quomodo à Prospero Alpino sit deter-
 minatus. *ibid.*
 ture & terebinthina suaviorem esse.
ibid.
Opobalsamum non parit maculam. 262
 lac densat, & quomodo. 263. 264
 lacti & aquæ non miscetur. 264
 non adstringit fortiter. 264
 expansione debilitatur. 264
 salem habet coagulantem. 264
 Notæ *opobalsami* puri an immutabiles.
 270
 an constituent differentiam specificam.
 271
 Lacryma unica *opobalsami* latè superfi-
 ciem occupat. 268
 Lacrymæ *opobalsami* artificiosa plaga e-
 licite. 303
 Crassitiem *opobalsami* sequitur pertina-
 cior adhæsiō. 270. 271
Opobalsamum quodnam habendum genui-
 num. 269
 quodnam bonum, & incorruptum.
 269
 Senectus in *opobalsamo* omnia deteriora
 facit. 270
 Expansio *opobalsami* est æqualis. 268
 Solutio *opobalsami* non indiget agitatio-
 ne. 268
 Solutionis repentinæ causa. 269
 Solutionem *opobalsami* quid retardet, &
 tollat. 268
 Solutionem *opobalsami* consequitur ejus
 condensatio. 268
Opobalsamum densatum lactescit. *ibid.*
 causa lactescentiæ in *opobalsamo*. 269

Dilationem *opobalsami* quid impediat.
 272
Opobalsamum celeriter funditur. 268
Opobalsami celerior fusio signum Ara-
 bibus præcipuum. 266
 Fundi *opobalsamum* idem est quod solvi
 & liquari. 266. 267
 Solutio *opobalsami* non est mistio. 267
Opobalsamum Syriacum an magis den-
 set quàm Arabicum. 266
 Syriacum *opobalsamum* temperatius.
 266
 Succedanea *opobalsami* quæ. 280
Opobalsamo substituta myrrha statte.
 280
Opobalsami usus in vulnere temporum
 cum fractura ossis. 279
Opobalsami vis adversus aconita & vi-
 peræ venenum. 278
Opobalsami utilitas in affectibus ventri-
 culi, & uteri. 276. 277
 in difficultate respirandi. *ibid.*
 in calculis renum. *ibid.*
Opobalsamo Tolutana & Peruana lacry-
 ma substituta. 280
 oleum ex terebinthina flavum destilla-
 tum. *ibid.*
 oleum nucis moscatæ plurimum consensu
 adhibitum. *ibid.*
Opobalsamum quomodo vim habeat effi-
 cacissimam. 276. 277
 oculorum affectibus quibus & quomo-
 do medeatur. *ibid.*
 capitis dolores mirè mitigat. *ibid.*
Opobalsami adversus pestem vires.
 278
 in vulneribus. 249
Opobalsamum defunctis datum. 251
Opobalsami unguentis vitiati cognitio.
 262
 Turcarum Imperatori quantum *opobalsa-*
 mi mittatur. 289

P.

Pamphili herbarii scriptoris vanitas.
 285

T t

Vin-

I N D E X

Vincentii Panutii diligentia. 220
Partum & secundinas quæ promoveant. 277
*Peruana lacryma balsami succo substitu-
ta.* 280
*Pharmacopæos quid impulerit ad opobal-
samum damnandum.* 231
*Pharmacopæorum impetus in opobalsa-
mo damnando.* 230
Philosophiæ ansa. 288
Pbilemonis Cornici sententia laudata. 306
Pinguia semper superstant aqueis. 274
*Peregrinus Pitorius pharmacopæorum
propugnator.* 299
epistolis Veslingii abutitur. 299
*Peregrinus Pit. frustra dubitat an car-
pobalsamum deferatur.* 286
quantitate opobalsami offenditur. 286
*Peregrini Pitorii impetus in oppugnan-
do balsami succo.* 282
blanditiæ erga Baldum. *ibid.*
judicium de Donzellio. *ibid.*
*Censura P. Pitorii quibus fundamentis
nitatur.* 287. 288
*P. Pitorius rationes Cl. Baldi infirmas
docuit.* 282
*negat Manfredo usurpatum opobalsa-
mum fuisse sincerum.* *ibid.*
*experimentum de macula principale
existimat.* *ibid.*
*Alpinum substernere cogitat funda-
mentis.* *ibid.*
*Peregr. Pit. à venalibus opobalsamis ca-
vendum censet.* 294
*Per. Pitor. Alpinum Matthiolo post-
ponit frustra.* 298
*Peregr. Pitorius testibus de opobalsamo
fidem abnuit.* 298
*P. Pitorii processus veteris justitiæ nil
derogat opobalsamo.* 308
*Peregr. Pit. opobalsamum spissius fieri
confitetur.* 294
*Peregr. Pit. notæ sinceritatis sunt im-
mutabiles.* 291. 293
Peregrinatio solemnis Meccham. 237
quare Gestatio Vestis dicta. *ib.*

quando & quot diebus absolvitur. *ib.*
Pharmacopæorum de opobalsamo judicium. 302
*Pharmacopæi neque Dioscoridi neque Al-
pini scripta intellexere.* 303
iidem ob proterviam vix excusabiles. *ib.*
*iisdem opponuntur pharmacopæi rectius
sentientes.* *ib.*
*Plinius scribit quæ Dioscoridi adversan-
tur.* 289
Plinius multis mendis fædatus. 273
*Plinius de subsidentia opobalsami rejici-
tur.* 272
*in materiæ medicæ æstimatione Dio-
scoridi postponitur.* *ib.*
*Plinius cur odorem extulerit opobalsa-
mi.* 253
*Ponæ patris obobalsamum idem cum no-
stro.* 296
*Ponæ filii testimonium de opobalsamo A-
rabico.* 296
Idem laudatus. *ib.*
Petra oppidum Arabiæ. 275
*Πύργουαι quid Dioscoridi: quid Theo-
phrasto, & Aristoteli.* 264
Pulli in furnis exclusi sunt naturales. 304
*Pulmonibus obstructis quæ remedia me-
liora.* 278
Cassianus de Puteo eques laudatissimus. 304

R.

Rotelo quid Arabibus. 250
Resinosi liquores omnes qualitates
variant. 293
Ruellius de effusione, & inbæsi-
one opobalsami ansam præbuit dubitandi. 261
Ruellius de cera Cypria notatus. 260

S.

Sabæ regina Salomoni balsamum do-
nat. 235
an

S E C U N D U S.

<i>an Æthiopum Regina & Ægypti fuerit.</i>	235
<i>fuit Regina al Jamini.</i>	ibid.
<i>Saccharum est succus naturalis calami sui.</i>	304
<i>Saccharum quomodo concreascit.</i>	265
<i>Sal chymicis quomodo accipiat.</i>	ibid.
<i>Sal est causa proxima concretionis.</i>	ibid.
<i>Jo. Dominicus Sala laudatus.</i>	286
<i>Saladinus & Setbus de opobalsami subsidentia rejiciuntur.</i>	272
<i>Cl. Salmasii laus.</i>	ibid.
<i>animadversio in Plinium de generibus balsami.</i>	246
<i>Marius Schipanius opobalsamo subscribit.</i>	304
<i>Veterum scripta quis spernat.</i>	289
<i>Selim Imperator Ægyptum & Arabes domat.</i>	233
<i>Seriffi munera ad imperatorem Turcarum.</i>	237
<i>Marcus Aurelius Severinus Chiron alter.</i>	304
<i>Ludovicus Septalius notatus.</i>	279
<i>Petri Servii opinio.</i>	254
<i>Gulielmus Sobierus laudatus.</i>	237
<i>Strabo de viribus Opobalsami.</i>	276
<i>Succus ὀπὸς quotuplex Theophrasto.</i>	246
<i>Succi lacrymati quales.</i>	ibid.
<i>Lacrymati succi sunt odorati.</i>	246
<i>Suffusioni quæ remedia apta.</i>	276
<i>Sulphuris balsamici effluxus pallorem efficit.</i>	268. 269
<i>Sulphur insitum opobalsami in quo copiosius.</i>	303
<i>Sylæi Arabum legati astutia.</i>	233

T.

T <i>acitus de incisione balsami explicatus.</i>	248
<i>Tempus fabro malo comparat Crates.</i>	270
<i>Offis temporum perforatio.</i>	279
<i>Tenacia difficiliter abluuntur.</i>	272
<i>Terebintina odoratissima Theophra-</i>	

<i>sto.</i>	253
<i>Terebintbi cum balsamo similitudo.</i>	281
<i>ejus lacryma, oleum, fructus, & ramuli balsami succedanea.</i>	281
<i>Expertis & oculatis testibus credendum.</i>	294. 295
<i>Theophrastus opobalsamum ex aliorum relatione describit.</i>	288
<i>Arbor thurifera Deo sacra.</i>	234
<i>Tolutana lacryma cur opobalsamo substituenda.</i>	280
<i>quæ non eligenda pro succedaneo.</i>	ibid.
<i>Turcæ unguentis non sunt dediti.</i>	251
<i>eorum fœminæ stybio & ligustro contentæ.</i>	251

V.

V <i>altrotus (Joannis Baptista) opobalsamum probavit.</i>	304
<i>Veslingius de controverso opobalsamo quid senserit.</i>	305
<i>Veslingium balsamum controversum legitimum asserere.</i>	300
<i>nullis heterogeneis admixtis vitiatum.</i>	301
<i>odore tantum consueto paululum deflexisse.</i>	ibid.
<i>Epistola Veslingii ad Baldum Baldi priorem.</i>	299
<i>ejusdem epistola altera.</i>	300
<i>Veslingium à veteribus diversa asserere nil prohibet.</i>	303
<i>Opobalsamum decoctione elici fando tantum accepit Veslingius.</i>	302
<i>Vestimenta quibus instillatum opobalsamum varia.</i>	262
<i>Veteres duces nostri non domini fuerunt.</i>	300
<i>Gratitudo veterum adversus benefactores.</i>	227
<i>Viscida adhærent tenacius.</i>	261
<i>Vitra Europæorum magno pretio redimunt Indi.</i>	305
<i>Unguenta præstantiora veterum qualia fuerint.</i>	253
<i>Luxus veterum in unguentis.</i>	259
Un-	

INDEX SECUNDUS.

Unguenta quibus opobalsamum vitiatum. 260

Urbani VIII. Pontif. Maxim. prudentia. 231

Exemplum curati periculosi vulneris adbibito opobalsamo. 280

X.

Xylobalsami descriptio. 237. 238

odor facile resolvitur. *ibid.*

Xylobalsami succedaneum. 281

Xylobalsami examen. 273. 274

Xylobalsamum requiritur recens. *ibid.*

cito resolvitur, & quare. *ibid.*

sit tenui surculo, & rufum. *ibid.*

spiret opobalsamum. *ibid.*

affertur sæpe recens. *ibid.*

semine seu fructu balsami debilius.

278

quibus morbis medeatur. 278

quomodo convulsis auxilietur. 278

Convulsioni causæ quæ sint. 278

Xylobalsami usus in vulneribus. 278

pulvis ad ossium læsorum desquamationem confert. 279

pulvis unguentis additus. 279

Z.

Zacchias (Paulus) opobalsami vin-
dex. 304

Zacconis oleum opobalsami titulo vendi-
tum. 260

quale sit, & quomodo paretur. 260

ejus differentia ab opobalsamo. 260

Alpina
Verlano
Bot. Local

